

Kalaallit Nunaanni eqqartuussisarnermik inatsisip, Kalaallit Nunaanni pinerluttulerinermi inatsisip, qularnaveeqqusiisarneq pillugu Kalaallit Nunaannut inatsisip aamma aappariinnerup inatsisitigut sunniuteqarnera pillugu inatsisip Kalaallit Nunaannut atuutilersinneqarsimasut allanngortinneqarneri pillugit inatsit (Eqqartuussivinnut 2024-imiit 2027 ilanngullugu ukiunut arlalinnut isumaqatigiissutip ilaanik naammassinninneq)

Inatsiseqarnermut ministereqarfik

§ 1

Inatsimmik allanngorneri ilanngullugit nalunaarutiginninneq 1186, 18. september 2023-imeersoq, kingullermillu inatsimmi nr. [...] -imi § [x] -ikkut allanngortinneqartoq malillugu, Kalaallit Nunaanni eqqartuussisarnermik inatsimmi allannguutit tuliiuttut suliarineqassapput:

1. § 7, *imm. 1*, imatut allanneqassaaq:

»Nunatta Eqqartuussisuuneqarfia eqqartuussisuunernik 2-nik eqqartuussisuuneqarpoq, taakkunannga 1 nunap eqqartuussisuunerisa qullersaralugu. § 13 malillugu nunap eqqartuussisuuneri kunngimit nunap eqqartuussisuunerisut toqqarneqartarput.«

2. § 7 imm. 2 atorunnaarsinneqassaaq, taarsiullugulu nutaatut imm. 2-tut aamma 3-tut ilanngunneqassapput:

»Imm. 2. Nunatta Eqqartuussisuuneqarfiani suliat aalajangiiffigineqarneranni eqqartuussisoq 1 peqataassaaq, taamaattoq imm. 3 takuuk. Nunap eqqartuussisuunerata qullersaasup nunap eqqartuussisuunerata aappaa isumaqatigiinni arfigereerlugu suliap eqqartuussisut akornanni qanoq agguarneqarnissaa aalajangiiffigissavaa.

Imm. 3. Suliani Nunatsinni Eqqartuussivimmit suliarinneqqaarfittut aalajangiiffigineqarsimasuni, pingaarnertut isumaqatigiinni arnerup nalaani eqqartuussisut 3 peqataassapput. Pingaarnertut isumaqatigiinni arnerup avataani aamma eqqartuussisunik 3-nik peqataasoqarnissaa, eqqartuussivimmi siulittaasup aalajangersinnaavaa. § 14 malillugu, eqqartuussisunik 3-nik peqataasoqarpat, eqqartuussisuuneqarfik eqqartuussisuunermit Danmarkimeersumit 1-imit sulisoqassaaq. Pissutsit immikkut ittut pisillugit, taamaattoq eqqartuussisuuneqarfik Danmarkimit nunap eqqartuussisuunerinik 2-nnik sulisitsisinnaavoq.«

Matuma kingorna imm. 3 aamma 4 imm. 4 aamma 5-inngussapput.

3. § 7, imm. 4-mi, imm. 5-inngortussami, § 14, imm. 2-mi oqaaseqatigiit 2.-ani, § 22, imm. 3-mi oqaaseqatigiit 2.-ani sumiiffinni marlunni, § 23, imm. 3-mi, § 33, imm. 2-mi oqaaseqatigiit 1.-mi, aamma imm. 3-mi oqaaseqatigiit 1.-mi, § 35, imm. 3-mi, aamma § 38, imm. 1-mi oqaaseqatigiit 2.-ani, »nunap eqqartuussisuunera« imatut allanngortinneqassaaq: »nunap eqqartuussisuunerisa qullersaat.«.

4. § 9-p kingorna § 10 sioqqullugu qulequtaq sioqqullugu ilanngunneqassaaq:

»§ 9 a. Danskit eqqartuussisarnermik inatsisaanni § 18 malillugu, Eqqartuussivikkoortumik nalunaarsuineq pillugu eqqartuussiviup, Nunatsinni Eqqartuussivik nalunaarsuinermit suliaqarnerani (eqqartuussivikkoortumik nalunaarsuinerani) ikiussavaa. Isumaqatigiinnginnerni aalajangiisoqartussaatinagu, Nunatsinni Eqqartuussivimmi eqqartuussisuunerit qullersaata Eqqartuussivikkoortumik nalunaarsuineq pillugu eqqartuussiviup sulisui nalunaarsuinermit sulianik suliarinnissinnaanerannik piginnaatissinnaavai.«

5. § 11, imm. 1-mi aamma 2-mi »Nunap eqqartuussisuunera« ima allanngortinneqassaaq: »nunap eqqartuussisuuneri«.

6. § 13, *imm. 1*-imi, § 24-mi aamma § 33, *imm. 1*-imi, »nunap eqqartuussisuunera« imatut allanngortinneqassaput: »nunap eqqartuussisuuneri«.

7. § 14, *imm. 1*-imi, »*imm. 2*« imatut allanngortinneqassaaq: »*imm. 3*«.

8. § 14, *imm. 2*-mi *oqaaseqatigiit 2*.-ani, »akunnerminni« imatut allanngortinneqassaaq: »nunami eqqartuussisuunertut ivertitanut«.

9. § 22, *imm. 3*-mi *oqaaseqatigiit 2*.-ani, »Kalaallit Nunaanni Eqqartuussivimmi eqqartuussisumit aqutsisuusumit« imatut allanngortinneqassaaq: »Nunatsinni Eqqartuussivimmi eqqartuussisut qullersaannit aamma Nunatta Eqqartuussisuuneqarfiani nunap eqqartuussisuuneranit«.

10. § 24-mi »attuumassuteqarpallaarneri«, peerneqassaaq aamma »attuumassuteqarpallaarnera« imatut allanngortinneqassaaq: »attuumassuteqarpallaarneri«.

11. § 24-ip kingorna § 25 sioqqullugu qulequtaq sioqqullugu ilanngunneqassaaq:

»§ 24 a. Eqqartuussisoq, ukiuni imaluunniit peqqiilliornini pissutigalugit soraarninngorsimasoq, Nunatsinni Eqqartuussivimmi eqqartuussisut qullersaannit najukkami eqqartuussivimmi imaluunniit Nunatsinni Eqqartuussivimmi eqqartuussisutut suleqqullugu aggersarneqarsinnaavoq, imaluunniit piffissami aalajangersimasumi Nunatta Eqqartuussisuuneqarfiani eqqartuussisutut suleqqullugu nunap eqqartuussisuunerisa qullersaannit aggersarneqarsinnaalluni. Taamaallaat pissutsit immikkut ittut atuutsillugit piffissaq aggersarneqarfiusoq eqqartuussisup 74-inik ukioqalernera qaangerlugu sivitsorneqarsinnaavoq.

Imm. 2. Eqqartuussivinni fuldmægtigit eqqarsaatigalugit, *imm. 1* assinganik atuutissaaq.«

12. § 32-ip kingorna ilanngunneqassaaq:

»§ 32 a. Eqqartuussisunut, § 24 a malillugu aggersarneqartunut, malittarisassat §§ 26-imiittut aamma 28-imiit 32 ilanngullugu allassimasut assinganik atuutissaput.«

13. § 33, *imm. 2-mi oqaaseqatigiit 1.-mi*, »Eqqartuussiviit Qullersaata præidentimut« kingorna ilanngunneqassaaq: », Nunatta Eqqartuussisuuneqarfiani nunap eqqartuussisuuneranut Nunatta Eqqartuussisuuneqarfiani nunap eqqartuussisuunerisa qullersaannut«.

14. § 33, *imm. 2-mi, oqaaseqatigiit 2.-ani*, »Eqqartuussiviit Qullersaanni præidentip« kingorna ilanngunneqassaaq: », Nunatta Eqqartuussisuuneqarfiani eqqartuussisuunerit qullersaata«.

15. § 33, *imm. 3-mi oqaaseqatigiit 1.-mi*, »Nunatsinni Eqqartuussivimmi eqqartuussisut qullersaannut imaluunniit Den Særlige Klageret-imut,« kingorna ilanngunneqassaaq: »Nunatta Eqqartuussisuuneqarfiani nunap eqqartuussisuunera pillugu maalaarut Nunatta Eqqartuussisuuneqarfiani nunap eqqartuussisuunerisa qullersaannut imaluunniit Den Særlige Klageret-imut tunniunneqassaaq,«.

16. § 34, *imm. 1.-imi*, »aamma« imatut allanngortinneqassaaq: », «, aamma eqqartuussisutut toqqarneqanngitsut, « kingorna ilanngunneqassaaq: »aamma § 24 a malillugu eqqartuussisunut fuldmægtiginullu tikisitanut«.

17. § 34, *imm. 2-mi*, § 35, *imm. 4-mi*, § 37, *imm. 2-mi oqaaseqatigiit 1.-mi*, aamma § 743, *imm. 1.-imi*, »Nunap eqqartuussisuunera« imatut allanngortinneqassaaq: »Nunap eqqartuussisuunerisa qullersaat«.

18. *Kapitali 10-mi* § 128 a-p kingorna ilanngunneqassaaq:

»§ 128 b. Inuit sakkutuujunngitsut pillugit suliani piareersaataasumik inatsisitigut allaaserinninnerit, taakkunani piumasaqaatit inatsisitigullu pissutsit pillugit aalajangiullugu oqaatigiumasat allanneri, tamanna pissutissaqartillugu, atsiornermik originaliusumik atsiorneqassasut, eqqartuussiviup aalajangersinnaavaa.«

19. § 515, *imm. 2-mi oqaaseqatigiit 1.-mi* aamma *oqaaseqatigiit 2.-ani*, § 526, *imm. 2-mi oqaaseqatigiit 1.-mi* aamma *oqaaseqatigiit 3.-anni*, § 564, *imm. 2-mi oqaaseqatigiit 1.-mi* aamma *oqaaseqatigiit 3.-anni*, § 577, *imm. 2-mi oqaaseqatigiit 1.-mi* aamma *oqaaseqatigiit 3.-anni*, aamma § 585, *imm. 2-mi oqaaseqatigiit 1.-mi* aamma *oqaaseqatigiit 3.-anni*, »nunap eqqartuussisuunera« imatut allanngortinneqassaaq: »Nunatta Eqqartuussisuuneqarfia«.

20. § 526, imm. 2-mi oqaaseqatigiit 2.-ani, aamma § 585, imm. 2-mi oqaaseqatigiit 2.-ani, »Nunap eqqartuussisuunera« imatut allanngortinneqassaaq: »Nunatta Eqqartuussisuuneqarfia«.

21. § 598, imm. 6-imi, oqaaseqatigiit 2.-tut aamma 3.-tut ilanngunneqassapput:

»Pisuni, imm. 1, nr. 5-imi taaneqartuni, inummi akiligassaqartumi, akiliussisussamaataasumi imaluunniit qularnaveeqqusiussaqaarluni taarsigassarsisumit digitaliusumik qularnaveeqqusiussaqaarluni taarsigassarsinermi allagartaliinikkut, nalunaarsorneqarsimasukkut imaluunniit nalunaarsornikuusimasukkut, pisussaaffilerneqarsimasumi naammassinninneq aammattaaq suliarineqarsinnaavoq. Pisuni, imm. 1, nr. 6-imi aamma 7-mi taaneqartuni, atsiorneq digitaliusumik ilanngunneqarsimasinnaavoq.«

22. § 642-imi imm. 3-tut ilanngunneqassaaq:

»Imm. 3. Digitaliusumik qularnaveeqqusiussaqaarluni taarsigassarsinermi allagartaq imm. 2-p malitsigisaanik pigisat aalaakkaasut pillugit eqqartuussivikkut nalunaarsuinermtu atuakkami quppernerminut nungutinneqarsimappat, inuk, pigisat aalaakkaasut pillugit eqqartuussivikkut nalunaarsuinermtu atuakkami paasissutissat malillugit qularnaveeqqusiussaqaarluni taarsigassarsinermi allagartaq malillugu inuttut pissarsiassaqaarpat pissarsiassat pillugit akiligassalimmit piunasaqaateqarsinnaatitaasup, Nunatsinni Eqqartuussiviup digitaliusumik qularnaveeqqusiussaqaarluni taarsigassarsinermi allagartaq pappiaranngorlugu takussutissianngortissagaa, piunasaqaatigisinnaavaa. Pappiaranngorlugu takussutissiaq akiitsut allagartaattut originaliusutut isigineqassaaq.«

§ 2

Inatsimmik allanngorneri ilanngullugit nalunaarutiginninneq nr. 1187, 18. september 2023-imeersoq, inatsisimmi nr. 1782, 28. december 2023-imeersumi § 1-imi aamma inatsimmi nr. [...] -imi allanngortinneqartumi Kalaallit Nunaanni pinerluttulerinermi inatsimmi allanngineq tulluuttoq suliarineqassaaq:

1. § 163-imi imm. 2-p kingorna immikkoortutut nutaatut ilanngunneqassaaq:

»Imm. 3. Kalaallit Nunaanni toqqammavigisassat ilinniartinneqarnerannut, siunnersorneqarnerannut atorfinitsinneqarnerannullu attuumassuteqartunik suliaqartussamik toqqammavigisassanut ataqatigiissaarisumik inatsiseqarnermut ministeri toqqaasinnaavoq.«

Tamatuma kingorna imm. 3 imm. 4-nngussaaq.

§ 3

Qularnaveeqqusiisarneq pillugu Kalaallit Nunaannut inatsimmi 10. maj 1967-imeersumi, inatsisikkut nr. 34, 31. januar 1979-imeersukkut aamma inatsisikkut nr. 849, 21. december 1988-imeersukkut allanngortinneqartumi allannguinerit tulliuttut suliarineqassapput:

1. § 1, imm. 3-mi oqaaseqatigiit 1.-mi, »imatut paasineqassaaq« sioqqullugu ilanngunneqassaaq: »inatsimmi matumani«.

2. § 1-p kingorna ilanngunneqassaaq:

»§ 1 a. Pigisanik qularnaveeqqusiissutini, pigisanik qularnaveeqqusiisummi qularnaveeqqusiinermi pisinnaatitaaffiit, taakkunani qularnaveeqqusiussaq qularnaveeqqusiisumit pigiinnarneqarluni, qularnaveeqqusiussaqarluni taarsigassarsinermi allagartaq, qularnaveeqqusiussaqarluni taarsigassarsinermi allagartaq pillugu isumaqatigiissutigineqartunut imaluunniit qularnaveeqqusiussaqarluni taarsigassarsinermi allagartap eqqartuussivikkoortinneqarnissamut illersorneqassappat, taakkua nalunaarsorneqassapput.

Imm. 2. Imm. 1 malillugu pigisanik qularnaveeqqusiisummi qularnaveeqqusiinermi pisinnaatitaaffik, tassani qularnaveeqqusiussaq qularnaveeqqusiisumit pigiinnarneqarluni, aamma imm. 1 malillugu pigisami aalaakkaasumi qularnaveeqqusiisummik piginnittup akiitsut akilersorneqarnissaat anguniarlugu qularnaveeqqusiussap tiguneqarnissaanut akiligassaqarfigisanit allanit salliutinneqarnissamik pisinnaatitaaffiata, pigisanik qularnaveeqqusiisummi pisinnaatitaaffimmik nalunaarsorneqarsimanngitsumik imaluunniit pigisanik qularnaveeqqusiisummut killissarititaasut iluanni inangiisinnaasariaqartussaq, nalunaarsorneqarsimassaaq, aamma isumaqatigiissut malillugu pissarsisoq ajortussamik isumaqassanngilaq. Pigisani nuunneqarsinnaasuni qularnaveeqqusiissanut

qularnaveeqqusiisumit piginnarneqartunut, isumaqatigiissusiornikkut pilersinneqartunut, tamanna aamma atuuppoq.

Imm. 3. Pigisanik qularnaveeqqusiisummik, pigisanik qularnaveeqqusiinermi pisinnaatitaaffimmik, tassani qularnaveeqqusiussaq qularnaveeqqusiisumi piginnarneqarluni, nalunaarsorneqarsimasumik qularnaveeqqusiisummik piginnittoq, ajortussamik isumanani aamma pigisanik qularnaveeqqusiissutip iluani imaluunniit pigisanik qularnaveeqqusiisummut killissarititaasut iluani, qularnaveeqqusiisummik piginnittut akiitsut akilersorneqarnerisa naammassineqarnissaat anguniarlugu qularnaveeqqusiussap tiguneqarnissaanut akiligassaqaqfigisanit allanit salliutinneqarnissamik pisinnaatitaaffiit kingusinnerusukkut nalunaarsorneqarsimasut sioqqullugit salliutinneqarluni, pisinnaatitaaffiit pigisami qularnaveeqqusiiffigineqarsimasumit akilerneqartussat tulleriiaarneqarneranni appasinnerusumik inissinneqartut pillugit nalunaarutip qularnaveeqqummik piginnittumut apuunnissaata tungaanut akiligassarineqartut qularnaveeqqusikkat amerlisinnaavai.

Imm. 4. Qularnaveeqqusiisummik piginnittup akiitsut akilersorneqarnissaat anguniarlugu qularnaveeqqusiussap tiguneqarnissaanut akiligassaqaqfigisanit allanit salliutinneqarnissamik pisinnaatitaaffiata imm. 1-imi taaneqartup imaluunniit § 1, imm. 1 malillugu qularnaveeqqusiisup akiligassaqaqfigisanit allanit salliutinneqarnissamik pisinnaatitaaffiisa tunniunneqarnerat imaluunniit allatut nuunneqarnerat, isumaqatigiissutinut, qularnaveeqqusiisummik piginnittup akiitsut akilersorneqarnissaat anguniarlugu qularnaveeqqusiussap tiguneqarnissaanut akiligassaqaqfigisanit allanit salliutinneqarnissamik pisinnaatitaaffiata ajortussamik isumanani isumaqatigiissutigineqartunut, aamma eqqartuussisutigoortinneqannginnissamut illersorneqarnissaat anguniarlugu nalunaarsorneqassapput.«

3. § 3-p kingorna ilanngunneqassaaq:

»§ 3 a. Qularnaveeqqusiussaqarluni taarsigassarsinermi allagartaq, atsiortup qularnaveeqqusiiffigisamut akiitsorisinnaasaanik qularnaveeqqutaasoq pigisani aalaakkaasuni qularnaveeqqusiisoq, minillugu, qularnaveeqqusiussaqarluni taarsigassarsinermut allagartami »tuniniarneqarsinnaanngitsoq«-p nangaassutilluunniit assigisai pillugit oqaatsit ilanngunneqarsimatutnngippata, qularnaveeqqusiussaqarluni taarsigassarsinermut allagartaq nalunaarsorneqarsimasoq, tuniniarneqarsinnaavoq.

Imm. 2. Qularnaveeqqusiussaqaarluni taarsigassarsinermi allagartaq, pigisani nuunneqarsinnaasuni qularnaveeqqusiisoq, qularnaveeqqusiussaqaarluni taarsigassarsinermi allagartami tamanna erseqqissumik takuneqarsinnaanngippat, tuniniarneqarsinnaanngilaq. Qularnaveeqqusiussaqaarluni taarsigassarsinermi allagartat atsiortup qularnaveeqqusiiffigisamut akiitsorisinnaasaanik qularnaveeqqutaasut tassaanngillat qularnaveeqqusiussaqaarluni taarsigassarsinermi allagartat.

§ 3 b. Qularnaveeqqusiussaqaarluni taarsigassarsiniarnermut allagartaq tuniniarneqarsinnaasoq nalunaarsorneqarsimasorlu, pigisanut aalaakkaasunut tamanut inatsisinut tunngatillugu eqqartuussivikkut nalunaarsukkani piginnaassuseqartitaasumit pigisassanngorlugu tunniunneqarpat qularnaveeqqusiunneqarpalluunniit, aamma pissarsisoq ajortussamik isumaqarani tunniussineq nalunaarsortissimappagu, akiitsulimmit akerliliissutit, akiitsut allagartaat pillugit inatsimmi § 15, imm. 1-imi ilaatinneqartut arlaannaannilluunniit atuutitsivigineqarsinnaanngilaq.

Imm. 2. Akiitsut allagartaat pillugit inatsimmi § 16 malillugu, akiitsullip akerliliissutini nammineerluni ajortussamik isumaqarani pissarsisumut pigiinnassavai. Akiitsut allagartaat pillugit inatsimmi § 17 malillugu tamanna akiitsullip akerliliissutaannut aamma atuuppoq.

§ 3 c. Qularnaveeqqusiussaqaarluni taarsigassarsiniarnermut allagartaq tuniniarneqarsinnaasoq nalunaarsorneqarsimasorlu, pigisanut aalaakkaasunut tamanut inatsisinut tunngatillugu eqqartuussivikkut nalunaarsukkani piginnaassuseqartitaasumit pigisassanngorlugu tunniunneqarpat qularnaveeqqusiunneqarpalluunniit aamma pissarsisoq ajortussamik isumanani pisinnaatitaaffimminik nalunaarsuisitsisimappat, pigisanut aalaakkaasunut tamanut inatsisinut tunngatillugu eqqartuussivikkut nalunaarsukkat malillugit piginnaassuseqartitaasup nammineersinnaassuseqannginnera imaluunniit qularnaveeqqusiussaqaarluni taarsigassarsiniarnermut allagartamik atuisinnaannginnera, pissarsisup pisinnaatitaaffiitut akornutaanngilaq.

§ 3 d. Akiligassalik pisassanik, nalimmassaarinermut atorneqarsinnaasunik peqartoq, aamma akiligassalik nalimmassaarisinnaanermit akornuserneqarpat, akiligassalik tunniussinermi annaasaqassasoq, pissarsisup nalunngippagu, inummut, qularnaveeqqusiussaqaarluni taarsigassarsiniarnermut allagartamik tuniniarneqarsinnaasumik piginninnermik imaluunniit

qularnaveeqqusiinermik tunniussineq pillugu nalunaarsuisitsisimasumut, tunniussisup pisassaanik nalimmassaaneq akiligassallip taamaallaat piumasaqaatigisinnaavaa.

Imm. 2. Qularnaveeqqusiussaqaarluni taarsigassarsinermi allagartamit pisassarisat pillugit inatsisitigut pissutsinit assinginik aallaavilinnik, pisassarisanik nalimmassaarisinnaaneq, pissutsinut taakkununga akerliliisoqarsinnaanera pillugu malittarisassanit malitseqartitsinerit allat malitseqartitsissutaanngippata, taamaattoq taamaakkaluartoq tunniussinermi attatiinnarneqassapput.

§ 3 e. Ernianik akiliineq aamma qularnaveeqqusiussaqaarluni taarsigassarsiniarnermut allagartamut tuniniarneqarsinnaasumut akilersuutit, ajortussamik isumaqarnani suliarineqarpata, inummut, pigisat aalaakkaasut pillugit eqqartuussivikkut nalunaarsuinermit atuakkami akilersuutinik taaneqartunik tiguisinnaatitaasumut inatsisitigut akuerisaasumik tunniunneqassapput.

Imm. 2. Qularnaveeqqusiussaqaarluni taarsigassarsiniarnermut allagartaq tuniniarneqarsinnaasoq nalunaarsorneqarsimasoq pigisassatut qularnaveeqqusiussatulluunniit tunniunneqarsimappat, akiligassallip ajortussamik isumaqanngitsup erniat isumaqatigiissut malillugu piffissami aalajangersimasumi akilerneqartussat tunniussisumut akilerunigit, illuatungerisaminut pisussaaffeerutissaaq. Akilersuutinut, qularnaveeqqusiussaqaarluni taarsigassarsinermi allagartamut nalunaarsorneqarsimasumut piffissami aalajangersimasumik taaneqarsimasumi akilerneqartussanut, tamanna aamma atuuppoq.

§ 3 f. Qularnaveeqqusiussaqaarluni taarsigassarsinermi allagartaq tuniniarneqarsinnaasoq nalunaarsorneqarsimasoq malillugu imaluunniit pigisanik qularnaveeqqusiisummi qularnaveeqqusiinermi pisinnaatitaaffik, tassani qularnaveeqqusiussaqaarluni qularnaveeqqusiisumit pigiinnarneqartoq nalunaarsorneqarsimasoq malillugu, qularnaveeqqusiussaqaarluni taarsigassarsinermi allagartap imaluunniit pigisanik qularnaveeqqusiisummi qularnaveeqqusiinermi pisinnaatitaaffik, tassani qularnaveeqqusiussaqaarluni qularnaveeqqusiisumit pigiinnarneqartoq nalunaarsorneqarsimasoq nunguterneqassappat, akiligassalik taamaallaat akiligassaminik akiliinissaminut pisussaataitaavoq.

§ 3 g. Qularnaveeqqusiussaqaarluni taarsigassarsinermi allagartaq tuniniarneqarsinnaasoq nalunaarsorneqarsimasoq malillugu akiligassallip ulloq akiliiffissaq sioqqullugu akilersuutit akilerpagit, matumani immikkut

ittumik akilersuutit ilanngullugit, matumuuna qularnaveeqqusiussaqluni taarsigassarsinermi allagartap nalunaarsorneqarsimanerata tamanna naapertorlugu allanngortinneqarnissaa piumasaqaatigisinnaavaa. Akiligassalik piffissaq akiliiffissaq, qularnaveeqqusiussaqluni taarsigassarsinermi allagartaq malillugu akiliiffiususaaq, qaangerlugu akilersuutinik akiliippat, akiligassallip immikkut ittumik akilikkat pillugit allakkamik uppersaataasumik taamaallaat piumasaqarsinnaavoq.

Imm. 2. Pisassarisat pillugit atorunnaarsitsisoqarsimappat, qularnaveeqqusiussaqluni taarsigassarsinermi allagartap nalunaarsorneqarsimanerata nungutinneqarnissaa, akiligassallip piumasarsinnaavaa. Pisassarisat pillugit isumaqatigiissuteqarnikkut, nalimmassaarinissaaq pillugu nalunaaruteqarnikkut, eqqartuussutikkut imaluunniit taamaatitsinikkut allanngortinneqarsimappat, akiligassallip tamatumma nalunaarsorneqarnissaa piumasarsinnaavaa.«

4. § 4, *imm. 1*-imi *oqaaseqatigiit 1.-mi*, »landsretimut« imatut allanngortinneqassaaq: »Nunatsinni Eqqartuussivimmut«.

5. § 4, *imm. 1*-imi *oqaaseqatigiit 2.-ani*, »tigusaqarnerup ulluanit« imatut allanngortinneqassaaq: »tigusaqarnermit«.

6. § 4, *imm. 2*-mi, »ministerimit« imatut allanngortinneqassaaq: »inatsiseqarnermut ministerimit«.

7. § 4, *imm. 2*-mi, *oqaaseqatigiit 2.-tut* ilanngunneqassaaq:
»Matuma ataani nalunaarsuisarnerup digitaliusumik takussutissiat tunngavialugit pisinnaanera, taaneqartut pillugit pisussaajunnaarsinneqarneq, nalunaarutiginnittartut akuerisaasut pillugit aamma pisinnaatitsissutit pillugit, inatsiseqarnermut ministeri malittarisassanik aalajangersaasinnaavoq. Tassunga atatillugu Nunatsinni Eqqartuussiviup inunnik paasissutissanik suliarinnittarnera aamma Tinglysningsret-imut ingerlatitseqqittarnera, matumani inuit- normuinik suliarinninneq ilanngullugu, pillugit malittarisassanik erseqqinnerusunik Inatsiseqarnermut ministeri aalajangersaasinnaavoq.«

Social-, Bolig- aamma Ældreministereqarfik

Aappariinnermi inatsisitigut kingunerisassat pillugit inatsimmi, inatsisikkut nr. 150, 31. marts 1993-imeersukkut Kalaallit Nunaannut atuutilersinneqartumi, inatsisikkut nr. 103, 3. februar 2016-imeersukkut allanngortinneqartumi aamma inatsimmi nr. 414, 25. april 2023-imeersumi § 6-ikkut allanngortinneqartumi, allannguinerit tulluuttut suliarineqassapput:

1. § 37-mi oqaaseqatigiit 2.-at atorunnaarsinneqassaaq.

§ 5

Imm. 1. Inatsit ulloq 1. marts 2025 atuutilissaaq, taamaattoq tak. imm. 2.

Imm. 2. § 1, nr. 4-p, kiisalu §§ 3-p aamma § 4-p atuutilerfissaannut piffissaq inatsiseqarnermut ministerip **Naalakkersuisut isumaqatigiinniartigereerlugit** aalajangersassavaa. **Aalajangersakkat piffissani assigiinngitsuni atuutilissasut, ministerip Naalakkersuisut isumaqatigiinniartigereerlugit aalajangersarsinnaavaa.**

Imm. 3. Inatsimmik allanngorneri ilanngullugit nalunaarutiginninneq nr. 1187, 18. september 2023-meersoq malillugu Kalaallit Nunaanni pinerluttulerinermi inatsimmi § 163, imm. 3-p malitsigisaanik malittarisassat atulersinneqartut, atorunnaarsinneqarnissami tungaannut imaluunniit inatsimmi matumani § 2, nr. 1 malillugu, Kalaallit Nunaanni pinerluttulerinermi inatsimmi § 163, imm. 4-p malitsigisaanik malittarisassanit atulersinneqarsimasunit taarserneqarnissamik tungaannut atuutissapput.

§ 6

Imm. 1. § 1, nr. 4-p atuutilersinneqarnissaa sioqqullugu qularnaveeqqusiussaarluni taarsigassarsinermi allagartami nalunaarsorneqarsimasumi pisinnaatitaaffiit, akiitsut pillugit inatsimmi malittarisassat malillugit isumaqatigiissutinit allanngortinneqarnissaminnut aamma eqqartuussisutigoortinneqarnissaminnut illersorneqarnissamik qulakkeerinniffiusimasut, illersorneqarnertik attatiinnassavaat, taamaattoq tak. imm. 6.

Imm. 2. Pisinnaatitaaffiit imm. 1-imi taaneqartut nalunaarsorneqarsinnaapput. Qularnaveeqqusiussaarluni taarsigassarsinermi allagartat imm. 1-imi taaneqartut

nalunaarsorneqarneranni, digitaliusumik qularnaveeqqusiussaqarluni taarsigassarsinermini allagartatut allanngortinneqassapput.

Imm. 3. § 1, nr. 4-p atuutilersinneqarnissaa sioqqullugu qularnaveeqqusiussaqarluni taarsigassarsinermini allagartani nalunaarsorneqarsimasuni pisinnaatitaaffiit nutaat imaluunniit allannguutit, qularnaveeqqusiussaqarluni taarsigassarsinermini allagartaq pillugu isumaqatigiissutitut aamma eqqartuussivikkoortinneqarnissamut illersorneqassagunik, nalunaarsorneqassapput. Qularnaveeqqusiussaqarluni taarsigassarsinermini allagartap tunniunneqarnerani imaluunniit allatut nuunneqarnerani tamanna aamma atuuppoq. Qularnaveeqqusiussaqarluni taarsigassarsinermini allagartaq nalunaarsorneqarnermini, digitaliusumik qularnaveeqqusiussaqarluni taarsigassarsinermini allagartatut allanngortinneqassaaq. Isumaqatigiissut imaluunniit eqqartuussisutigoortitsineq, qularnaveeqqusiussaqarluni taarsigassarsinermini allagartami pisinnaatitaaffimmit nalunaarsorneqarsimanngitsumit inangiisussanngussaguni, nalunaarsorneqarsimassaaq aamma isumaqatigiissut malillugu pissarsisoq ajortussamik isumaqassanngilaq.

Imm. 4. Imm. 2 aamma 3 malillugit allanngortitsiniarluni nalunaartuiginninnermini nalunaarutiginnittup qularnaveeqqusiussaqarluni taarsigassarsinermini allagartaq originaliusoq Nunatsinni Eqqartuussivimmut nassiutissavaa. Qularnaveeqqusiussaqarluni taarsigassarsinermini allagartaq tammarsimappat, allanngortitsineq sulii sioqqullugu, pappiaqqat nalillit atorunnaarsinneqartarnerat pillugu inatsimmi malittarisassat malillugit atorunnaarsitsinissaaq pillugu nalunaarutiginnittoq suliamik allaartitsissaaq.

Imm. 5. Qularnaveeqqusiissutitalinnik taarsigassarsitsisarfii aamma qularnaveeqqusiissutitalinnik taarsigassarsitsisarfii obligationii il. il. pillugit inatsit malillugu qularnaveeqqusiussaqarluni taarsigassarsinermini allagartat tuniniarneqarsinnaanngitsut tigussaasumik sallunaveeqquteqarluni taarsigassarsitsisarfinnut il. il. atulersinneqarsimasut, § 1, nr. 4-p atuutilernerani digitalinngorlugit allanngortinneqarsimasutut isigineqassapput.

Imm. 6. Pigisanik qularnaveeqqusiissutini nalunaarsorneqarsimasuni pisinnaatitaaffiit, inatsimmi § 1, nr. 4-p atuutilinnginnerani akiitsut allagartaat pillugit inatsimmi malittarisassat malillugit isumaqatigiissutitut eqqartuussivikkoortinneqarnissamullu illersorneqarnermik angusisimasut, illersuut taanna piginnarniarlugu ullup taassuma kingorna kingusinnerpaamik ukiut 5 qaangiutsinnagit, qularnaveeqqusiisarneq pillugu Kalaallit Nunaannut inatsimmi malittarisassat malillugit nalunaarsorneqassapput. Piffissaliussap eqqortinneqarnissaanut

pisinnaatitaaffiup nalunaarsorneqartussatut nalunaarutigineqarsimanera, aamma piffissaliussaq naatinnagu imm. 8 malillugu uppersartaat pisariaqartinneqartut nassiunneqarsimanissaat naammapput. Pigisanik qularnaveeqqusiissummi oqaaseqatigiinni siullerni taaneqartumi, pisinnaatitaaffiit nalunaarsorneqarneranni, pigisanik qularnaveeqqusiissut digitaliusumik pigisanik qularnaveeqqusiissunngortillugu allanngortinneqassaaq.

Imm. 7. Pigisanik qularnaveeqqusiissummi nalunaarsorneqarsimasumi § 1, nr. 4-p atuutilernissaa sioqqullugu pisinnaatitaaffiit nutaat imaluunniit allannguinerit qularnaveeqqusiussaqarluni taarsigassarsineri allagartaq pillugu isumaqatigiissutinut illersorneqassagunik aamma qularnaveeqqusiussaqarluni taarsigassarsineri allagartaq pillugu isumaqatigiissutinut imaluunniit eqqartuussivikkoortitsinissamut illersorneqassaguni nalunaarsorneqassaaq. Pigisanik qularnaveeqqusiissutip tunniunneqarnerani imaluunniit pigisanik qularnaveeqqusiissummi pisinnaatitaaffiit allatut nuunneqarneranni tamanna aamma atuuppoq. Nalunaarsuineri pigisanik qularnaveeqqusiissut digitaliusumik pigisanik qularnaveeqqusiissutinngorlugu allanngortinneqassaaq. Qularnaveeqqusiisarneq pillugu Kalaallit Nunaannut inatsimmi § 1 a, inatsimmi matumani § 3, nr. 2-tut oqaasertaliorneqartoq atorineqassaaq.

Imm. 8. Imm. 6 aamma 7 malillugit allanngortitsineri nalunaarutiginnittup pigisanik qularnaveeqqusiissut originaliusoq Nunatsinni Eqqartuussivimmut nassiutissavaa. Pigisanik qularnaveeqqusiissut tamarsimappat, allanngortitsineq sioqqullugu, pappiaqqat aningaasanik nalillit atorunnaarsinneqartarnerat pillugu inatsimmi malittarisassat malillugit, atorunnaarsitsinissaq pillugu nalunaarutiginnittoq suliamik aallartitsissaaq, taamaattoq tak. imm. 10. Pigisanik qularnaveeqqusiissummi imaluunniit pigisanik qularnaveeqqusiissutip killissarititaata iluani pisinnaatitaaffinnik allanik peqarnerisooq nalunaarutiginnittup aammattaaq taassavaa, kiisalu taamaattoqarpat pisinnaatitaaffinnik piginnittup kinaassusaa aamma qularnaveeqqusiussaqartut qularnaveeqqutaasa akilerneqarnisaat pillugit pingaarnersuineri pisinnaatitaaffinnik piginnittut imminnut tulleriiaarineri inissisimaffii taassallugit.

Imm. 9. Imm. 6-imi aamma 7-mi pigisanik qularnaveeqqusiissummik tigumminnittutut taaneqartup aamma qularnaveeqqusiissut imaluunniit pisinnaatitaaffinnik piginnittunit allanik qinnuteqarneq malillugu imm. 8 malillugu pigisanik qularnaveeqqusiissutip allanngortinneqarnissaata naammassineqarnissaanut peqataanissani pisussaaffigaa.

Imm. 10. Pigisanik qularnaveeqqusiissutit pigisani aalaakkaasuni qularnaveeqqusiussisut pillugit, tassani akiligassaviit annerpaamik 50.000 koruuniullutik, nalunaarutiginnittup, nalunaarutitik tiguisusaaq pillugu atsiorneq pillugu takussutissiap inatsisitigut atuuttuunerata uppersaataaneraniq nalunaarsuisitsisimasup, qinnuteqarneratigut, digitaliusumik pigisanik qularnaveeqqusiissutinngortillugit allanngortinneqarsinnaapput.

Imm. 11. Qularnaveeqqusiussaqarluni taarsigassarsinermi allagartaq, digitaliusumik qularnaveeqqusiussaqarluni taarsigassarsinermi allagartanngortillugu allanngortitsinerup kingorna, qularnaveeqqusiussaqarluni taarsigassarsinermi allagartaq pappiaqqamik tunngaveqartoq, inatsisitigut siunniuteqarunnaassaaq.

Imm. 12. Qularnaveeqqusiussaqarluni taarsigassarsinermi allagartat pappiaqqanik tunngavillit digitaliusumik qularnaveeqqusiussaqarluni taarsigassarsinermi allagartanngortinneqarnerisa nalunaarutigineqarnerannut atasumik malittarisassanik erseqqinnerusunik inatsiseqarnermut ministeri aalajangersaasinnaavoq. Tassunga atatillugu Nunatsinni Eqqartuussiviup inunnik paasissutissanik suliarinnittarnera aamma Tinglysningsret-imut ingerlatitseqqittarnera, matumani inuit-normuinik suliarinninneq ilanngullugu, pillugit malittarisassanik erseqqinnerusunik Inatsiseqarnermut ministeri aalajangersaasinnaavoq.«

§ 7

Inatsimmi matumani § 1, nr. 4-p atuutilinnginnerani takussutissiat nalunaarsorneqarsimasut assilillugit sanaqqinneqarsimasut, suliaassap takussutissartaani digitaliusumik takutinneqarsinnaasunngortinneqarpata, taakkua nungutinneqarsinnaapput.

Inatsisissatut siunnersuummut oqaaseqaatit
Oqaaseqaatit nalinginnaasut

Imarisai

1. Aallaqqaasiut

2. Inatsisissatut siunnersuummi immikkoortut pingaarnerit

2.1. Nunatta Eqqartuussisuuneqarfiani atorfiit akuerisaasut

2.1.1. Inatsisit atuuttut

2.1.2. Inatsiseqarnermut ministereqarfiup isumaliutiginninnera aamma aqqissuussineq siunnersuutigineqartoq

2.2. Eqqartuussisut aggersarneqartartut

2.2.1. Inatsisit atuuttut

2.2.2. Inatsiseqarnermut ministereqarfiup isumaliutiginninneri aamma aqqissuussineq siunnersuutigineqartoq

2.3. Toqqammavigisassanut ataqatigiissaarisooq

2.3.1. Inatsisit atuuttut

2.3.2. Inatsiseqarnermut ministereqarfiup isumaliutiginninneri aamma aqqissuussineq siunnersuutigineqartoq

2.4. Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqalernera

2.4.1. Inatsisit atuuttut

2.4.2. Inatsiseqarnermut ministereqarfiup isumaliutiginninneri aamma aqqissuussineq siunnersuutigineqartoq

2.5. Eqqartuussisarnermi digitaliusumik attaveqatigiinneq

2.5.1. Inatsisit atuuttut

2.5.2. Inatsiseqarnermut ministereqarfiup isumaliutiginninneri aamma aqqissuussineq siunnersuutigineqartoq

3. Pisortanut aningaasaqarnikkut kingunissaa aamma atortuulersitsinermit kingunissaa

4. Paasissutissat illersorneqarnissaannut inatsisitigut pissutsinut tunngasut pillugit

5. Inuussutissarsiornermut il. il. aningaasaqarnikkut allaffissornikkullu kingunissaa

6. Innuttaasunut allaffissornikkut kingunissaa

7. Silap pissusianut kingunissaa

8. Avatangiisinut aamma pinngortitamut kingunissaa

9. EU-mi inatsisitigut tunngassuteqartut

10. Oqartussa qarfiit suliniaqatigiiffillu il. il. tusarniaaffigineqartut

11. Immersugaq eqikkaaffiusooq

1. Aallaqqaasiut

1.1. Innuttaasut toqqissisimallutik kiffaanngissuseqarlutillu inuunissaat naalakkersuisunut

(Socialdemokratinit, Venstre-mut aamma Moderaterne-nut) pingaaruteqarpoq. Soorlu aamma naalakkersuisooqatigiinnissamut tunngavimmi “Danmarkimut akisussaaffeqarneq”-mi takuneqarsinnaasoq, naalakkersuisut taamaammat ilaatigut danskit eqqartuussiviini utaqqisarnerit sivisoorujussuit sivikillineqarnissaat, ilaatigut eqqartuussisarnerup piuminarnerulersinneqarneratigut, naalakkersuisut kissaatigaat.

Naalakkersuisut aamma Socialistisk Folkeparti, Danmarksdemokraterne, Liberal Alliance, Det Konservative Folkeparti, Enhedslisten, Radikale Venstre, Dansk Folkeparti, Alternativet aamma Nye Borgerlige ulloq 22. november 2023 eqqartuussiviit 2024-imiit 2027 ilanngullugu aningaasaqarnerat pillugu isumaqatigiissuteqarput.

Isumaqatigiissummi takuneqarsinnaasutut, eqqartuussiviit ingerlalluartut tassaapput naalagaaffimmut inatsisit tunngavigalugit naalakkersugaasumut sukaasut tunngaviusut. Eqqartuussiviit tatigineqarnerat annertoorujussuusoq, aamma europamiut isaannit isigalugu naammassisaqarsinnaassuseq annertuujusoq, nunat tamat akornanni misissuinerit takutippaat. Kisianni sulianik suliarinnittarnermi piffissap malunnaatilimmik sivitsorsimanera eqqartuussiviit misigisimavaat.

Ineriartornerup illuatunngaanut saatinneqarnissaa aamma eqqartuussivinni pissutsit atasinnaanngitsut iluarsineqarnissaat suliassaasoq pingaaruteqartoq, partiit isumaqatigiissusioqataasut isumaqatigiissutigaat. Isumaqatigiissut aqutigalugu eqqartuussiviit pitsaasumik ineriartortinneqarnissaat naammassineqassaaq, taassumalu eqqartuussiviit aningaasaqarnerat pillugu eqqissisimanermik aalaakkaasumillu sulinissamik pilersitsissaaq aamma suliat suliarineqartarnerannut piffissap sivitsoriartornera pissutigalugu eqqartuussivinnut unammilligassat isumagineqarnissaannut ukiunut arlalinnut suliniutinut, init eqqartuussiviusut amigaataanerannut aamma qarasaasiakkut ikorfartorneqarnerup patajaallisaavigineqarnissaanik pisariaqartitsinermut ikorfartuissaaq.

Kalaallit Nunaanni eqqartuussiviit pillugit suliniutit arlallit aallartinneqarnissaat partiit isumaqatigiissusioqataasut matumani isumaqatigiissutigaa, taakkualu ilaatigut suliassat annertusiartornerat pillugu eqqartuussivinnut unammilligassat isumagineqarnissaannut, sulianik suliarinnittarnernut piffissat sivisuut atorineqartarnerat aamma qarasaasiamik atuinermut tunngatillugu kingulerunnerit pillugit ukiunut arlalinnut suliniutit ikorfartussavai. Kalaallit Nunaanni eqqartuussivinni tamanut atugassiat Danmarkimi tamanut atugassianik malinninnissaasa sulissutigineqarnissaa pingaaruteqarpoq. Kalaallit Nunaanni innuttaasut suliffeqarfiillu Kalaallit Nunaanni eqqartuussivinni danskit eqqartuussiviisulli sullinneqarnerup assinganik sullinneqarnertik misigissagaat pingaaruteqarpoq.

Ingammik inatsisitigut allannguinerit, eqqartuussiviit aningaasaqarnerat pillugu isumaqatigiissummit, Kalaallit Nunaat pillugu suliniutit naammassineqarnissaannut pisariaqartinneqartut, naammassineqarnissaat inatsisissatut siunnersuutip tamanna tunngavigalugu siunertaraa.

1.2. Kalaallit Nunaanni Eqqartuussivinni sulisutigut isumalluutit amerlineqarnissaat taakkualu ilinniartinneqarnissaasa qulakkeerneqarnissaat partiit isumaqatigiissusiortut isumaqatigiissutigaa. Kalaallit Nunaanni Eqqartuussivinni eqqartuussisut, eqqartuussivinni allatsit aamma nutserisut amerlanerusut atorfinitsinneqarnissaat pillugu suliniutit inatsisinik allannguinnissamik pisariaqartitsinngillat aamma Domstolsstyrelsen-imit allaffissornikkut naammassineqassallutik. Nunatta Eqqartuussisuuneqarfiani nunap eqqartuussisuunerisa nunap eqqartuussisuuneranit ataatsimit nunap eqqartuussisuunerinut marlunnut amerlineqarnissaa, Nunatta Eqqartuussisuuneqarfiani pisortap tullianut atorfiup nunap eqqartuussisuuneranut qaffatsinneqarnissaata kinguneraa aamma tamanna pillugu ataani pineqartoq imm. 2.1 malillugu inatsimmik allannguinnisaaq pisariaqartilerlugu.

Eqqartuussisut nutaat sulisussarsiarineqarnerisa ilinniartinneqarnerisalu nalaanni, suliat sukkasuumik isumagineqartarnissaasa qulakkeerneqarnissaat siunertaralugu, eqqartuussisup soraarninngorsimasup eqqartuussisutut aggersakkatut qanoq sivistutigisumik sulisinnaanerata qaffanneqarneratigut danskit eqqartuussisarnermik inatsisaanni ukiunit 72-iniit ukiunut 74-inut ukiunut killissarititaasup qaffanneqarnerisigut, eqqartuussisunut soraarninngorsimasunut eqqartuussivinni sulisinnaanermut periarfissaat

aammattaaq partiit isumaqatigiissusiortut pitsanngorsarniarpaat. Tamanna pillugu ataani imm. 2.2 malillugu, atorfimmi piffissami erseqqinnerusumik taaneqartumi eqqartuussisup soraarninngorsimasup aggersarneqarluni eqqartuussisutut sulisinnaaneranut periarfissap assinga Kalaallit Nunaanni eqqunneqartariaqartoq, Inatsiseqarnermut ministereqarfik isumaqarpoq.

Toqqammavigisassanut ataqatigiissaarisumik pilersitsisoqarnissaa partiit isumaqatigiissusiortut isumaqatigiissutigaa, taassumalu Kalaallit Nunaanni toqqammavigisassanik ilinniartitaaneq, atorfinitsitsineq aamma siunnersuineq suliarissavai. Toqqammavigisassatut ataqatigiissaarisoq pinerluttulerinermi inatsimmi aalajangersarneqartariaqartoq Inatsiseqarnermut ministereqarfik isumaqarpoq, tamannalu pillugu ataani imm. 2.3 takuuk.

Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqarnissaa partiit isumaqatigiissusiortut isumaqatigiissutigaa, aamma inatsisit allanngortinneqarneri taamaaliornissamut pisariaqartinneqartut inatsisissatut siunnersuummi ilaatinneqarput, tamannalu pillugu ataani imm. 2.4 takuuk.

Tamanna pillugu erseqqinnerusumik misissueqqissaarneq malillugu Kalaallit Nunaanni eqqartuussivinni isumannaatsumik digitaliusumik attaveqatigiinneq periarfissaassasoq, partiit isumaqatigiissusiortut isumaqatigiissutigaa. Ataani imm. 2.5 malillugu, tekniskiusumik periarfissat pigineqalerpata, Kalaallit Nunaanni eqqartuussisarnermi digitaliusumik attaveqatigiinnerup atorneqarnissanut pisariaqartinneqartumik periarfissaliissut inatsisissatut siunnersuutip qulakkeerpaa.

Rørdam-ip ataatsimiititaliaata siunnersuutai aamma Retsplejeråd-ip innersuussutai malillugit eqqartuussisarneq piuminarnerulersinniarlugu danskit eqqartuussisarnermik inatsisaanni suliarineqartut, aamma Kalaallit Nunaanni Eqqartuussivinni sulianik suliarinnittarnerup sivikillineqarnissaannut il. il. isumalluutinik tunniussisoqarnissaa siunertaralugu siunnersuutit Kalaallit Nunaanni atuutilersinneqarnissaat aamma naleqquttuunersut pillugit Inatsiseqarnermut ministereqarfiup Naalakkersuisut peqatigalugit nalilissagaat, partiit isumaqatigiissusiortut inaarutaasumik isumaqatigiissutigaa. Isumaqatigiissutip ilaa taanna inatsisissatut siunnersuummi matumani ilaatinneqanngilaq, kisianni

kingusinnerusukkut inatsisissatut siunnersuusiarineqartussami
ilaatinneqarnissaa naatsorsuutigineqarpoq.

1.3. Inatsisissatut siunnersuummi § 1, nr. 21 (eqqartuussisarnermik
inatsimmi § 598, imm. 6-imi oqaaseqatigiit 3.-at) malillugu Naalakkersuisut
kissaateqarnerisigut eqqartuussiviit avaqqullugit akiitsut
akilerneqareertussaagalugit aamma akiitsut allagartaat digitaliusumik
atsiornikut tunngavigalugit pinngitsaaliinikkut naammassinninniaaneq
pillugu periarfissap eqqunneqarnissaa, tamatuma saniatigut
siunnersuutigineqarpoq.

Inatsisissatut siunnersuummi oqaaseqaatini »eqqartuussisarnermik inatsit«
innersuussutigineqaraangat, allamik taasisoqarsimanngippat, Kalaallit
Nunaanni eqqartuussisarnermik inatsit pineqarmat maluginiarneqassaaq.

[Inatsisissatut siunnersuummut missingiut, Kalaallit Nunaanni
Namminersorlutik Oqartussanut oqaaseqaateqarfigeqqullugu
nassiunneqarsimammat maluginiarneqassaaq]

2. Inatsisissatut siunnersuummi immikkoortut pingaarnerit

2.1. Nunatta Eqqartuussisuuneqarfiani atorfiit akuerisaasut

2.1.1. Inatsisit atuuttut

Najukkami eqqartuussivimmi imaluunniit Nunatsinni Eqqartuussivimmi
siullermeerinniffiusut suliat aalajangerneqarsimasut, aamma
eqqartuussisarnermik inatsimmi § 59 malillugu eqqartuussisuuneqarfimmut
aappassaaneerinninnermik suliarinniffissatut saqqummiunneqarsinnaasut,
Nunatta Eqqartuussisuuneqarfianit suliarineqartarput.

Nunatta Eqqartuussisuuneqarfia eqqartuussisarnermik inatsimmi § 7, imm.
1 malillugu nunap eqqartuussisuuneranik 1-mik inuttaqarpoq.

Suliani Nunatsinni Eqqartuussivimmit suliarinneqqaarfittut
aalajangersaavigineqarsimasuni, pingaarnertut isumaqatigiinniarnep
nalaani, eqqartuussisarnermik inatsimmi § 7, imm. 2 malillugu
eqqartuussisuuneqarfik Danmarkimit nunap eqqartuussisuunerinik 2-nik
sulisitsisarpoq.

Nunap eqqartuussisuuneri Nunatta Eqqartuussisuuneqarfiani sulilertussat, eqqartuussisarnermik inatsimmi § 14 malillugu Danmarkimi nunap eqqartuussisuunerisut toqqarneqarsimassapput. Østre aamma Vestre Landsret-ip præsidentiisa tamarmik immikkut qinnuteqaatit malillugit nunap eqqartuussisuunerinik naleqquttunik amerlassusilinnik nunap eqqartuussisuunerinik ivertitsisarput. Nunap eqqartuussisuunerisut ivertinneqartut aamma Nunatta Eqqartuussisuuneqarfiani nunap eqqartuussisuunerata isumaqatiinniarfigineqarneri malillugit, nunap eqqartuussisuunerisa ivertinneqarsimasut akornanni suliat agguarneqarnissaat eqqartuussisuuneqarfiit præsidentiisa aalajangersartarpaat.

Tamatuma saniatigut Nunatta Eqqartuussisuuneqarfiani eqqartuussisarnermik inatsisip nunap eqqartuussisuunera eqqartuussisarnermi atuuffinnik suli arlaqartunik peqartippaa. Nunap eqqartuussisuunera Eqqartuussisut Siunnersuisoqatigiivini siulittaasuvoq, tassanilu eqqartuussisarnermik inatsimmi §§ 10 aamma 11 malillugit eqqartuussisut soraarsinneqartarnerat aamma eqqartuussisut saniatigut inuussutissarsiutaat pillugit apeqqutit suliarineqartarput. Napparsimaneq pissutigalugu pisinnaannginneq minillugu, Nunatsinni Eqqartuussivimmi eqqartuussisut qullersaattut atorfiup utaqqiisaagallartumik ukioq 1 sinnerlugu atorfigineqarnissaanut akuersissuteqarneq, eqqartuussisarnermik inatsimmi § 22 malillugu nunap eqqartuussisuuneranut tunniunneqassaaq. Nunatta Eqqartuussisuuneqarfiani suli ataatsimik nunap eqqartuussisuuneranik utaqqiisaagallartumik ivertitsisoqarnissaa Eqqartuussiviit Qullersaanni præsidentip nalunaarutigippagu, Nunap eqqartuussisuunerata aalajangersimasumik atorfillip isumaqatigiinniarfigineqarnerata kingorna, eqqartuussisarnermik inatsimmi § 23 malillugu suliat sorliit eqqartuussisumit utaqqiisaagallartumik ivertinneqartumit suliarineqassanersut, Eqqartuussiviit Qullersaanni præsidentip aalajangiiffigissavaa. Eqqartuussisarnermik inatsimmi § 7, imm. 3 aamma 4 malillugit, tamanna nunap eqqartuussisuunerata aalajangerpagu, Nunatta Eqqartuussisuuneqarfiani fuldmægtigi sulianik suliaqarsinnaavoq. Eqqartuussisarnermik inatsimmi § 34 malillugu Nunatta Eqqartuussisuuneqarfiani fuldmægtiginut utaqqiisaagallartumillu nunap eqqartuussisuunerinut pissusissanik saneqqutsinerit pillugit pillaatissiineq pillugu oqartussaasuuneq, nunap eqqartuussisuunerata suliarissavaa. Nunatta Eqqartuussisuuneqarfiani eqqartuussisooqataasut nunap eqqartuussisuuneranit innersuussinikkut Inatsisartunit qinerneqartarput,

aamma eqqartuussisarnermik inatsimmi § 35 malillugu, eqqartuussivimmi eqqartuussisooqataasup eqqartuussisoqarfiup taassuma qinigaaffigisimasaata avataani sulisinnaanera, nunap eqqartuussisuunerata aalajangersinnaavaa. Eqqartuussisarnermik inatsimmi § 38 malillugu Nunatta Eqqartuussisuuneqarfiani eqqartuussisooqataasut amerlassusaat nunap eqqartuussisuunerata aalajangissavaa, aamma inuk eqqartuussisooqataanissamut piumasaqaatinik naammassinninnersoq aamma eqqartuussisarnermik inatsimmi § 37 malillugu eqqartuussisooqataasutut atuuffimmit pisussaajunnaarsitaanernik noqqaassuteqarnerup akuerineqarsinnaanera aalajangissallugu. Eqqartuussisarnermik inatsimmi § 743 malillugu nunap eqqartuussisuunera Kalaallit Nunaanni Eqqartuussiveqarneq pillugu Siunnersuisoqatigiinni ilaasortaavoq.

Pisut ilaanni, nunap eqqartuussisuunera eqqartuussivimmi suliami aalajangersimasumi aalajangiinissamik imaluunniit oqaaseqaateqarnissamik piginnaatitaanera, eqqartuussisarnermik inatsisip aammattaaq taavaa. Eqqartuussiviit Qullersaannut naammagittaalliuteqarnissamut imaluunniit suliareqqitassanngortitsinissamik qinnuteqaat nunap eqqartuussisuuneranut tunniunneqassaaq, taannalu qinnuteqaat pillugu oqaaseqaateqassaaq, aamma Suliareqqitassanngortitsinissamik Aalajangiisartunut nassiutissallugu, imaluunniit qinigassatut allatut Suliareqqitassanngortitsinissamik Aalajangiisartunut nassiussissaaq, taakkualu eqqartuussisarnermik inatsimmi §§ 515, 526, 564 aamma 577 malillugit nunap eqqartuussisuuneranit oqaaseqaammik pissarsissapput. Pinerluttulerinernik suliap suliareqqitassanngortinneqarnissaa pillugu qinnuteqaat nunap eqqartuussisuuneranut tunniunneqassaaq, taannalu qinnuteqaat pillugu oqaaseqaateqassaaq Den Særlige Klageret-imullu nassiullugu, imaluunniit Den Særlige Klageret-imut nassiussissaaq, taakkualu eqqartuussisarnermik inatsimmi § 585 malillugu nunap eqqartuussisuuneranit oqaaseqaammik pissarsissapput.

2.1.2. Inatsiseqarnermut ministereqarfiup isumaliutiginninneri aamma aqqissuussineq siunnersuutigineqartoq

Nunatta Eqqartuussisuuneqarfiani pisortap tullianut atorfiup nunap eqqartuussisuuneranut qaffatsinneqarnissaata partiit isumaqatigiissusiortut isumaqatigiissutigaat, tamatumalu Nunatta Eqqartuussisuuneqarfiani nunap

eqqartuussisuunerata ataatsip nunap eqqartuussisuunerinik marlunnik qaffanneqarnissaa kinguneraa.

Tamanna tunngavigalugu eqqartuussisarnermik inatsimmi § 7, imm. 1-p allanngortinneqarnissaa siunnersuutigineqarpoq, taamaalilluni Nunatta Eqqartuussisuuneqarfia siunissami 2-nik nunap eqqartuussisuuneqalissalluni, taakkunganna 1 nunap eqqartuussisuunerisa qullersarissallugu.

Nunap eqqartuussisuunerisa qullersaata eqqartuussisarnermi atuuffiit, ullumikkut nunap eqqartuussisuuneraniittut, aamma suliap piviusup aalajangersaavigineqarneranut tunngassuteqanngitsut suliarissagai, tassunga uiggiullugu siunnersuutigineqarpoq. Nunap eqqartuussunerisa qullersaata eqqartuussisarnermik inatsimmi § 11, imm. 1 aamma 2 malillugit Eqqartuussisut Siunnersuisoqatigiivini siulittaasuussasoq, aamma Østre aamma Vestre Landsret-imi præsidentit, Nunatta Eqqartuussisuuneqarfiani nunap eqqartuussisuunerinik aamma nunap eqqartuussisuunerisa qullersaannik isumaqatigiinniarnep kingorna, Nunatta Eqqartuussisuuneqarfiani sulilertussanik qallunaanik nunap eqqartuussisuunerinik ivertitsineranni, eqqartuussisarnermik inatsimmi § 14, imm. 2 malillugu nunap eqqartuussisuisa ivertinneqarsimasut akornanni suliassat agguataarneqarneri aalajangissagaat, eqqartuussisarnermik inatsimmi § 22, imm. 3 malillugu napparsimaneq pissutigalugu pisinnaannginneq minillugu Nunatsinni Eqqartuussivimmi eqqartuussisut qullersaattut atorfiup ukioq 1 sinnerlugu tigummineqarnissaani utaqqiisaagallartumik atorfeqartussamik ivertitsisoqarnissaata aalajangiiffigineqarnera, eqqartuussisarnermik inatsimmi § 23, imm. 3 malillugu nunap eqqartuussisuunerata qullersaannit tunniunneqassasoq, nunap eqqartuussisuunera isumaqatigiinniarfigereerlugu Eqqartuussiviit Qullersaanni præsidentip nunap eqqartuussisuuneranik suli ataatsimik ivertitsisoqarnerani, eqqartuussisup utaqqiisaagallartumik ivertinneqartup suliit sorliit suliarissagai aalajangiiffigissagaa, eqqartuussisarnermik inatsimmi § 7, imm. 4 malillugu tamanna nunap eqqartuussisuisa qullersaata aalajangerpagu, Nunatta Eqqartuussisuuneqarfiani fuldmægtigit, sulianik nunatta eqqartuussisuuneqarfiaata ataaniittunik suliarisaqarsinnaanera pillugit aalajangiissasoq, aamma eqqartuussisarnermik inatsimmi § 34, imm. 2 malillugu Nunatta Eqqartuussisuuneqarfiani eqqartuussisut qullersaata fuldmægtiginut aamma utaqqiisaagallartumik nunap eqqartuussisuunerinut pissusissanik saneqqutsinerit pillugit pillaatissiineq pillugu oqartussaasuuneq suliarissagaa, taamaalilluni

siunnersuutigineqarpoq. Nunatta Eqqartuussisuuneqarfiani eqqartuussisooqataasut, nunap eqqartuussisuunerisa qullersaannit innersuussineq malillugu, Inatsisartunut toqqarneqassasut, aamma eqqartuussisarnermik inatsimmi § 35, imm. 3 aamma 4 malillugit eqqartuussivimmi eqqartuussisooqataasoq eqqartuussisoqarfiup, taassuma toqqarneqarfigisimasaata avataani, atuussinnaanerat, nunap eqqartuussisuunerisa qullersaata aalajangersinnaassagaa, nunap eqqartuussisuunerisa qullersaata eqqartuussisarnermik inatsimmi § 38, imm. 1 malillugu Nunatta Eqqartuussisuuneqarfiani eqqartuussisooqataasut amerlassusaat aalajangissagaa, aamma inuk eqqartuussisooqataanissamut piumasaqaatinik naammassinninnersoq aamma eqqartuussisarnermik inatsimmi § 37, imm. 2 malillugu eqqartuussisooqataasutut atuuffimmit pisussaajunnaarsitaanernik noqqaassuteqarnerup akuerineqarsinnaanera aalajangissagaa aammattaaq siunnersuutigineqarpoq. Eqqartuussisarnermik inatsimmi § 743, imm. 1 malillugu nunap eqqartuussisuunera Kalaallit Nunaanni Eqqartuussiveqarneq pillugu Siunnersuisoqatigiinni ilaasortaassasoq naggataatigut siunnersuutigineqarpoq.

Nunap eqqartuussisuisa qullersaat nunap eqqartuussisuata aappaanut tunngatillugu pissusissanik saneqqutsinerit pillugit pillaatissiineq pillugu oqartussaasuunermik, Nunatsinni Eqqartuussivimmi eqqartuussisut qullersaata Nunatsinni Eqqartuussivimmi eqqartuussisup aappaanut oqartussaasuunerata assinganik, oqartussaasuutinneqartariaqartoq, Inatsiseqarnermut ministereqarfik isumaqarpoq.

Eqqartuussisarnermik inatsimmi § 33, imm. 2-p allanngortinneqarnissaa taamaammat siunnersuutigineqarpoq, taamaalilluni Nunatta Eqqartuussisuuneqarfiani nunap eqqartuussisuuneranut saniatigooralugu inuussutissarsiut pillugu nalunaarutiginninneq Nunatta Eqqartuussisuuneqarfiani eqqartuussisut qullersaannut tunniunneqassalluni. Eqqartuussisarnermik inatsimmi § 33, imm. 3-p allanngortinneqarnissaa aammattaaq siunnersuutigineqarpoq, taamaalilluni Nunatta Eqqartuussisuuneqarfiani nunap eqqartuussisuunera pillugu naammagittaalliut Nunatta Eqqartuussisuuneqarfiani nunap eqqartuussisuunerisa qullersaannut imaluunniit Den Særlige Klageret-imut tunniunneqassalluni. Nunap eqqartuussisuunerisa qullersaat pineqartillugu, saniatigooralugu inuussutissarsiutit pillugu nalunaarutiginninneq Eqqartuussiviit Qullersaannut tunniunneqassasoq siunnersuutigineqarpoq, aamma naammagittaalliut Eqqartuussiviit Qullersaanni præidentimut imaluunniit Den Særlige Klageret-imut tunniunneqassalluni, Nunatta

Eqqartuussisuuneqarfiani nunap eqqartuussisuunera pineqartillugu soorlu ullumikkut taamaattoq. Nunap eqqartuussisuunerisa qullersaat, napparsimaneq pissutigalugu pisinnaannginnerit minillugit, soorlu Nunatsinni Eqqartuussivimmi eqqartuussisut aappat pineqartillugu Nunatsinni Eqqartuussivimmi eqqartuussisut qullersaattut, atorfiup aappaata utaqqiisaagallartumik ukioq 1 sinnerlugu inuttalerneqarnissaa pillugu piginnaatinneqartariaqartoq, Inatsiseqarnermut ministereqarfik aammattaaq isumaqarpoq.

Nunap eqqartuussisuunerisa qullersaat, napparsimaneq pissutigalugu pisinnaannginneq minillugu, nunap eqqartuussisuuneratut atorfiup aappaata ukioq 1 sinnerlugu utaqqiisaagallartumik inuttaqartinneqarnissaanut akuersissuteqarsinnaasariaqartoq, soorlu aamma Nunatsinni Eqqartuussivimmi eqqartuussisup aappaa pineqartillugu Nunatsinni Eqqartuussivimmi eqqartuussisut qullersaat ullumikkut taamaaliortartoq, Inatsiseqarnermut ministereqarfik aammattaaq isumaqarpoq.

Taamaammat eqqartuussisarnermik inatsimmi § 22, imm. 3-p allanngortinneqarnissaa siunnersuutigineqarpoq, taamaalilluni, napparsimaneq pissutigalugu pisinnaannginneq minillugu, nunap eqqartuussisuuneratut atorfiup pigiinnarnissaanut akuersissuteqarneq utaqqiisaagallartumik ukioq 1 sinnerlugu atorfeqartitsineq, nunap eqqartuussisuunerisa qullersaannit tunniunneqassalluni. Nunap eqqartuussisuunerisa qullersaat pineqartillugu, akuersissuteqarneq Eqqartuussiviit Qullersaanni præsidentimit tunniunneqassasoq siunnersuutigineqarpoq, soorlu Nunatta Eqqartuussisuuneqarfiani nunap eqqartuussisuunera pineqartillugu ullumikkut taamaattoq.

Suliani piviusuni, Nunatta Eqqartuussisuuneqarfiani atorfiit suli nunap eqqartuussisuuneranik ataatsimik ilaneqarnissaat pillugu siunnersuutip eqqartuussisuuneqarfiup atuuffiata allanngortinneqarnissaanik siunertaqanngilaq. Siunissami nunap eqqartuussisuuneri 2-nngortussaammata, Nunatta Eqqartuussisuuneqarfiani suliat aalajangiiffigineqarneranni aallaaviatigut eqqartuussisoq 1 peqataassasoq, aamma nunap eqqartuussisuunerisa qullersaat nunap eqqartuussisuunerata aappaa isumaqatigiinniartigereerlugu suliat eqqartuussisut akornanni agguarneqarnissaa pillugit aalajangiissasoq, siunnersuutigineqarpoq.

Suliat Nunatsinni Eqqartuussivimmi suliarinneqqaarfittut aalajangerneqarsimasut, isumaqatigiinniarnepup pingaarnepup nalaani,

nunap eqqartuussisuuneri Danmarkimeersut suli 2 sulisinneqassasut pillugit aalajangersakkap atuuttup allanngortinneqarnissaa aammattaaq siunnersuutigineqarpoq, taamaalilluni pisuni taakkunani erseqqissumik aallaavittut Nunatta Eqqartuussisuuneqarfia Nunatta Eqqartuussisuuneqarfiani nunap eqqartuussisuunerinik 2-nik aamma Danmarkimit nunap eqqartuussisuuneranik 1-mik katiterneqassalluni.

Allanngortinneqanngitsumik suliap ataatsip aalajangiiffigineqarnerani aallaaviatigut nunap eqqartuussisuunera 1 peqataassasoq, aamma allanngortinneqanngitsumik annertussusilimmik taamaattoq suliat ilaanni nunap eqqartuussisuuneri 3-t peqataassasut tamatuma kinguneraa. Siunissami kisianni suliat pingasunik eqqartuussisoqarluni suliarineqartillugit Nunatta Eqqartuussisuuneqarfianit nunap eqqartuussisuuneri 2-t aamma Danmarkimit nunap eqqartuussisuunera 1 pineqassasoq, erseqqissumik aallaaviussaaq.

Taamaattoq pissutsit immikkut ittut pisillugit, soorlu ullumikkut taamaattoq, qaqutigunnaq nunatta eqqartuussisuuneqarfia Danmarkimit nunap eqqartuussisuunerinik 2-nnik sulisitsisinnaasoq, siunnersuutigineqarpoq.

Siunissami Nunatta Eqqartuussisuuneqarfiani nunap eqqartuussisuunerisa 2-nngornerisa suli allatut kingunerisaanik, eqqartuussisarnermik inatsimmi aalajangersakkat, ”nunap eqqartuussisuunerata” aalajangiisinnaanera, suliami piviusumik noqqaassumik tiguisussaanera imaluunniit oqaaseqaateqartussaanera oqaaseqaammilluunniit tunniussisussaanera pillugit taaneqartut oqaatsitigut aaqqinneqassasut siunnersuutigineqarpoq, taamaalilluni noqqaassummik tigusinermut piginnaatitaaneq tassunga taarsiullugu Nunatta Eqqartuussisuuneqarfianut inissinneqassalluni. Eqqartuussisarnermik inatsimmi § 515, imm. 2, § 526, imm. 2, § 564, imm. 2, aamma § 577, imm. 2 malillugit Eqqartuussiviit Qullersaannut naammagittaalliorneq imaluunniit suliareqqitassanngortitsineq, aamma eqqartuussisarnermik inatsimmi § 585, imm. 2 malillugu pinerluttulerinermik suliap suliareqqitassanngortinneqarnera pillugu qinnuteqaatit pineqarput. Nunap eqqartuussisuunera sorleq suliami piviusumi aalajangiisussaanersaq oqaaseqaateqartuussanersorluunniit, suliat nunap eqqartuussisuunerisa akornanni agguataarneqarsimanerannik, nunap eqqartuussisuunerisa qullersaannit aalajangerneqartumit, tunngaveqassaaq.

Tamatuma saniatigut Nunatta Eqqartuussisuuneqarfiani eqqartuussisumit 1-mit eqqartuussisunut 2-nut amerlineqarnerata eqqartuussisarnermik inatsimmi aalajangersakkat, ”nunap eqqartuussisuunerata” inatsisilerituutut kandidatitut soraarummeerluni angusisimanissaanik, Eqqartuussiviit Qullersaanni præsidentip, ”nunap eqqartuussisuunerata” attuumassuteqarpallaarnini suliamik naammassinnissinnaannginnera pissutigalugu, pisariaqartinneqarpat eqqartuussisumik suliami ataatsimi suliarinninnissamik immikkut piginnaatitaasumik ivertitsinissaa, aamma saniatigooralugu inuussutissarsiateqarnermut tunngatillugu, pissusissanik saneqqutsinerit pillugit pillaatissiinissamut eqqartuussivikkoortitsineq imaluunniit pillaatissiineq, tunuartitsineq aamma soraarsitsineq pillugit danskit eqqartuussisarnermik inatsisaanni §§ 47-imiit 50 ilanngullugu eqqartuussisarnermik inatsimmi § 13, imm. 1, § 24 aamma § 33, imm. 1 malillugit ”nunap eqqartuussisuuneranut” atuunneri pillugit oqaatsitigut naqqiissuteqarnissaq pisariaqalersippaat. Aalajangersakkap siunissami nunap eqqartuussisuunerinut taakkununga marlunnut atuunna erseqqissarniarlugu, aalajangersakkani taakkunani ”nunap eqqartuussisuunera” ”nunap eqqartuussisuuneri”-nut allanngortinneqassasoq siunnersuutigineqarpoq.

Inatsisissatut siunnersuummi § 1, nr. 1-miit 3 ilanngullugu, 5-imiit 10 ilanngullugu, 13-imiit 15 ilanngullugu, 17, 19 aamma 20 (eqqartuussisarnermik inatsimmi § 7, § 11, imm. 1 aamma 2, § 13, imm. 1, § 14, § 22, imm. 3, § 23, imm. 3, § 24, § 33, § 34, imm. 2, § 35, imm. 3 aamma 4, § 37, imm. 2, § 38, imm. 1, § 515, imm. 2, § 526, imm. 2, § 564, imm. 2, § 577, imm. 2, § 585, imm. 2, aamma § 743, imm. 1), taakkunungalugu oqaaseqaatit innersuussutigineqarput.

2.2. Eqqartuussisut aggersarneqartartut

2.2.1. Inatsisit atuuttut

Kalaallit Nunaanni eqqartuussiveqarfimmi eqqartuussisut aamma inatsisilerituut tjenestemanditut atorfinitsitat allat kiisalu sumiiffinni eqqartuussisut, Naalagaaffimmi tjenestemandit Kalaallit Nunaanniittut pillugit inatsimmi § 34, imm. 2 malillugu 70-inik ukioqalerfimmik qaammataata naanerani soraarsitaasarput. Danskit eqqartuussisarnermik inatsisaanni ilaatigut § 54, imm. 6-imut eqqartuussisarnermik inatsimmi § 34, imm. 1-imi innersuussut malillugu tamanna aamma Kalaallit Nunaanni

Eqqartuussiveqarfimmi fuldmægtiginut tjenestemanditut atorfinitsinneqanngitsunut atuuppoq.

Piffissami aalajangersimasumi eqqartuussisup soraarninngorsimasup eqqartuussisutut sulisinniarlugu aggersarneqarsinnaanera eqqartuussisarnermik inatsisikkut periarfissiissutigineqanngilaq.

2.2.2. Inatsiseqarnermut ministereqarfiup isumaliutiginninneri aamma aaqqissuussineq siunnersuutigineqartoq

Eqqartuussisup, ukiuni imaluunniit peqqiissutsini pissutigalugit soraarninngorsimasup, eqqartuussivimmi præidentimit pineqartumit piffissami aalajangersimasumi eqqartuussisutut atorfimmi tassani sulisussatut aggersarneqarsinnaaneranut periarfissaq, inatsisikkut nr. 737-ikkut, 25. juni 2014-imeersukkut danskit eqqartuussisarnermik inatsisaanni eqqunneqarpoq. Taamaallaat immikkut ittunik pisoqartillugu piffissaq aggersarneqarfiusoq eqqartuussisup 72-ileereersimanera qaangerlugu sivitsorneqarsinnaasarpoq.

Aaqqissuussinermi siunertaq tassaasimavoq aamma tassaavoq pingaarnertut inuiaqatigiit allaatigisaanerini naatsorsuutigisamik ineriartornerup kingunerisassaasa pakkersimaarneqarnissaat aamma eqqartuussisut aalajangersimasumik atorfillit atorfimminni eqqartuussinermik sulinissanut akornuserneqarneranni atorfinni sulisussaaleqisoqalissagaluarpasut suliassanut inuttaliinissamut periarfissiinissaq, aamma Folketingstidende 2013-14, ilanngussaq A, L 178, saqqummiunneqarsimasoq, qupperneq 94 malillugu taamaammat suliassat amerlasoorpassuit pilersinneqarnissaat pinngitsoortinniarlugu eqqartuussisunik il. il. aggersaanissaq pisariaqartinneqarmat.

Eqqartuussisut nutaat sulilersinneqarneranni aamma iliniartinneqarneranni, suliassat sukkasuumik naammassineqartarnissaat qulakkeerniarlugu, qanoq sivisutigisumik eqqartuussisup soraarninngorsimasup eqqartuussisutut aggersitatut sulisinnaaneranut ukiut killerititaasut ukiunit 72-init 74-inut qaffannerisigut, eqqartuussisut soraarninngorsimasut eqqartuussivinni sulinissamut pitsaanerusumik periarfissinneqarnissaat partiit isumaqatigiissusiortut periarfissiissutiginiaraat, ukiunut arlalinnut isumaqatigiissummi aammattaq allaqqavoq.

Tassunga uiggiullugu ukiunut killerititaasut inatsisikkut nr. 1553, 12. december 2023-imeersukkut 74-inik ukioqalernermut qaffanneqarpoq.

Piffissami erseqqinnerusumik taaneqartumi atorfimmi eqqartuussisutut eqqartuussisup soraarninngorsimasup aggersarneqarnissanut periarfissap assinga Kalaallit Nunaanni eqqunneqartariaqartoq, Inatsiseqarnermut ministereqarfik isumaqarpoq.

Tamanna tunngavigalugu eqqartuussisut soraarninngorsimasut piffissap ilaani atorfimmi eqqartuussisutut sulisinnaanerat pillugu eqqartuussisarnermik inatsimmi aalajangersakkamik nutaamik ilanngussisoqarnissaa siunnersuutigineqarpoq.

Aaqqissuussinermi sumiiffinni eqqartuussiviit, Nunatsinni Eqqartuussivik aamma Nunatta Eqqartuussisuuneqarfia ilaatinneqassapput. Eqqartuussisup soraarninngorsimasup najukkami eqqartuussivimmut aggersarneqarnera, Nunatsinni Eqqartuussivimmi eqqartuussisut qullersaannit suliarineqassasoq, taannami inatsisit malillugit aamma eqqartuussisarnermik inatsimmi §§ 16-imiit 20 ilanngullugu malillugit najukkami eqqartuussisutut imaluunniit eqqartuussisup ikiortaatusut iverititsinissamat piginnaatinneqarmat, siunnersuutigineqarpoq.

Aaqqissuussinermi eqqartuussisut ukioqqortussuseq imaluunniit peqqiissuseq pissutigalugu soraarninngorsimasut ilaatinneqassapput, aamma eqqartuussisut, pineqartut (pingaarnertut) inuussutissarsiummik allamik inuussutissarsiuteqarnissaq pissutigalugu eqqartuussisuujunnaartut, uani pineqanngillat.

Soraarninngorsimaneq sioqqullugu killiffimmit qaffasinnerusumik eqqartuussisutut sulinissamat eqqartuussisup soraarninngorsimasup aggersarneqarnissaa aaqqissuussinernup periarfississanngilaa. Taamaalilluni najukkami eqqartuussisoq soraarninngorsimasoq, sumiiffimmi eqqartuussisutut sulinissamat aggersarneqarsinnaassaaq, tamatumalu peqatigisaanik Nunatsinni Eqqartuussivimmi eqqartuussisoq soraarninngorsimasoq sumiiffimmi eqqartuussivimmi imaluunniit Nunatsinni Eqqartuussivimmi eqqartuussisutut sulinissamat aggersarneqarsinnaassalluni, aamma Nunatta Eqqartuussisuuneqarfiani nunap eqqartuussisuunera soraarninngornikoq Kalaallit Nunaanni eqqartuussivinni tamani eqqartuussisutut sulinissamat aggersarneqarsinnaassaaq.

Naalagaaffimmi tamarmi eqqartuussisut soraarninngorsimasut aaqqissuussinermi ilaatinneqassapput, aamma danskit illoqarfinni eqqartuussivianit eqqartuussisoq soraarninngorsimasoq (imaluunniit Savalimmiuni Eqqartuussivimmit) taamaalilluni sumiiffimmi eqqartuussivimmi imaluunniit Nunatsinni Eqqartuussivimmi eqqartuussisutut sulinissamut aggeqquneqarsinnaassaaq, tamatumalu peqatigisaanik Danmarkimit nunap eqqartuussisuunera soraarninngorsimasoq Kalaallit Nunaanni eqqartuussivinni tamani sulisussatut aggeqquneqarsinnaassalluni.

Nunatsinni Eqqartuussivimmi imaluunniit Nunatta Eqqartuussisuuneqarfiani fuldmægtigit soraarninngorsimasut aamma naalagaaffiup sinnerani eqqartuussivinni fuldmægtigit soraarninngorsimasut aaqqissuussinermi aamma ilaatinneqassapput. Taakkua taamaattoqassappat Nunatsinni Eqqartuussivimmi imaluunniit Nunatta Eqqartuussisuuneqarfiani piffissami erseqqinnerusumik taaneqartumi fuldmægtigitut sulinissamut aggersarneqarsinnaassapput.

Inatsisissatut siunnersuummi § 1, nr. 11, 12 aamma 16 (eqqartuussisarnermik inatsimmi §§ 24 a aamma 32 a aamma § 34, imm. 1), taakkunungalu oqaaseqaatit innersuussutigineqarput.

2.3. Toqqammavigisassanut ataqatigiissaarisooq

2.3.1. Inatsisit atuuttut

Pinerluttulerinermi inatsimmi § 157 malillugu pinerluttuliortunut tarnikkut nappaateqartunut pineqaatissiinissamik eqqartuussinissaq, imaluunniit pinerluttulerinermi inatsimmi § 161 malillugu tigummigallagaanissaq pineqartillugit, toqqammavigisassamik eqqartuussivik ivertitsisinnaavoq, ajornanngippat unnerluunneqartup qanigisaanit, taassumalu pinerluttulerinermi inatsimmi § 163, imm. 1 malillugu suliap ingerlanerani taassuma illersuisua peqatigalugu unnerluunneqartoq ikiussavaa.

Inuk § 163, imm. 1-imi taaneqartutut pineqaatissinneqarnissamik imaluunniit tigummigallagaanissamik eqqartuunneqarpat, pinerluttulerinermi inatsimmi § 163, imm. 2 malillugu eqqartuunneqartumut toqqammavigisassamik ivertitsisoqassaaq. Toqqammavigisassaq eqqartuunneqartup qanoq issusia pillugu tusagaqartarnissani isumagissavaa,

aamma inissinneqarnerup akuliunnerillu allat pisariaqartinneqartumik sivilunerunnginnissaat isumagissallugu. Pineqaatissiineq inaarutaasumik atorunnaarsinneqarpat, ivertitsineq atorunnaarsinneqassaaq.

Pinerluttulerinermi inatsimmi § 163, imm. 3-p malitsigisaanik toqqammavigisassat atorfinitsinneqartarnerat aamma nalunaarut nr. 366, 19. april 2016-imeersoq malillugu taakkua suliassaat erseqqinnerusumillu pisinnaatitaanerat pillugit Inatsiseqarnermut ministereqarfik malittarisassanik erseqqinnerusunik aalajangersaasimavoq.

Kommunini oqartussaasut innersuussuteqarnerisigut Kalaallit Nunaanni Politidirektøri Kalaallit Nunaanni najugalinnik toqqammavigisassanik aalajangersimasumik amerlassusilinnik atorfinitsitsissaaq, tamatumalu peqatigisaanik nalunaarummi § 1, imm. 1 malillugu Københavnimi Kalaallit Illuutaannit innersuussineq malillugu Direktoratet for Kriminalforsorgen Danmarkimi najugalinnik toqqammavigisassanik aalajangersimasumik amerlassusilinnik atorfinitsitsissaaq.

Kalaallit Nunaanni toqqammavigisassatut atorfinitsinneqartut inuit amerlassusissaat pisariaqartitsinerup nalilersuiffigineqarnera tunngavigalugu Kalaallit Nunaanni Politidirektørimit aalajangerneqassaaq, tamatumalu peqatigisaanik Danmarkimi toqqammavigisassat atorfinitsinneqartut amerlassusissaat nalunaarummi § 1, imm. 6 malillugu, pisariaqartitsinerup nalilersuiffigineqarnera tunngavigalugu Direktoratet for Kriminalforsorgen-imit aalajangerneqassapput.

Toqqammavigisassat, qinnuteqartunit suliassiissutinik, toqqammavigisassatut sulinerup nassataanik naleqqunnerpaamik suliaqarsinnaasutut isigineqartut akornanni atorfinitsinneqassapput, nalunaarummi § 1, imm. 3 malillugu matumani inuit peqqinnissaqarfiup, isumaginninnerup aamma ilinniartitaanerup suliassaqaarfiinut atassuteqartut ilanngullugit. Sapinngisamik inuit kalaallisut danskisullu oqalussinnaasut atorfinitsinneqassapput.

Toqqammavigisassat atorfinitsinneqarsimasut Kalaallit Nunaanni najugaqartut pillugit Kalaallit Nunaanni Politidirektør-i nalunaarsuiffimmik suliaqassaaq, tamatumalu peqatigisaanik nalunaarummi § 2, imm. 1 malillugu toqqammavigisassat atorfinitsinneqarsimasut Danmarkimi najugaqartut pillugit Direktoratet for Kriminalforsorgen nalunaarsuiffimmik suliaqassalluni.

Nalunaarummi § 3 malillugu pissutissalimmik pasisap, unnerluunneqartup imaluunniit eqqartuunneqartup qaniginerpaasatut ilaqutaannit toqqammavigisassaq ivertinneqassaaq.

Nalunaarummi § 5, imm. 1 malillugu inummik toqqammavigisassatut ivertinneqarsinnaasumik nassaarnissamut politiit eqqartuussivik ikiussavaat. Inummik aalajangersimasumik ivertitsisoqarnissaa pineqartup kissaatigineraa, pissutissalimmik pasisap, unnerluunneqartoq imaluunniit eqqartuunneqarsimasoq, ivertitsineq sioqqullugu aperineqassaaq.

Pissutissalimmik pasisap, unnerluunneqartoq imaluunniit eqqartuunneqartoq nammineerluni inummik siunnersuuteqanngippat, qanigisanik ilaqutaqanngippat, imaluunniit pineqartut piumanngippata imaluunniit ivertinneqarnissamut naleqqutinngippata, nalunaarummi § 5, imm. 2 malillugu politiit toqqammavigisassamik innersuussissapput. Toqqammavigisassaq atorfinitsinneqartussatut toqqammavigisassat pillugit nalunaarsuiffimmi tullinnguuttoq politiit innersuussutigissavaat, taamaattoq nalunaarummi § 5, imm. 3 aamma 4 malillugit ivertitsinermi taamaalilluni toqqammavigisassap najugaa imaluunniit oqaatsitigut pissutsit pissutigalugit ivertitsineq naleqquttuunersoq eqqarsaatigineqassalluni.

Toqqammavigisassat atorfinitsinneqartut Kalaallit Nunaanni najugallit pillugit Kalaallit Nunaanni Politidirektøri nalunaarsuummik suliaqassaaq, illuatungaani nalunaarummi § 2, imm. 1 malillugu toqqammavigisassat atorfinitsinneqartut Danmarkimi najugallit pillugit Direktoratet for Kriminalforsorgen nalunaarsuummik suliaqartussaavoq.

Toqqammavigisassatut il.il. ivertinneqarnerup atorunnaarsinneqarnera pillugu nalunaarummi kapitali 4 malittarisassanik imaqarpoq. Tassunga atatillugu toqqammavigisassaq qaqugukkulluunniit toqqammavigisassat pillugit nalunaarsuummit nungutinneqarnissaminik piumasaqaateqarsinnaasoq, nalunaarummi § 17, imm. 1-p malitsigaa.

Nalunaarummi § 17, imm. 2 malillugu, pineqartup suliassarineqartumiittut pisussaaffini ingasattumik qaangerpagit, imaluunniit allakkut suliassamut naleqqutinngitsut takuneqarsinnaalerpat, toqqammavigisassaq, toqqammavigisassat pillugit nalunaarsuummi ilanngunneqarsimasoq, suliassanik arsaarneqassaaq. Arsaarinninneq pippat, toqqammavigisassat pillugit nalunaarsuummit pineqartoq nungutinneqassaaq.

Nalunaarummi § 17, imm. 3 malillugu, Kalaallit Nunaanni najugaqartumik toqqammavigisassatut suliaqarnermit arsaaneqarnissaq pillugu aalajangiineq Kalaallit Nunaanni politidirektørimit aalajangerneqassaaq, aamma toqqammavigisassat Danmarkimi najugallit pineqartillugit, tamanna Direktoratet for Kriminalforsorgen-imit suliarineqassalluni.

Kalaallit Illuutaat (Københavnimiittoq) ataqatigiissaarineramik suliaqarmat maluginiarneqassaaq, matumani pinerluttulerinermi inatsit malillugu eqqartuunneqarsimasunut Danmarkimilu inissinneqarsimasunut, toqqammavigisassanut ilitersuineranut aamma ilinniartitsineranut tunngatillugu suliaqarnerit ilanngullugit, illuatungaani toqqammavigisassanut ataqatigiissaarineranut suliaqarnerup assinga Kalaallit Nunaanni nassaassaanngilaq.

2.3.2. Inatsiseqarnermut ministereqarfiup isumaliutiginninneri aamma aaqqissuussineq siunnersuutigineqartoq

Toqqammavigisassanut ataqatigiissaarisumik pilersitsisoqarnissaa partiit isumaqatigiissusiortut isumaqatigiissutigaat, taassumalu Kalaallit Nunaanni toqqammavigisassat ilinniartinneqarnerat, atorfinitsinneqarnerat aamma siunnersorneqarnerat suliarissavaa.

Kalaallit Nunaanni toqqammavigisassat ilinniartinneqarnerannut, siunnersorneqarnerannut aamma atorfinitsinneqarnerannut attuumassuteqartunik sulianik suliaqartussamik toqqammavigisassanut ataqatigiissaarisumik inatsiseqarnermut ministeri toqqaasinnaasoq pillugu pinerluttulerinermi inatsimmi aalajangersakkamik ilanngussisoqarnissaa tamanna tunngavigalugu siunnersuutigineqarpoq.

Toqqammavigisassat Kalaallit Nunaanni atorfinitsinneqartut eqqarsaatigalugit, toqqammavigisassanut ataqatigiissarisup suliaqartut taakkua suliarissavaa. Kisianni toqqammavigisassanut ataqatigiissarisup, toqqammavigisassat, Danmarkimi atorfinitsinneqartut eqqarsaatigalugit suliaqartut suliarissavaanngilai.

Toqqammavigisassanut ataqatigiissarisunngortussap toqqammavigisassanik atorfinitsitsinissamut, imaappoq Kalaallit Nunaanni pinerluttulerinermi inatsisip malitsigisaanik Kalaallit Nunaanni pinerluttulerinermik inatsit naapertorlugu inissiisarfimmiitanut

toqqammavigisassanik toqqaasarneq pillugu nalunaarut nr. 366, 19. april 2016-imeersumi §§ 1-imi aamma 2-mi aalajangersarneqartut malillugit ingerlatsinermut tunngatillugu toqqammavigisassat pillugit nalunaarsuummi ilanngutitsinissaanut, pinerluttulerinermi inatsimmi § 163, imm. 3, pisariaqartinneqartumik isumannaassusilimmik periarfissaliissummik imaqartutut isigineqarsinnaanngitsoq, Inatsiseqarnermut ministereqarfik naliliivoq. Matumuuna ataani allaaserineqartutut, toqqammavigisassanut ataqatigiissaarisup, tassaasinnaasup allaffissornikkut qullersaqarlunilu allersaqarnerup avataaniittup, aamma inatsiseqarnermut ministerimit sulisinneqartussaannngitsup, inatsisit ingerlatsinermut tunngasut malillugit aalajangiisinnaanermik tunineqarnissaata uani pineqartussaananeranut atatillugu tamanna isiginiarneqassaaq, tamannalu massakkut pinerluttulerinermi inatsimmi § 163, imm. 3-mi piginnaatitsissutaasup malitsigisaanik periarfissaliissummik qajannaannersumik piumasqaateqarfiusoq, Inatsiseqarnermut ministereqarfik isumaqarpoq.

Kisianni toqqammavigisassanut ataqatigiissaarisoq, Kalaallit Nunaanni toqqammavigisassat ilitersorneqarnerannut ilinniartinneqarnerannullu tunngassuteqartunik suliaassanik suliaqarsinnaasoq, pillugu aaqqissuussinerup pilersinneqarnissaanut allaffissornikkut malittarisassat aalajangersarneqarnissaannut pisariaqartinneqartumik piginnaatitsissummik aalajangersagaq imaqartoq nalilerneqarpoq. Taamaattoq toqqammavigisassanut ataqatigiissaarisup toqqammavigisassanik atorfinitsitsinissaanut piginnaatinneqarnissaa pillugu immikkut ittumik piginnaatitsissutip eqqunneqarnissaanut atatillugu, toqqammavigisassanut ataqatigiissaarisup toqqarneqarnissaanut taassumalu suliaassanut, matumani suliaassat ilitersuineranut ilinniartitsinermut kiisalu atorfinitsitsinermut atassuteqartut ilanngullugit, iluaqutaasumik ataatsimoortumik piginnaatitsissummik eqqussisoqarsinnaasoq, Inatsiseqarnermut ministereqarfik isumaqarpoq.

Taamaalilluni inatsiseqarnermut ministerip toqqammavigisassanut ataqatigiissaarisup toqqammavigisassanik atorfinitsitsinissaanut piginnaatinneqarnissaa, aalajangersagassatut siunnersuutigineqartumi pisariaqartinneqartumik periarfissaliissutip siullertut qulakkiissavaa, kiisalu toqqammavigisassanut ataqatigiissaarisoq il.il. pillugit aaqqissuussinerup pilersinneqarnissaanut ataatsimoortumik piginnaatitsissutip eqqunneqarnissaa aappaattut qulakkiissallugu.

Toqqammavigisassanut ataqatigiissaarisumut toqqammavigisassat atorfinitsinneqarnerannut piginnaatitaanerup inatsiseqarnermut ministerimit allanut suliassiissutigineqarsinnaanera, aalajangersakkami periarfissaliissutigineqarpoq. Piginnaatitaanerup taassuma inummut allamut, allaffissornermi qullersaqarlunilu allersaqarnerup avataaniittumut aamma inatsiseqarnermut ministerip sulisorinngisaanut suliakkiissutigineqarsinnaanera, aalajangersakkap taamaalilluni periarfissaliissutigaa. Inatsiseqarnermut ministerimit piginnaatitsissutip suliassiissutigineqarnera kisianni piumasaqaatinik killiliinernillu imaqsarinnavaoq, taakkualu toqqammavigisassanut ataqatigiissaarisumut unioqqutinneqartussaassanngillat. Aamma siunissamut sunniuteqartumik toqqammavigisassanut ataqatigiissaarisumut aalajangiisinnanermik piginnaatitaanerup suliassiissutigineqarnera, inatsiseqarnermut ministerip qaqugukkulluunniit utertissinnaavaa.

Kalaallit Nunaanni toqqammavigisassat atorfinitsinneqarnissannut piginnaatitaaneq toqqammavigisassanut ataqatigiissaarisumut suliassiissutigineqassanersoq, imaluunniit toqqammavigisassanut ataqatigiissaarisooq toqqammavigisassanik atorfinitsitsineri allatut periuseqarluni peqataassanersoq, aalajangersagassatut siunnersuutigineqartoq malillugu inatsiseqarnermut ministerimit aalajangerneqartussatut tunniunneqarpoq.

Taamaalilluni pinerluttulerineri inatsimmi § 163, imm. 3, allanngortinneqartussatut siunnersuutigineqanngitsoq, kisianni § 163, imm. 4-nngortoq, periarfissaliissutigalugu, Kalaallit Nunaanni toqqammavigisassat eqqarsaatigalugit toqqammavigisassanut ataqatigiissaarisup suliassai pillugit malittarisassanik erseqqinnerusunik inatsiseqarnermut ministeri aalajangersaasinnaasussaavoq.

Kalaallit Nunaanni toqqammavigisassat atorfinitsinneqarnerannut piginnaatitaaneq suli Kalaallit Nunaanni politidirektørimit suliarineqassanersoq, inatsiseqarnermut ministerip uani assersuutigalugu aalajangersinnaavaa, kisianni toqqammavigisassanut ataqatigiissaarisooq qinnuteqartut, kommunini oqartussaasut innersuussutigisaat, pillugit oqaaseqaateqassaaq, aamma/imaluunniit toqqammavigisassanut ataqatigiissaarisooq toqqammavigisassatut atorfinitsinneqarsinnaasunik qinnuteqartuni suli allanik innersuussisinnavaoq.

Qinigassatut allatut nammineerluni imaluunniit innersuussinikkut imaluunniit oqartussaasut aalajangersimasut tusarniaavigereerlugit, toqqammavigisassanut ataqatigiissaarisup toqqammavigisassanik atorfinitsitsinissamut piginnaatitaaffilerneqarnera, inatsiseqarnermut ministerip taaneqareersutut aalajangersinnaassavaa.

Tamanut inuttassarsiuinerup kingorna toqqammavigisassanik ataqatigiissaarisuq toqqarneqartussaassaaq.

Toqqammavigisassanik ataqatigiissaarisumut nalunaaquttap akunneranut akissarsiap qaffasissusissaa, nunatta illersuisuunerata nalunaaquttap akunneranut akissarsiaata assigissavaa. Toqqammavigisassanut ataqatigiissaarisutut suliffiup inuttassarsiuunneqarneranut atatillugu, aningaasatigut killissarititaasut isumaqatigiissutigineqartut iluannit, ukiumut nalunaaquttat akunneri atorineqartussat amerlanerpaaffissaat, inatsiseqarnermut ministerip aalajangissavaa.

Nunatta illersuisuuneratut aamma toqqammavigisassanut ataqatigiissaarisutut atorfiit akornanni imatut ataqatigiittoqarpoq, suliassat inummit ataatsimit suliarineqarpata, pitsaasumik sunniuteqarsinnaassaaq.

Tamanna tunngavigalugu toqqammavigisassanut ataqatigiissaarisup siullermeerluni toqqarneqarnerani, atorfimmut qinnuteqartoq nunatta illersuisuunerippagu tamanna inatsiseqarnermut ministerip pingaartissinnaassavaa.

Aammattaaq toqqammavigisassanut ataqatigiissaarisup toqqarneqarnerani piffissaq killilik siulleq inatsiseqarnermut ministerip aalajangersinnaassavaa, taamaalilluni toqqarneqarneq nunatta illersuisuuneratut atorfeqarnerup naanerata peqatigisaanik naassalluni, tamannalu siunissami nunatta illersuisuuneranut aamma toqqammavigisassatut ataqatigiissaarisumut atorfiit ataqatigiissaakkamik inuttassarsiorneqarsinnaanerannut periarfissiissaaq. Siunissami inuttassarsiuineq imatut pisinnaavoq, atorfik ataaseq inuttassarsiuunneqarluni, tassani nunatta illersuisuunerata aamma toqqammavigisassanik ataqatigiissaarisup suliassanik ataqatigiissaarisuqarluni, imaluunniit imaaliortoqarsinnaavoq nunatta illersuisuuneratut atorfik ataaseq aamma toqqammavigisassanut ataqatigiissaarisumut atorfik ataaseq inuttassarsiuunneqarsinnaallutik. Aamma atorfiit immikkoortut marluk pilersinneqarpata, atorfinnik

atorfinititsinerimi, taakkua inummit ataatsimit inuttalerneqarnissaat pingaartinneqartussaassaaq.

Massakkut nunatta illersuisuuneranik toqqaaneq ulloq 31. marts 2025 naasussaammat, aamma nunatta illersuisuunera manna tikillugu ukiut 4-kkaarlugit toqqarneqartarmat maluginiarneqassaaq.

Pinerluttulerinerimi inatsit malillugu eqqartuunneqarsimasunut, Kalaallit Nunaanni inissinneqarsimasunut, ilaatigut ilitersuinermit ilinniartitsinermullu tunngatillugu suliassanik suliaqarnissaa siunertaralugu toqqammavigisassanik ataqatigiissaarisup pilersinneqarnissaa pillugu allaffissornikkut malittarisassat aalajangersarneqarnissaannut, pinerluttulerinerimi inatsimmi § 163, imm. 3-mi aalajangersagaq atuuttoq periarfissaliissummik imaqartoq, Inatsiseqarnermut ministereqarfiup nalilerpaa, kisianni toqqammavigisassanut ataqatigiissaarisup toqqammavigisassanik atorfinititsinissamut piginnaasaqartinnaasanut pisariaqartinneqartumik piginnaatitsissummik aalajangersagaq imaqanngitsoq nalilerneqarpoq.

Pinerluttulerinerimi inatsimmi § 163, imm. 3 atuuttoq periarfissaliissutigalugu, pinerluttulerinerimi inatsit malillugu eqqartuunneqarsimasumut, Kalaallit Nunaannilu inissinneqarsimasumut, toqqammavigisassanut tunngatillugu ilitersuinissamik ilinniartitsinermillu il.il. (kisianni atorfinititsinerunngitsunik) suliaqarsinnaasumik toqqammavigisassanik ataqatigiissaarisumik pilersitsinissaa siunertaralugu, Kalaallit Nunaanni pinerluttulerinerimik inatsit naapertorlugu inissiisarfimmiitanut toqqammavigisassanik toqqaasarneq pillugu nalunaarummi nr. 366-imi, 19. april 2016-imeersumi allaffissornikkut naleqqussaannerit pisariaqartinneqartut Inatsiseqarnermut ministereqarfiup piaarnerpaamik suliarissallugit naatsorsuutigaa.

Piginnaatitsineq nutaaq siunnersuutigineqartoq akuerineqassappat toqqammavigisassat atorfinitinneqarnissaannut atasumik toqqammavigisassanut ataqatigiissaarisup piginnaasaqartinneqarnissaa siunertaralugu nalunaarutip suli naleqqussarneqarnissaanik suliaqartoqartariaqarnera, tamanna tunngavigalugu siunertarineqarpoq.

Inatsisissatut siunnersuummi § 2 (pinerluttulerinerimi inatsimmi § 163, imm. 3) tassungalu oqaaseqaatit aammattaaq innersuussutigineqarput.

2.4. Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqalernera

2.4.1. Inatsisit atuuttut

Pigisani aalaakkaasuni pigisanik qularnaveeqqusiissummi qularnaveeqqusiinermi pisinnaatitaaffik, tassani qularnaveeqqusiussaq qularnaveeqqusiisumit pigiinnarneqarluni, isumaqatigiissusiornikkut imaluunniit eqqartuussisutigoortinneqarnikkut pilersinneqartoq, kingusinnerusukkut isumaqatigiissusiornernut, ajortussamik isumaqarani qularnaveeqqusiissummik piginnittumut isumaqatigiissutigineqartoq, atuutissaguni, aamma qularnaveeqqusiisarneq pillugu Kalaallit Nunaannut inatsimmi § 1, imm. 1 malillugu eqqartuussisutigoortinneqarnissamut illersorneqassaguni nalunaarsorneqassaaq. Pigisani nuunneqarsinnaasuni, pigisanik qularnaveeqqusiissummi qularnaveeqqusiinermi pisinnaatitaaffik, tassani qularnaveeqqusiussaq qularnaveeqqusiisumit pigiinnarneqarluni, isumaqatigiissutikkut pilersinneqartumi tamanna aamma atuuppoq.

Aappariinnermi inatsisitigut kingunerisassat pillugit inatsimmi, Kalaallit Nunaannut atuutilersinneqarsimasumi (aappariinnermi inatsisitigut kingunerisassat pillugit inatsisip Kalaallit Nunaannut atuutilersinneqarnera pillugu inatsimmi § 1, nr. 8) § 37 malillugu, aappariit aalajangersagaat atuutissagunik nalunaarsorneqassapput.

Namminersorsinnaanermik Kalaallit Nunaannut inatsimmi, Kalaallit Nunaannut atuutilersinneqarsimasumi § 3 malillugu, nammineersinnaassusiagaaneq pillugu peqqussutit nalunaarsorneqassapput. Inummut taamaattoqarneranik ilisimasaqanngitsumut, aamma ilisimasaqartariaqanngitsumut peqqussutit inatsisitigut sunniutai, aatsaat nalunaarsuinnermit atuutilissapput. Naamineersinnaajunnaarsitaasimasoq pigisamik aalaakkaasumik pigisaqarpat, pigisat pillugu inatsisitigut unioqqutinneqartussaannngitsumik isumaqatigiissusiornernit assingisut pingaartinneqassaguni, pigisamut nalunaarsuineq aammattaaq pissaaq.

Pisinnaatitaaffiup pilersinneqarnera tassaasoq kingusinnerpaamik ulloq taanna pisinnaatitaaffiup nalunaarsorneqaqqullugu nalunaarutigineqarnera pillugu uppersarsaatip qulakkeerneqarnissaa siunertaralugu, pigisanut aalaakkaasunut piginnittussaaneq nalunaarsorneqarsinnaavoq, kisianni pigisat aalaakkaasut aamma pigisat nuunneqarsinnaasut qularnaveeqqutaanngitsut pillugit pisinnaatitaaffiit allat

nalunaarsorneqarnissaat pillugit Nunatta Eqqartuussisuuneqarfiata Kalaallit Nunaannut malittarisassiaani, 20. juni 1968-imeersumi § 1 malillugu taanna pigisanik qularnaveeqqusiissummi qularnaveeqqusiinermik pisinnaatitaaffiup, tassani qularnaveeqqusiussaq qularnaveeqqusiisumit pigiinnarneqarluni, nalunaarsorneqarneratut taanna inatsisitigut sunniuteqanngilaq.

§ 54, nr. 10 malillugu, eqqartuussisarnermik inatsimmi § 57 malillugu nalunaarsuineramik suliaqarneq (eqqartuussivikkoortumik nalunaarsuineq) Nunatsinni Eqqartuussivimmit suliarineqassaaq.

Nalunaarsuineq assaat atorlugit suliarineqartarpoq, aamma pisortatigoortumik nalunaarsuineq atuakkakkut tigussaasukkut suliarineqartarpoq, tassani pisinnaatitaaffiit nalunaarsorneqarsimasut nalunaarsorneqarneri assak atorlugu allanneqartarlutik. Nalunaarsuisarnerup takussutissiarineqarnera atuakkami tigussaasumi tassani quppernerup pineqartup skannerneqarneratigut pissarsiarineqartarpoq.

Nalunaarsuinermi suleriaaseq taamaalilluni Danmarkimi 1993-1994 sioqqullugu eqqartuussivikkoortumik nalunaarsuinermi suleriaatsimut assersuunneqarsinnaavoq, tassani eqqartuussivikkoortumik nalunaarsuinermi edb eqqunneqarluni, taamaalilluni Danmarkimi eqqartuussivikkoortumik nalunaarsuutit taamanili digitaliusumik nalunaarsuiffittut ingerlanneqalersimatutllutik. Taamaattoq eqqartuussivikkoortumik nalunaarsuineq takussutissiat tigussaasut, nalunaarutiginnittut eqqartuussivimmut tunniussassai, tunngavigalugit sulii pisarpoq. Tamatuma kingorna 2009-miit 2011 ilanngullugu Danmarkimi digitaliusumik eqqartuussivikkoortumik nalunaarsuineq tamakkiisoq eqqunneqarpoq, taamaalilluni eqqartuussivikkoortumik nalunaarsuineq massakkut digitaliusumik imminut kiffartuunnissamut systemi atorlugu pisarluni. Danmarkimi eqqartuussivikkoortumik nalunaarsuineq Hobromi Tingslysningssret-imit suliarineqartarpoq.

2.4.2. Inatsiseqarnermut ministereqarfiup isumaliutiginninneri aamma aaqqissuussineq siunnersuutigineqartoq

Kalaallit Nunaanni eqqartuussivikkoortumik nalunaarsuineq digitaliusumik ingerlanneqassasoq partiit isumaqatigiissusiortut isumaqatigiissutigaat.

Kalaallit Nunaanni maannakkut nalunaarsuineramik suliaqartarnerup (eqqartuussivikkoortumik nalunaarsuisarnerup) digitaliusumik ingerlanneqarnissaanut pisariaqartinneqartunik inatsisit allanngortinneqarnissaat tamanna tunngavigalugu siunnersuutigineqarpoq. Pisinnaatitaaffiit sorliit nalunaarsorneqarsinnaanersut, imaluunniit nalunaarsorneqarnerup nalunaarsorneqannginnerulluunniit inatsisitigut sunniutai pillugit aallaaviatigut allannguisoqannginnissaa siunnersuutigineqarpoq.

Siunissami qularnaveeqqusiussaqluni taarsigassarsinermi allagartat digitaliusussaammata, taamaattoq siunissami pigisanik qularnaveeqqusiissutip timitalerlugu qularnaveeqqusiisummik piginnittumut tunniunneqarnissaa periarfissaassanngilaq. Pigisanik qularnaveeqqusiissutit qularnaveeqqusiissutaasarnerat siunissami pigisanik qularnaveeqqusiisummi qularnaveeqqusiinermi pisinnaatitaaffittut pisassaaq, tassani qularnaveeqqusiussaq qularnaveeqqusiisumit pigiinnarneqartarluni, taannalu isumaqatigiissutinik pissarsisunut ajortussamik isumaqanngitsunut aamma eqqartuussivikkoortinneqarnissamat illersorneqarnissaq anguniarlugu nalunaarsorneqassaaq. Pigisanik qularnaveeqqusiissut digitaliusumik nalunaarsuisarnerup atuutilersinneqarnera sioqqullugu nalunaarsorneqarsimappat, pigisanik qularnaveeqqusiissut tassunga atatillugu digitaliusumik pigisanik qularnaveeqqutitut allanngortinneqartussaassaaq. Pigisanik qularnaveeqqusiussineq, tassani qularnaveeqqusiussaq qularnaveeqqusiiffigisamat tunniunneqarluni, digitaliusumik nalunaarsuisarnerup atuutilernera sioqqullugu suliarineqarsimasoq, ullup taassuma kingorna ukiuni 5-ni atuuffini pigiinnassagaa, tassunga atatillugu siunnersuutigineqarpoq. Pigisanik qularnaveeqqusiissutip timitalerlugu qularnaveeqqusiisummik piginnittumut tunniunneqarneqarnerata sivilisunerumik attanneqarnissaa pisariaqartinneqarpat, digitaliusumik nalunaarsuisarnerup atuutilersinneqarnerata kingorna ukiut 5 qaangiutsinnagit pigisanik qularnaveeqqusiissutip digitaliusumik pigisanik qularnaveeqqusiissutinngortillugu allanngortinneqarnissaa, aamma pigisanik qularnaveeqqusiussinerup, tassani qularnaveeqqusiussaq qularnaveeqqusiiffigisamat tunniunneqarluni, pigisamik qularnaveeqqusiisummi qularnaveeqqusiinermi pisinnaatitaaffimmut, tassani qularnaveeqqusiussaq qularnaveeqqusiisumit pigiinnarneqarluni, allanngortinneqarnissaa, taassumalu nalunaarsorneqarnissaa, pisariaqartinneqartussaavoq.

Qularnaveeqqusiussaqaarluni taarsigassarsinermi allagartat
tuniniarneqarsinnaasut tunniunneqarnerannut atatillugu akerliliinerit
pisinnaatitaaffiillu atorunnaarsinneqartarnerat imaluunniit
inangerneqartarnerat pillugit malittarisassat nutaat aammattaaq
siunnersuutigineqarput. Akiitsut allagartaat pillugit inatsimmi tamanna
pillugu malittarisassat malittarisassatut siunnersuutigineqartut assigaat,
tassa atorsinnaasanik arsaarinninnermut taarsiullugu
qularnaveeqqusiinermut uppernarsaaneq atorneqassalluni.
Qularnaveeqqusiussaqaarluni taarsigassarsinermi allagartat
tuniniarneqarsinnaanngitsut pineqartillugit, akiitsut allagartaat
nalinginnaasut pillugit akiitsut allagartaat pillugit inatsimmi kapitali III
atorneqassasoq siunnersuutigineqarpoq, taamaattoq akiitsut allagartaat
pillugit inatsimmi § 31 malillugu siunissami nalunaarsuineq, aallaqqaataani
akiligassaqarfiup pisassarisat allamut tunniussimagai akiligassalimmut
nalunaarutigineqarneranut taarsiullugu, qularnaveeqqusiinermut
uppernarsaatitut atuutissalluni.

Akiitsut allagartaat pillugit inatsit, inatsimmik allanngorneri ilanngullugit
nalunaarutiginninneq nr. 1074, 15. september 2015-imeersoq malillugu
inatsisikkut nr. 104, 31. marts 1965-imeersukkut Kalaallit Nunaannut
atuutilersinneqarpoq.

Digitaliusumik qularnaveeqqusiussaqaarluni taarsigassarsinermi allagartat
nalunaarsorneqarsimasut tunngavigalugit pinngitsaaliinikkut
naammassinninniaaneq pillugu malittarisassat nutaat aammattaaq
siunnersuutigineqarput.

Nalunaarsuineramik suliaqarneq (eqqartuussivikkoortumik nalunaarsuineq)
suli Nunatsinni Eqqartuussivimmit suliarineqassasoq,
eqqartuussivikkoortumik nalunaarsuisarnerup digitaliusumik
ingerlanneqarnissaa pillugu siunnersuutip kinguneraa, kisianni imaalillugu
nalunaarsuineq digitaliusumik Tinglysningsret-imit ikorfartorneqassalluni,
aamma imaalillugu isumaqatigiinngissutit pillugit
aalajangiisoqartussaatinagu, Nunatsinni Eqqartuussivimmi eqqartuussisut
qullersaata Tinglysningsret-imi sulisut nalunaarsuinissamik suliat
suliarineqarnissaannik piginnatissinnaagai.

Nalunaarsuineramik suliaqarneq (eqqartuussivikkoortumik nalunaarsuineq)
suli Nunatsinni Eqqartuussiviup ataaniissasoq, tamatuma kinguneraa,

taamaalilluni Tinglysningsret-ip it-mut systemit, Kalaallit Nunaanni digitaliusumik eqqartuussivikkoortumik nalunaarsuinermi ikorfartuutaasussat, ingerlattussaassavai. Taamaalilluni Tinglysningsret-ip suliassai tassaasussaassapput tekniskiusumik aamma ajornaatsumik Nunatsinni Eqqartuussivimmik nalunaarsuinermi (eqqartuussivikkoortumik nalunaarsuinermi) ikiuineq, kisianni nalunaarsuineq pillugu aalajangiinerit piviusut, Nunatsinni Eqqartuussivimmit sulii aalajangerneqartassapput.

Isumaqatigiinngissutit pillugit aalajangiisoqartussaatinnaq, taamaattoq Tinglysningsret-ip sulisuinik nalunaarsuinermi sulianik suliaqarsinnaanissaannut Nunatsinni Eqqartuussivimmi eqqartuussisut qullersaat piginnaatitsisinnaassaaq. Suliap suliarineqarnerani isumaqatigiinngissutit pilerpata, taamaalilluni suliaq Nunatsinni Eqqartuussivimmi eqqartuussisumit imaluunniit eqqartuussisutut fuldmægtigimit aalajangerneqartussaassaaq.

Kalaallit Nunaanni digitaliusumik eqqartuussivikkoortumik nalunaarsuinermi periaasissat pillugit malittarisassat erseqqinnerusut nalunaarusiornikkut inatsiseqarnermut ministerimit aalajangersarneqassasut siunnersuutigineqarpoq. Qularnaveeqqusiussaqaarluni taarsigassarsinermit allagartat, matumani taakku pisariaqartinneqartumik naqissuserneqarsimanissaat, aamma taaneqartunut akitsuutit akilerneqarsimanissaat ilanngullugit, pillugit nalunaarsuinermit piimasaqaatit erseqqinnerusut tassunga atatillugu aalajangersarneqarsinnaassapput. Aammattaaq nalunaarutiginnittup systemimik atuisinnaanermik periarfissaqannginnera pissutigalugu, digitaliusumik imminut kiffartuunnissamut systemip atorineqarnissaanut pisussaajunnaarsitaaneq pillugu inatsiseqarnermut ministeri malittarisassanik aalajangersaasinnaassaaq. Pisuni taamaattuni malittarisassat erseqqinnerusumik aalajangersakkat malillugit takussutissiat pappiaraasut tunngavigalugit pisinnaatitaaffiit nalunaarsorneqarnissaanut nalunaarutiginnittoq nalunaarutiginnissinnaavoq.

Ilaatigut tekniskiusumik piviusunngortinneqarsinnaanera, atortuulersinnissaanut piffissaq aamma aningaasalersorneqarnera eqqarsaatigalugit, Kalaallit Nunaanni digitaliusumik eqqartuussivikkut nalunaarsuineramik ingerlatsinissaq pillugu suliniut, qallunaat eqqartuussivikkoortumik nalunaarsuisarnermut systemiata, pisariaqartitsineq siunertarlu eqqortinniarlugit eqqartuussivinni nalunaarsuinerit isumagineqarnissaannut piareersarneqarsimasup, aaqqissuunneqarsimasup aamma ilusilersorneqarsimasup, Nunatsinni Eqqartuussivimmi atugassatut annertusitinneqarneratigut, aamma taamaalilluni digitaliusumik imminut kiffartuussinermut systeminik kalaallisut oqaasertalimik nutaamik immikkut ittumik piareersaaqqaartoqarani atugassanngortinneqassasoq, ukiunut arlalinnut isumaqatigiisummi pissutitut tunuliaqutaasimammat maluginiarneqassaaq. Digitaliusumik imminut kiffartuussinermut systemi taamaallaat qallunaatut oqaasertaqarluni pissarsiarineqarnissaa tamatuma ilaatigut kinguneraa.

Inatsisissatut siunnersuummik suliaqarnermut atatillugu, Naalakkersuisut nalunaarutigisimavaat suliniutip tekniskiusumik atugassanngortinneqarnissaatut siunnersuut tapersersorsinnaanngikkitsik. Inatsisissatut siunnersuummi malittarisassatut siunnersuutigineqartut, Kalaallit Nunaanni digitaliusumik eqqartuussivikkut nalunaarsuisarnermik ingerlatsinissamik inatsisitigut tunngaviliinissamik siunertaqartut, taamaammat aatsaat Naalakkersuisut tamanna pillugu kissaateqarlutik nalunaaruteqarnerisigut atuutilersinnaasut, inatsisissatut siunnersuutikkut aallarnerniarneqarpoq.

Inatsisissatut siunnersuummi § 1, nr. 4, 21 aamma 22 (eqqartuussisarnermik inatsimmi § 9 a, § 598, imm. 6-imi oqaaseqatigiit 2.-at, aamma § 642, imm. 3), § 3 (qularnaveeqquusiisarneq pillugu Kalaallit Nunaannut inatsimmi § 1, imm. 3, aamma §§ 1 a, 3 a-3 g aamma 4), § 4 (aappariinnermi inatsisitigut kingunerisassat pillugit inatsimmi, Kalaallit Nunaannut atuutilersinneqarsimasumi § 37) aamma § 5, nr. 2 (atuutilernissaanut aalajangersagaq) kiisalu taakkununga oqaaseqaatit innersuussutigineqarput.

2.5. Eqqartuussisarnermi digitaliusumik attaveqatigiinneq

2.5.1. Inatsisit atuuttut

Pinerluttulerinermik suliani digitaliusumik attaveqatigiinneq pillugu eqqartuussisarnermi inatsimmi § 128 a malittarisassanik imaqarpoq.

Pinerluttulerinermi eqqartuussisarnermi allattariarsornerup atorneqarnissaanik piumasaqaat, digitaliusumik attaveqatigiinneq imaluunniit eqqartuussinerup nalaani takussutissiat il. il. atorneqarnissaat akornusinnigikkaa, tassuuna allaqqavoq. Malittarisassat atsiornissamik piumasaqaatitaqartut, nalunaarutigineqartoq digitaliusumik atsiorfissalernerqarsimappat, nalunaarutip digitaliusumik allakkatigut nassiunneqarnissaa akornutissaqanngilaq. Nalunaarut, digitaliusumik attaveqatigiinnikkut nassiunneqartoq, tiguisissamut atorneqarsinnaanngornerani, apuussimasutut isigineqarpoq.

Inuit sakkutuujunngitsut pillugit suliani digitaliusumik attaveqatigiinnissaq pillugu eqqartuussisarnermik inatsit malittarisassanik imaqanngilaq.

2.5.2. Inatsiseqarnermut ministereqarfiup isumaliutiginninneri aamma aaqqissuussineq siunnersuutigineqartoq

Tamatuma erseqqinnerusumik misissoqqissaarneqarneqarata kingorna, Kalaallit Nunaanni eqqartuussivinni isumannaatsumik digitaliusumik attaveqatigiinnissaq periarfissiissutigineqarnissaa, partiit isumaqatigiissusiortut isumaqatigiissutigaat.

Kalaallit Nunaanni eqqartuussivinni tekniskiusumik periarfissat pissarsiarineqarpata, inuit sakkutuujunngitsut pillugit suliani digitaliusumik attaveqatigiinnerup atorneqarsinnaanissaata periarfissinneqarnissaanut pisariaqartinneqartumik inatsisitigut allannguutissat tamanna tunngavigalugu siunnersuutigineqarput.

Tekniskiusumik periarfissat pigineqaleriapata, pinerluttulerinermik suliani digitaliusumik attaveqatigiinnerup atorneqarnissaanut eqqartuussisarnermi inatsit pisariaqartinneqartumik periarfissaliissuteqareermat, matumani maluginiarneqassaaq.

Inatsisissatut siunnersuummi § 1, nr. 18 (eqqartuussisarnermi inatsimmi § 128 b), tassungalu oqaaseqaatit innersuussutigineqarput.

3. Paasissutissat illersorneqarnissaannut inatsisitigut pissutsinut tunngasut pillugit

Inatsisissatut siunnersuummi imm. 2.4 malillugu, Tinglysningsret-ip Nunatsinni Eqqartuussiviup nalunaarsuinermik suliaqarnerani (eqqartuussivikkoortumik nalunaarsuinerani ikiuineranut atatillugu, ilaatigut Nunatsinni Eqqartuussivimmit Danmarkimi Tinglysningsret-imut inunnik paasissutissanik nuussineq suliarineqartassaaq aamma ilaatigut Danmarkimi Tinglysningsret-imit Nunatsinni Eqqartuussivimmut inunnik paasissutissanik nuussineq suliarineqartassalluni.

Inunnik paasissutissat, ilaatigut aappariit aalajangersagaasa, pigisani aalaakkaasuni pigisanik qularnaveeqqusiisummi qularnaveeqqusiinermi pisinnaatitaaffiit, tassani qularnaveeqqusiussaq qularnaveeqqusiisumit piginnarneqarluni, aamma pigisaaq aalaakkaasoq pillugu piginnittuuneq pillugit nalunaarsuinnermut atatillugu soorlu atit najukkallu nuunneqarneri aallaaviatigut pineqassapput. Tamatuma saniatigut paasissutissat inuit normuisut ilusillit nuunneqarnerat aamma pissaasoq naatsorsuutigineqarpoq. Nammineersinnaassusiagaaneq pillugu peqqussutit pineqartillugit, taakku inuup timikkut tarnikkullu peqqissusaa pillugit paasissutissanik (ersinngitsunik) imaqarput.

Danmarkimi Tinglysningsret-imit inunnik paasissutissanik Nunatsinni Eqqartuussivimmut nuussineq, paasissutissat illersorneqarnissaat pillugit peqqussummit (inunnik paasissutissanik suliarinninnermut atatillugu inuit illersorneqarnissaat pillugit Europaparlamentip aamma Siunnersuisoqatigiit peqqussutaannit (EU) 2016/679-mit, 27. april 2016-imeersumit aamma 95/46/EF-ip atorunnaarsinneqarnissaa pillugu malitassamit (paasissutissat illersorneqarnissaat pillugu nalinginnaasumik peqqussummit)) malittarisassiuunneqarpoq. Peqqussutip Nunatsinni Eqqartuussivimmit Danmarkimi Tinglysningsret-imut inunnik paasissutissanik nuussineq malittarisassiunngilaa, tassami Kalaallit Nunaat EU-mut ilaasortaannngilaq aamma taamaammat peqqussummit pituttorsimanani.

Inunnik paasissutissanik suliarinnittarneq pillugu inatsit (matuma kingorna “inunnik paasissutissanik suliarinnittarneq pillugu inatsit”) peqqussutikkut nr. 1238-ikkut, 14. oktober 2016-imeersukkut Kalaallit Nunaannut atuutilersinneqarpoq aamma peqqussutikkut nr. 898-ikkut, 26. juni 2023-imeersukkut allannngortinneqarluni.

Suliarinninnernut eqqartuussivinni suliarineqartunut inatsit atuutinngitsoq, inunnik paasissutissanik suliarinnittarneq pillugu inatsimmi § 2, imm. 4-imi

oqaaseqatigiinni siullerni takuneqarsinnaavoq. Nalunaarsuutit pisortat pigisaat pillugit inatsit nr. 294, 8. juni 1978-imeersoq (matuma kingorna “nalunaarsuutit pillugit inatsit”) peqqussutip atuutilernerata kingorna taamaallaat eqqartuussivinnut atuuttoq, inatsimmi § 70, imm. 3-mi takuneqarsinnaavoq.

Inatsit edb-kkut nalunaarsuutitut, pisortat ingerlatsiviinit ingerlanneqartunut, aamma inunnik paasissutissanik imaqartunut, atuuttoq, nalunaarsuutit pillugit inatsimmi § 1-mi takuneqarsinnaavoq. Edb-kkut nalunaarsuutit ima paasineqassapput nalunaarsuutit imaluunniit systematiseerikkamik nalunaarsuinerit allat, taakkunani aalajangersakkami imm. 2 malillugu elektroniskiusumik suliarinninneq atorneqarluni. Aalajangersakkami imm. 3 malillugu naak tamanna inuup normuata, nalunaarsuineri normuata imaluunniit kinaassusersissutit assigisaasa ilisimaneqarnissaanik piumasqaateqarfiugaluartut, inunnik paasissutissat ima paasineqassapput paasissutissat, inunnut aalajangersimasunut atatinneqarsinnaasut.

Taakku suliaqarnerminni aningaasartuutaat naalagaaffiup kommunilluunniit aningaasaataannit annersumik matussuserneqartarpata, nalunaarsuineri nakkutilliisunit oqaaseqaammik pissarsereerermi kingorna, ingerlatseqatigiiffinnut, sullissivinnut, peqatigiiffinnut il.il. erseqqinnerusumik taaneqartunut, pisortat ingerlatsinerannut inissinneqarsinnaanngitsunut, nalunaarsuutitut ingerlanneqartunut inatsit atuutissasoq, ministerip pineqartup aalajangersinnaagaa, nalunaarsuutit pillugit inatsimmi § 2-mi aammattaaq takuneqarsinnaavoq.

Paasissutissat (paasissutissat mianernartuunngitsut) oqartussaasup pineqartup suliassaminik suliarinninnissaasut erseqqissumik pingaaruteqartut, taamaallaat nalunaarsorneqarsinnaasut, nalunaarsuutit pillugit inatsimmi § 9, imm. 1-p malitsigaa. Nalunaarsuutit ima aaqqissuunneqarsimappat, paasissutissat taamaallaat oqartussaasumit allamit atorneqarsinnaallutik, oqartussaasup allap suliassaminik suliarinninnissaanut erseqqissumik pingaaruteqarpata, aammattaaq paasissutissat nalunaarsorneqarsinnaapput.

Politikkimi pissutsit, tamanit tikinneqarsinnaanngitsut, pillugit paasissutissat pillugit nalunaarsuisoqarsinnaanngitsoq, nalunaarsuutit pillugit inatsimmi § 9, imm. 2-p aammattaaq malitsigaa. Nalunaarsuiffiup suliassaminik (paasissutissanik mianernartunik) suliarinninnerminut

tamanna pisariaqartinneqanngippat, paasissutissat allat, inuttut atugarisavinnut tunngassuteqartut, matumani paasissutissat inuiannit sorlernit kingoqqisuuneq, upperisaq aamma ammip qalipaataa pillugit, pissutsit kinguaassiuutitut aamma pillarneqaataasinnaasunut tunngassuteqartut kiisalu peqqissutsimut aamma aanngajaarniutitik assigisaanillu atornearluisuuneq pillugit paasissutissat ilanngullugit, nalunaarsorneqassanngillat.

Paasissutissat nalunaarsorneqarsimasut, tamanna inatsimmi kapitali 5-imi taaneqarsimappat, kiisalu tassani oqartussaasut pineqartut inatsisit malillugit paasissutissanut isersinnaappata, pisortani oqartussaasunut ingerlateqqinneqarsinnaasut, nalunaarsuutit pillugit inatsimmi § 21, imm. 1-imi takuneqarsinnaavoq.

Nipangiussisussaataitaneq pillugu aalajangersakkanit nalinginnaasunit malittarisassat ilassuserneqarput.

Pisortani oqartussaasut nalunaarsuiffii pineqartillugit, nunanut allanut nuussinermi apeqqut pillugu immikkut ittumik malittarisassiuusunik, malittarisassanik aalajangersaasoqarsimanngitsoq, inunnik paasissutissanik suliarinnittarneq pillugu isumaliutissiisummi nr. 1345/1997-imi, nalunaarsuutit pillugit inatsisiliorneq pillugu ataatsimiititaliamit saqqummiunneqartumi, qupperneq 283-imi takuneqarsinnaammat, tassunga atatillugu maluginiarneqassaaq.

Tamanna eqqarsaatigalugu aamma nalunaarsuutit pisortat pigisaat pillugit inatsisip inunnik paasissutissat nunanut allanut nuunneqarsinnaanerit pillugit immikkut ittumik malittarisassanik malittarisassiuusunik imaqaannginnerata malitsigisaanik, inatsiseqartitsinermit pissutsini nalorninarqarnerat eqqarsaatigalugit, Nunatsinni Eqqartuussiviup inunnik paasissutissanik suliarinnissaa aamma Kalaallit Nunaanni digitaliusumik eqqartuussivikkoortumik nalunaarsuinnermut atatillugu Tinglysningsret-imut ingerlatitseqqittarnissaa pillugit, matumani inuit normui ilanngullugit, malittarisassanik erseqqinnerusunik aalajangersaanissamut inatsiseqarnermut ministeri piginnaatinneqassasoq, siunnersuutigineqarpoq

Inatsisissatut siunnersuummi § 3, nr. 7 (Qularnaveeqqusiisarneq pillugu Kalaallit Nunaannut inatsimmi § 4, imm. 2-mi oqaaseqatigiit aappaat) aamma § 6, imm. 12, kiisalu taakkununga oqaaseqaatit innersuussutigineqarput.

4. Pisortanut aningaasaqarnikkut kingunissaa aamma atortuulersitsinermut kingunissaa

'Eqqartuussiviit aningaasaqarnerat pillugu 2024-miit 2027 ilanngullugu isumaqatigiissut'-mmi Kalaallit Nunaat pillugu suliniutissat ilaat taaneqartut, inatsimmik allannguissamik piumasaqaatitaqartut, inatsisissatut siunnersuutip naammassivai. Suliniutit Kalaallit Nunaannut tunngassuteqartut, matumani Kalaallit Nunaanni eqqartuussiviit it pillugu ikorfartorneqarnerat, sulisunik isumalluutit amerlanerusut aamma ilinniartitaanerit pitsaanerusut kiisalu toqqammavigisassanut ataqatigiissaarisumik, Kalaallit Nunaanni toqqammavigisassat ilinniartinneqarnerannik, atorfinitsinneqarnerannik aamma siunnersorneqarnerannik suliaqartussamik, pilersitsineq, 2024-imi 10,9 mio. kr.-inik, 2025-imi 13,3 mio. kr.-inik, 2026-imi 14,0 mio. kr.-inik aamma 2027-imi 11,9 mio. kr.-inik aningaasartuuteqarnerunermik kinguneqarnissaat naatsorsuutigineqarpoq. Eqqartuussiviit aningaasaqarnerat pillugu 2024-imiit 2027 ilanngullugu ukiunut arlalinnut isumaqatigiissutit iluanni aningaasartuutit aningaasartuutigineqassapput.

Kommuninut aamma nunap ilaani oqartussanut inatsisissatut siunnersuut aningaasaqarnikkut atortuulersitsinissamulluuniit tunngassuteqartumik inatsisissatut siunnersuut kinguneqassanngilaq.

Digitaliusumik ingerlatsinissamut piareersimasunik inatsisiliornernut tunngaviit, inatsisissatut siunnersuummut naleqqutinngitsutut nalilerneqarput.

5. Inuussutissarsiornermut il. il. aningaasaqarnikkut allaffissornikkullu kingunissaa

Inatsisissatut siunnersuutip inuussutissarsiornermut il. il. aningaasaqarnikkut allaffissornikkullu tunngasunik kinguneqarnissaa naatsorsuutigineqanngilaq.

6. Innuttaasunut allaffissornikkut kingunissaa

Innuttaasunut inatsisissatut siunnersuut allaffissornikkut kinguneqassanngilaq.

7. Silap pissusianut kingunissaa

Silap pissusianut inatsisissatut siunnersuut kinguneqassanngilaq.

8. Avatangiisinut aamma pinngortitamut kingunissaa

Avatangiisinut aamma pinngortitamut inatsisissatut siunnersuut kinguneqassanngilaq.

9. EU-mi inatsisitigut tunngassuteqartut

Inatsisissatut siunnersuut EU-mi inatsisitigut tunngasunik isiginniffinnik imaqanngilaq.

10. Oqartussaqaarfiit suliniaqatigiiffillu il. il. tusarniaaffigineqartut

Inatsisissatut siunnersuummut missingiut piffissami ullormit 2. juli 2024-imit ullormut 30. juli 2024 ilanngullugu (ullut 29-it) oqartussaasunut suliniaqatigiiffinnullu il. il. tulliuttunut tusarniutigalugu nassiunneqarpoq:

Advokatrådet, Amnesty International, Avannaata Kommunia, Danske Advokater, Dansk Erhverv, Datatilsynet, Den Danske Dommerforening, Kalaallit Illuutaat, Dommerfuldmægtigforeningen, Domstolsstyrelsen, Foreningen af Advokater og Advokatfuldmægtige, Kalaallit Nunaanni Illersuisut peqatigiiffiat, Nunatsinni Advokatit, Sulisitsisut, Nunatta Eqqartuussisuuneqarfia, Inuit Pisinnaatitaaffii pillugit Siunnersuisoqatigiit, Institut for Menneskerettigheder, Justitia, Kommune Qeqertalik, Kommuneqarfik Sermersooq, Kommune Kujalleq, Eqqartuussisut peqatigiiffiat, Nunatta Illersuisuunera, Nunatsinni Advokatit, Ingerlatitseqqinnissamik aalajangiisartut, Retspolitisk Forening, Nunatsinni Eqqartuussivik, Rigsadvokati, Rigspolitiit, Sø- og Handelsretten, Tinglysningssret-i, Vestre Landsret, Østre Landsret aamma Qeqqata Kommunia

Inatsisissatut siunnersuutip tamanut tusarniutigineqarnera atuartut atuangiffeqarnerata naanerata kingorna ullunik 10-nik siusinnerusumik naammatt maluginiarneqassaaq, tassami inatsisissatut siunnersuut piffissami 2. juli 2024-imiit 30. juli 2024 ilanngullugu (ullut 28-it) tusarniutigineqarsimavoq. Inatsisissatut siunnersuutip Kalaallit Nunaanni

Namminersorlutik Oqartussanut saqqummiunneqartussaasimanera tassunga pissutaavoq.

[Inatsisissatut siunnersuut Kalaallit Nunaanni Namminersorlutik Oqartussanut oqaaseqarfigeqqullugu saqqummiunneqarsimammat, maluginiarneqassaaq]

11. Immersugaq eqikkaaffiusoq

	Pitsaasumik sunniutissai /aningaasartuutikinnerunerit (angeruit, annertussusaa allaguk/naaggaaruit allaguk »Soqanngilaq«)	Ajortumik sunniutissai /aningaasartuuteqarnerunissaq (angeruit, annertussusaa allaguk/naaggaaruit allaguk »Soqanngilaq«)
Naalagaaffimmut, kommuninut nunallu immikkoortuinut aningaasaqarnikkut kingunissaa	Ukiunut arlalinnut aningaasaliissuteqarnermi ilaatinneqartut pillugit tamakkiisumik eqqukkiartuaartinneqarnerisa naammassineqarneranni, isumalluutinik siunertanut allanut atorneqarsinnaasunik eqqartuussivinni ukiumut * koruunit missaanut naapertuuttut inatsisissatut siunnersuutip atorneqarsinnaalersissagai naatsorsuutigineqarpoq.	Suliniutit Kalaallit Nunaannut tunnngassuteqartut, matumani Kalaallit Nunaanni eqqartuussiviit it pillugu ikorfartorneqarnerat, sulisunik isumalluutit amerlanerusut aamma ilinniartitaanerit pitsaannerusut kiisalu toqqammavigisassanut ataqatigiissaarisumik, Kalaallit Nunaanni toqqammavigisassat ilinniartinneqarnerannik, atorfinitinneqarnerannik aamma siunnersorneqarnerannik suliaqartussamik, pilersitsineq, 2024-imi 10,9 mio. kr.-inik, 2025-imi 13,3 mio. kr.-inik, 2026-imi 14,0 mio. kr.-inik aamma 2027-imi 11,9 mio. kr.-inik aningaasartuuteqarnerunermik kinguneqarnissaat naatsorsuutigineqarpoq.

		Eqqartuussiviit aningsaasaqarnerat pillugu 2024-imiit 2027 ilanngullugu ukiunut arlalinnut isumaqatigiissutip iluanni aningsaasartuutit aningsaasartuutigineqassapput.
Naalagaaffimmut, kommuninut nunallu immikkoortuinut atuutilersitsinerup kingunissaa	Soqanngilaq.	Soqanngilaq.
Inuussutissarsiortunut aningsaasaqarnikkut kingunissaa	Soqanngilaq.	Soqanngilaq.
Inuussutissarsiortunut allaffissornikkut kingunissaa	Soqanngilaq.	Soqanngilaq.
Innuttaasunut allaffissornikkut kingunissaa	Soqanngilaq.	Soqanngilaq.
Silap pissusianut tunngatillugu kingunissaa	Soqanngilaq.	Soqanngilaq.
Avatangiisinut aamma pinngortitamut kingunissaa	Soqanngilaq.	Soqanngilaq.
EU-mi inatsisitigut tunngassuteqartut	Inatsisissatut siunnersuut EU-mi inatsisitigut tunngasunik isiginniffinnik imaqanngilaq.	
EU-mi inuussutissarsiornernut sammititamik malittarisassiornermi tunngaviusut tallimaasut atortuulersinneqarnissaannut akerliuvoq/EU-mi malittarisassiuinermi minnerpaamik piumasaqaatinik qaangiivoq (X-ileruk)	Aap	Naagga X

*Inatsisissatut siunnersuummi aalajangersakkanut ataasiakkaanut
oqaaseqaatit*

§ 1-imut

Nr. 1-imut aamma 2-mut

(§ 7-imut)

Nunatta Eqqartuussisuuneqarfia katitigaanera pillugu eqqartuussisarnermik inatsimmi § 7 malittarisassanik imaqarpoq.

Nunatta Eqqartuussisuuneqarfia nunap eqqartuussisuuneranik ataatsimik, § 13 malillugu kunngimit toqqarneqartumik inuttaqartoq, tak. § 7, imm. 1.

Suliani Nunatsinni Eqqartuussivimmit suliarinneqqaarfiusutut aalajangerneqarsimasuni, pingaarnertut isumaqatigiinniarnep nalaani § 14 malillugu Danmarkimeersunit nunap eqqartuussisuunerinit sulii 2-nik sulilersitsisoqassaaq, tak. § 7, imm. 2. Aamma pingaarnertut isumaqatigiinniarnep avataani, eqqartuussisuuneqarfiup nunap eqqartuussisuunerinik 2-nik sulilersitsinissaa, Nunatta Eqqartuussisuuneqarfiani nunap eqqartuussisuunerata, eqqartuussiviup siulittaasorisaata, aalajangersinnaavaa.

§ 15 malillugu Nunatta Eqqartuussisuuneqarfiani fuldmægtigit aalajangersimasumik amerlassusillit, tamanna nunap eqqartuussisuunerata aalajangerpagu, eqqartuussisuuneqarfiup ataaniittunik suliassanik suliarinnissinnaasunik, tak. § 7, imm. 3 aamma 4.

§ 7, imm. 1-ip nutaamik oqaasertaliorneqarnissaa siunnersuutigineqarpoq, taamaalilluni Nunatta Eqqartuussisuuneqarfia nunap eqqartuussisuunerinik 2-nik inuttaqalissalluni, taakkunannga ataaseq nunap eqqartuussisuunerisa qullersarilissallugu. § 13 malillugu nunap eqqartuussisuuneri kunngimit toqqarneqartarput.

Nunatta Eqqartuussisuuneqarfiani nunap eqqartuussisuunerisa amerlassusaat 1-mit 2-nut amerlineqassasut, aamma siunissami nunap

eqqartuussisuunerata aappaa eqqartuussisuunerit qullersarissagaat, siunnersuutip kingunerissavaa.

Kalaallit Nunaannut Dommerudnævnelseråd-ip inassuteqarnera tunngavigalugu eqqartuussisarnermik inatsimmi § 13-imi malittarisassat erseqqinnerusut malillugit nunap eqqartuussisuuneri pillugit kunngip toqqaasarnera allannguuteqassanngilaq.

Nunap eqqartuussisuuneratut atorfik aamma nunap eqqartuussisuunerisa qullersaattut atorfik tassunga atatillugu atorfiussapput immikkoortut, aamma atorfiit arlaata inuttaqannginnerani, atorfimmik pineqartumik inuttaliinermi, § 13-imi ingerlatseriaaseq taamaalilluni malinneqartussaassaaq.

Inatsisip atuutilersinneqarnerani, piffissami tassani Nunatta Eqqartuussisuuneqarfiani nunap eqqartuussisuuneratut toqarneqarsimasoq, taamaattoq automatiskimik nunap eqqartuussisuunerisa qullersaattut nuunneqassaaq, aamma § 13-imi ingerlatseriaaseq taamaalilluni nunap eqqartuussisuunerisa qullersaat pineqartillugu aatsaat atorfiup tullissaanik inuttalernerqarnissaani malinneqartussaassaaq. Inatsisip atuutilernerani nunap eqqartuussisuuneratut atorfik inuttaqanngippat, nunap eqqartuussisuunerisa qullersaattut aamma nunap eqqartuussisuunerisa aappaattut § 13-imi ingerlatseriaaseq malillugu taamaattoq toqarneqartussaassapput.

Nunap eqqartuussisuunerata suli ataatsip, inatsisip atuutilersinneqarnerata kingorna piaarnerpaamik toqarneqarsinnaanera siunertaralugu, pisariaqartinneqartumik periarfissaliissut pillugu nangaassuteqarnermik ersersitsinikkut, Nunatta Eqqartuussisuuneqarfiani nunap eqqartuussisuuneratut atorfimmik suli ataatsimik atorfinitsitsisoqarnissaanut ingerlatseriaaseq inatsisip atuutilinnginnerani aallartinneqarsinnaassaaq.

Nutaamik § 7, *imm.* 2-mik ilanngussisoqarnissaa siunnersuutigineqarpoq, tamatumalu kingorna Nunatta Eqqartuussisuuneqarfiani sulianik aalajangiinerni eqqartuussisoq 1 peqataassaaq, taamaattoq tak. *imm.* 3. Nunap eqqartuussisuunerata aappaa isumaqatigiinniartigereerlugu, nunami eqqartuussisuunerit qullersataa eqqartuussisut akornanni suliat agguataarneqarnissaat pillugu aalajangiissaaq.

Nunatta Eqqartuussisuuneqarfiani nunap eqqartuussisuunerisa 1-miit 2-nut amerlineqarnissaat pillugu siunnersuutigineqartup kingunerissagaa aamma, § 7, imm. 3 (maannamut imm. 2-jusoq) nangaassutigalugu, Nunatta Eqqartuussisuuneqarfiani suliat aalajangiiffigineqarneranni eqqartuussisup 1-ip peqataanissaata inatsisinik tunngavissaqalersinneqarnera kinguneralugu.

Nunap eqqartuussisuunerata aappaa isumaqatigiinniartigereerlugu, nunami eqqartuussisuunerit qullersaataa nunap eqqartuussisuunerisa taakkua marluk akornanni suliat agguataarneqarnissaat pillugu aalajangissagaa, siunnersuutip kingunerissavaattaq.

§ 7, imm. 2-p atorunnaarsinneqarnissaa, aamma nutaamik imm. 3-mik ilanngussisoqarnissaa siunnersuutigineqarpoq, taamaalilluni suliat, Nunatsinni Eqqartuussivimmi suliarinneqqaarfittut aalajangersaavigineqarsimasut pillugit, pingaarnertut isumaqatigiinniarnermi eqqartuussisut 3-t peqataasalissallutik. Aamma isumaqatigiinniarnernup pingaarnernup avataani eqqartuussisut 3-t peqataanissaat, eqqartuussivimmi siulittaasup aalajangersinnaavaa. Eqqartuussisut 3-t peqataatillugit, § 14 malillugu nunatta eqqartuussisuuneqarfia nunap eqqartuussisuuneranik Danmarkimeersumit 1-imit sulilersitsissaaq. Pissutsit immikkut ittut pisillugit, eqqartuussisuuneqarfik Danmarkimit nunap eqqartuussisuunerinik 2-nnik taamaattoq sulisitsisinnaavoq.

Suliani Nunatsinni Eqqartuussivimmi suliarinneqqaarfiusutut aalajangersaavigineqarsimasuni, allanngortinnagu pingaarnertut isumaqatigiinniarnermi eqqartuussisut 3-t peqataasussaassasut, siunnersuutip kingunerissavaa. Suliami taamaattumi, pingaarnertut isumaqatigiinniarnernup avataani aamma allanngortinnagu eqqartuussisut 3-t peqataanissaat aalajangerneqarsinnaassaaq. Tamanna pillugu aalajangiineq siunissami eqqartuussiviup siulittaasuanit aalajangerneqartussaassaaq, imaappoq Nunatta Eqqartuussisuuneqarfiani nunap eqqartuussisuuneranit, eqqartuussisut akornanni suliat agguataarneqarnerat, § 7, imm. 2-tut siunnersuutigineqartoq malillugu aalajangerneqartumi, suliamik pineqartumik piareersaataasunik suliarinninnermik isumaginnittumit tamanna aalajangerneqartussaassaaq.

Sisunissami erseqqissumik aallaavittut Nunatta Eqqartuussisuuneqarfianit nunap eqqartuussisuunerisa 2-t aamma Danmarkimit nunap

eqqartuussisuunerata 1-ip peqataasussaannerannik allanngueq, siunnersuutip aammattaaq kingunerissavaa. Nunap eqqartuussisuunera danskiusoq allanngortinnagu Østre imaluunniit Vestre Landsret-imi nunap eqqartuussisuuneratut toqqarneqarsimassaaq aamma § 14-imi ingerlatseriaaseq malillugu toqqarneqassalluni.

Pissutsit immikkut ittut pisillugit, soorlu ullumikkut taamaattoq, eqqartuussisuuneqarfiup qaqutigoortumik Danmarkimit nunap eqqartuussisuunernik 2-nnik sulisitsisinnaanera, siunnersuutip kingunerissavaa. Tamanna pillugu aalajangiineq nunap eqqartuussisuunerisa qullersaannit aalajangerneqartussaassaaq.

“Pissutsit immikkut ittut” pineqartillugit, napparsimaneq, attuumassuteqarpallaarneq, atorfiit inuttaqannginnerat, tassani pingaarnertut isumaqatigiinniarnep kinguartinneqarnissaa naleqqutinngitsumik ajornakusoorpallaassalluni aamma aningaasartuutaangaatsiassalluni, innersuussutigineqarput.

Aammattaaq Nunatta Eqqartuussisuuneqarfinni atorfiit akuerisaasut pillugit inatsisissatut siunnersuummi oqaaseqaatini nalinginnaasuni imm. 2.1 innersuussutigineqarpoq.

Nr. 3-mut

(§ 7, imm. 4-mut, § 14, imm. 2-mut, § 22, imm. 3-mut, § 23, imm. 3-mut, § 33, imm. 2-mut aamma 3-mut, § 35, imm. 3-mut, aamma § 38, imm. 1-imut).

Tamanna nunap eqqartuussisuunerata aalajangerpagu, sulianik nunatta eqqartuussisuuneqarfiata ataaniittunik fuldmægtigi suliaqarsinnaasoq, eqqartuussisarnermik inatsimmi § 7, imm. 4-p aalajangersarpaa.

§ 7, imm. 2 malillugu danskit nunap eqqartuussisuunerisa, Nunatta Eqqartuussisuuneqarfiani sulilertussatut ivertinneqartut, akornanni suliat agguataarneqarnerat, nunap eqqartuussisuunerisa ivertinneqartut aamma Nunatta Eqqartuussisuuneqarfiani nunap eqqartuussisuunera isumaqatigiinniarnarfigereerlugit, Østre aamma Vestre Landsret-p præsidentiinit aalajangersarneqassasoq, eqqartuussisarnermik inatsimmi § 14, imm. 2-p taavaa.

Atorfimmi sulisussaqartinnagu imaluunniit eqqartuussisoq aalajangersimasoq pisinnaatinnagu, Nunatsinni Eqqartuussivimmi utaqqiisaagallartumik ivertitsinissaq eqqartuussisarnermik inatsimmi § 22 tunngassuteqarpoq. Napparsimaneq pissutigalugu pisinnaannginneq minillugu, aallaaviatigut atorfiup ukioq 1 sinnerlugu utaqqiisaagallartumik inuttalernerqarsinnaanngilaq, tak. § 22, imm. 2. Taamaattoq akuersissuteqartoqartillugu, ukiumut 1-imut piffissaliussaq ukioq 1 tikillugu sivitsorneqarsinnaasoq § 22, imm. 3-mi takuneqarsinnaavoq. Nunatsinni Eqqartuussivimmi eqqartuussisoq pineqartillugu, akuersissuteqarneq Nunatsinni Eqqartuussivimmi eqqartuussisut qullersaannut tunniunneqassaaq, Nunatsinni Eqqartuussivimmi eqqartuussisut qullersaat pineqartillugu, akuersissuteqarneq Nunatta Eqqartuussisuuneqarfiani nunap eqqartuussisuuneranut tunniunneqassaaq, aamma Nunatta Eqqartuussisuuneqarfiani nunap eqqartuussisuunera pineqartillugu akuersissuteqarneq Eqqartuussiviit Qullersaanni præsidentimut tunniunneqassaaq.

Eqqartuussivinni taakkunani pissutsit pissutissaqartippassuk, Nunatsinni Eqqartuussivimmi eqqartuussisumik imaluunniit Nunatta Eqqartuussisuuneqarfiani eqqartuussisuunermik suli ataatsimik utaqqiisaagallartumik ivertitsisoqarnissaa eqqartuussisarnermik inatsimmi § 23 kisianni tunngassuteqarpoq. Taama tulleriillutik, Nunatsinni Eqqartuussivimmi eqqartuussisut qullersaat aamma Nunatta Eqqartuussisuuneqarfiani nunap eqqartuussisua isumaqatigiinniartfigereerlugit, eqqartuussisup utaqqiisaagallartumik ivertinneqartup suliat suut suliarissanerai, Eqqartuussiviit Qullersaanni præsidentip aalajangissavaa, tak. § 23, imm. 3.

Nunatsinni Eqqartuussivimmi eqqartuussisup qullersaata aamma Nunatta Eqqartuussisuuneqarfiani nunap eqqartuussisuunerata saniatigooralugu inuussutissarsiteqarnera pillugu nalunaarutiginninneq Eqqartuussiviit Qullersaanni præsidentimut tunniunneqassasoq, aamma Nunatsinni Eqqartuussivimmi eqqartuussisoq pillugu nalunaarutiginninneq Nunatsinni Eqqartuussivimmi eqqartuussisut qullersaannut tunniunneqassasoq, eqqartuussisarnermik inatsimmi § 33, imm. 2-p aalajangersarpaa.

Nunatsinni Eqqartuussivimmi eqqartuussisoq pillugu naammagittaalliuteqarneq Nunatsinni Eqqartuussivimmi Eqqartuussiviit Qullersaannut imaluunniit Den Særlige Klageret-imut tunniunneqassasoq, aamma Nunatsinni Eqqartuussivimmi eqqartuussisut qullersaat aamma

Nunatta Eqqartuussisuuneqarfiani nunap eqqartuussisuunera pillugu naammagittaalliuut Eqqartuussiviit Qullersaannut imaluunniit Den Særlige Klageret-imut tunniunneqassasoq, eqqartuussisarnermik inatsimmi § 33, imm. 3-p aalajangersarpaa.

Nunatsinni Eqqartuussivimmi aamma Nunatta Eqqartuussisuuneqarfiani eqqartuussisooqataasut, taama tulleriillutik, Nunatsinni Eqqartuussivimmi eqqartuussisut qullersaata aamma nunap eqqartuussisuuneranit innersuussinerup kingorna Landstingimit (ullumikkut Inatsisartunit) toqqarneqartassasut, eqqartuussisarnermik inatsimmi § 35, imm. 3-p aalajangersarpaa.

Nunatsinni Eqqartuussisuuneqarfimmi eqqartuussisooqataasut amerlassusaat, nunap eqqartuussisuuneranit aalajangerneqartassasut, eqqartuussisarnermik inatsimmi § 38, imm. 1-mi oqaaseqatigiit aappaata aalajangersarpaa.

§ 14, imm. 2-mi oqaaseqatigiit aappaanni, § 22, imm. 3-mi oqaaseqatigiit 2.-ani sumiiffinni 2-ni, § 23, imm. 3-mi, § 33, imm. 2-mi oqaaseqatigiit 1.-mi, aamma imm. 3-mi oqaaseqatigiit 1.-mi, § 35, imm. 3-mi, aamma § 38, imm. 1-mi oqaaseqatigiit 2.-ani, "nunap eqqartuussisuunera" "nunap eqqartuussisuunerisa qullersaat"-nnut allanngortinneqassasoq, § 7, imm. 4-mi, imm. 5-nngortussami siunnersuutigineqarpoq.

Nunatta Eqqartuussisuuneqarfiani nunap eqqartuussisuunerisa 1-miit 2-nut amerlineqarnissaat pillugu siunnersuutigineqartup siunnersuut kinguneraa, taakkualu aappaat nunap eqqartuussisuunerisa qullersarissavaat.

Suliassat eqqartuussisuuneqarfiup ataaniittut fuldmægtigimit sularineqarnissaanut piginnaatitaaneq, nunap eqqartuussisuunerisa qallunaajusut akornanni, Nunatta Eqqartuussisuuneqarfiani sulilertussatut ivertinneqartut pillugit suliagguataarneqarneri pillugit aamma nunap eqqartuussisuuneranit suli ataatsimit utaqqiisaagallartumik ivertinneqartumit suliassat suut sularineqassanersut Eqqartuussiviit Qullersaanni præsidentimut isumaqatigiinniarsinnaatitaaneq, Napparsimaneq pissutigalugu sulisinnaannginneq pissutigalugu pisinnannginnermi pisoq minillugu, Nunatsinni Eqqartuussivimmi eqqartuussisut qullersaattut ukioq 1 sinnerlugu utaqqiisaagallartumik inuttaliisinnaanermut akuersissuteqarnissamut piginnaatitaaneq kiisalu Nunatta Eqqartuussisuuneqarfiani eqqartuussisooqataasunik

innersuussinissaq aamma taakkua amerlassusissaa aalajangiinissaq, uani pineqarput.

Napparsimaneq pissutigalugu pisinnaannginneq minillugu, nunap eqqartuussisuunerisa qullersaanut atorfiup utaqqiisaagallartumik ukioq 1 sinnerlugu inuttalerneqarneranut akuersissuteqarneq, Eqqartuussiviit Qullersaanni præsidentimit tunniunneqassasoq, nunap eqqartuussisuunerisa qullersaata saniatigooralugu inuussutissarsiteqarnera pillugu nalunaarutiginninneq Eqqartuussiviit Qullersaata præsidentianut tunniunneqassasoq, aamma nunap eqqartuussisuunerisa qullersaat pillugu naammagittaalliuuteqarneq, Eqqartuussiviit Qullersaanni præsidentimut imaluunniit Den Særlige Klageret-imut tunniunneqassasoq, siunnersuutip aammattaaq kingunerissavaa.

Aammattaaq Nunatta Eqqartuussisuuneqarfinni atorfiit akuerisaasut pillugit inatsisissatut siunnersuutip oqaaseqaatitaani nalinginnaasuni imm. 2.1 innersuussutigineqarpoq.

Nr. 4-imut

(§ 9 a-mut)

Nalunaarsuineramik suliaqarnermut (eqqartuussivikkoortumik nalunaarsuinermut) atatillugu, Nunatsinni Eqqartuussivimmut Tinglysningsret-ip ikiuinissaa inatsisit atuuttut malillugit malittarisassaqaanngilaq.

Tinglysningsret-i, danskit eqqartuussisarnermik inatsisaanni § 18 malillugu, Nunatsinni Eqqartuussivik nalunaarsuineramik suliaqarnermik (eqqartuussivikkoortumik nalunaarsuinermik) ikiussagaa, § 9 a-mi oqaaseqatigiit siullianni siunnersuutigineqarpoq.

Tinglysningsret-ip Hobro-miittup, danskit eqqartuussisarnermik inatsisaanni § 18-ikkut pilersinneqartup, Nunatsinni Eqqartuussivimmut nalunaarsuineramik suliaqarnermik (eqqartuussivikkoortumik nalunaarsuinermik) ikiuisinnaanissaa siunnersuutip kinguneraa.

Kalaallit Nunaanni nalunaarsuineramik suliaqarnerup (eqqartuussivikkoortumik nalunaarsuisarnerup) digitaliusumik ingerlanneqalernissaa pillugu siunnersuummut siunnersuut ilaavoq, aamma

Tinglysningsret-ip qarasaasiakkut systemit, Kalaallit Nunaanni digitaliusumik eqqartuussivikkoortumik nalunaarsuinermit atorneqartussat ikorfartussagai, tamatuma kinguneraa. Tassunga atatillugu inuit pillugit paasissutissat, soorlu inuit normui, Tinglysningsret-ip suliarisinnaassavai, matumani nalunaarsuinermit suliaqarnermit (eqqartuussivikkoortumik nalunaarsuinermit) Nunatsinni Eqqartuussivimmik ikiuinissamut tamanna pisariaqartinneqarpat, inuit pillugit paasissutissat Kalaallit Nunaannut nassiunneqarneri ilanngullugit.

Tinglysningsret-ip suliassat tassaassapput tekniskimik Nunatsinni Eqqartuussivimmik nalunaarsuinermit ikiuineq (eqqartuussivikkoortumik nalunaarsuinermit), kisianni nalunaarsuineq pillugu aalajangiinerit piviusut Nunatsinni Eqqartuussiviup suli aalajangertassavai.

Nalunaarsuineq pillugu aalajangiinerit piviusut Nunatsinni Eqqartuussiviup nammineq sulisuinit imaluunniit ataani oqaaseqatigiit aappaattut siunnersuutigineqartoq malillugu, Tinglysningsret-ip sulisuinit, aalajangerneqarsinnaapput.

Nunatsinni Eqqartuussivimmi nalunaarsuineq pillugu aalajangiinerit, eqqartuussisumit, tamannalu eqqartuussisarnermit inatsimmi § 5, imm. 3 malillugu, eqqartuussisut qullersaannit aalajangerneqarsimatillugu, fuldmægtigimit, imaluunniit eqqartuussivimmi allatsimit, eqqartuussisarnermit inatsimmi § 9 malillugu eqqartuussisut qullersaata piginnaatissimasaanit, suliarineqarsinnaapput. Akerliusoqarpat, taamaattoq eqqartuussivimmi allatsi aalajangiinermit aalajangiisinaanngorlugu piginnaatinneqarsinaanngilaq.

Isumaqatigiinngissutini aalajangiisoqartussaanngipput, Nunatsinni Eqqartuussivimmi eqqartuussisut qullersaata Tinglysningsret-imi sulisut nalunaarsuinermit sulianik suliaqarsinnaanerannut piginnaatissinnaagai, *oqaaseqatigiit 2.-ani* siunnersuutigineqarpoq.

Danskit eqqartuussisarnermit inatsisaanni § 19, imm. 4 malillugu danskit eqqartuussivikkoortumik nalunaarsuinermit suliaqartarneri pillugit Tinglysningsret-ip præsidentiaata sulisut kalaallit nalunaarsuinermit suliassaataannik suliaqarsinnaaneritut piginnaatitsisinnaanerata assinganik, Nunatsinni Eqqartuussivimmi eqqartuussisut qullersat periarfissap assinganik periarfissaqalissasoq, tamatuma kinguneraa.

Taamatut pisoqarpat, Tinglysningsret-ip sulisuisa suliassamik taassuminnga suliaqarnerat § 9 a-mi oqaaseqatigiittut siullertut siunnersuutigineqartoq malillugu, Tinglysningsret-ip Nunatsinni Eqqartuussivimmik ikiuinissaanut tamanna ilaassaaq.

Danskit eqqartuussisarnermik inatsisaanni § 19, imm. 4-mi sulisut eqimatutttakkuutaat pineqartut assinginut, oqaaseqatigiit 2.-atut siunnersuutigineqartoq sammitinneqarpoq, imaappoq sulisut ilinniagartuut allat, matumani inatsisilerituutut immikkut ittumik siunnersortit, eqqartuussivinni fuldmægtigit atorfinitsitsinermi inuttut kiffaanngissuseqarnermik qulakkeerinniffigineqartumik atorfinitsitaanngitsut, kiisalu allaffimmi sulisut.

Tinglysningsret-ip inatsisilerituutut sulisui atorfinitsitsinermi inuttut kiffaanngissuseqarnermik qulakkeerinniffigineqartumik atorfinitsitaasut, kalaallit nalunaarsuineramik suliassaataanni isumaqatigiinngissutit pillugit aalajangiisinnaassappata, eqqartuussivinni eqqartuussisup imaluunniit fuldmægtigip aammattaaq, tamanna pillugu eqqartuussisarnermik inatsimmi malittarisassat malillugit, Nunatsinni Eqqartuussivimmi sulinissaa piumasaqaataassaaq. Tamanna sulisaatsimi pineqarnaviarunanngilaq, kisianni siunnersuut aqqutigalugu naalagaaffiup eqqartuussiviini fuldmægtigip, Tinglysningsret-imi aamma Nunatsinni Eqqartuussivimmi sulisussatut atorfinitsinneqarneranut imaluunniit eqqartuussisarnermik inatsimmi §§ 21-miit 24 ilanngullugu malillugit Tinglysningsret-imi eqqartuussisup Nunatsinni Eqqartuussivimmi utaqqiisaagallartumik ivertinneqarsinnaaneranut, tamanna akornutaasussaannngilaq.

Tinglysningsret-imi sulisut, § 9 a-mi oqaaseqatigiit aappaat malillugu Nunatsinni Eqqartuussivimmi eqqartuussisut qullersaanniit piginnaatinneqarnerup kingorna, nalunaarsuinissamik suliassanik suliaqartut, Tinglysningsret-imi atorfinitsitaanerminni atugassarititaasunut ilaatillugu suliassaq sularissavaat, aamma taakkua pissusilersuutaat pillugit naammagittaalliuuteqartoqassappat naammagittaalliuutit tassunga atatillugu Tinglysningsret-ip præsidentianut tunniussassaassapput. Kalaallit nalunaarsuineramik suliassaataanni Tinglysningsret-ip sulisuisa pissusilersornerat pillugu naammagittaalliummik tigusinermi, Nunatsinni Eqqartuussiviup naammagittaalliuut Tinglysningsret-imut ingerlateqqissagaa aamma tamanna pillugu naammagittaalliortoq ilisimatissagaa, piumasaqaataavoq.

Nalunaarsuinermut tunngassuteqartut pineqartillugit § 9 a-mi oqaaseqatigiit 2.-atut siunnersuutigineqartoq malillugu Tinglysningsret-ip sulisui piginnaatinneqartut, Nunatsinni Eqqartuussivik sinnerlugu sulissapput, aamma nalunaarsuinermut atatillugu eqqartuussivimmut qaffasinnerusumut aalajangeqqitassanngortitsineq Nunatta Eqqartuussisuuneqarfianut pisussaassaaq.

Aammattaaq Kalaallit Nunaanni nalunaarsuisarnerup digitaliusumik ingerlanneqalernissaa pillugu aamma paasissutissat illersorneqarnissaannut inatsisitigut pissutsinut tunngasut 3 pillugit inatsisissatut siunnersuutip oqaaseqaataani nalinginnaasuni imm. 2.4 innersuussutigineqarpoq.

Nr. 5-imut

(§ 11, imm. 1-imut aamma 2-mut)

Eqqartuussisut siunnersuisoqatigiivisa katitigaanerat, eqqartuussisarnermik inatsimmi § 11, imm. 1-imi aamma 2-mi taaneqarpoq, aamma Nunatta Eqqartuussisuuneqarfiani nunap eqqartuussisuunera Eqqartuussisut siunnersuisoqatigiivinut siulittaasuusoq takuneqarsinnaavoq.

§ 11, imm. 1-imi aamma 2-mi “nunap eqqartuussisuunera” ima allanngortinneqassasoq siunnersuutigineqarpoq “Nunap eqqartuussisuunerisa qullersaat”.

Nunatta Eqqartuussisuuneqarfiani nunap eqqartuussisuata 1-miit 2-nnut amerlineqarnissaat pillugit siunnersuutip siunnersuut kinguneraa, taakkunannga ataaseq nunap eqqartuussisuunerisa qullersarissallugu.

Eqqartuussisut siunnersuisoqatigiivinik siulittaasutut suliassaq, siunissami nunap eqqartuussisuunerisa qullersaata suliarissagaa, siunnersuutip kingunerissavaa.

Aammattaaq Nunatta Eqqartuussisuuneqarfinni atorfiit akuerisaasut pillugit inatsisissatut siunnersuutip oqaaseqaatitaani nalinginnaasuni imm. 2.1 innersuussutigineqarpoq.

Nr. 6-imut

(§ 13, imm. 1-imut, § 24-imut aamma § 33, imm. 1-imut)

Ilaatigut Nunaatta Eqqartuussisuuneqarfiani nunap eqqartuussisuunera inatsisilerituutut naammassilluni soraarummeersimassasoq, eqqartuussisarnermik inatsimmi § 13, imm. 1-ip aalajangersarpaa.

Nunatta Eqqartuussisuuneqarfiani nunap eqqartuussisuunerata attuumassuteqarpallaarnera pissutigalugu tamanna pisariaqartinneqalissappat, eqqartuussisumik suliami ataatsimi suliarinninnissamik immikkut piginnaatitaasumik Eqqartuussiviit Qullersaanni præidenti ivertitsissasoq, eqqartuussisarnermik inatsimmi § 24-p ilaatigut aalajangersarpaa.

Nunatta Eqqartuussisuuneqarfiani ilaatigut nunap eqqartuussisuuneranut, pissusissanik saneqqutsinerit pillugit pillaatissiinissamut eqqartuussivikkoortitsineq, tunuartitsineq aamma soraarsitsineq pillugit danskit eqqartuussisarnermik inatsisaanni §§ 47-imiit 50 ilanngullugu atuuttut, eqqartuussisarnermik inatsimmi § 33, imm. 1-p aalajangersarpaa.

§ 13, imm. 1-imi, § 24-mi aamma § 33, imm. 1-imi, ”nunap eqqartuussisuunera” ”nunap eqqartuussisuuneri”-nut allanngortinneqassasoq siunnersuutigineqarpoq.

Nunatta Eqqartuussisuuneqarfiani nunap eqqartuussisuunerisa 1-miit 2-nut amerlineqarnissaat pillugu siunnersuutigineqartup siunnersuut kinguneraa.

Inatsisissatut siunnersuummi § 1, nr. 10 peqatigalugu aalajangersakkani pineqartuni ataasersiummit qasseersiutinngorlugu oqaatsitigut aaqqiineq siunnersuutip kingunerissavaa, taamaalilluni nunap eqqartuussisuuneri tamarmik marluullutik inatsisilerituutut naammassillutik soraarummeersimasussaanagerat, nunap eqqartuussisuunerisa marluullutik suliamut attuumassuteqarpallaarnerat pissutigalugu aalajangiisinnaanngippata, eqqartuussisoq immikkut ittumik piginnaatinneqarluni suliami ataatsimi suliarinninnissamut ivertinneqarnissaa, aamma saniatigooralugu inuussutissarsiuteqarneq, pissusissanik saneqqutsinerit pillugit pillaatissiinissamut eqqartuussivikkoortitsineq, tunuartitsineq aamma soraarsitsineq pillugit danskit eqqartuussisarnermik inatsisaanni malittarisassanik nunap eqqartuussisuuneri tamarmik marluullutik malinnittussaanagerat, erseqqissumik takuneqarsinnaanngorpoq.

Aammattaaq Nunatta Eqqartuussisuuneqarfinni atorfiit akuerisaasut pillugit inatsisissatut siunnersuummi oqaaseqaatini nalinginnaasuni imm. 2.1 innersuussutigineqarpoq.

Nr. 7-imut aamma 8-mut

(§ 14-imut)

Nunap eqqartuussisuuneri, § 7, imm. 2 malillugu Nunatta Eqqartuussisuuneqarfiani sulilersussat, Danmarkimi nunap eqqartuussisuunerisut toqqarneqarsimassasut, eqqartuussisarnermik inatsimmi § 14, imm. 1-ip aalajangersarpaa.

Østre aamma Vestre Landsret-imi præsidentit tamarmik immikkut qinnuteqaatit malillugit nunap eqqartuussisuunerinik, imm. 1-imi taaneqartunik, naammattunik amerlassusilinnik ivertitsissasut, eqqartuussisarnermik inatsimmi § 14, imm. 2-p aalajangersarpaa. Nunap eqqartuussisuuneri ivertinneqartut aamma Nunatta Eqqartuussisuuneqarfiani eqqartuussisuunera (inatsisissatut siunnersuummi § 1, nr. 4 malillugu siunissami nunap eqqartuussisuunerisa qullersariligassaat) isumaqatigiinniartfigereerlugit, suliat akunnerminni agguataarneqarnissaat nunap eqqartuussisuuneqarfiini præsidentit aalajangissavaat.

§ 14, imm. 1-imi § 7, imm. 2-mut innersuussineq, § 7, imm. 3-mut innersuussinermut allanngortinneqassasoq siunnersuutigineqarpoq.

Inatsisissatut siunnersuummi § 7, nr. 2 malillugu nutaamik § 7, imm. 2-mik ilanngussisoqarnissaata siunnersuut kinguneraa, tamatumalu kingorna § 7, imm. 2, § 7, imm. 3-nngussaaq.

Innersuussutip allanngortinneqarnissaanik siunnersuut immi piviunuk allanngortitsissanngilaq, kisianni § 7, imm. 2, § 7, imm. 3-nngortussaq, innersuussutigineqartoq, erseqqinnerusumik inatsisissatut siunnersuummi § 1, nr. 3, tassungalu oqaaseqaatit erseqqinnerusumik malillugit, imaqarnermigut aammattaaq allanngortinneqassasoq siunnersuutigineqarpoq.

§ 14, imm. 2-mi oqaaseqatigiit 2.-ani, ”akunnerminni” imatut allanngortinneqassasoq ” nunami eqqartuussisuunertut ivertitanut” siunnersuutigineqarpoq.

Uani oqaatsitigut naqqiineq pineqarpoq, taassumalu oqaasertaasa aalajangersakkap imaata isumaanut naapertuuttunngortissavaa, tassami nunap eqqartuussisuunerisa danskiusut (aamma danskit eqqartuussisuuneqarfiini præsidentit akornanniunngitsoq) akornanni suliat agguataarneqarnissaat pillugit aalajangiisoqassaaq.

Aallaqqaataanit inatsisissatut siunnersuummi oqaasertaliunneqartut tassaasimapput, nunap eqqartuussisuuneqarfiisa præsidenti nunap eqqartuussisuuneri ivertinneqarsimasut Nunattalu Eqqartuussisuuneqarfiani nunap eqqartuussisuunera isumaqatigiinniarfigereerlugit taakkua akornanni suliat agguataarneqarnissaat aalajangissagaat, aamma inatsisissatut siunnersuummut oqaaseqaatini Østre aamma Vestre Landsret-imi præsidentit nunap eqqartuussisuunerisa sulilertussat aamma Folketingstidende 2007-2008 (katersat aappaat), ilanngussaq A, qupperneq 1221 aamma 1371 malillugit Nunatta Eqqartuussisuuneqarfiani nunap eqqartuussisuunera isumaqatigiinniarfigereerlugit nunap eqqartuussisuunerisa sulilertussat ataasiakkaat akornanni suliassat agguataarneqarneri aalajangissagaat siunertarineqarsimasoq allaqqavoq.

Folketingimit inatsisissatut siunnersuutip suliarineqarnerata nalaani ”taakkua”-miit ”akunnerminnut” allannguneq ajornaatsumik pivoq.

§ 14, imm. 2-mi oqaaseqatigiit 2.-ani oqaasertaliussat naqqinneqarnissaat pillugu siunnersuut, taamaalilluni ”akunnerminni” ”nunap eqqartuussisuuneri ivertinneqartut”-nut allanngortitsineq, tamanna tunngavigalugu piviusumik allannguinerunngilaq.

Nr. 9-mut

(§ 22, imm. 3-mut)

Atorfimmi sulisussaqqannginnera imaluunniit eqqartuussivimmi eqqartuussisoq pisinnaatinnagu, Nunatsinni Eqqartuussivimmi eqqartuussisumik utaqqiisaagallartumik ivertitsinermut aamma Nunatta Eqqartuussisuuneqarfiani nunap eqqartuussisuuneranik ivertitsinermut eqqartuussisarnermik inatsimmi § 22 tunngassuteqarpoq. Napparsimaneq

pissutigalugu pisinnaannginneq minillugu, atorfik utaqqiisaagallartumik ukioq 1 sinnerlugu aallaaviatigut tigummineqarsinnaanngitsoq, § 22, imm. 2-mi allaqqavoq. Taamaattoq akuersisoqarpat, ukiumut 1-imut piffissaliussaq, ukioq 1-ikkaarlugu sivitsorneqarsinnaasoq, § 22, imm. 3-mi allaqqavoq. Nunatsinni Eqqartuussivimmi eqqartuussisoq pineqartillugu akuersineq Nunatsinni Eqqartuussivimmi eqqartuussisut qullersaannit tunniunneqassaaq, Nunatsinni Eqqartuussivimmi eqqartuussisut qullersaat pineqartillugu, akuersineq Nunatta Eqqartuussisuuneqarfiani nunap eqqartuussisuuneranit tunniunneqassaaq, aamma Nunatta Eqqartuussisuuneqarfiani nunap eqqartuussisuunera pineqartillugu akuersineq Eqqartuussiviit Qullersaanni præsidentimit tunniunneqassaaq. § 1, nr. 4-tut siunnersuutigineqartumi § 22, imm. 3-mi nunap eqqartuussisuunera nunap eqqartuussisuunerisa qullersaannut allanngortinneqassasoq siunnersuutigineqarpoq.

§ 22, imm. 3-mi oqaaseqatigiit 2.-ani, "Nunatsinni Eqqartuussivimmi eqqartuussisut qullersaata" "Nunatsinni Eqqartuussivimmi eqqartuussisut qullersaata aamma Nunatta Eqqartuussisuuneqarfiani eqqartuussisut qullersaata"-nut allanngortinneqassasoq siunnersuutigineqarpoq.

Nunatta Eqqartuussisuuneqarfiani nunap eqqartuussisuunerisa 1-miit 2-nut amerlineqarnissaat pillugu siunnersuutigineqartup siunnersuut kinguneraa, taakkualu aappaat nunap eqqartuussisuunerisa qullersarissavaat.

Pisuni napparsimaneq pissutigalugu pisinnaannginneq minillugu, utaqqiisaagallartumik nunap eqqartuussisuuneratut atorfiup ukioq 1 sinnerlugu tigummineqarnissaanut akuersissuteqarnissamut piiginnaatitaaneq nunap eqqartuussisuunerisa qullersaata pissagaa, inatsisissatut siunnersuummi § 1, nr. 4 peqatigalugu siunnersuutip kingunerissavaa.

Aammattaaq Nunatta Eqqartuussisuuneqarfinni atorfiit akuerisaasut pillugit inatsisissatut siunnersuutip oqaaseqaataani nalinginnaasuni imm. 2.1 innersuussutigineqarpoq.

Nr. 10-mut

(§ 24-imut)

Nunatsinni Eqqartuussivimmi eqqartuussisut suliamut attuumassuteqarpallaarpata imaluunniit Nunatta Eqqartuussisuuneqarfiani nunap eqqartuussisuunera suliamut attuumassuteqarpallaarpat, tamannalu pisariaqartinneqarpat, Eqqartuussiviit Qullersaanni præsidentip eqqartuussisumik suliامي ataatsimi suliarinninnissamik immikkut piginnaatitaasumik ivertitsinissaa, eqqartuussisarnermik inatsimmi § 24-p aalajangersarpaa. ”Nunap eqqartuussisuunera” ”nunap eqqartuussisuuneri”-nut allanngortinneqassasoq inatsisissatut siunnersuummi § 1, nr. 6-ikkut siunnersuutigineqarpoq.

§ 24-mi ”attuumassuteqarpallaarnerat” peerneqassasoq, aamma ”attuumassuteqarpallaarnera” ”attuumassuteqarpallaarnerat”-nnik allanngortinneqassasoq, siunnersuutigineqarpoq.

Nunatta Eqqartuussisuuneqarfiani nunap eqqartuussisuunerisa 1-miit 2-nut amerlineqarnissaat pillugu siunnersuutigineqartup siunnersuut kinguneraa.

Inatsisissatut siunnersuummi § 1, nr. 6 peqatigalugu aalajangersakkani pineqartuni ataasersiummit qasseersiutinngorlugu oqaatsitigut aaqqiineq siunnersuutip kingunerissavaa, taamaalilluni, nunap eqqartuussisuuneri tamarmik marluullutik attuumassuteqarpallaarpata, eqqartuussisumik suliامي ataatsimi suliarinninnissamik immikkut piginnaatitaasumik ivertitsisoqassasoq, erseqqissumik takuneqarsinnaalerpoq.

Aammattaaq Nunatta Eqqartuussisuuneqarfinni atorfiit akuerisaasut pillugit inatsisissatut siunnersuutip nalinginnaasumik oqaaseqaatitaani imm. 2.1 innersuussutigineqarpoq.

Nr. 11-mut

(§ 24 a-mut)

Kalaallit Nunaanni atorfimmi eqqartuussisut soraarninngorsimasut eqqartuussisutut sulisinniarlugit aggersarneqarsinnaaneratt pillugu, inatsisit atuuttut malillugit malittarisassaqaanngilaq.

Eqqartuussisut soraarninngorsimasut aggersarneqartarneratt pillugu eqqartuussisarnermik inatsimmi § 24 a-tut aalajangersakkamik nutaamik ilanngussisoqarnissaa siunnersuutigineqarpoq.

Danskít eqqartuussisarnermik inatsisaanni § 51 e, aalajangersagassatut siunnersuutigineqartup assigaa.

Eqqartuussisoq, ukiuni imaluunniit peqqinnginnini pissutigalugu soraarninngorsimasoq, Nunatsinni Eqqartuussivimmi eqqartuussisut qullersaannit, najukkami eqqartuussivimmi imaluunniit Nunatsinni Eqqartuussivimmi sulinissamut aggersarneqarsinnaasoq imaluunniit Nunatta Eqqartuussisuuneqarfiani nunap eqqartuussisuunerisa qullersaannit piffissami erseqqinnerusumik aalajangersimasumi eqqartuussisutut sulinissamut aggersarneqarsinnaasoq, *imm. 1*-imi siunnersuutigineqarpoq. Taamaallaat pisuni immikkut ittumi piffissaq aggersarneqarfiusoq, eqqartuussisup 74-inik ukioqalernera sinnerlugu sivitsorneqarsinnaavoq.

Naalagaaffiup eqqartuussiviini eqqartuussisut soraarninngorsimasut Kalaallit Nunaanni eqqartuussivimmi piffissami erseqqinnerusumik aalajangerneqartumi eqqartuussisutut sulinissamut aggersarneqarsinnaasut, tamatuma kinguneraa.

Piffissap erseqqinnerusumik aalajangersimasup naatsumik sivilissuseqarnissaa naatsorsuutigineqarpoq, imaappoq annerpaamik qaammatit 6. Kisianni eqqartuussisup piffissami nutaami annerpaamik qaammatini 6-inni aggersaqqinneqarsinnaanera akornutissaqanngilaq. Eqqartuussisoq aggersarneqarsimasoq piffissap aalajangersimasup aggersarneqarfiusup naanerata kingorna aamma sulianik naammassillugit suliarinnissinnaassaaq, suliani taakkunani oqaatsit atorlugit suliarinninneq piffissap aggersaaffiusup iluani aallartinneqarsinmassalluni.

Kalaallit Nunaanni, Danmarkimi aamma Savalimmiuni eqqartuussivinni eqqartuussisut aaqqissuussinermi ilaatinneqassapput. Pineqartup soraarninngunnginnermini kingusinnerpaamik eqqartuussisutut toqqarneqarsimaneranit qaffasinnerusumik suliarinniffimmi eqqartuussisutut sulinissamut aggersarneqarsinnaassanngilaq.

Eqqartuussisut, ukiut imaluunniit peqqiilliorneq pissutigalugu soraarninngorsimasut aaqqissuussinermi ilaatinneqassapput. Eqqartuussisut soraarninngorsimasut, eqqartuussisutut atorfeqarsimanerminnit soraarninngornermik kingorna, saniatigooralugu suliffittut aalajangiisartuni aamma siunnersuisoqatigiinni il. il. siulittaasutut imaluunniit ilaasortatut suliaqartut, aamma aggersaasarnermik aaqqissuussinermi ilaatinneqartussaassapput. Eqqartuussisup eqqartuussiviit avataanni

pingaarnertut suliffimmik nutaamik suliffeqalersimannginnera
piumasaqaatigalugu, eqqartuussisut tunuartussaaitaanerannut
ukioritinneqartoq 70-inik ukioqalernermit killeqartoq sioqqullugu
soraarsimasut, aaqqissuussinermi aamma ilaatinneqassapput.
Eqqartuussisoq soraarninngorsimasoq, eqqartuussiviit avataanni
pingaarnertut suliffeqartoq, taamaalilluni aaqqissuussineq
siunnersuutigineqartoq malillugu aggersarneqarsinnaassanngilaq.

Pissutsit immikkut ittut tamanna tunngavissaqartippassuk, eqqartuussisup
74-inik ukioqalernera qaangerlugu piffissaq aggersarneqarfiusoq
sivitsorneqarsinnaassaaq. Suliap naammassineqarnissaa eqqarsaatigalugu
tamanna pisariaqartinneqarpat, tassani oqaatsit atorlugit pingaarnertut
isumaqatigiinniarnaq 74-inik ukioqalinnginnermi aallartinneqarsimanerani,
tamanna ingammik pissaaq. Taamaallaat piffissap aggersarneqarfiusup
sivitsorneqarnissaanut periarfissaq, 74-inik ukioqalinnginnermi
aallartissimasoq, aamma allakkut 74-inik ukioqalereernerup kingorna
nutaamik piffissamik aggersaaffiusumik aallartitsinnginnissaq, 74-inik
ukioqarnissamut killissarititaasup kinguneraa.

Atorfiup pineqartup nalinginnaasumik suliassartaasa
agguataarneqarneranni eqqartuussisut aggersarneqartut ilaatinneqarnissaat
naatsorsuutigineqarpoq. Suliat annertuut malunnaatillit taamaalilluni
aallaaviatigut atorfeqarfiup eqqartuussisuinit aalajangersimasunit
suliarineqartariaqarput. Eqqartuussisoq aggersarneqarsimasoq imaluunniit
eqqartuussisutut fuldmægtigi, tassani pineqartoq suliat
amerlavallaalernissaasa pilersinneqarnissaat akornuserniarlugu
aggersarneqarluni, imaluunniit taamaattut annikillisinneqarnissaat
siunertarlugu aggersarneqarluni, aamma pisuni taakkunani atorfeqarfiup
nalinginnaasumik suliassaanik suliaqartusnaanera aamma taamaallaat suliat
suussusiinut ataatsinut ilaanngitsunik (assersuutigalugu pineqartoq
angallanneq pillugu sulianik suliarinninnissaq taamaallaat siunertarlugu
aggersarneqarluni) suliarinnittusnaanera aammattaaq
naatsorsuutigineqarpoq.

Inatsisissatut siunnersuummi § 1, nr. 12 (eqqartuussisarnermik inatsimmi §
32 a) malillugu najukkani eqqartuussisut pissusissanik saneqqutsinerit
pillugit pillaatissinneqarnissaannut eqqartuussivikkoortitsinermi
imaluunniit pillaatissiinermi, tunuartitsinermi aamma soraarsitsinermi
malittarisassat, najukkani eqqartuussisunut aggersarneqartunut tamattutaaq
atorneqassasut siunnersuutigineqarpoq.

Inatsisissatut siunnersuummi § 1, nr. 16 (eqqartuussisarnermik inatsimmi § 34, imm. 1) malillugu Nunatsinni Eqqartuussivimmi aamma Nunatta Eqqartuussisuuneqarfiani eqqartuussisunut aggersakkanut, eqqartuussivinni fuldmægtiginut, aamma utaqqiisaagallartumik eqqartuussisutut ivertinneqartunut, pissusissanik saneqqutsinerit pillugit pillaatissiinissamut eqqartuussivikkoortitsineq imaluunniit pillaatissiineq, tunuartitsineq aamma soraarsitsineq malittarisassat atuutissasut, aammattaaq siunnersuutigineqarpoq.

Eqqartuussivinni fuldmægtigit eqqarsaatigalugit imm. 1-ip taamatuttaaq atorineqarnissaa *imm. 2*-mi siunnersuutigineqarpoq.

Eqqartuussivinni fuldmægtigit, ukiut peqqiilliornerluunniit pissutigalugit soraarninngorsimasut, Nunatsinni Eqqartuussivimmi eqqartuussisut qullersaanit imaluunniit Nunatta Eqqartuussisuuneqarfiani nunap eqqartuussisuunerisa qullersaanit, piffissami erseqqinnerusumik aalajangerneqartumi atorfimmi pineqartumi, imm. 1-imi siunnersuutigineqartumi oqaaseqaatinilu qulaaniittuni, takuneqarsinnaasutut, atorfimmi pineqartumi fuldmægtigitut sulinissamut aggersarneqarsinnaasut, tamatuma kinguneraa.

Aammattaaq fuldmægtigi soraarninngorsimasoq najukkami eqqartuussivimmi eqqartuussisutut aggersarneqarsinnaassaaq.

Kalaallit Nunaanni, Danmarkimi Savalimmiunilu fuldmægtigit soraarninngorsimasut aaqqissuussinermi ilaatinneqassapput.

Inatsisissatut siunnersuummi § 1, nr. 16 (eqqartuussisarnermik inatsimmi § 34, imm. 1) malillugu, Nunatsinni Eqqartuussivimmi aamma Nunatta Eqqartuussisuuneqarfiani eqqartuussivini fuldmægtiginut aamma utaqqiisaagallartumillu eqqartuussisutut ivertinneqartunut, pissusissanik saneqqutsinerit pillugit pillaatissiinissamut eqqartuussivikkoortitsinermi imaluunniit pillaatissiinermi, tunuartitsinermi aamma soraarsitsinermi malittarisassat taakku aamma atuutissasut siunnersuutigineqarpoq.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

(§ 32 a-mut)

Kalaallit Nunaanni atorfimmi eqqartuussisut soraarninngorsimasut eqqartuussisutut sulisinniarlugit aggersarneqarsinnaaneratt pillugu, inatsisit atuuttut malillugit malittarisassaqaanngilaq.

§ 32 a-mi aalajangersakkamik nutaamik ilanngussisoqarnissaa siunnersuutigineqarpoq, tamatumalu kingorna §§ 26 aamma 28-imiit 32 ilanngullugu malittarisassat najukkani eqqartuussivimmi, § 24 a malillugu aggersarneqarsimasunut assinganik atuutissapput.

Inatsisissatut siunnersuummi § 1, nr. 11 (eqqartuussisarnermik inatsimmi § 24 a) Kalaallit Nunaanni ilaatigut najukkani eqqartuussisunut, eqqartuussisunik aggersaasarnissaq pillugu aaqqissuussinerup eqqunneqarnissaa pillugu siunnersuutip siunnersuut kinguneraa.

Eqqartuussisarnermik inatsimmi soraarsitsisarneq pillugu § 26, naammagittaalliutit pillugit § 28, mianersoqqusineq pillugu § 29, Eqqartuussisut Siunnersuisoqatigiivinit saqqummiussineq aamma aalajangiisarneq pillugit §§ 30 aamma 31 aamma tunuartitsineq pillugu § 32, taamatuttaaq eqqartuussisunut fuldmægtiginullu soraarninngorsimasunut, § 24 a-tut siunnersuutigineqartoq malillugu piffissami aalajangersimasumi najukkani eqqartuussisutut sulinissamut aggersarneqarsimasunut, malittarisassat atuutissasut, siunnersuutip kingunerissavaa.

Nunatsinni Eqqartuussivimmi imaluunniit Nunatta Eqqartuussisuuneqarfiani piffissami aalajangersimasuni sulisussatut eqqartuussisut fuldmægtigillu soraarninngorsimasut aggersarneqarnerat pineqartillugu, eqqartuussisarnermik inatsimmi § 34, imm. 1, inatsisissatut siunnersuummi § 1, nr. 16-itut oqaasertaliorneqartoq innersuussutigineqarpoq.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

Nr. 13-imiit 15 ilanngullugu oqaaseqaatit

(§ 33, imm. 2-mut aamma 3-mut)

Ilaatigut Nunatta Eqqartuussisuuneqarfiani nunap eqqartuussisuuneranut, saniatigooralugu inuussutissarsiuteqarneq, pissusissanik saneqqutsinerit pillugit pillaatissiinissamut eqqartuussivikkoortitsineq imaluunniit pillaatissiineq, tunuartitsineq aamma soraarsitsineq eqqarsaatigalugit, danskit eqqartuussisarnermik inatsisaanni §§ 47-imiit 50 ilanngullugu malittarisassat atuuttut, eqqartuussisarnermik inatsimmi § 33, imm. 1-ip aalajangersarpaa. Inatsisissatut siunnersuummi § 1, nr. 6-ikkut, ”nunap eqqartuussisuunerata” ”nunap eqqartuussisuunerinut” allanngortinneqarnissaa siunnersuutigineqarpoq.

Nunatsinni Eqqartuussivimmi eqqartuussisut qullersaannut aamma Nunatta Eqqartuussisuuneqarfiani nunap eqqartuussisuanut saniatigooralugu inuussutissarsiuteqarneq pillugu nalunaarutiginninneq Eqqartuussiviit Qullersaannut tunniunneqassasoq, eqqartuussisarnermik inatsimmi § 33, imm. 2-p aalajangersarpaa.

Eqqartuussiviit Qullersaanni præidentip aamma Nunatsinni Eqqartuussivimmi eqqartuussisut qullersaata tamarmik immikkut saniatigooralugu inuussutissarsiuteqarneq pillugu aamma pissusissanik saneqqutsinerit pillugit pillaatissiineq pillugu oqartussaasuuneq pillugit piginnaatitaanerit suliarissavaat. Inatsisissatut siunnersuummi § 1, nr. 6-ikkut ”nunap eqqartuussisuunera” ”nunap eqqartuussisuunerisa qullersaat”-nnut allanngortinneqassasoq siunnersuutigineqarpoq.

Nunatsinni Eqqartuussivimmi eqqartuussisup naammagittaalliutigineqarnera Nunatsinni Eqqartuussivimmi eqqartuussisut qullersaannut imaluunniit Den Særlige Klageret-imut tunniunneqassasoq, aamma Nunatsinni Eqqartuussivimmi eqqartuussisut qullersaat pillugu naammagittaalliut aamma Nunatta Eqqartuussisuuneqarfiani nunap eqqartuussisuunera pillugit naammagittaalliutit Eqqartuussiviit Qullersaanni præidentimut imaluunniit Den Særlige Klageret-imut tunniunneqassasoq eqqartuussisarnermik inatsimmi § 33, imm. 3-p aalajangersarpaa. Inatsisissatut siunnersuummi § 1, imm. 6-ikkut ”nunap eqqartuussisuunera” ”nunap eqqartuussisuunerisa qullersaat”-nnut allanngortinneqassasoq siunnersuutigineqarpoq.

§ 33, imm. 2-mi oqaaseqatigiit 1.-mi, ”Eqqartuussiviit Qullersaani præidentimut” kingorna ”Nunatta Eqqartuussisuuneqarfiani nunap

eqqartuussisuuneranut Nunatta Eqqartuussisuuneqarfiani nunap eqqartuussisuunerisa qullersaannut” ilanngunneqassasoq aammattaaq siunnersuutigineqarpoq.

§ 33, imm. 2-mi, oqaaseqatigiit 2.-ani, “Eqqartuussiviit Qullersaanni præidentip” kingorna “Nunatta Eqqartuussisuuneqarfiani eqqartuussisuunerit qullersaata” ilanngunneqarnissaa aammattaaq siunnersuutigineqarpoq.

§ 33, imm. 3-mi oqaaseqatigiit 1.-mi, “Nunatsinni Eqqartuussivimmi eqqartuussisut qullersaannut imaluunniit Den Særlige Klageret-imut,” kingorna “Nunatta Eqqartuussisuuneqarfiani nunap eqqartuussisuunera pillugu naammagittaalliuut Nunatta Eqqartuussisuuneqarfiani nunap eqqartuussisuunerisa qullersaannut imaluunniit Den Særlige Klageret-imut tunniunneqassaaq” aammattaaq siunnersuutigineqarpoq.

Nunatta Eqqartuussisuuneqarfiani nunap eqqartuussisuunerisa 1-miit 2-nut amerlineqarnissaat pillugu siunnersuutigineqartup siunnersuutit kingunerai, taakkunannga ataaseq nunap eqqartuussisuunerisa qullersarisussaallugu.

Nunatta Eqqartuussisuuneqarfiani nunap eqqartuussisuuneranut tunngatillugu, Nunatta Eqqartuussisuuneqarfiani nunap eqqartuussisuunerisa qullersaata saniatigooralugu inuussutissarsiuteqarneq aamma pissusissanik saneqqutsinerit pillugit pillaatissiineq pillugu oqartussaasuuneq, danskit eqqartuussisarnermik inatsisaat malillugu eqqartuussiviit præidentiisa suliassaat, suliarissagaa siunnertuutit kingunerissavaat. Matuma ataani Nunatta Eqqartuussisuuneqarfiani nunap eqqartuussisuuneranut saniatigooralugu inuussutissarsiuteqarneq pillugu nalunaarutiginninneq Nunatta Eqqartuussisuuneqarfiani nunap eqqartuussisuunerisa qullersaannut tunniunneqartussaassaaq, aamma Nunatta Eqqartuussisuuneqarfiani nunap eqqartuussisuunerisa qullersaat pillugu naammagittaalliuuteqarneq Nunatta Eqqartuussisuuneqarfiani nunap eqqartuussisuunerisa qullersaannut imaluunniit Den Særlige Klageret-imut tunniunneqartussaassaaq.

Aammattaaq inatsisissatut siunnersuummi nalinginnaasumik oqaaseqaatini imm. 2.1 innersuussutigineqarpoq.

Nr. 16-imut

(§ 34, imm. 1-imut)

Nunatsinni Eqqartuussivimmi Nunatta Eqqartuussisuuneqarfianilu fuldmægtiginut aamma Nunatsinni Eqqartuussivimmi aamma Nunatta Eqqartuussisuuneqarfiani utaqqiisaagallartumik eqqartuussisut nunallu eqqartuussisuuneri ivertinneqartut, toqqakkatut eqqartuussisuunngitsut, suliffiup sumiiffigisaata allanngortinneqarnera, pissusissanik saneqqutsinerit pillugit pillaatissiinissamut eqqartuussivikkoortitsineq imaluunniit pillaatissiineq, tunuartitsineq aamma soraarsitsineq pillugit danskit eqqartuussisarnermik inatsisaanni §§ 54-imiit 55 ilanngullugu atuuttut, eqqartuussisarnermik inatsimmi § 34, imm. 1-ip aalajangersarpaa.

§ 34, imm. 1-imi ”aamma eqqartuussisunut fuldmægtiginullu § 24 a malillugu aggersarneqartunut” ilanngunneqassasoq siunnersuutigineqarpoq.

Inatsisissatut siunnersuummi § 1, nr. 11 (eqqartuussisarnermik inatsimmi § 24 a) malillugu Kalaallit Nunaanni eqqartuussisut aggersarneqartarnissaat pillugu aaqqissuussinerup eqqunneqarnissaa pillugu siunnersuutip siunnersuut kingunerissavaa.

Pissusissanik saneqqutsinerit pillugit pillaatissiinissamut eqqartuussivikkoortitsineq imaluunniit pillaatissiineq, tunuartitsineq aamma soraarsitsineq pillugit eqqartuussisunut fuldmægtiginullu soraarninngorsimasunut, § 24 a-tut siunnersuutigineqartoq malillugu piffissami aalajangersimasumi Nunatsinni Eqqartuussivimmi imaluunniit Nunatta Eqqartuussisuuneqarfiani sulisussatut aggersarneqarsimasunut danskit eqqartuussisarnermik inatsisaanni §§ 54-imiit 55 ilanngullugu atuuttut, siunnersuutip kinguneraa.

Eqqartuussisut fuldmægtigillu soraarninngorsimasut, najukkami eqqartuussivimmi eqqartuussisutut sulinissamik aggersarneqarsimasut pineqartillugit, inatsisissatut siunnersuummi § 1, nr. 12 malillugu § 32 a-tut siunnersuutigineqartoq innersuussutigineqarpoq.

Aammattaaq inatsisissatut siunnersuummi oqaaseqaatini nalinginnaasuni imm. 2.2 innersuussutigineqarpoq.

Nr. 17-imut

(§ 34, imm. 2-mut, § 35, imm. 4-mut, § 37, imm. 2-mut, aamma § 743, imm. 1-imut)

Nunatta Eqqartuussisuuneqarfiani fuldmægtiginut aamma Nunatta Eqqartuussisuuneqarfiani utaqqiisaagallartumik nunap eqqartuussisuunerisut ivertinneqartunut, eqqartuussisutut toqqarneqarsimanngitsunut, suliffiup sumiiffianut, pissusissanik saneqqutsinerit pillugit pillaatissiinissamut eqqartuussivikkoortitsineq imaluunniit pillaatissiineq, tunuartitsineq aamma soraarsitsineq pillugit danskit eqqartuussisarnermik inatsisaanni §§ 54-imiit 55 ilanngullugu atuuttut, eqqartuussisarnermik inatsimmi § 34-p ilaatigut aalajangersarpaa. Nunatta Eqqartuussisuuneqarfimmi nunap eqqartuussisuunerata imaluunniit Nunatsinni Eqqartuussivimmi eqqartuussisut qullersaata, pissusissanik saneqqutsinerit pillugit pillaatissiineq pillugu oqartussaasuuneq, danskit eqqartuussisarnermik inatsisaat malillugu eqqartuussiviit præidentiisa suliassaat, suliarissavaat.

Eqqartuussisooqataasup eqqartuussiveqarfiup, taassumap suliffissatut toqqarneqarfigisimasaata, avataani sulisinnaasoq, nunap eqqartuussisuunerata aalajangersinnaagaa, eqqartuussisarnermik inatsimmi § 35, imm. 4-p aalajangersarpaa.

Inuk eqqartuussisooqataaannissamut piumasagaatinik naammassinninnerisooq, aamma pisussaajunnaarsitaaneq pillugu noqqaassuteqarnerup akuerineqarsinnaanera nunap eqqartuussisuunerata aalajangissagaa, eqqartuussisarnermik inatsimmi § 37, imm. 2-p aalajangersarpaa.

Kalaallit Nunaanni eqqartuussiveqarnek pillugu Siunnersuisoqatigiit katitigaanerat pillugu eqqartuussisarnermik inatsimmi § 743, imm. 1 malittarisassanik imaqarpoq. Kalaallit Nunaanni eqqartuussiveqarnek pillugu Siunnersuisoqatigiit ilaasortanik 17-inik inuttaqarpoq, matumani ilaatigut Kalaallit Nunaanni nunap eqqartuussisuunera ilanngullugu.

§ 34, imm. 2-mi, § 35, imm. 4-mi, § 37, imm. 2-mi oqaaseqatigiit 1.-mi, aamma § 743, imm. 1-imi, ”Nunap eqqartuussisuunera” ”Nunap eqqartuussisuunerisa qullersaat”-nnut allanngortinneqassasoq siunnersuutigineqarpoq.

Nunatta Eqqartuussisuuneqarfiani nunap eqqartuussisuunerisa 1-miit 2-nut amerlineqarnissaat pillugu siunnersuutigineqartup siunnersuut kinguneraa, taakkualu aappaat nunap eqqartuussisuunerisa qullersarissavaat.

Nunatta Eqqartuussisuuneqarfiani fuldmægtiginut tunngatillugu pissusissanik saneqqutsinerit pillugit pillaatissiineq pillugu oqartussaasuuneq, eqqartuussisooqataasup, eqqartuussiveqarfiup eqqartuussisooqataasup toqqarneqarfigisimasaata avataani sulisinnaanera, kiisalu inuk eqqartuussisooqataasussatut piumasaqaatinik naammassinninnersoq pillugu aalajangiinissamik pisinnaatitaaneq, aamma pisussaajunnaarsitaaneq pillugu noqqaassuteqarneq akuerineqarsinnaanersok pillugu aalajangiisinnaaneq, nunap eqqartuussisuunerisa qullersaannut inissinneqartoq, § 34, imm. 2-mi, § 35, imm. 4-imi, aamma § 37, imm. 2-mi allannguinnissatut siunnersuutigineqartut kinguneraat.

Kalaallit Nunaanni eqqartuussiveqarneq pillugu Siunnersuisoqatigiinni ilaasortatut suliaasaq, ullumikkut Nunatta Eqqartuussisuuneqarfiani nunap eqqartuussisuuneraniittoq, taamatuttaaq siunissami nunap eqqartuussisuunerisa qullersaannut inissinneqassasoq, § 743, imm. 1-imut allannguinnissamik siunnersuutip kinguneraa.

Aammattaaq Nunatta Eqqartuussisuuneqarfinni atorfiit akuerisaasut pillugit inatsisissatut siunnersuummi oqaaseqaatini nalinginnaasuni imm. 2.1 innersuussutigineqarpoq.

Nr. 18-imut

(§ 128 b-mut)

Inuit sakkutuujunngitsut pillugit suliani digitaliusumik attaveqatigiinnissaq pillugu inatsisini atuuttuni malittarisassaqaqngilaq.

§ 128 b-mi aalajangersakkamik nutaamik ilanngussisoqarnissaa siunnersuutigineqarpoq, tamatumalu kingorna inuit sakkutuujunngitsut pillugit suliani piareersaataasumik inatsisitigut allaaserinninnerit, taakkunani piumasaqaatit inatsisitigullu pissutsit pillugit aalajangiullugu oqaatigiumasat allanneri, tamanna pissutissaqartillugu, atsiormermik originaliusumik atsiorneqassasut, eqqartuussiviup aalajangersinnaavaa.

Inuit sakkutuujunngitsut pillugit suliat suliarineqartarnerat pillugu eqqartuussisarnermik inatsimmi malittarisassat siunissami imatut paasineqassasut, eqqartuussiviup allakkut digitaliusumik nalunaarutiginninnermik tiguisinnaanissaannut tekniskiusumik periarfissaqalerpat, taakkununga suliani piareersaataasumik inatsisitigut allaaserinninnerit, taakkunani piumasaqaatit inatsisitigullu pissutsit pillugit aalajangiullugu oqaatigiumasat allanneri ilaallutik aamma nalunaarutit allat eqqartuussivimmut atsiornermik originaliusumik atsiornagit digitaliusumik nassiunneqarsinnaalissasut, siunnersuutip kingunerissavaa.

Kisianni assersuutigalugu piumasaqaatit inatsisitigullu pissutsit pillugit aalajangiullugu oqaatigiumasat allanneri akuusumit pineqartumit imaluunniit eqqartuussinermi nammineq sinnerluni pisinnaatitamit pinersut pillugit nalornisoqarpat, piumasaqaatit inatsisitigullu pissutsit pillugit aalajangiullugu oqaatigiumasat allannerisa originaliusumik atsiorneqarnissaat, eqqartuussiviup piviusumik aalajangersinnaavaa.

Aammattaaq eqqartuussisarnermi digitaliusumik attaveqatigiinneq pillugu inatsisissatut siunnersuummi oqaaseqaatini nalinginnaasuni imm. 2.5 innersuussutigineqarpoq.

Nr. 19-imut

(§ 515, imm. 2-mut, § 526, imm. 2-mut, § 564, imm. 2-mut, § 577, imm. 2-mut, aamma § 585, imm. 2-mut)

Taama tulleriillutik, inuit sakkutuujunngitsut pillugit suliani aamma pinerluttulerinermik suliani Eqqartuussiviit Qullersaannut naammagittaalliorluni pingajussaaneersumik suliarinninnissaq pillugu qinnuteqarnermi suleriaaseq eqqartuussisarnermik inatsimmi § 515, imm. 2-mi aamma 564, imm. 2-mi pineqarput. Naammagittaalliuuteqarsinnaanermut qinnuteqaat nunap eqqartuussisuuneranut tunniunneqassasoq, taannalu qinnuteqaat pillugu oqaaseqaateqassasoq aamma naammagittaalliuut Suliareqqitassanngortitsinissamik Aalajangiisartunut ingerlateqqissagaa, aalajangersakkani takuneqarsinnaavoq. Qinnuteqaat Suliareqqitassanngortitsinissamik Aalajangiisartunut toqqaannaq tunniunneqarsinnaasoq, taamaattoqarpallu taakku suliaq pillugu nunap eqqartuussisuuneranit oqaaseqaammik pissarsissasut, aammattaaq takuneqarsinnaavoq.

Taama tulleriillutik, inuit sakkutuujunngitsut pillugit suliat aamma pinerluttulerinermik suliat Nunatta Eqqartuussisuuneqarfianit aalajangiiffigineqarsimasut pillugit Eqqartuussiviit Qullersaannut eqqartuussummik aalajangeqqitassanngortitsinissamut akuersissuteqarnissaq pillugu qinnuteqarnermi suleriaaseq eqqartuussisarnermik inatsimmi § 526, imm. 2-mi, aamma § 577, imm. 2-mi pineqarput. Aalajangeqqitassanngortitsinissamut akuersissuteqarnissaq pillugu qinnuteqaat nunap eqqartuussisuuneranut tunniunneqassasoq, taannalu qinnuteqaat pillugu oqaaseqaateqassasoq aamma naammagittaalliut Suliareqqitassanngortitsinissamik Aalajangiisartunut ingerlateqqissagaa, aalajangersakkani takuneqarsinnaavoq. Qinnuteqaat Suliareqqitassanngortitsinissamik Aalajangiisartunut toqqaannaq tunniunneqarsinnaasoq, taamaattoqarpallu taakku suliaq pillugu nunap eqqartuussisuuneranit oqaaseqaammik pissarsissasut, aammattaaq takuneqarsinnaavoq.

Pinerluttulerinermik suliaq eqqartuussutigineqarsimasup aallarteqqinneqarnissaa pillugu noqqaassuteqarnermi suleriaaseq eqqartuussisarnermik inatsimmi § 585-imi pineqarpoq. Aallartitseqqinnissaq pillugu noqqaassut nunap eqqartuussisuuneranut tunniunneqassasoq, taannalu qinnuteqaat pillugu oqaaseqaateqassasoq aamma naammagittaalliut Suliareqqitassanngortitsinissamik Aalajangiisartunut ingerlateqqissagaa, § 585, imm. 2-mi takuneqarsinnaavoq. Noqqaassut Suliareqqitassanngortitsinissamik Aalajangiisartunut toqqaannaq tunniunneqarsinnaasoq, taamaattoqarpallu taakku suliaq pillugu nunap eqqartuussisuuneranit oqaaseqaammik pissarsissasut, aammattaaq takuneqarsinnaavoq.

§ 515, imm. 2-mi oqaaseqatigiinni siullerni aamma oqaaseqatigiit aappaanni, § 526, imm. 2-mi oqaaseqatigiinni siullerni aamma oqaaseqatigiit pingajuanni, § 564, imm. 2-mi oqaaseqatigiinni siullerni aamma oqaaseqatigiit pingajuanni, § 577, imm. 2-mi oqaaseqatigiinni siullerni aamma oqaaseqatigiit pingajuanni, aamma § 585, imm. 2-mi oqaaseqatigiinni siullerni, aamma oqaaseqatigiit pingajuanni ”nunap eqqartuussisuunera” ima allanngortinneqassasoq ”Nunatta Eqqartuussisuuneqarfia” siunnersuutigineqarpoq.

Tamatuma peqatigisaanik inatsisissatut siunnersuummi § 1, nr. 20 malillugu, § 526, imm. 2-mi oqaaseqatigiit aappaanni, aamma § 585, imm.

2-mi oqaaseqatigiit aappaanni, ”Nunap Eqqartuussisuunera” ima allanngortinneqassasoq ”Nunatta Eqqartuussisuuneqarfia”-nut allanngortinneqassasoq siunnersuutigineqarpoq.

Nunatta Eqqartuussisuuneqarfiani nunap eqqartuussisuunerata 1-p nunap eqqartuussisuunerinut 2-nnut amerlineqarnissaannik siunnersuutip siunnersuutit kinguneraa, aamma Eqqartuussiviit Qullersaannut naammagittaalliuteqarnissat aamma eqqartuussutiniq aalajangiiffiqeqqitassanngortitsinissat pillugit qinnuteqaatit aamma pinerluttulerinermik suliat eqqartuussutigineqarsimasut aallarteqqinneqarnissaat pillugit noqqaassutit ”nunap eqqartuussisuunera”-nut inissinnagit Nunatta Eqqartuussisuuneqarfianut inissinneqartarnissaat kinguneralugu.

Aalajangersakkat taaneqartut malillugit, Suliareqqitassanngortitsinissamik Aalajangiisartunut imaluunniit Den Særlige Klageret-imut oqaaseqaat tunniunneqartussaq, aalajangiinerunngilaq, aamma Nunatta Eqqartuussisuuneqarfia oqaaseqaammik suliaqarnera pillugu inatsisitigut malittarisassat siunnersuutigineqanngillat. Tamanna tunngavigalugu nunap eqqartuussisuunerisa qullersaat tamanna pillugu aalajangiisassaaq.

Aammattaaq inatsisissatut siunnersuummut oqaaseqaatini nalinginnaasuni imm. 2.1 innersuussutigineqarpoq.

Nr. 20-imut

(§ 526, imm. 2-mut, aamma § 585, imm. 2-mut)

Inuit sakkutuujunngitsut pillugit suliaq Nunatta Eqqartuussisuuneqarfiani aalajangerneqarsimasup Eqqartuussiviit Qullersaannut aalajangeqqitassanngortitsinermut eqqartuussisarnermik inatsimmi § 526, imm. 2 tunngassuteqarpoq. Aalajangeqqitassanngortitsineq pillugu qinnuteqaat, nunap eqqartuussisuuneranut tunniunneqassasoq, taassumalu qinnuteqaat pillugu oqaaseqaateqarfigissavaa aamma Suliareqqitassanngortitsinissamik Aalajangiisartunut qinnuteqaat ingerlateqqillugu. Qinnuteqaat toqqaannaq Suliareqqitassanngortitsinissamik Aalajangiisartunut tunniunneqarsinnaasoq, taamaattoqarpallu taakkua suliaq pillugu nunami eqqartuussisuunermit oqaaseqaammik pissarsiniassasut, aammattaaq allaqqavoq.

Pinerluttulerinermik suliap eqqartuussutigineqarsimasup suliareqqitassanngortinneqarnissaa pillugu noqqaassuteqarnermi suleriaaseq pillugu eqqartuussisarnermik inatsimmi § 585 tunngassuteqarpoq. Suliareqqitassanngortitsineq pillugu noqqaassuteqarneq nunap eqqartuussisuuneranut tunniunneqassasoq, taannalu noqqaassuteqarneq pillugu oqaaseqaateqassasoq aamma Den Særlige Klageret-imut noqqaassummik nassiussissasoq, § 585, imm. 2-mi allaqqavoq. Noqqaassut aamma toqqaannartumik Den Særlige Klageret-imut nassiunneqarsinnaasoq, taamaattoqarpallu taakkua suliaq pillugu nunap eqqartuussisuuneranit oqaaseqaammik pissarsiniassasut, aammattaaq allaqqavoq.

§ 526, imm. 2-mi oqaaseqatigiit 2.-ani, aamma § 585, imm. 2-mi oqaaseqatigiit 2.-ani, ”Nunap Eqqartuussisuunera” imatut allanngortinneqassasoq ”Nunatta Eqqartuussisuuneqarfia” siunnersuutigineqarpoq.

Tamatuma peqatigisaanik inatsisissatut siunnersuummi § 1, nr. 19 malillugu § 526, imm. 2-mi oqaaseqatigiit 1.-ani aamma oqaaseqatigiit 3.-anni, aamma § 585, imm. 2-mi oqaaseqatigiit 1.-ani oqaaseqatigiillu 3.-anni ”nunap eqqartuussisuunera” imatut allanngortinneqassasoq ”Nunatta Eqqartuussisuuneqarfia” siunnersuutigineqarpoq.

Nunatta Eqqartuussisuuneqarfiani nunap eqqartuussisuata 1-miit 2-nut amerlineqarnissaat pillugu siunnersuutip siunnersuutit kinguneraat aamma pinerluttulerinermik suliap eqqartuussutigineqarsimasoq pillugu Eqqartuussiviit Qullersaannut aalajangeqqitassanngortitsinissaq pillugu qinnuteqaatinik tigusinissaq suliareqqitassanngortitsinissarlu kiisalu oqaaseqaateqarnissaq pillugu suliaassaq ”nunap eqqartuussisuuneranut” pinnani Nunatta Eqqartuussisuuneqarfianut inissinneqarnissaa kingunerissallugu.

Aalajangersakkat taaneqartut malillugit Suliareqqitassanngortitsinissamik Aalajangiisartunut imaluunniit Den Særlige Klageret oqaaseqaat tunniunneqartussaq, aalajangiinerunngilaq, aamma Nunatta Eqqartuussisuuneqarfiata oqaaseqaammik suliaqarnissaa pillugu inatsisitigut malittarisassanik siunnersuuteqartoqanngilaq. Tamanna tunngavigalugu tamanna pillugu aalajangiinissaq nunap eqqartuussisuisa qullersaaniippoq.

Aammattaaq Nunatta Eqqartuussisuuneqarfinni atorfiit akuerisaasut pillugit inatsisissatut siunnersuummi oqaaseqaatini nalinginnaasuni imm. 2.1 innersuussutigineqarpoq.

Nr. 21-mut

(§ 598-imut)

Eqqartuussisarnermik inatsimmi § 598 pinngitsaaliinikkut naammassinninniaaneq pillugu malittarisassanik imaqarpoq.

Pinngitsaaliinikkut naammassinninniaaneq ilaatigut tulluuttut tunngavigalugit pisinnaasoq, § 598, imm. 1, nr. 5-imiit 8 ilanngullugu allaqqavoq.

- Qularnaveeqqusiussaqluni taarsigassarsinermi allagartat, taamaattoq pigisanik qularnaveeqqusiissutit aamma qularnaveeqqusiussaqluni taarsigassarsinermi allagartat atsiortup qularnaveeqqusiiffigisamut akiitsorisinnaasaanik qularnaveeqqutaasut pineqartillugit, akiligassap annertuussusia aamma piffissaq akiliiffissaq akiligassalimmit nassuerutigineqarsimappat imaluunniit pissutsinit erseqqissumik takuneqarsinnaappat (nr. 5)

- akiligassat akilernerqartussaasut sulili akilernerqarsimanngitsut pillugit eqqartuussiviit avaqqullugit allakkatigut isumaqatigiissutit, tamanna taamaaliornerup naammassinninnissamut (nr. 6-i) tunngavissatut atornerqarsinnaanera isumaqatigiissummi erseqqissumik aalajangerneqarsimappat

- akiitsut allagartaat, nr. 6-imi ilaatinneqanngitsut, tamanna takussutissiami, naammassinninnissamut tunngavittut (nr. 7-i) atornerqarsinnaasumi erseqqissumik aalajangerneqarsimappat

- akiitsukkanut uppersarsaatit, akiitsukkanut uppersarsaatinut piumasagaatit pineqartillugit, aamma checkit, allap akiligassaanik akiliussisimasogaartillugu aningaasartuutip taarserneqarnissaa pillugu piumasagaatit pineqartillugit (nr. 8).

Pisuni imm. 1, nr. 5-imiit 8 ilanngullugu taaneqartuni naammassinninneq kikkunnilluunniit, takussutissiamik atsiornermikkut akiligassalittut, akiliussisussamaatitut imaluunniit qularnaveeqqusiisutut pisussaataasunit suliarineqarsinnaasoq, § 598, imm. 6-imi allaqqavoq.

§ 598, imm. 6, 2-mi oqaaseqatigiit 2.-anik nutaamik ilanngussisoqassasoq siunnersuutigineqarpoq, tamatumalu kingorna pisuni, imm. 1, nr. 5-imi taaneqartuni, aammattaaq naammassinninneq akiligassalimmi, akiliussisussamaataasumi imaluunniit qularnaveeqqusiisumi digitaliusumik qularnaveeqqusiussaqluni taarsigassarsinermi allagartamit pisussaaffilerneqarsimasumi, nalunaarsorneqartumit imaluunniit nalunaarsorneqarnikuusimasumit, suliarineqarsinnaavoq.

Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqarnissaa pillugu siunnersuummut siunnersuut atassuteqarpoq. Ilaatigut qularnaveeqqusiussaqluni taarsigassarsinermi allagartat nalunaarsorneqarsimasut siunissami digitaliusumik atsiorneqarsinnaanissaat aamma pappiaranngorlugu takussutissiatut nassaassaanginnissaat, digitaliusumik eqqartuussivikkoortumik nalunaarsuisarnerup kinguneraa.

Pinngitsaaliinikkut naammassinninniaaneq siunissami digitaliusumik qularnaveeqqusiussaqluni taarsigassarsinermi allagartaq tunngavigalugu suliarineqarsinnaanissaa, siunnersuutip kinguneraa. Taamaalilluni akiligassalik, akiliussisussamaataasoq imaluunniit qularnaveeqqusiisoq digitaliusumik qularnaveeqqusiussaqluni allagartaq taamaattoq nalunaarsorneqarsimasooq tunngavigalugu pisussaaitaalersimasumi pinngitsaaliinikkut naammassinninniaaneq pisinnaasoq, § 598, imm. 6-imi oqaaseqatigiit 2.-atut siunnersuutigineqartup kinguneraa. Qularnaveeqqusiussaqluni taarsigassarsinermi allagartaq nalunaarsorneqarnikuusimappat, kisiannili taamaakkunnaarnikuusimalluni, assersuutigalugu qularnaveeqqutaasoq pinngitsaaliinikkut tunineqarsimanerata kingorna nungutinneqarsimappat, aamma inuttut akiitsunut pisussaaffik suli attanneqarpat, tamanna aamma pinngitsaaliinikkut naammassinninniaanermut naammattumik tunngaviliissaaq. Qularnaveeqqusiussaqluni taarsigassarsinermi allagartap nalunaarsorneqarsimasup taamaattup imarisai, nalunaarsorneqarunnaarsimasut, pigisat aalaakkaasut pillugit eqqartuussivikkut nalunaarsuinnermut atuakkami imaluunniit inummut aningaasatigut pissutsit pillugit paasissutissat pillugit atuakkami qanga pisimasup uppersaataatut takuneqarsinnaassaaq.

Eqqartuussivikkoortumik nalunaarsuinnermi nalunaarsuutini digitaliusumik qularnaveeqqusiussaqluni taarsigassarsinermi allagartami pisussaaffik takuneqarsinnaatillugu, taamaalilluni siunissami naammassinninnermut

atatillugu originaliusumik qularnaveeqqusiussaqaarluni taarsigassarsinermi allagartap takutinneqarnissaa pillugu nalinginnaasumik piumasaqaatigineqassanngilaq.

Pigisat aalaakkaasut pillugit eqqartuussivikkut nalunaarsuineranut atuakkami nunguterneqarsimanerisa kingorna, pinngitsaaliilluni tuniniaanikkut digitaliusumik qularnaveeqqusiussaqaarluni taarsigassarsinermi allagartaq § 642, imm. 3-tut (inatsisissatut siunnersuummi § 1, nr. 22-tut) pappiaparannngortillugu allannngortinneqarsimappat, taamaattoq naammassinninniaaneranut atatillugu takussutissiap pappiaraasup originaliusup takutinneqarnissaa pisariaqassaaq.

Digitaliusumik qularnaveeqqusiussaqaarluni taarsigassarsinermi allagartanut, nalunaarsorneqarsimasunut imaluunniit nalunaarsornikuusimasunut, matumani siusinnerusukkut qularnaveeqqusiussaqaarluni taarsigassarsinermi allagartat pappiaqqanik tunngaveqartut, inatsisissatut siunnersuummi § 6-imi ikaarsaariarnermi malittarisassatut siunnersuutigineqartut malillugit digitaliusumik qularnaveeqqusiussaqaarluni taarsigassarsinermi allagartanut allannngortinneqarsimasut ilanngullugit, § 598, imm. 6-imi oqaaseqatigiit aappaattut siunnersuutigineqartut taamaallaat atorneqarsinnaapput. Kisianni qularnaveeqqusiussaqaarluni taarsigassarsinermi allagartanut, pappiaqqanik tunngavilinnut nalunaarsorneqarsimasunut, digitaliusumik qularnaveeqqusiussaqaarluni taarsigassarsinermi allagartanut allannngortinneqarsimanngitsunut, aamma naak qularnaveeqqusiussaqaarluni taarsigassarsinermi allagartap taamaattup assilillugu sanaqqinneqarnera digitaliusumik suliaq takussutissartaani skannerlugu nassaassaagaluartoq tamanna atuutinngilaq.

Aammattaaq nutaamik § 598, imm. 6-imi oqaaseqatigiit 3.-attut ilanngussisoqarnissaa siunnersuutigineqarpoq, tamatumalu kingorna pisuni, imm. 1, nr. 6-imi aamma 7-imi taaneqartuni atsiorneq digitaliusumik ilanngunneqarsinnaalissaaq.

Eqqartuussiviit avataatigut allakkatigut isumaqatigiissutit aamma akiitsut allagartaat, digitaliusumik atsiorneq atorlugu atsiorneqarsimasut, tunngavigalugit pinngitsaaliinikkut naammassinninniaanerup pisinnaanera, matumuuna siunnersuutigineqartukkut periarfissaliissut pilersinneqarpoq. Arsaarinninnernut tunngaviit taakkua, pisarnek malillugu

atsiorneqarsimasut, taaneqartorpiaat pillugit eqqartuussisarnermik inatsimmi piumasaqaatit allat naammassineqarsimanerat naatsorsuutigalugu, tamatuma kingorna malittarisassat, eqqartuussiviit avaatigut isumaqatigiissutigineqartut aamma akiitsut allagartaannut atuuttut assigalugit, pinngitsaaliinikkut naammassinninniaatigineqarsinnaapput.

Akiligassallip digitaliusumik takussutissiaq atsiorsimanagu oqaatigippagu, imaluunniit akiligassallip takussutissiamik atsiorerani, digitaliusumik takussutissiaq akiligassa qarfigisap innersuussutigisaanik imaqanngippat, eqqartuussisarnermik inatsimmi § 609, allanngortinneqartussatut siunnersuutigineqanngitsoq, malillugu akiligassa qarfigisap tamatuma uppersarneqarnissaa isumagissavaa.

Pissutsit assigiinngitsut malillugit, akiligassa qarfigisap uppersaasussaana digitaliusumik atsiorerup aamma akiligassalimmut attaveqarnerup kiisalu takussutissiaq pineqartup, imaluunniit digitaliusumik systemip, takussutissiat atsiorneqarnissaannut pilersinneqarsimasup aarlerinangitsumik aaqqissuunneqarsimaneranik isumannaatsumillu suliarineqarsimaneranik uppersaanikkut kivinneqarsinnaasoq assersuutigalugu eqqarsaatigineqarsinnaavoq. Aammattaaq akiligassalimmut tamanna siusinnerusukkut takutinneqarsimappat imaluunniit taakkua assinginik nassinneqarsimappat, akiliisitsisarnermut eqqartuussiviup akiligassallip siusinnerusukkut atsioreranut imaluunniit takussutissiaq imaanut akerliliisimannginnera pingaartissinnaavaa.

Uppersaatit saqqummiunneqartut nalilersorneqarneranni akiliisitsisarnermut eqqartuussivik kiffaanngissuseqarpoq, kisianni eqqartuussisarnermik inatsimmi § 609, imm. 5 malillugu, uppersaatit annertussusaat imaluunniit qanoq issusaat imaluunniit pissutsit allat pissutigalugit inuit sakkutuujunngitsut pillugit suliassami nalinginnaasumi suliarineqartariaqartariaqarnera pissutigalugu eqqartuussummik naammassisitsiniaasartup uppersaaneq itigartitsissutigisinnaavaa. Eqqartuussisarnermik inatsimmi § 609, imm. 5 malillugu uppersaanerup kingorna eqqartuussiviit avataasigut allakkatigut isumaqatigiissut digitaliusumik atsiornikoq imaluunniit akiitsut allagartaat digitaliusumik atsiorneqarsimasoq tunngavigalugu arsaarinninnerup siuarsarneqarnissaa nangaanartoqartinneqarpat, § 609, imm. 1 malillugu eqqartuussummik naammassisitsiniaasartup akiligassa qarfigisap noqqaassutaa itigartitsissutigissavaa.

Aammattaaq inatsisissatut siunnersuummi nalinginnaasumik oqaaseqaatini imm. 1.4 aamma 2.4 innersuussutigineqarput.

Nr. 22-imut

(§ 642, imm. 3-mut)

Eqqartuussisarnermik inatsimmi § 642 pinngitsaaliisummik tunisineq pisimappat, pisinnaatitaaffiit atorunnaarsinneqarnerannik tunngassuteqarpoq.

Pisisup tunisinermi piumasaqaatit naammassisimappagit, pigisat nalillit akilernerqarsimanngitsut pillugit pisinnaatitaaffiit atorunnaassasut, § 642, imm. 2-mi allaqqavoq. Pisinnaatitaaffiit nalunaarsorneqarsimappata, tamatuma allanneqarnissaa eqqartuussummik naammassisitsiniaasartup isumagissavaa.

§ 642, imm. 3-tut nutaamik ilanngussisoqarnissaa siunnersuutigineqarpoq, taassumalu imm. 2-p malitsigisaanik digitaliusumik qularnaveeqqusiussaqarluni taarsigassarsinermi allagartaq pigisat aalaakkaasut pillugit eqqartuussivikkut nalunaarsuinnermut atuakkami nungutinneqarsimappat, inuk pigisat aalaakkaasut pillugit eqqartuussivikkut nalunaarsuinnermut atuakkami paasissutissat malillugit qularnaveeqqusiussaqarluni taarsigassarsinermi allagartaq malillugu akiligassalimmut inuttut pissarsiassaqaassaguni pisassarisat pissarsiarinissaanik atuutitsisinnaasoq, Nunatsinni Eqqartuussiviup digitaliusumik qularnaveeqqusiussaqarluni taarsigassarsinermi allagartap pappiaraasumik takussutissianngorlugu allanngortitsinissaa piumasaqaatigisinnaavaa. Pappiaranngorlugu takussutissiaq akiitsut allagartaattut originaliusutut isigineqassaaq.

Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqarnissaanut siunnersuutigineqartumut siunnersuut atassuteqarpoq.

Pinngitsaaliinikkut tunisinermi akiligassat akilernerqarnissaasa angunerqarsimannginnerat pissutigalugu, takussutissiaq pigisat aalaakkaasut pillugit eqqartuussivikkut nalunaarsuinnermut atuakkami nungutinneqarsimappat, inuup, pigisat aalaakkaasut pillugit eqqartuussivikkut nalunaarsuinnermut atuagaq malillugu pisinnaatitaasup,

digitaliusumik qularnaveeqqusiussaqarluni taarsigassarsinermi allagartaq malillugu akiitsulimmit pissarsiassaqqarpit pissarsiassat pillugit atuutitsisinnaasup, Nunatsinni Eqqartuussiviup digitaliusumik qularnaveeqqusiussaqarluni taarsigassarsinermi allagartap pappiaraasumik takussutissianngorlugu allanngortinneqarnissamik piumasaqaateqarsinnaanera siunnersuutip kingunerissavaa.

Pigisat aalaakkaasut pillugit eqqartuussivikkut nalunaarsuinermit allagartaq malillugu akiligassalimmut piumasaqaammik atuutitsisinnaasoq, kisianni pisinnaatitaaffilinnut pingaannginnerusunut allanuunngitsoq, allanngortitsinissamik piumasaqaateqarnissamik pisinnaatitaavoq. Allanngortitsineq immini pisinnaatitaaffinnik piginnittumut aningaasartuutitaqassanngilaq.

Qularnaveeqqusiussaqarluni taarsigassarsinermi allagartanut, pisassarisanik imaqqartunut, taamaallaat allanngortitsisoqarnissaa pillugu piumasaqaateqartoqarsinnaavoq. Pigisanik qularnaveeqqusiissutit aamma qularnaveeqqusiussaqarluni taarsigassarsinermi allagartat atsiortup qularnaveeqqusiiffigisamut akiitsorisinnaasaanik qularnaveeqqutaasut taamaalillutik allanngortinneqarnissaat piumasaqaataasinnaasussaannngillat, tassami taakkua pigisani aalaakkaasuni taamaallaat qularnaveeqqusiimmata, tamatumali peqatigisaanik taamaattoqqarpit qularnaveeqqusiussaqarluni taarsigassarsinermi allagartaq apeqqutaatinngu pisassarisat ataannartussaammata.

Pigisat aalaakkaasut pillugit eqqartuussivikkut nalunaarsuinermit atuakkami paasissutissat attuumassuteqqartut tamarmik takussutissiami tigussaasumi takuneqarsinnaanissaat, Nunatsinni Eqqartuussisup allanngortitsinermi nakkutigisussaassavaa. Tassunga atatillugu, tuniniarneqarsinnaasoq maannamut digitaliusumik qularnaveeqqusiussaqarluni taarsigassarsinermi allagartamut atassuteqqartinneqarsimasoq takuneqarsinnaasussaavoq, aamma taamaalilluni akiitsut allagartaannut pappiaqqamik tunngaveqqartumut ataatsimoortinneqartussaalluni.

Allanngortitsinissamik piumasaqaat Nunatsinni Eqqartuussivimmut saqqummiunneqassaaq. Takussutissiaq allanngortitsinikkut atortuulersinneqqartoq, siunnersuut malillugu akiitsut allagartaattut originaliusutut isigineqqartussaammat, atortuulersitsineq taamaattoq ataasiaannarluni taamaallaat pisinnaavoq. Akiitsut allagartaannik

tigussaasumik allanngortitsineq pippat, digitaliusumik
qularnaveeqqusiussaqlarluni taarsigassarsinermi allagartaq,
siusinnerusukkut nalunaarsorneqarsimasoq tunngavigalugu
pinngitsaaliinikkut naammassinninniaaneq pisinnaajunnaassaaq.

Akiitsut allagartaannut, allanngortitsinerup malitsigisaanik
atuutilersinneqartumut tunngatillugu, qularnaveeqqusiisummik piginnittup
akiitsut akilersorneqarnissaat anguniarlugu qularnaveeqqusiussap
tiguneqarnissaanut akiligassaqaqfigisanit allanit salliutinneqarnissamik
pisinnaatitaaffianut attuumassuteqartussaajunnaarnera pissutigalugu,
matumuuna inatsisissatut sinnersuummi § 3 malillugu,
qularnaveeqqusiisarneq pillugu Kalaallit Nunaannut inatsimmi
malittarisassat malillugit pisinnaatitaaffik tuniniarneqarnissamut
illersuummik angusaqarsinnaajunnaassaaq. Kisianni akiitsut allagartaat
pillugit inatsisip malittarisassai matumunnga atorineqassapput.

Inatsimmik allanngorneri ilanngullugit nalunaarutiginninneq nr. 1074, 15.
september 2015-imeersoq malillugu, akiitsut pillugit inatsit inatsisikkut nr.
104, 31. marts 1965-imeersukkut Kalaallit Nunaannut atuutilersinneqarpoq.

Allanngortitsinissaq pillugu noqqaassuteqarnerup
saqqummiunneqarnissaanut piffissaliisoqarnissaa
siunnersuutigineqanngilaq. Tamanna pillugu noqqaassuteqarneq
ilisaqqunnartumik pinngitsaaliinikkut tuniniaanermut piffissamut
atassuteqartumik saqqummiunneqarnissaa naatsorsuutigineqartussaavoq,
kisianni tamanna piumasaqaataanngilaq.

Nunatsinni Eqqartuussiviup qularnaveeqqusiussaqlarluni
taarsigassarsinermi allagartaq pillugu paasissutissanik peqartillugu,
digitaliusumik qularnaveeqqusiussaqlarluni taarsigassarsinermi allagartap
allanngortinneqarnera taamaallaat suliarineqarsinnaavoq.
Allagaateqarfeqarneq pillugu inatsisit malitsigisaannik
qularnaveeqqusiussaqlarluni taarsigassarsinermi allagartaq
nungutinneqarsimasoq pillugu oqaluttuarisaanermut tunngasumik
nalunaarsuiffimmi, tamatumunnga inatsisitigut pisariaqartitsisoqartillugu,
Nunatsinni Eqqartuussivik paasissutissanik toqqorsinissaminut
pisussaataaavoq. Pissassarisap pisoqalisoortinneqarsimanera suli
pisimanngitsillugu, pisariaqartitsineq taamaattoq suli atuutissasoq,
isumaqarfigineqartariaqarpoq.

Digitaliusumik qularnaveeqqusiussaqlarluni taarsigassarsinermi allagartap Nunatsinni Eqqartuussivimmit allanngortinneqarnerani, pissassarisat pineqartut pillugit pisoqalisoortitsisoqarsimanera pisimassanersoq, isummerfigineqartussaannqilaq.

Aammattaaq Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqalernissaa pillugu inatsissatut siunnersuummi oqaaseqaatini nalinginnaasuni imm. 2.4 innersuussutigineqarpoq.

§ 2-mut

Pinerluttulerinermi inatsimmi § 163 toqqammavigisassat pillugit malittarisassanik imaqarpoq. Inuup § 157 malillugu pineqaatissiissutinik eqqartuunneqarnissaa imaluunniit § 161 malillugu tigummigallagaanissaa pineqartillugit aalajangersakkami imm. 1 toqqammavigisassamik ivertitsisoqarnissaanik periarfissiivoq, tamatumalu peqatigisaanik inuk imm. 1-imi taaneqartunik pineqaatissinneqarpat imaluunniit tigummigallagassanngortinneqarpat, aalajangersakkami imm. 2 malillugu toqqammavigisassaq pinngitsuugassaannqitsunngortinneqarpoq. Aalajangersakkami imm. 3-p malitsigisaanik toqqammavigisassat kiisalu taakkua suliaasaat aamma erseqqinnerusumik pisinnaatitaaffii pillugit inatsiseqarnermut ministeri aalajangersaassaaq.

§ 163, imm. 3-tut aalajangersakkamik nutaamik ilanngussisoqarnissaa siunnersuutigineqarpoq, tamatumalu kingorna Kalaallit Nunaanni toqqammavigisassat suliaassanik ilinniartitsinermut, siunnersuinnermut aamma atorfinitsitsinermut attuumassuteqartunik suliaassamik suliarinnittussamik toqqammavigisassanut ataqatigiissaarisumik inatsiseqarnermut ministeri toqqaasinnaavoq.

Toqqammavigisassanut ataqatigiissaarisussamik toqqaanissaq, eqqartuussivimmut ukiunut arlalinnut isumaqatigiissummi ilaammat, kisianni minnerpaamik isumaqatigiissummik piffissaliussap sinneranut toqqammavigisassanut ataqatigiissaarisumik inatsiseqarnermut ministeri toqqaassasoq naatsorsuutigineqarpoq.

Inatsiseqarnermut ministeri toqqammavigisassanut ataqatigiissaarisumik toqqaareerpat, suliaassat Kalaallit Nunaanni toqqammavigisassanut

tunngassuteqartut toqqammavigisassanik ataqatigiissaarisup
suliarisussaassavai. Kisianni toqqammavigisassat Danmarkimi
atorfinitinneqartut eqqarsaatigalugit, toqqammavigisassanut
ataqatigiissaarisoq suliaqartussaannngilaq. Toqqaanermut atatillugu
imaluunniit § 163, imm. 3 atuuttoq, imm. 4-nngortussaq, malillugu
malittarisassani aalajangersarneqartuni, toqqammavigisassanut
ataqatigiissaarisup suliassanik taakkuninnga suliarinninnissaanut
erseqqinnerusumik ilitersuutunik inatsiseqarnermut ministeri
tunniussisinnaavoq.

Toqqammavigisassanut ataqatigiissaarisumik, ilaatigut Kalaallit Nunaanni
toqqammavigisassat ilitersorneqarnerannut ilinniartinneqarnerannullu
tunngatillugu pilersitsinissamut allaffissornikkut malittarisassat
aalajangersarneqarnissaanut ullumikkut pinerluttulerinermi inatsimmi §
163, imm. 3, imm. 4-nngortussaq, Inatsiseqarnermut ministereqarfiup
isumaa malillugu pisariaqartinneqartumik pisinnaatitsissummik
imaqareermat, kisianni qulaaniittut malillugit, aalajangersakkap
toqqammavigisassanut ataqatigiissaarisussap toqqammavigisassanik
atorfinititsinissaanut pisariaqartinneqartumik pisinnaatitsissummik
aalajangersagaq imaqanngitsutut nalilernerqarmat, maluginiarneqassaaq.

Taamaalilluni inatsiseqarnermut ministerip toqqammavigisassanut
ataqatigiissaarisup toqqammavigisassanik atorfinititsinissaanut
piginnaatinneqarnissaa, aalajangersagassatut siunnersuutigineqartumi
pisariaqartinneqartumik periarfissaliissutip siullertut qulakkiissavaa, kiisalu
toqqammavigisassanut ataqatigiissaarisoq il.il. pillugit aaqqissuussinerup
pilersinneqarnissaanut ataatsimoortumik piginnaatitsissutip
eqqunneqarnissaa aappaattut qulakkiissallugu.

Toqqammavigisassanut ataqatigiissaarisumut toqqammavigisassanik
atorfinititsinermut piginnaatitsineq, inatsiseqarnermut ministerip
suliassiissutigisinnaagaa, aalajangersagassatut siunnersuutip
periarfissaliissutigaa. Taamaalilluni piginnaatitsinerup taassuma inummut,
allaffissornermi qullersaqarlunilu allersaqartup avataaniittumut aamma
inatsiseqarnermut ministerip sulisitarinnngisaanut suliassiissutigineqarnera,
aalajangersagassatut siunnersuutigineqartup periarfissaliissutigaa. Kisianni
inatsiseqarnermut ministerip piginnaatitsinermik suliassiissutiginninnera
piumasaqaatinik killiliinernillu, toqqammavigisassanut
ataqatigiissaarisumut pituttuisuussaaq. Aamma siunissamut
sunniuteqartumik inatsiseqarnermut ministerip aalajangiinissamut

piginnaatitsineq toqqammavigisassanut ataqatigiissaarisumut
suliakkiissutigineqartoq qaqugukkulluunniit utertissinnaassavaa.

Kalaallit Nunaanni toqqammavigisassanut ataqatigiissaarisumut
toqqammavigisassanik atorfinitsitsinermut piginnaatitsineq
toqqammavigisassanut ataqatigiissaarisumut suliassiissutigineqassanersoq
imaluunniit toqqammavigisassanut ataqatigiissaarisoq allakkut
toqqammavigisassat atorfinitsinneqarneranni peqataassanersoq,
aalajangersagassatut siunnersuutigineqartoq malillugu inatsiseqarnermut
ministerip aalajangissavaa.

Taamaalilluni pinerluttulerinermi inatsimmi § 163, imm. 3,
allanngortinneqartussatut siunnersuutigineqanngitsoq, kisianni § 163, imm.
4-nngortoq, periarfissaliissutigalugu Kalaallit Nunaanni
toqqammavigisassat eqqarsaatigalugit, toqqammavigisassanut
ataqatigiissaarisup suliassai pillugit inatsiseqarnermut ministeri
malittarisassanik erseqqinnerusunik aalajangersaasinnaassaaq.

Kalaallit Nunaanni toqqammavigisassanik atorfinitsitsineq suli Kalaallit
Nunaanni politidirektørimiissasoq, kisianni toqqammavigisassanut
ataqatigiissaarisoq qinnuteqartut, kommunini oqartussaasunit
innersuunneqarsimasut, pillugit oqaaseqaateqassasoq, aamma/imaluunniit
toqqammavigisassanut ataqatigiissaarisoq toqqammavigisassatut
atorfinitsinneqartussanik suli amerlanerusunik innersuussisinnaasoq,
inatsiseqarnermut ministerip matuma ataani assersuutigalugu
aalajangersinnaassavaa.

Soorlu taaneqareersutut, toqqammavigisassanut ataqatigiissaarisup
toqqammavigisassanik atorfinitsitsisinnaanermut piginnaatitaanissaa,
nammineerluni imaluunniit oqartussaasut aalajangersimasut
innersuussinerisigut imaluunniit tusarniaaviginerisut, inatsiseqarnermut
ministerip qinigassatut allatut aalajangersinnaassavaa.

Aammattaaq inatsisissatut siunnersuummi oqaaseqaatini nalinginnaasuni
imm. 2.3 innersuussutigineqarpoq.

§ 3-mut

Nr. 1-imut

(§ 1, imm. 3-mut)

Ajortussamik isumanani imatut paasineqassasoq piginnilersup pisassaqartitaaneq nalunaarsorsimanngitsoq ilisimanngikkaa imaluunniit mianersuaalliorujussuarnikkut tamatuminnga ilisimannginnerminut nammineq pisuunngitsoq, qularnaveeqqusiisarneq pillugu Kalaallit Nunaannut inatsimmi § 1, imm. 3-mi aalajangersarneqarpoq. Qularnaveeqqutit tungaasigut ajortussamik isumannginneq piffissami qularnaveeqqusiisummik piginnittup akiitsut akilersorneqarnissaat anguniarlugu qularnaveeqqusiussap tiguneqarnissaanut akiligassaqarfigisanit allanit salliutinneqarnissamik pisinnaatitaaffiata nalunaarsugassatut nalunaarutigineqarfiani atuutissaaq.

§ 1, imm. 3-mi oqaaseqatigiit 1.-ani "paasineqassasoq" sioqqullugu "inatsimmi matumani" ilanngunneqassasoq siunnersuutigineqarpoq.

Pigisanik qularnaveeqqusiissutini pigisanik qularnaveeqqusiisummi qularnaveeqqusiinermi piginnaatitaaffik, tassani qularnaveeqqusiussaq qularnaveeqqusiisumit pigiinnarneqartoq pillugu aalajangersagassatut siunnersuutigineqartumut, aamma inatsisissatut siunnersuummi § 3, nr. 2 aamma 3 (qularnaveeqqusiisarneq pillugu Kalaallit Nunaannut inatsimmi § 1 a, 3 b, 3 c aamma 3 e) qularnaveeqqusiussaqarluni taarsigassarsinermi allagartat tuniniarneqarsinnaasut pillugit nuussinermi il. il. pisinnaatitaaffiit atorunnaarsinneqarnerannut imaluunniit inangerneqarnerannut malittarisassatut siunnersuutigineqartunut, siunnersuut atassuteqarpoq.

§ 1, nr. 3-mi ajortussamik isumannginnerup nassuiarneqarnera, aamma §§ 1 a-mut, 3 b-mut, 3 c-mut aamma 3 e-mut tunngatillugu atuutissasoq, siunnersuutip kingunerissavaa.

Aalajangersagaq malillugu ajortussamik isumannginnerup paasineqarnissaani, allakkut allannguisoqarnissaa siunertarineqanngilaq.

Aammattaaq eqqartuussivikkoortumik nalunaarsuisarnerup digitaliusumik ingerlanneqalernissaa pillugu inatsisissatut siunnersuummi oqaaseqaatini nalinginnaasuni imm. 2.4 innersuussutigineqarpoq.

Nr. 2-mut

(§ 1 a-mut)

Kalaallit Nunaanni pigisanik qularnaveeqqusiissutini, pigisanik qularnaveeqqusiissummi qularnaveeqqusiinermi pisinnaatitaaffiit, tassani qularnaveeqqusiussaq qularnaveeqqusiisumit pigiinnarneqarluni, nalunaarsorneqarnissaat pillugit inatsisini atuuttuni malittarisassaqaanngilaq.

Pigisanik qularnaveeqqusiissutini pigisanik qularnaveeqqusiissummi qularnaveeqqusiinermi piginnaatitaaffik, tassani qularnaveeqqusiussaq qularnaveeqqusiisumit pigiinnarneqartoq pillugu qularnaveeqqusiisarneq pillugu Kalaallit Nunaannut inatsimmi aalajangersakkamik nutaamik § 1 a-mik ilanngussisoqarnissaa siunnersuutigineqarpoq.

Kalaallit Nunaanni digitaliusumik eqqartuussivikkoortumik nalunaarsuisarnerup eqqunneqarnerata siunnersuut kinguneraa. Qularnaveeqqusiussaqarluni taarsigassarsinermi allagartat digitalinngussasut, aamma taamaalillutik qularnaveeqqusiussaqarluni taarsigassarsinermi allagartat pappiaqqanik tunngaveqarunnaassasut, digitaliusumik eqqartuussivikkoortumik nalunaarsuisarnerup kinguneraa. Pigisanik qularnaveeqqusiissutit tamatuma malitsigisaanik pigisanik qularnaveeqqusiussissutaasinnaajunnaassapput, tamannalu tunngavigalugu pigisanik qularnaveeqqusiissutini pigisanik qularnaveeqqusiissummi qularnaveeqqusiinermi piginnaatitaaffik, tassani qularnaveeqqusiussaq qularnaveeqqusiisumit pigiinnarneqartoq pillugu malittarisassat nutaat siunnersuutigineqarput.

Pigisanik qularnaveeqqusiissutini pigisanik qularnaveeqqusiissummi qularnaveeqqusiinermi piginnaatitaaffik, tassani qularnaveeqqusiussaq qularnaveeqqusiisumit pigiinnarneqarluni, qularnaveeqqusiussaqarluni taarsigassarsinermi allagartaq pillugu isumaqatigiissutitut aamma qularnaveeqqummut isumaqatigiissutit imaluunniit eqqartuussivikkoortitsisinnaaneq pillugit isumaqatigiissutitut illersorneqassaguni, nalunaarsorneqassasoq, § 1 a, imm. 1-mi siunnersuutigineqarpoq.

Pigisanik qularnaveeqqusiissummi, qularnaveeqqusiinermi pisinnaatitaaffiup, tassani qularnaveeqqusiussaq qularnaveeqqusiisumit pigiinnarneqarluni, isumaqatigiissutitut pigisanik qularnaveeqqusiissut pillugu ajortussamik isumanani isumaqatigiissusiarineqartunut, aamma qularnaveeqqusiussaqarluni taarsigassarsinermi allagartamut isumaqatigiissutit pillugit imaluunniit eqqartuussivikkoortitsinissamut

illersorneqarnissaa anguniarlugu nalunaarsorneqartussaasussamik,
pilersitsisinnaaneq, aalajangersagassatut siunnersuutigineqartup
periarfissiissutigissavaa.

Inatsisit atuuttut malillugit, qularnaveeqqusiisup pigisanik
qularnaveeqqusiisummik atulersitsinermigut imminut imaluunniit
inummut, pigisanik qularnaveeqqusiisummik tunineqartussaasumut,
aningaasanik erseqqinnerusumik taaneqarsimasunik, inuttut akiligassanut
akisussaaffittalinnik imaluunniit akisussaaffittaqqanngitsunik,
qularnaveeqqusiisummik piginnittup akiitsut akilersorneqarnerisa
naammassineqarnissaat anguniarlugu qularnaveeqqusiussap
tiguneqarnissaanut akiligassaqqarfigisanit allanit salliutinneqarnissamik
pisinnaatitaaffik tunniutissavaa. Tassunga atatillugu
qularnaveeqqusiinermut uppersaaneq tassaavoq inatsimmi § 1, imm. 1
malillugu nalunaarsuineq. Tamatuma kingorna ilisaqqunnartumik pigisanik
qularnaveeqqusiissut qularnaveeqqusiussap qularnaveeqqusiiffigisamut
tunniunneqarnerata pissutigisaanik pigisanik qularnaveeqqusiissutaasoq,
pingaannginnerusumik qularnaveeqqusiissutaasoq, ilisaqqunnartumik
pigisanik qularnaveeqqusiinerussaaq, tassani qularnaveeqqusiussaq
qularnaveeqqusiiffimmut tunniunneqarluni. Matumuuna
akiligassaqqarfigisavik, qularnaveeqqusiussaqarluni taarsigassarsinermi
allagartap, qularnaveeqqusiiffigisamut akiitsorisinnaasanik
qularnaveeqqutaasup atorneqartarnera assigalugu, qularnaveeqqusiussap
qularnaveeqqusiiffigisamut tunniunneqarnerata pissutigisaanik pigisanik
qularnaveeqqusiissutaasumit, pingaannginnerusumik
qularnaveeqqusiissutaasumit, pissarsiarisassanut qularnaveeqqummik
pissaaq, taannalu allanngorarsinnaavoq, kisianni pigisanik
qularnaveeqqusiissutip killissarititaa tassaalluni qularnaveeqqusiinermi
aningaasanut tunngassuteqartumik annerpaaffia. Pigisanik
qularnaveeqqusiinermi, tassani qularnaveeqqusiussaq
qularnaveeqqusiiffigisamut tunniunneqarluni, qularnaveeqqusiinermut
uppersaaneq – imaluunniit pigisanik qularnaveeqqusiinermi, tassani
pigisanik qularnaveeqqusiissut pigisanik qularnaveeqqusiissutip
atulersinneqarneranut pissutaasunik pissarsiarisassanik imalik (inummut
pingajuusumut qularnaveeqqusiisummi pisinnaatitaaffimmik tunniussineq
imaluunniit qularnaveeqqusiineq) pigisanut qularnaveeqqusiussap, tassani
pigisanik qularnaveeqqusiissut qularnaveeqqusiussap
qularnaveeqqusiiffigisamut tunniunneqarnerata pissutigisaanik pigisanik
qularnaveeqqusiissutaasoq, pingaannginnerusumik
qularnaveeqqusiissutaasoq, pissarsiarisassanik imaqarluni,

qularnaveeqqusiiffigisamut tunniunneqarnerata tigusiisumit
(ingerlateqqinneqarpat) tunniunneqarnera – tassaavoq tigussaasumik
pigisanik qularnaveeqqusiissutip atorneqarsinnaajunnaarsillugu
arsaarinnissutigineqarnera.

Pingaarnertut pigisanik qularnaveeqqusiinerup, tassani
qularnaveeqqusiussap qularnaveeqqusiiffigisamut tunniunneqarnerata
pissutigisaanik pigisanik qularnaveeqqusiinermi, pingaannginnerusumik
qularnaveeqqusiinermi, tassani qularnaveeqqusiussaq
qularnaveeqqusiiffigisamut tunniunneqarluni, atuisinnaanermik
arsaarinninneq tekniskiusumik isigalugu, pingaarnertut pigisanik
qularnaveeqqusiinerup, tassani qularnaveeqqusiussap
qularnaveeqqusiiffigisamut tunniunneqarnerata pissutigisaanik pigisanik
qularnaveeqqusiinermi, pingaannginnerusumik qularnaveeqqusiinermi,
tassani qularnaveeqqusiussaq qularnaveeqqusiiffigisamut tunniunneqartoq
pillugu pingaarnertut pigisanik qularnaveeqqusiussamik, tassani
qularnaveeqqusiussaq qularnaveeqqusiiffigisamut tunniunneqarluni,
pingaarnertut pigisanik qularnaveeqqusiineq pillugu, tassani
qularnaveeqqusiussap qularnaveeqqusiiffigisamut tunniunneqarnerata
pissutigisaanik pigisanik qularnaveeqqusiinermi, pingaannginnerusumik
qularnaveeqqusiinermi, tassani qularnaveeqqusiussaq
qularnaveeqqusiiffigisamut tunniunneqarluni, pigisaqartup nalunaarummik
nassiussineratigut naammassinninneq pissaaq, tamatumalu kingorna
pingaarnertut pigisanik qularnaveeqqusiinermik, tassani
qularnaveeqqusiussaq qularnaveeqqusiiffigisamut tunniunneqarluni,
pigisalik, pigisanik qularnaveeqqusiissummik immineq sinnerluni aamma
pingaarnertut pigisanik qularnaveeqqusiisoq, tassani qularnaveeqqusiussaq
qularnaveeqqusiiffigisamut tunniunneqarluni, pissutigisaanik pigisanik
qularnaveeqqusiinermi pisinnaatitaaffiit, tassani qularnaveeqqusiussat
qularnaveeqqusiiffigisanut tunniunneqarlutik, sinnerlugu taanna pigisanik
qularnaveeqqusiissummik pigisaqalissaaq. Pingaarnertut pigisanik
qularnaveeqqusiisup, tassani qularnaveeqqusiussaq
qularnaveeqqusiiffigisamut tunniunneqarluni, ajortussamik
isumaqanngitsup, akiitsorisat qularnaveeqqusikkat annertusineqarnerannik,
pigisanut qularnaveeqqusiissummi, pigisanik qularnaveeqqusiinermi
pisinnaatitaaffinnut kingusinnerusukkut takkuttussanut, pigisami
qularnaveeqqusiiffigineqarsimasumit akilerneqartussat
tullerriaarneqarneranni akiligassaqarfigisanit allanit salliutinneqarnissamik
pisinnaatitaaffiata, pigisanik qularnaveeqqusissummi killissarititaasut
iluanni tamakkiisumik atorneqarsimanngitsumi atuinissamut aamma

eqqartuussivikkoortinneqarnermut salliutinneqartussaasunut, tassani qularnaveeqqutigineqartoq qularnaveeqqusiiffigisamut tunniunneqarluni, suliaqarneranut illersuutaasutut aammattaaq nalunaarut atuuppoq.

Eqqartuussivikkoortumik nalunaarsuisarnerup digitaliusumik ingerlanneqalernerata malitsigisaanik kisianni atuisinnaanermik arsaarinninneq suliarineqarsinnaajunnaartussaassaaq, aamma pigisanik qularnaveeqqut taamaammat pigisanik qularnaveeqqusiinertut, tassani qularnaveeqqusiussaq qularnaveeqqusiiffigisamut tunniunneqarluni, atorineqarsinnaajunnaassaaq. Pigisanik qularnaveeqqusiissummi pisinnaatitaaffiit siunissami pigisamik qularnaveeqqusiinermi qularnaveeqqusiinermi pisinnaatitaaffik, tassani qularnaveeqqusiussaq qularnaveeqqusiisumit pigiinnarneqarluni, imm. 1-imi aalajangersagassatut siunnersuutigineqartukut pilersinneqarsinnaassaaq, tassani siullertut pigisanik qularnaveeqqusiissummi qularnaveeqqusiinermi pisinnaatitaaffimmik, tassani qularnaveeqqusiussaq qularnaveeqqusiisumit pigiinnarneqarluni, nalunaarsuineq pisariaqartinneqartumik naammattumillu qularnaveeqqusiinermut uppersaataassalluni. Siunissami pingaarnertut pigisanik qularnaveeqqusiissummik piginnittoq, tassani qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiinermi, pingaannginnerusumik qularnaveeqqusiinermi, imm. 1-imi aalajangersagassatut siunnersuutigineqartup malitsigisaanik pisinnaatitaaffini nalunaarsortariaqartussaavaa aamma tamatuma saniatigut pingaarnertut pigisanik qularnaveeqqusiissummik piginnittup, tassani qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiinerup, pingaannginnerusumik qularnaveeqqusiinerup, ataani imm. 3-tut siunnersuutigineqartoq pillugu allaaserisat malillugit, piginnittoq salliulluni inissisimasoq pisinnaatitaaffik pillugu nalunaarfigissallugu.

Taamaalilluni imm. 1-imi siunnersuutigineqartukut malittarisassamik immikkut ittumik ilanngussisoqassaaq, taassumalu eqqartuussivikkoortumik nalunaarsuisarnerup digitaliusumik ingerlanneqalernerata kingorna, digitaliusumik pigisanik qularnaveeqqusiussamut killissarititaasut iluanni qularnaveeqqusiinermi pisinnaatitaaffiit illersorneqarnissaasa suli pilersinneqarsinnaanerat qulakkiissavaa. Qularnaveeqqusiussaqarluni taarsigassarsinermi allagartanut allanut pisinnaatitaaffiit pigisanik

qularnaveeqqusiissutaanngitsut, imm. 4-tut siunnersuutigineqartup malitsigisaanik nalunaarsorneqartussaassapput.

Inatsisit atuuttut malillugit qularnaveeqqusissummi, pigisanik qularnaveeqqusiussanut killissarititaasut iluanni tamakkiisumik atorneqarsimanngitsuni atuisinnaaneq aammattaaq pilersinneqarsinnaavoq. Pisuni taamaattuni qularnaveeqqusiisarneq pillugu Kalaallit Nunaanni inatsimmi § 1, nr. 1-ip malitsigisaanik qularnaveeqqusissummut eqqartuussisutigoortitsinissanut isumaqatigiissutinut imaluunniit eqqartuussisutigoortitsinernut illersorniarluni aamma qularnaveeqqusiisunut, tassani qularnaveeqqusiussaq qularnaveeqqusiiffigisamut tunniunneqarluni, ajortumik isumaqaratik akiligassaminnik annertusiisunut, aamma qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiinermi, pingaannginnerusumik qularnaveeqqusiinermi, nalunaarsuinissaq aamma akiitsut allagartaat pillugit inatsimmi § 14 malillugu pigisanik qularnaveeqqusiisunut, tassani qularnaveeqqusiussaq qularnaveeqqusiiffigisamut tunniunneqarluni, nalunaaruteqarnissaq, qularnaveeqqusiinermut uppersaataavoq.

Inatsimmik allanngorneri ilanngullugit nalunaarutiginninneq nr. 1074, 15. september 2015-imeersoq malillugu, akiitsut allagartaat pillugit inatsit inatsisikkut nr. 104, 31. marts 1965-imeersukkut Kalaallit Nunaannut atuutilersinneqarpoq.

Siunissami illuutigisami pigisanik qularnaveeqqusiussanut killissarititaasut iluanni tamakkiisumik atorneqarsimanngitsuni atuisinnaaneq sulii pilersinneqarsinnaasussaavoq, aamma taakkua illersorneqarneqarnerat qularnaveeqqusiisarneq pillugu Kalaallit Nunaanni inatsimmi § 1, nr. 1-ip malitsigisaanik nalunaarsuisoqartussaassaaq, kiisalu imm. 1 a, imm. 3-tut siunnersuutigineqartoq pillugu ataani allaaserisat malillugit taamaattoqarpat, pigisanik qularnaveeqqusiissummi qularnaveeqqusiinermi pisinnaatitaaffimmik piginnittunut salliusunut, tassani qularnaveeqqusiussaq qularnaveeqqusiisumit pigiinnarneqarluni, pisinnaatitaaffik pillugu nalunaaruteqartoqassaaq.

Pigisanik qularnaveeqqusiissutinik, pigisani aalaakkaasuni imaluunniit pigisani nuunneqarsinnaasuni qularnaveeqqusiisunik atortuulersitsinermi, pigisamik aalaakkaasumik imaluunniit pigisamik nuunneqarsinnaasumik piginnittoq, eqqartuussivikkoortitsinissaq pillugu isumaqatigiissutinut

imaluunniit eqqartuussivikkoortitsinissamut pigisanik
qularnaveeqqusiussap illersorniarlugu, manna tikillugu pisartutut,
qularnaveeqqusiisarneq pillugu Kalaallit Nunaannut inatsimmi § 1, imm. 1
malillugu pigisanik qularnaveeqqusiussaq
nalunaarsortittariaqartussaassavaa.

Pigisanik qularnaveeqqusiissutip, qularnaveeqqusiussap
qularnaveeqqusiiffigisamut tunniunneqarnerata pissutigisaanik pigisanik
qularnaveeqqusiissutaasumik, pingaannginnerusumik
qularnaveeqqusiissutaasumik, imallip, tunniunneqarnerani akiitsut
allagartaat pillugit inatsisip malitsigisaanik atuisinnaanermut
arsaarinninnissamik piumasaqaat atuuttoq, § 1 a, imm. 4-mi
aalajangersagassatut siunnersuutigineqartoq malillugu, tamanna ataani
allaaserineqartoq malillugu, nalunaarsuinissamik piumasaqaatinngortillugu
allanngortinneqassaaq.

Pigisanik qularnaveeqqusiisummi, pigisanik qularnaveeqqusiisummi
qularnaveeqqusiinermi pisinnaatitaaffittut ilusilimmik, tassani
qularnaveeqqusiussaq qularnaveeqqusiisumit pigiinnarneqarluni,
akiligassaqaqfigisap qularnaveeqquserneqarsimappat,
qularnaveeqqusiisarneq pillugu Kalaallit Nunannut inatsimmi § 1, imm. 1-
ip malitsigisaanik akiligassaqaqfigisap pigisanik qularnaveeqqusiissut
nalunaarsorneqaqqullugu nalunaarutigissavaa, aamma pigisanik
qularnaveeqqusiisummi qularnaveeqqusiinermi pisinnaatitaaffini, tassani
qularnaveeqqusiussaq qularnaveeqqusiisumit pigiinnarneqarluni, § 1 a,
imm. 1-itut siunnersuutigineqartup malitsigisaanik nalunaarsorneqarnissaa
nalunaarutigissavaa. Pigisanik qularnaveeqqusiisummi,
qularnaveeqqusiinermi pisinnaatitaaffini, tassani qularnaveeqqusiussaq
qularnaveeqqusiisumit pigiinnarneqartoq, pillugu nalunaarsuinermi
pigisanik qularnaveeqqusiussap nalunaarsorneqarsimanissaa taamaalilluni
piumasaqaataavoq.

Eqqartuusseriaaseq atuuttoq malillugu pigisanik qularnaveeqqusiisummut,
akiitsullip nammineerluni kajumissutsini malillugu piumasaqaammik
naammassinninngippat, akiligassaqaqfigisamit piumasaqaat pineqartoq
pillugu eqqartuussineq suliarineqarsinnaanngilaq. § 1 a, imm. 1-itut
siunnersuutigineqartup tamanna allanngortinngilaa. Manna tikillugu
pisartutut, qularnaveeqqusiussaqartut qularnaveeqqutaasa akilerneqarnisaat
pillugit pingaarnersiuiinermi pisinnaatitaaffinnik piginnittut imminnut
tullerïiaarinermi inissisimaaffimmi kingullertut taassuma

nalunaarsorneqarsimanera piumasaqaatigalugu, pigisanik
qularnaveeqqusiisummut killissarititaasut iluanni
qularnaveeqqusiisummut arsaarinninneq suliarineqarsinnaassaaq. Pigisanit
aalaakkaasunit arsaarinninnermut pigisaq aalaakkaasoq pillugu aamma
eqqartuussivikkoortitsinissamut isumaqatigiissutitut illersorneqarnissamut
aamma siunissami qularnaveeqqusiisarneq pillugu Kalaallit Nunannut
inatsimmi § 1, imm. 1-ip malitsigisaanik nalunaarsuisimaneq
piumasaqaataassaaq. Aammattaaq pigisanit tigussaasunit arsaarinninnerit
aamma pigisani nuunneqarsinnaasuni arsaarinninnerit, § 1 a, imm. 3-tut
siunnersuutigineqartoq pillugu ataani allaaserisat malillugit,
taamaattoqarpat pigisanik qularnaveeqqusiisummi
qularnaveeqqusiinermik pisinnaatitaaffillit, tassani qularnaveeqqusiussaq
qularnaveeqqusiisumit pigiinnarneqarluni, akiitsut amerlineqarnissaat
ingalassimatinniarlugu, qularnaveeqqusiussaqartut qularnaveeqqutaasa
akilerneqarnissaat pillugit pingaarnersiuinermi pisinnaatitaaffinnik
piginnittut imminnut tulleriiaarinermi inissisimaaffinni salliusumik
inissisimasunut arsaarinninneq pillugu nalunaarutiginnittussaassapput.

§ 1, imm. 1 malillugu pigisani aalaakkaasuni pigisanik
qularnaveeqqusiisummi qularnaveeqqusiinermi pisinnaatitaaffik, tassani
qularnaveeqqusiussaq qularnaveeqqusiisumit pigiinnarneqarluni, aamma
imm. 1 malillugu qularnaveeqqusiisummik piginnittut akiitsut
akilersorneqarnerisa naammassineqarnissaat anguniarlugu
qularnaveeqqusiussap tiguneqarnissaanut akiligassaqarfigisanit allanit
salliutinneqarnissamik pisinnaatitaaffia, pigisanik qularnaveeqqusiisummi
imaluunniit pigisanik qularnaveeqqusiisutip killissarititaasa iluanni
pisinnaatitaaffik nalunaarsorneqarsimanngitsoq inangersinnaassagaa,
nammineq nalunaarsorneqarsimassasoq, aamma isumaqatigiissut malillugu
pissarsisoq ajortussamik isumaqassanngitsoq, § 1 a, imm. 2-mi
siunnersuutigineqarpoq. Pigisani nuunneqarsinnaasuni pigisanik
qularnaveeqqusiisummi qularnaveeqqusiinermi piginnaatitaaffimmut,
tassani qularnaveeqqusiussaq qularnaveeqqusiisumit pigiinnarneqarluni,
isumaqatigiissusiornikkut pilersinneqarsimasumut tamanna aamma
atuuppoq.

Imm. 2-mi aalajangersagassatut siunnersuutigineqartoq malillugu,
pisinnaatitaaffik imm. 1 malillugu pigisanik qularnaveeqqusiisummi
qularnaveeqqusiinermi pisinnaatitaaffittut, tassani qularnaveeqqusiussaq
qularnaveeqqusiisumit pigiinnarneqarluni, ilusilik, imaluunniit § 1, imm. 1-
ip malitsigisaanik pigisamut aalaakkaasumut qularnaveeqqusiineq pillugu

imaluunniit eqqartuussivikkoortitsineq pillugu isumaqatigiissut, pigisanik qularnaveeqqusiissummi imaluunniit pigisanik qularnaveeqqusiissummut killissarititaasut iluanni pisinnaatitaaffimmik nalunaarsorneqarsimanngitsumik inangiisussaq, immini aamma nalunaarsorneqartussaassaaq aamma isumaqatigiissut malillugu pissarsisoq ajortussamik isumaqassanngilaq. Pigisani nuunneqarsinnaasuni qularnaveeqqusiineq pillugu isumaqatigiissummut tamanna aamma atuuppoq, akerlianilli pigisanut nuunneqarsinnaasut eqqartuussivikkoortitsinermi nalunaarsuisimanissaq piumasagaateqartussaannngilaq.

Pisinnaatitaaffiit pigisanik qularnaveeqqusiissummi qularnaveeqqusiinermi pisinnaatitaaffittut ilusillit, tassani qularnaveeqqusiussaq qularnaveeqqusiisumit pigiinnarneqarluni, aamma pigisani aalaakkaasuni pigisanilu nuunneqarsinnaasuni qularnaveeqqusiinerit isumaqatigiissutigineqartut, pigisanut aalaakkaasunut eqqartuussivikkoortitsinissamut siunissami aamma illersorneqassappata nalunaarsorneqarsimasussaanerat, aalajangersagassatut siunnersuutigineqartumut tunuliaqutigineqarput. Assersuutigalugu pingaarnertut pigisanik qularnaveeqqusiissummik piginnittup, tassani qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiisup, pingaannginnerusumik qularnaveeqqusiisup, aamma pigisanik qularnaveeqqummi killissarititaasut iluanni tamakkiisumik atorneqarsimanngitsumi atuinissamut pisinnaatitaasup akornanni akerleriittoqartillugu, siunissami nalunaarsuineq taamaalilluni pisariaqartinneqartumik naammattumillu qularnaveeqqusiinermut uppersaataassaaq, tamatumalu kingorna qularnaveeqqummi, pigisanik qularnaveeqqummi killissarititaasut iluanni tamakkiisumik atorneqarsimanngitsumi atuinissamut pisinnaatitaanerup nalunaarsorneqarsimasup, qularnaveeqqusiisarneq pillugu Kalaallit Nunaannut inatsimmi § 3, inatsisissatut siunnersuummi § 3, nr. 1-itut oqaasertaliorneqartoq malillugu pigisanik qularnaveeqqusiissummi killissarititaasut iluanni tamakkiisumik atorneqarsimanngitsumi atuinissamut pisinnaatitaasup ajortussamik isumaqannginnissaa piumasagaatigalugu, pigisanik qularnaveeqqusiissummi, qularnaveeqqusiinermi pisinnaatitaaffik, tassani qularnaveeqqusiussaq qularnaveeqqusiisumit pigiinnarneqarluni, inangissavaa. § 1 a, imm. 2-tut siunnersuutigineqartoq malillugu, pigisanik qularnaveeqqusiissummi, qularnaveeqqusiinermi pisinnaatitaaffiup piumasagaatit taakkua ataanni illuatungaaniik aamma qularnaveeqqusiissummi pigisanik

qularnaveeqqusiisummi killissarititaasut iluanni tamakkiisumik
atorneqarsimanngitsumi atuinissamut pisinnaatitaaffik
nalunaarsorneqarsimanngitsoq inangersinnaassavaa.

Tamatuma saniatigut pigisamit aalaakkaasumit aningaasartuutit, pigisanik
qularnaveeqqusiisummut killissarititaasut ilunni inissittut,
akiligassaqarfigisanit allanit salliutinneqarnissamik pisinnaatitaaffittut
kingullertut taassuma nalunaarsorneqarsimanissaa piumasaqaatigalugu, § 1
a, imm. 2-tut siunnersuutigineqartup malitsigisaanik pigisanik
qularnaveeqqusiisummi, pigisanik qularnaveeqqusiisummi tassani
qularnaveeqqusiussaq qularnaveeqqusiisumit pigiinnarneqarluni,
qularnaveeqqusiinermi pisinnaatitaaffik nalunaarsorneqarsimanngitsoq
inangersinnaassavaa. Illuatungaani pigisanik qularnaveeqqusiisummi,
pigisanik qularnaveeqqusiinermi pisinnaatitaaffiup, tassani
qularnaveeqqusiussaq qularnaveeqqusiisumit tigummiinnarneqarluni,
nalunaarsorneqarsimasup, pigisanik qularnaveeqqusiisummi
qularnaveeqqusiinermi pisinnaatitaaffimmik piginnittoq
aningaasartuuteqarsimaneq pillugu ajortussamik isumaqanngippat,
pigisamit aalaakkaasumit aningaasartuut, pigisanik
qularnaveeqqusiussamut killissarititaasut iluaaniittoq
nalunaarsorneqarsimanngitsoq inangersinnaassavaa.

Taaneqareersutut pigisanit nuunneqarsinnaasunit aningaasartuutit
ullumikkut nalunaarsorneqartussaassanngillat, aamma pigisani
nuunneqarsinnaasuni aningaasartuutit taamaallutik
aningaasartuutigineqarnerminni pequtimi pigisanik
qularnaveeqqusiisummi qularnaveeqqusiinermi pisinnaatitaaffimmut,
tassani qularnaveeqqusiussaq qularnaveeqqusiisummit pigiinnarneqarluni,
kingusinnerusukkut nalunaarsorneqartumut imaluunniit pigisanik
qularnaveeqqusiisummut, pequtimi qularnaveeqqutaasumut,
aningaasartuutigineqarnerminnit illersugaapput, soorlu aamma pequtimi
pigisanik qularnaveeqqusiisummi qularnaveeqqusiinermi
pisinnaatitaaffimmut, tassani qularnaveeqqusiussaq qularnaveeqqusiisumit
pigiinnarneqarluni, nalunaarsorneqarsimanngitsunut aamma pigisanik
qularnaveeqqusiisummi pequtimi qularnaveeqqutitaqartumi, pigisanik
qularnaveeqqusiisummi qularnaveeqqusiinermi pisinnaatitaaffimmut,
tassani qularnaveeqqusiussaq qularnaveeqqusiisumit pigiinnarneqarluni,
nalunaarsorneqarsimanngitsumut aningaasartuutit taamaattut
aningaasartuutigineqarnerminnit inangiisartut.

Taamatuttaaq pisinissamik isumaqatigiissutit ullumikkut pisartutut, illersorneqarnissaq anguniarlugu imaluunniit pisinnaatitaaffiit nalunaarsorneqarsimanngitsut inangersinnaajumallugit nalunaarsorneqartussaassanngillat. Pisisup ajortussamik isumanani pigisaq aalaakkaasoq imaluunniit pigisaq nuunneqarsinnaasoq pillugu isumaqatigiissusiorpat, pigisami aalaakkaasumi qularnaveeqqutini pisinnaatitaanerit nalunaarsorneqarsimanngitsut, taama tulleriillutik pigisami nuunneqarsimasumi qularnaveeqqutini pisinnaatitaanerit nalunaarsorneqarsimanngitsut isumaqatigiissuteqarnikkut pilersinneqarsimasut kiisalu taamaattoqarpat pigisanik qularnaveeqqusiisummi pigisami aalaakkaasumi imaluunniit pigisami nuunneqarsinnaasumi qularnaveeqqutitalimmi, pigisanik qularnaveeqqusiisumi qularnaveeqqusiinermi pisinnaatitaaffiit, tassani qularnaveeqqusiussat qularnaveeqqusiisunit pigiinnarneqarlutik, pisisup taamaalilluni isumaqatigiissutip isumaqatigiissutigineqarneranit inangersinnaassavai.

Qujanaveeqqusiisummik piginnittoq, pigisanik qularnaveeqqusiisummi, qularnaveeqqusiinermi pisinnaatitaaffimmi, tassani qularnaveeqqusiussa qularnaveeqqusiisumit pigiinnarneqarluni, qularnaveeqqutaateqartoq, ajortussamik isumanani aamma kingusinnerusukkut pigisanik qularnaveeqqusiisutip iluani aamma eqqartuussivikkoortitsinissamut kingusinnerusukkut qularnaveeqqusiisummi pisinnaatitaaffiit nalunaarsorneqarsimasut sioqqullugit qularnaveeqqusiussa qartut qularnaveeqqutaasa akilernerneqarnissaat pillugit pingaarnersiuiinermi pisinnaatitaaffinnik piginnittut imminnut tulleriiaarinermi inissisimalluni, akiligassami pisinnaatitaaffiit qularnaveeqqusiussa qartut qularnaveeqqutaasa akilernerneqarnissaat pillugit pingaarnersiuiinermi pisinnaatitaaffinnik piginnittut imminnut tulleriiaarinermi appasinnerusumik inissisimaffii nalunaarutigineqarnerisa qularnaveeqqusiisummik piginnittumut apuunnissaa tikillugu, akiitsut qularnaveeqqusikkat annertusisinnaagai, § 1 a, imm. 3-mi siunnersuutigineqarpoq.

Malittarisassakkut inatsiseqartitsinermi pissutsit atuuttut atatiinnarneqarput, tamatumalu kingorna pigisanik qularnaveeqqusiisummi qularnaveeqqusiussalimmik, akiligassat annertusineqarnerat pillugu neriorsuutip tunniunneqannginnerani, siulliulluni pigisanik qularnaveeqqusiisoq, tassani qularnaveeqqusiussa qularnaveeqqusiiffigisanut tunniunneqarluni (siunissami pigisanik

qularnaveeqqusiisummi qularnaveeqqusiinermi pisinnaatitaaffimmik
 piginnittunngortoq, tassani qularnaveeqqusiussaq qularnaveeqqusiisumit
 pigiinnarneqarluni) pigisat aalaakkaasut pillugit eqqartuussivikkut
 nalunaarsuinnermut atuakkami imaluunniit inummut aningaasatigut pissutsit
 pillugit paasissutissat pillugit atuakkami pisinnaatitaaffinnik piginnittut
 pigisami qularnaveeqqusiiffigineqarsimasumi akilerneqartussat
 tulleriiarneqarneranni appasinnerusumik inissinneqartumi
 appasinnerusumik pigisami qularnaveeqqusiiffigineqarsimasumi
 akilerneqartussat tulleriiarneqarneranni appasinnerusumik inissinneqartut
 nutaat pillugit erseqqinnerusumik misissuisariaqanngilaq. Taamaalilluni
 pigisanik qularnaveeqqusiisummi qularnaveeqqutitalimmik aamma
 pisinnaatitaaffinnik piginnittut pigisami
 qularnaveeqqusiiffigineqarsimasumit akilerneqartussat
 tulleriiarneqarneranni appasinnerusumik inissinneqartut sioqqullugit
 pigisami qularnaveeqqusiiffigineqarsimasumi akilerneqartussat
 tulleriiarneqarneranni inissinneqartumi, pigisanik
 qularnaveeqqusiisummi qularnaveeqqusiinermi pisinnaatitaaffimmik
 piginnittup salliusup, tassani qularnaveeqqusiussaq qularnaveeqqusiisumit
 pigiinnarneqarluni, akiitsut pigisami qularnaveeqqusiiffigineqarsimasumi
 akilerneqartussat tulleriiarneqarneranni appasinnerusumik inissinneqartut
 nalunaarsorneqarsimanerat pillugu nalunaarummik tigusinissaa tikillugu,
 akiitsut annertusineqarsinnaapput.

Pisinnaatitaaffimmik piginnittoq pigisami
 qularnaveeqqusiiffigineqarsimasumi akilerneqartussat
 tulleriiarneqarneranni appasinnerusumik inissinneqartoq pillugu pigisanik
 qularnaveeqqusiisummi qularnaveeqqusiinermi pisinnaatitaaffimmik
 piginnittumut salliusumut, tassani qularnaveeqqusiussaq
 qularnaveeqqusiisumit pigiinnarneqarluni, nalunaarutip apuunnerani,
 akiitsut, pigisanik qularnaveeqqusiisummi pigisami
 qularnaveeqqusiiffigineqarsimasumi akilerneqartussat
 tulleriiarneqarneranni inissinneqartut, annertusineqarnissannut
 periarfissaq atorunnaassaaq. Pisinnaatitaaffiup pigisami
 qularnaveeqqusiiffigineqarsimasumi akilerneqartussat
 tulleriiarneqarneranni appasinnerusumik inissinneqartup
 kingusinnerusukkut nalunaarsorneqartup nalunaarsorneqarnissaa pillugu
 nalunaarutiginninnermi piffissaq sioqqullugu taanna pisimappat, imm. 3
 malillugu taamaattoq aatsaat piffissami kingullertut taaneqartumi
 inatsisitigut kinguneqartinneqassaaq.

Inatsiseqartitsinermi pissutsini massakkut atuuttuni allakkut allannqortitsisoqarnissaanik suliaqarnissaq aalajangersagassatut siunnersuutigineqartukkut siunertarineqanngilaq, tamatumalu kingorna qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiinermi, pingaannginnerusumik qularnaveeqqusiinermi, pisinnaatitaaffinnik piginnittoq, matumani pigisanik qularnaveeqqusiissummi killissarititaasut iluanni tamakkiisumik atorneqarsimanngitsumi atuinissamut piginnittoq imaluunniit pigisami akiitsulimmit pigineqartumi arsaarinnittoq ilanngullugu, nalunaarsuisoqareeraluartoq aamma pigisanik qularnaveeqqusiisunut salliusunut, tassani qularnaveeqqusiussaq qularnaveeqqusiiffimmut tunniunneqarluni, nalunaarutiginnittoqaraluartoq, akilersuutitut isumaqatigiissutigineqartunut akissarsiaasut, imaluunniit ajunaaruteqarnissaq pinngitsoortinniarlugu pisariaqartinneqartut pissutigalugit akiitsut annertusineqarnerannik pinngitsoortinneqarsinnaanngitsunik, akuersisariaqartoq naatsorsuutigineqarpoq.

Pisinnaatitaaffinnik imm. 1-imi taaneqartunik imaluunniit § 1, imm. 1 malillugu qularnaveeqqusiinermi pisinnaatitaaffimmik tunniussineq imaluunniit allakkut nuussineq, qularnaveeqqusiissummut piginnaatitaaffik pillugu, aamma eqqartuussivikkoortinneqarnissamut isumaqatigiissutitut, ajortussamik isumanani isumaqatigiissutigineqartunut, illersorneqassaguni nalunaarsorneqassasoq, § 1 a, imm. 4-mi siunnersuutigineqarpoq.

Inummut pingajuusumut qularnaveeqqusiissummi pisinnaatitaaffimmik tunniussinermi imaluunniit qularnaveeqqusiinermi, pigisanik qularnaveeqqusiisup, pigisanik qularnaveeqqusiinermi pisinnaatitaaffii, tassani qularnaveeqqusiussaq qularnaveeqqusiiffigisamut tunniunneqarluni, qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiissut, pingaannginnerusumik qularnaveeqqusiissut, ilaatillugu ilaatinngaluunniit, pigisanik qularnaveeqqusiissummi qularnaveeqqummi pisinnaatitaaffik, tassani qularnaveeqqusiussaq qularnaveeqqusiiffigisamut tunniunneqarluni, tunniussinnaagaa, inatsisit attuuttut malillugit naatsorsuutigineqarpoq. Pigisanik qularnaveeqqusiisup, tassani qularnaveeqqusiussaq qularnaveeqqusiiffigisamut tunniunneqarluni, akiligassaqaqfigisai qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiissutaasumi, pingaannginnerusumik qularnaveeqqusiissutaasumi, pigisanik

qularnaveeqqusiissummik qularnaveeqqutitalimmi, arsaarinninnermik suliaqarsinnaasoq, aammattaaq naatsorsuutigineqarpoq.

Qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiissutaasoq, pingaannginnerusumik qularnaveeqqusiissutaasoq, pigisanik qularnaveeqqusiissummi qularnaveeqqutitaqanngitsup tunniunneqarnerani, inatsisit atuuttut malillugit akiitsut allagartaat pillugit inatsimmi qularnaveeqqusiinnermut uppernarsaanerit isiginiarneqassapput. Pisassarisat nalinginnaasut tunniunneqarneri amerlanertigut pineqartussaammata, akiitsut allagartaat pillugit inatsimmi § 31 malillugu, qularnaveeqqusiinnermut uppernarsaaneq tassaavoq akiligassalimmut nalunaaruteqarneq. Pigisanik qularnaveeqqusiissutit tunniunneqarnerannut tunngatillugu, matumani pigisanik qularnaveeqqusiinnermi pisinnaatitaaffik, tassani qularnaveeqqusiiffigisamut tunniunneqartoq ilanngullugu, inatsisit atuuttut malillugit qularnaveeqqusiinnermut uppernarsaaneq tassaassasoq, pisassarisat tuniniarneqarsinnaasut pillugit akiitsut allagartaat pillugit inatsimmi malittarisassat malinneqarnissaat naatsorsuutigineqarpoq, tamatumalu kingorna pissarsisup isumaqatigiissutininik pissarsisuinut akiligassa qarfigisaanullu illersorneqarnissaq anguniarlugu, pigisanik qularnaveeqqusiissutip atorneqarsinnaajunnaarsinneqarnissaa isumagissavaa. Qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiissutaasoq, pingaannginnerusumik qularnaveeqqusiissutaasoq, pigisanik qularnaveeqqusiissummi qularnaveeqqutitalik ilanngullugu tunniunneqarpat, pissarsisup akiligassalimmut nalunaaruteqarnissaa aamma pigisanik qularnaveeqqusiissummik arsaarinnissuteqarnissaa, imaluunniit pissarsisup qularnaveeqqusiinnermut uppernarsaanerit ilaannik toqqaanissaa naammassanersoq, inatsisit atuuttut malillugit nalorninartinneqarpoq.

Imm. 4-tut siunnersuutigineqartukkut inatsisitigut inissisimaneq erseqqissarneqarpoq, taamaalilluni pigisanik qularnaveeqqusiissumi qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiissummik, pingaannginnerusumik qularnaveeqqusiissummik, tunniussineq imaluunniit allatut nuussineq tunniussisup ajortussamik isumanatik isumaqatigiissutininik pissarsisuinut aamma akiligassa qarfigisaanut illersorneqarnissaq anguniarlugu nalunaarsorneqassaaq. Pigisanik qularnaveeqqusiissumi qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiissummik, pingaannginnerusumik

qularnaveeqqusiissummik, tunniussinermi akiitsut allagartaat pillugit malittarisassat sulī atorņeqassapput. Pigisanik qularnaveeqqusiissumi qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiissummik, pingaannginnerusumik qularnaveeqqusiissummik, tunniussinermik, pigisanik qularnaveeqqusiissummi qularnaveeqqutitalimmik, pissarsisup taamaalilluni aammattaaq akiitsut allagartaat pillugit inatsimmi malittarisassat isiginiassavai aamma taamaattumik amerlanertigut akiligassalimmut nalunaaruteqassalluni.

Inatsiseqartitsinermi pissutsit atuuttut aalajangersagassatut siunnersuutigineqartukut allanngortinneqarnissaat siunertarineqanngilaq, tamatumalu kingorna, pigisanik qularnaveeqqusiissummi arsaarinnissuteqartoqarsimannginnissaa naatsorsuutigineqarpoq. Qularnaveeqqusiisup akiligassaqaqfigisai taamaalilluni pigisami nalilimmi arsaarinninnermi, pigisanik qularnaveeqqusiissutikkut qularnaveeqquserneqartuni suliaqarsinnaapput, aamma qularnaveeqqusiissummik piginnittup akiligassaqaqfigisai qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiinermi, pingaannginnerusumik qularnaveeqqusiinermi, tassungalu pigisanik qularnaveeqqusiissummi qularnaveeqqusiinerni qulaani taaneqartutut taamaallaat arsaarinninnermik suliaqarsinnaapput.

Digitaliusumik eqqartuussivikkoortumik nalunaarsuisarnerup atuutilersinneqarnera sioqqullugu, pigisanik qularnaveeqqusiissutit nalunaarsorneqarsimasut suliarineqarnissaat eqqarsaatigalugit, inatsisissamut siunnersuummi § 6-imī ikaarsaariarnermut malittarisassat taakkununngalu oqaaseqatit innersuussutigineqarput.

§ 1, imm. 1 malillugu qularnaveeqqusiinermi pisinnaatitaaffimmik tunniussineq, qularnaveeqqusiinermi pisinnaatitaaffik pillugu, aamma eqqartuussivikkoortinneqarnissamut ajortussamik isumanani isumaqatigiissutigineqartunut illersorneqarnissaq anguniarlugu nalunaarsorneqassasoq, siunnersuutip aammattaaq kinguneraa.

Qularnaveeqqusiussaqaarluni taarsigassarsinermi allagartamit akiussinermi, qularnaveeqqusiinermi pisinnaatitaaffik pillugu, aamma eqqartuussivikkoortinneqarnissamut ajortussamik isumanani isumaqatigiissutigineqartunut illersorneqarnissaq anguniarlugu

nalunaarsorneqassasoq, tamatuma ingammik kinguneraa. Manna qularnaveeqqusiussaqarluni taarsigassarsinermi allagartanit nalinginnaasunit arsaarinninnermut sammitinneqarpoq, tassami taaneqareersutut pigisanik qularnaveeqqusiissutini arsaarinninneq suliarineqarsinnaanngimmat.

Pigisami nuunneqarsinnaasumi tassani, qularnaveeqqusiissutigineqarsimasumi, arsaarinninneq, tuniniarneqarnissamut illersorneqarnissaq anguniarlugu sulil nalunaarsorneqassanngilaq, kisianni imm. 3-tut siunnersuutigineqartoq pillugu qulaani allanneqartut malillugit, qularnaveeqqusiussap qularnaveeqqusiiffigisamut tunniunneqarnerata pissutigisaanik pigisamik qularnaveeqqusiisup, pingaannginnerusumik qularnaveeqqusiisup, ajortussamik isumanani akiligassaminik annertusititsineranut illersorniarluni, taamaattoqarpat pigisami nuunneqarsinnaasumi pineqartumi pigisanik qularnaveeqqusiissummik peqartunut nalunaarsorneqarsimasunut, arsaarinnittoq nalunaaruteqartussaassaaq.

Pigisani aalaakkaasuni arsaarinninneq allanngortinneqanngitsumik, qularnaveeqqusiisarneq pillugu Kalaallit Nunaannut inatsimmi § 1, imm. 1 malillugu tuniniarneqarnissamut illersorneqarnissaq anguniarlugu nalunaarsorneqartussaassammat maluginiarneqassaaq.

Aammattaaq Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqalernissaa pillugu inatsisissatut siunnersuummi oqaaseqaatini nalinginnaasuni imm. 2.4 innersuussutigineqarpoq.

Nr. 3-mut

(§§ 3 a-miit 3 g ilanngullugu oqaaseqaatinut)

Akiitsut allagartaanni pigisani aalaakkaasuni qularnaveeqqusiissutaasut, akiitsut allagartaat pillugit inatsimmi § 11, imm. 2, nr. 3 malillugu oqaatsimik “tuniniarneqarsinnaanngitsoq”-mik imaluunniit nangaassutinik assigisaanik ilanngussisoqarsimanngippat, tassaapput akiitsut allagartaat tuniniarneqarsinnaasut. Qularnaveeqqusiussaqarluni taarsigassarsinermi allagartaq atsiortup qularnaveeqqusiiffigisamut akiitsorisinnaasaanik qularnaveeqqutaasoq pigisani aalaakkaasuni qularnaveeqqusiisoq, minillugu, qularnaveeqqusiussaqarluni taarsigassarsinermi allagartanut,

pigisanut aalaakkaasunut qularnaveeqqusiissutaasunut,
nalunaarsorneqarsimasunut tamanna aamma atuuppoq.

Pissarsisup pisinnaatitaaffinnik akerliliineri il. il. atorunnaarsitsisinnaanera pillugu apeqqutit ullumikkut akiitsut allagartaat pillugit inatsisip ilaatigut malittarisassiuuppaa. Akiitsut allagartaat tuniniarneqarsinnaasut pineqartillugit, akiitsut allagartaannik pappiaqqamik tunngaveqartumik, arsaarinnissutigineqarsinnaasumik peqarnissaa, tamanna pillugu malittarisassani naatsorsuutigineqarpoq.

Akiitsut allagartaat pillugit inatsit, inatsimmik allanngorneri ilanngullugit nalunaarutiginninnikkut nr. 1074, 15. september 2015-meersukkut inatsisikkut nr. 104, 31. marts 1965-imeersukkut Kalaallit Nunaannut atuutilersinneqarpoq.

Akiitsut allagartaat tuniniarneqarsinnaasut pineqartillugit, digitaliusumik qularnaveeqqusiussaqlarluni taarsigassarsinermi allagartat nalunaarsorneqarsimasut pineqartillugit, pissarsisup pisinnaatitaaffinnik akerliliineri il. il. atorunnaarsitsisinnaanera pillugu akiitsut allagartaat pillugit inatsimmi malittarisassat qularnaveeqqusiisarneq pillugu Kalaallit Nunaannut inatsimmi malittarisassanit nutaanit taarserneqarnissaat siunnersuutigineqarpoq. Eqqartuussivikkoortumik nalunaarsuisarnerup digitaliusumik ingerlanneqalernerata siunnersuut kinguneraa, taamaaliorderummi siunissami qularnaveeqqusiussaqlarluni taarsigassarsinermi allagartat pappiaqqamik tunngavillit pigisani aalaakkaasuni qularnaveeqqutitalit pigineqarunnaarnissaannik kinguneraa.

Akiitsut allagartaat pillugit inatsimmi, Kalaallit Nunaannut atuutilersinneqartumi, allannguutit kingunerisaannik allanngortitsisoqarnissaa siunnersuutip pisariaqalersippaa. Allannguutit taakkua, eqqartuussivikkoortumik nalunaarsuisarneq pillugu inatsisip inatsisillu allat allanngortinneqarnerat pillugu inatsimmi nr. 539-imi, 8. juni 2006-imeersumi (Digitaliusumik eqqartuussivikkoortumik nalunaarsuisarneq pillugu) § 14, imm. 2 periarfissaliissutigalugu kunngip peqqussutaatigut naammassineqarumaarput.

Taassuma ataani, akiitsut allagartaat nalinginnaasut pillugit akiitsut allagartaat pillugit inatsimmi kapitali III, § 31 minillugu, qularnaveeqqusiisarneq pillugu Kalaallit Nunaannut inatsimmi § 3 a

malillugu, akiitsut allagartaannut nalinginnaasunut digitaliusunut nalunaarsorneqarsimasut aammattaaq atuutissaaq.

Aammattaaq Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqalernissaa pillugu inatsisissatut siunnersuummi oqaaseqaatini nalinginnaasuni imm. 2.4 innersuussutigineqarpoq.

§ 3 a-mut

Qularnaveeqqusiussaqaarluni taarsigassarsinermi allagartaq, atulersitsisup qularnaveeqqusiiffigisamut akiitsorisinnaasaanik qularnaveeqqutaasoq pigisani aalaakkaasuni qularnaveeqqusiisoq minillugu, qularnaveeqqusiussaqaarluni taarsigassarsinermut allagartami »tuniniarneqarsinnaanngitsoq«-p nangaassutilluunniit assigisai pillugit oqaatsit ilanngunneqarsimanngippata, qularnaveeqqusiussaqaarluni taarsigassarsinermut allagartaq nalunaarsorneqarsimasoq, tuniniarneqarsinnaasoq, imm. § 3 a, imm. 1-imi siunnersuutigineqarpoq.

Akiitsut allagartaat pillugit inatsimmi § 11, imm. 2, nr. 3 malillugu akiitsut allagartaat, pigisami tigussaasumi qularnaveeqqutaasoq, »tuniniarneqarsinnaanngitsoq«-mik nangaassutilluunniit assigisai pillugit oqaasertaliussat ilanngunneqarsimanngippata tuniniarneqarsinnaasoq, digitaliusumik qularnaveeqqusiussaqaarluni taarsigassarsinermik allagartanut nalunaarsorneqarsimasunut tunngavik atuuttoq siunnersuutip ingerlateqqissavaa. Qularnaveeqqusiussaqaarluni taarsigassarsinermi allagartat atulersitsisup qularnaveeqqusiiffigisamut akiitsorisinnaasaanik qularnaveeqqutaasut pigisani aalaakkaasuni qularnaveeqqusiissutaasut akiitsunut allagartaanngillat aamma tamanna tunngavigalugu ullumikkut imaluunniit siunnersuut malillugu tuniniarneqarsinnaanatik.

Qularnaveeqqusiussaqaarluni taarsigassarsinermi allagartamik tuniniarneqarsinnaanngitsumik, pigisami aalaakkaasumi qularnaveeqqusiissutaasumik, qularnaveeqqusiussaqaarluni taarsigassarsinermi allagartap “tuniniarneqarsinnaanngitsoq”-mik assigisaanilluunniit nangaassummik ilaneqarneratigut, sulit atulersitsinissaq periarfissaassaaq. §§ 3 b-miit 3 g ilanngullugu malittarisassatut siunnersuutigineqartut digitaliusumik qularnaveeqqusiussaqaarluni taarsigassarsinermi allagartanut tuniniarneqarsinnaanngitsunut, pigisani aalaakkaasuni qularnaveeqqusiissutaasunut, atorneqartussaassanngillat.

Qularnaveeqqusiussaqaarluni taarsigassarsinermi allagartaq, pigisani nuunneqarsinnaasuni qularnaveeqqusiissutaasoq, tamanna qularnaveeqqusiussaqaarluni taarsigassarsinermi erseqqissumik takuneqarsinnaanngippat, tuniniarneqarsinnaanngitsoq, § 3 a, imm. 2-mi siunnersuutigineqarpoq. Qularnaveeqqusiussaqaarluni taarsigassarsinermi allagartat atulersitsisup qularnaveeqqusiiffigisamut akiitsorisinnaasaanik qularnaveeqqutaasut pigisani aalaakkaasuni qularnaveeqqusiissutaasut, qularnaveeqqusiussaqaarluni taarsigassarsinermi allagartaanngillat tuniniarneqarsinnaasut.

Akiitsup allagartaa, pigisami aalaakkaasumi qularnaveeqqusiinngitsoq, akiitsut allagartaat pillugit inatsimmi §§ 11 aamma 26 malillugit tamanna akiitsut allagartaanni erseqqissumik allaqqanngippat, taamaallaat tuniniarneqarsinnaanera, digitaliusumik qularnaveeqqusiussaqaarluni taarsigassarsinermi allagartanut tunngaviusoq atuuttoq, siunnersuutip ingerlateqqissavaa. Qularnaveeqqusiussaqaarluni taarsigassarsinermi allagartat atulersitsisup qularnaveeqqusiiffigisamut akiitsorisinnaasaanik qularnaveeqqutaasut pigisani aalaakkaasuni qularnaveeqqusiissutaasut akiitsut allagartarinngilaat, aamma tamanna tunngavigalugu ullumikkut imaluunniit siunnersuutip kingorna tuniniarneqarsinnaanngillat.

§ 3 a, imm. 1-imi aamma 2-mi nassuiaatissatut siunnersuutigineqartut, §§ 3 b-miit 3 g ilanngullugu tunngatillugit pingaassuseqartussaapput.

Qularnaveeqqusiussaqaarluni taarsigassarsinermi allagartanut pappiaqqanik tunngavilinnut tuniniarneqarsinnaanngitsunut soorlu ullumikkut taamaattoq, digitaliusumik qularnaveeqqusiussaqaarluni taarsigassarsinermi allagartanut tuniniarneqarsinnaanngitsunut akiitsut allagartaat nalinginnaasut pillugit akiitsut allagartaat pillugit inatsimmi malittarisassat atorneqassapput. Taamaattoq akiitsut allagartaat pillugit inatsimmi § 31 atorneqarsinnaajunnaartussaavoq, tassami aamma digitaliusumik qularnaveeqqusiussaqaarluni taarsigassarsinermi allagartat tuniniarneqarsinnaanngitsut tunniunneqarneranni qularnaveeqqusiinermut uppernarsaaneq naleqquttoq siunissami tassaassammat nalunaarsuineq. Digitaliusumik qularnaveeqqusiussaqaarluni taarsigassarsinermi allagartanut nalunaarsorneqarsimasunut akiitsut allagartaat pillugit inatsimmi ilanngussinnginneq, eqqartuussivikkoortumik nalunaarsuisarneq pillugu inatsisip inatsisillu allat allanngortinneqarnerat pillugu inatsimmi nr. 539, 8. juni 2006-imeersumi (Digitaliusumik eqqartuussivikkoortumik

nalunaarsuisarneq pillugu) § 14, imm. 2-p malitsigisaanik kunngip peqqussutaatigut naammassineqarumaarput.

§ 3 b-mut

Qularnaveeqqusiussaqaarluni taarsigassarsinermi allagartaq
nalunaarsorneqarsimasoq, pigisassanngorlugu imaluunniit
qularnaveeqqutitut tunniunneqarsimappat, pigisat aalaakkaasut pillugit
eqqartuussivikkut nalunaarsuinermi atuagaq malillugu pisinnaatitaasumit
aamma pissarsisumit ajortussamik isumaqanngitsumit tunniussineq pillugu
nalunaarsortinneqarsimappat, akiitsut allagartaat pillugit inatsimmi § 15,
imm. 1 malillugu, akiitsulimmit akerliliissutaasut ilaatinneqartut
arlaannaannilluunniit, pissarsisumut piumasaqaatigineqarsinnaanngitsut, §
3 b, imm. 1-imi siunnersuutigineqarpoq.

Qularnaveeqqusiussaqaarluni taarsigassarsinermi allagartaq
tuniniarneqarsinnaasoq nalunaarsorneqarsimasoq, pigisassatut imaluunniit
qularnaveeqqutitut tunniunneqartoq, malillugu akiitsulik, aallaaviatigut
akiitsut allagartaat pillugit inatsimmi § 15, imm. 1 akerliliissutit
ilaatinneqartut pissarsisumut ajortussamik isumaqanngitsumut
atuutitissinnaanngikkai, siunnersuutip kingunerissavaa.

Qularnaveeqqusiussaqaarluni taarsigassarsinermi allagartaq
tuniniarneqarsinnaasoq pillugu oqaatsit imarisai pillugit § 3 a-tut
siunnersuutigineqartoq tassungalu oqaaseqaatit innersuussutigineqarput.

Akiitsut allagartaat pillugit inatsimmi § 15 malillugu inatsiseqartitsinermi
pissutsit atuuttut attatiinnarneqarnissaat siunnersuutikkut
siunertarineqarpoq, siunissamilu digitaliusumik
qularnaveeqqusiussaqaarluni taarsigassarsinermi allagartat
nalunaarsorneqarsimasut tunniunneqarneranni toqqaannartumik
atorneqassanngilaq.

Qularnaveeqqusiussaqaarluni taarsigassarsinermi allagartat digitaliusumik
ingerlanneqalernerisa malitsigisaanik akiitsut allagartaat pillugit inatsimmi
piginninnissaq pillugu § 15-imi piumasaqaat atorunnaarsitsinissamut
piumasaqaatigalugu kisianni naammassineqarsinnaajunnaarpoq.
Taamaammat piumasaqaatip taassuma nuussisumit
nalunaarsuisoqarnissaanik piumasaqaammik taarserneqarnissaa
siunnersuutigineqarpoq.

Pissarsisup ajortussamik isumannginneranut tunngatillugu, eqqartuussivikkoorlugu nalunaarsuisarnerup digitaliusup atuutilersinneqarnerata kingorna, qularnaveeqqusiisarneq pillugu Kalaallit Nunaannut inatsimmi § 1, imm. 3, inatsisissatut siunnersuummi § 3, nr. 1-itut oqaasertaliorneqartoq, tamassuma nalilerneqarnissaanut pingaaruteqartussaassaaq. Aalajangersagaq taanna malillugu, pissarsisoq piffissami nuussinerup nalunaarsorneqarnissaa pillugu nalunaarutiginninnermi, akerliliissummut tassunga attuumassuteqartumut ilisimasaqannginnini imaluunniit sakkortuumik mianersuaalliornermigut ilisimasaqannginnerani, kinaluunniit ajortussamik isumaqarsimassanngilaq.

Tamatuma saniatigut atorunnaarsitsinissamut piumasagaatit atuuttut allanngortinneqarnissaat aalajangersagassatut siunnersuutigineqartumi siunertarineqanngilaq, matumani tunniussineq pillugu isumaqatigiisummik atuuttumik peqartoqarnissaa, qularnaveeqqusiilluni taarsigassarsinnermi allagartamik tunniussisoq ilutsimigut inatsisit malillugit qularnaveeqqusiussaqarluni taarsigassarsinnermi allagartap pineqartup atorneqarsinnaaneranut qanoq iliorfiginnissinaanera, aamma pissarsisup pisinnaatitaaffini inummut pingajuusumut qularnaveeqquersimassagai ilanngullugit.

Pigisanik qularnaveeqqusiisummi, pigisanik qularnaveeqqusiinnermi pisinnaatitaaffimmik, tassani qularnaveeqqusiussaq qularnaveeqqusiiffigisamut tunniunneqarluni, (inummut pingajuusumut qularnaveeqqusiisummi pisinnaatitaaffimmik tunniussinnermi imaluunniit qularnaveeqqusiinnermi) tunniussineq pineqartillugu, tamanna qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiinnerup, pingaannginnerusumik qularnaveeqqusiinnerup, tunniunneqarneratigut imaluunniit tunniunnagu pisinnaasoq, inatsisit atuuttut malillugit isumaqarfigineqarpoq. Tamatuma saniatigut pigisanik qularnaveeqqusiinnermi pisinnaatitaaffimmik tunniussineq, tassani qularnaveeqqusiussaq qularnaveeqqusiiffigisamut tunniunneqarluni, qularnaveeqqusiussap qularnaveeqqusiiffigisamut tunniunneqarnerata pissutigisaanik pigisanik qularnaveeqqusiisummut, pingaannginnerusumik qularnaveeqqusiisummut, imalimmut tunngatillugu, qularnaveeqqusiinnermut uppersaarnanertut, akerliliissutinik il. il. atorunnaarsitsinernut atatillugu, tunniussinnermut atatillugu pissarsisup inatsisitigut inissisimanerata tunniussinnermut atatillugu aalajangersarneqartussanngornerani, qularnaveeqqusiinnermi

Akiitsut allagartaat pillugit inatsimmi § 15, imm. 1, imaluunniit § 17 tamakkiisunik imaqtutut isigineqanngimmata, aamma akerliliissutit, aalajangersakkani taakkunani marlunni taaneqanngitsut, naligiissuseq pillugu isumaliutiginninnerit aallaavigalugit, taama tulleriillutik, akerliliissutitut sanngiitsutut imaluunniit akerliliissutitut sakkortuutut atatinneqarsinnaassammata maluginiarneqassaaq.

§ 3 c-mut

Qularnaveeqqusiussaqarluni allagartaq tuniniarneqarsinnaasoq, pigisat aalaakkaasut pillugit eqqartuussivikkut nalunaarsuinermi atuagaq malillugu piginnaatitaasumit pigisassatut imaluunniit qularnaveeqqusiissutitut tunniunneqarpat aamma pissarsisoq ajortussamik isumaqarnani pisinnaatitaaffimminik nalunaarsuisitsisimappat, pigisat aalaakkaasut pillugit eqqartuussivikkut nalunaarsuinermi atuagaq malillugu piginnaatitaasup nammineersinnaajunnaarsitaasimanera imaluunniit qularnaveeqqusiussaqarluni taarsigassarsinermi allagartamut atuisinnaatitaanermik amigaateqarnera, pissarsisup pisinnaatitaaffiitut akornusiissanngitsoq, § 3 c-mi siunnersuutigineqarpoq.

Qularnaveeqqusiussaqarluni taarsigassarsinermi allagartaq tuniniarneqarsinnaasoq pillugu oqaatsit imarisaat pillugit § 3 a-tut siunnersuutigineqartoq aamma tassunga oqaaseqaatit innersuussutigineqarput.

Matumani qularnaveeqqusiussaqarluni taarsigassarsinermi allagartat, tuniniarneqarsinnaasut, nalunaarsorneqarsimasut ilanngullugit, akiitsut allagartaat pillugit inatsimmi §§ 15-imiit 18 ilanngullugu soorlu taamaattoq, ajortussanik isumanatik isumaqatigiissutinik pissarsisunut inatsisitigut inissisimanerup toqqiissisimanarnerulerneratigut, akiitsut allagartaat pillugit inatsimmi § 14-imi malittarisassat maannakkut atuuttut, akiitsut allagartaat tuniniarneqarsinnaasut tuniniarneqarsinnaanerisa ajornannginnerulersinneqarnissaat pillugit malittarisassanik imaqrpoq. Taamaalillutik taakku inummik pisortatigoortumik atuisinnaasumik niueqateqarnerminni inatsisit atuuttut malillugit qularnaveeqqusiissuteqarluni taarsigassarsinermi allagartami pisinnaatitaaffiit neriorsuutigineqarsimatutsut pissarsiarisinnaallugit pissarsisut nalinginnaasumik naatsorsuutigisinnaavaat, aamma tamatuma peqatigisaanik qularnaveeqqusiussaqarluni taarsigassarsinermi allagartamik pigisassatut tiguseq isumagissavaat.

Qularnaveeqqusiusaarluni taarsigassarsinermi allagartat tuniniarneqarsinnaasut nalunaarsorneqarsimasut tunniunneqarneranni § 3 c-tut siunnersuutikkut massakkut inatsiseqartitsinermi pissutsit ingerlateqqinneqarnissaat siunertarineqarpoq, kisianni digitaliusumik qularnaveeqqusiusaarluni taarsigassarsinermi allagartat eqqunneqarnerisa kingunerisaanik massakkut arsaarinnissuteqarnissamik piumasaqaat taamaattoq nalunaarsuinissamik piumasaqaammik taarserneqassaaq.

Tamatuma saniatigut atorunnaarsitsinissamut piumasaqaatit atuuttut aalajangersagassatut siunnersuutigineqartukut allanngortinneqarnissaat siunertarineqanngilaq, matumani tunniussineq pillugu isumaqatigiisummik atuuttuusumik peqarnissaq, tunniussisoq ilutsimigut inatsisit malillugit qularnaveeqqusiusaarluni taarsigassarsinermi allagartap pineqartup atorneqarsinnaaneranut qanoq iliorfiginnissinaanera, aamma pissarsisup pisinnaatitaaffini inummut pingajuusumut qularnaveeqquersimassagai ilanngullugit.

Assersuutigalugu pisumi tassani tunniussisoq eqqunngitsumik tunngaveqarluni pigisat aalaakkaasut pillugit eqqartuussutikkut nalunaarsuinermi atuakkami qanoq iliorsinnaanermut uppersaammik pisimanerani aalajangersagassatut siunnersuutigineqartoq atorneqarsinnaassaaq. Ajortussamik isumanani digitaliusumik qularnaveeqqusiusaarluni taarsigassarsinermi allagartamik nalunaarsorneqarsimasumik pissarsisoq, nammineerluni tunniussinermik nalunaarsuisitsisoq, taamaalilluni naak eqqunngitsuliorneq pillugu sakkortuumik akerliliissuteqaraluartoq, qularnaveeqqusiusaarluni taarsigassarsinermi allagartamut pisinnaatitaaffeqalersinnaavoq taamaalillunilu siusinnerusukkut pisinnaatitaaffinnik piginnittoq atorunnaarsissinnaavaa inangersinnaalluguluunniit.

Ajortussamik isumannginneq pillugu oqaatsit imarisaannik nassuiaanermik akiitsut allagartaat pillugit inatsimmi § 14 imaqarpoq, tamatumalu kingorna pissarsisoq pissarsinermi nalaani (nalinginnaasumik) mianersuaatsuliorpat, pissarsisoq ajortussamik isumaqassaaq. Ajortussamik isumannginneq pillugu oqaatsit imarisaannik nassuiaaneq taanna, allanngortinneqassanngitsoq siunnersuutigineqarpoq, taamaalilluni qularnaveeqquisiarneq pillugu Kalaallit Nunaannut inatsimmi § 1, imm. 3-mi, inatsisissatut siunnersuummi § 3, nr. 1-itut oqaasertaliorneqartumi, tamanna pillugu aalajangersagaq naapertorlugu, pissarsisup

pisinnaatitaaffimmi nalunaarsorneqarnissaanik nalunaarutiginninnermi
 ajortumik isumaqannginnissaa siunissami piumasaqaataassaaq. Pissarsisoq,
 digitaliusumik eqqartuussivikkoortumik nalunaarsuisarnerup
 atuutilersinneqarnerata kingorna digitaliusumik
 qularnaveeqqusiussaqaarluni taarsigassarsinermik allagartamik
 nalunaarsorneqarsimasumik pigisat aalaakkaasut pillugit eqqartuussivikkut
 nalunaarsuinnermi atuakkami piginnaatinneqartumit pissarsisoq,
 taamaalilluni assersuutigalugu eqqunngitsumik tunngaveqaarluni pigisat
 aalaakkaasut pillugit eqqartuussutikkut nalunaarsuinnermi atuakkami qanoq
 iliorsinnaanermut uppersaammik pisimaneq pineqartoq pillugu
 ilisimasaqanngikkuni imaluunniit ingasattumik mianersuaalliornermigut
 ilisimasaqannginnerminut nammeneq pisuuguni, pisinnaatitaaffimmik
 pisinnaassaaq.

§ 3 d-mut

Inummut qularnaveeqqusiussaqaarluni taarsigassarsinnermi allagartamik
 tuniniarneqarsinnaasumik nalunaarsorneqarsimasumik pigisassatut
 imaluunniit qularnaveeqqusiussatut nuussinermik
 nalunaarsuisitsisimasumut, pissarsisup akiitsulik pissarsiassamik,
 nalimmassaarinnermut atorneqarsinnaasumik peqartoq nalunngikkuniuk
 aamma taassuma nalimmassaarineq akornuserpagu nuussinermi akiitsulik
 annaasaqassasoq, taamaallaat nalimmassaarinissaq
 piumasaqaataasinnaasoq, § 3 d, imm. 1-imi siunnersuutigineqarpoq.

Qularnaveeqqusiussaqaarluni taarsigassarsinnermi allagartatut,
 inatsiseqartitsinnermi pissutsinit aamma taakkuninnga aallaaveqartutut,
 pissarsiassanit nalimmassaarinnaneq, pissutsinit taakkuninnga
 akerlilisinnaaneq pillugu malittarisassanit allamik
 malitseqartitsisoqanngippat, taamaattoq attatiinnarneqassasoq § 3 d, imm. 2-
 mi siunnersuutigineqarpoq.

Akiitsullip akiitsut allagartaanik tuniniarneqarsinnaasumik pissarsisumut
 akiitsullip nalimmassaasinnaanera pillugu akiitsut allagartaat pillugit
 inatsimmi § 18-ip atuuttup assigisaanik, qularnaveeqqusiisarneq pillugu
 Kalaallit Nunaannut inatsimmi aalajangersakkamik nutaamik
 ilanngussisoqarnissaa, siunnersuutip kinguneraa.

Nakkutiginnissinnaaneq imaluunniit atuisinnaaneq pillugu piumasaqaatip
 nuussinerup nalunaarsorneqarnissaanik piumasaqaammik taarserneqarnera

minillugu, inatsiseqartitsinermi pissutsit allanngortinneqarnissaat aalajangersagassatut siunnersuutigineqartukkut siunertarineqanngilaq.

Tamatuma saniatigut akiitsut allagartaat pillugit inatsimmi § 18, imm. 2-mi oqaatsit ”akiitsut allagartaannit pisassarisat” qularnaveeqqusiisarneq pillugu Kalaallit Nunaannut inatsimmi taaguusersuineq naapertorlugu ”qularnaveeqqusiussaqaarluni taarsigassarsinermi allagartamit pisassarisat”-nut imm. 2-tut siunnersuutigineqartumi allanngortinneqarpoq. Matumuuna piviusut allanngortinneqarnissaat siunertarineqanngilaq.

§ 3 e-mut

Qularnaveeqqusiussaqaarluni taarsigassarsinermi allagartanut tuniniarneqarsinnaasunut nalunaarsorneqarsimasunut ernianik akilersuutinillu akilersuineq, tamanna ajortussamik isumaqarani suliarineqarpat, inummut pigisat aalaakkaasut pillugit eqqartuussivikkut nalunaarsuinermi atuagaq malillugu akilersuutinik taaneqartunik tiguisinnaanermut piginnaatitaasumut, atuuttuusumik pisinnaasoq, § 3 e, imm. 1-imi siunnersuutigineqarpoq.

Qularnaveeqqusiussaqaarluni taarsigassarsinermi allagartaq tuniniarneqarsinnaasoq pillugu oqaatsit imarisaat pillugit § 3 a-tut aamma taassumunnga oqaaseqaatit innersuussutigineqarput.

Akiitsullip siunissami tamatigut ajortussamik isumaqarnani pisussaaffeerunnermik kinguneqartumik ernianianik akilersuutinillu, taakkua akilerneqareertussaasimagaluarnerat imaluunniit sulii akilerneqareertusaainginnerat, nalinginnaasumik imaluunniit immikkut ittumik inummut, pigisat aalaakkaasut pillugit eqqartuussivikkut nalunaarsuinermi atuakkami akiliissutinik tiguisinnaatitaasumut, akiliisinnaanera, siunnersuutip kinguneraa. Tamatuma saniatigut akiitsulik inatsisit atuuttut malillugit tamatigut aningaasanik pisinnaatitaasumut akiliisinnaassaaq.

Ajortussamik isumaqannginneq qularnaveeqqusiisarneq pillugu Kalaallit Nunaannut inatsimmi § 1, imm. 3-mi, inatsisissatut siunnersuummi § 3, nr. 1-itut oqaasertaliorneqartumi taaneqartutut paasineqassaaq.

Qularnaveeqqusiussaqaarluni taarsigassarsinermi allagartaq pigisassatut imaluunniit qularnaveeqqutitut tunniunneqarpat, § 3 e, imm. 2-tut

siunnersuutigineqartoq pillugu allaaserisat malillugit, pisut ilaani aamma pisussaaffeerunnermik kinguneqartumik akiligassalik aammattaaq akiliisinnaassaaq.

Qularnaveeqqusiussaqaarluni taarsigassarsinermi allagartaq tuniniarneqarsinnaasoq pigisassatut imaluunniit qularnaveeqqutitut tunniunneqarpat, akiitsulik ajortussamik isumanngitsoq tunniussisumut pisussaaffeerunnermik sunniuteqartumik erniat akilerneqareersimasussaagaluit akilersinnaagai, § 3 e, imm. 2-mi siunnersuutigineqarpoq. Qularnaveeqqusiussaqaarluni taarsigassarsinermi allagartaq nalunaarsorneqarsimasoq malillugu akilersuutitut piffissani taaneqartuni akilerneqartussatut allassimasunut tamanna aamma atuuppoq.

Aalajangersagassatut siunnersuutigineqartoq akiitsut allagartaat pillugit inatsimmi § 20, imm. 1-ip assigaa, tamatumalu kingorna akiitsulik, akiitsullip tunniussisoq akiliummik tiguisinnaatitaajunnaarsimasoq nalusimaguniuk, imaluunniit tamanna pillugu pasilliutissaqanngikkuni, illuatungerisaminut pisussaaffeerunnermik kinguneqartumik erniat nalinginnaasumillu akilersuutitut akilerneqareersimasussaagaluit akilersinnaavai.

Inatsiseqartitsinermi pissutsit maannakkut atuuttut attatiinnarneqarnissaat aalajangersagassatut siunnersuutikkut siunertarineqarpoq, taamaattoq akiitsullip ajortussamik isumaqannginerata naliliiffigineqarnerani qularnaveeqqusiisarneq pillugu Kalaallit Nunaannut inatsimmi § 1, imm. 3 atorineqartussaana allannguutigalugu. Tamatuma kingorna akiitsulik akiliinermit atatillugu tunniussineq nalunngikkuniuk imaluunniit ingasattumik mianersuaalliornermi pissutigisaanik tamanna ilisimanngikkuniuk, akiitsulik tunniussisumut pisussaaffeerunnermik kingunilimmik akiliisinnaasussaangilaq.

Soorlu aammattaaq taaneqareersutut § 3 e, imm. 1-itut siunnersuutigineqartup malitsigisaanik, aningaasanik pisinnaatitaasumut imaluunniit ajortussamik isumanani pigisat aalaakkaasut pillugit eqqartuussivikkut nalunaarsuinermit atuagaq malillugu pisinnaatitaasumut, pisussaaffeerunnermik kinguneqartumik akiligassalik akiliisinnaasussaavoq.

§ 3 f-imut

Qularnaveeqqusiussaqarluni taarsigassarsinermi allagartaq
 tuniniarneqarsinnaasoq malillugu imaluunniit pigisanik
 qularnaveeqqusiisummi qularnaveeqqusiinermi pisinnaatitaaffik, tassani
 qularnaveeqqusiussaq qularnaveeqqusiisumit pigiinnarneqarluni,
 nalunaarsorneqarsimasoq malillugu akiligassalik taamaallaat
 qularnaveeqqusiussaqarluni taarsigassarsinermi allagartap
 nungutinneqarnissaanut imaluunniit pigisanik qularnaveeqqusiisummi
 qularnaveeqqusiinermi pisinnaatitaaffiup nalunaarsorneqannginnissaanut,
 tassani qularnaveeqqusiussaq qularnaveeqqusiisumit pigiinnarneqarluni,
 akiliinissamut pisinnaatitaassasoq, § 3 f-imi siunnersuutigineqarpoq.

Qularnaveeqqusiussaqarluni taarsigassarsinermi allagartaq
 tuniniarneqarsinnaasoq pillugu oqaatsit imarisai pillugit § 3 a-tut
 siunnersuutigineqartoq tassungalu oqaaseqaatit innersuussutigineqarput.

Akiligassat allagartaat pillugit inatsimmi § 21, imm. 1-p assigisaanik
 malittarisassamik eqqussisoqarnissaa siunnersuutip kinguneraa,
 tamatumalu kingorna, akiitsut allagartaat pillugit inatsimmi § 15, imm. 1-
 imi pineqartut pingajuata malitsigisaanik kingusinnerusukkut
 inangerneqarnissaq pinngitsoortinniarlugu, akiligassap tamakkerlugu
 sinneranik akiitsullip akiliinerani, akiitsup allagartaata tunniunneqarnissaa
 piumasaqaatigisinnaagaa, siunnersuutip kinguneraa.

Aalajangersagassatut siunnersuutigineqartukkut akiitsulik, digitaliusumik
 qularnaveeqqusiussaqarluni taarsigassarsinermi allagartaq malillugu
 akiitsup sinneranik tamakkiisumik akiliisoq, taamaalilluni
 qularnaveeqqusiussaqarluni taarsigassarsinermi allagartamik ajortussamik
 isumaqarani pissarsisumit, qularnaveeqqusiussaqarluni taarsigassarsinermi
 allagartap nalunaarsorneqarsimaneranit nungutitsinissap
 piumasaqaatigineratigut, tamakkiisumik akiliinerup
 atorunnaarsinneqarnissaanut imminut illersorsinnaavoq.

Taamatuttaaq pissarsiarisassaq, pigisanik qularnaveeqqusiussami pigisanik
 qularnaveeqqusiisummi qularnaveeqqusiinermi pisinnaatitaaffimmit
 qularnaveeqquserneqarsimasoq malillugu, tassani qularnaveeqqusiussaq
 qularnaveeqqusiisumit pigiinnarneqarluni, akiitsulik akiitsup sinneranik
 tamakkiisumik akiliisoq, pigisanik qularnaveeqqusiisummi
 qularnaveeqqusiinermi pisinnaatitaaffiup, tassani qularnaveeqqusiussaq
 qularnaveeqqusiisumit pigiinnarneqarluni, nalunaarsorneqarsimanerata
 nungutinneqarnissaanik piumasaqaateqarnermigut, ajortussamik

isumaqarani tamakkiisumik akiliinerup pissarsisumit
atorunnaarsinneqarnissaanut imminut illersorsinnaavoq.

Qularnaveeqqusiussaqarluni taarsigassarsinermi allagartap imaluunniit
pigisanik qularnaveeqqusiissumi qularnaveeqqusiinermi pisinnaatitaaffiup,
tassani qularnaveeqqusiussaq qularnaveeqqusiisumit pigiinnarneqarluni,
nalunaarsorneqarnerata nungutinneqarnera, suleriaatsimi tamanna
assersuutigalugu akiitsullip kontomi matoqqasumi akiligassamik
tamakkiisumik akiliineratigut, tamatumalu kingornatigut,
nalunaarsuinermit nungutitsineq suliarineqarpat, aningaasat
akiligassaqaqfigisamut tunniunneqarlutik, aamma akiitsulik tamanna
pillugu Nunatsinni Eqqartuussivimmit nalunaarutitut ilusilimmik
uppersaammik pineratigut pisinnaavoq.

§ 3 g-mut

Akiitsulik qularnaveeqqusiussaqarluni taarsigassarsinermi allagartaq
tuniniarneqarsinnaasoq nalunaarsorneqarsimasorlu malillugu akilersuutinik
akiliinissamut piffissaliussaq sioqqullugu akiliippat, matumani immikkut
ittumik akilersuutinik akiliinerit ilanngullugit, tassunga naapertuuttumik
qularnaveeqqusiussaqarluni taarsigassarsinermi allagartap
nalunaarsorneqarnerata allanngortinneqarnissaa piumasaqaatigisinnaagaa,
§ 3 g, imm. 1-mi siunnersuutigineqarpoq. Akilersuutinik,
qularnaveeqqusiussaqarluni taarsigassarsinermi allagartaq malillugu
piffissani aalajangersimasuni akilernerqartussanik, akiitsulik akiliiffissap
kingorna akiliippat, akiitsulik taamaallaat immikkut ittumik akilikkat
uppersaataannik piumasaqaateqarsinnaavoq.

Akiitsut allagartaat pillugit inatsimmi § 21, imm. 2-mi oqaaseqatigiit 2.-ani
malittarisassap ingerlateqqinneqarnissaa, § 3 g, imm. 1-mi *oqaaseqatigiit*
1.-tut siunnersuutigineqartup siunertaraa, tamatumalu kingorna akilersuutit
aamma erniat, nalinginnaasumik akililiinerit pillugit akiitsut allagartat
pillugit inatsimmi § 16-mi ilaatinneqanngitsut pillugit, akiitsut
allagartaanni akiliinerit pillugit allakkami uppersaammi akiitsullip
tamassuma allanneqarnissaa piumasaqaatigisinnaavaa.

§ 3 b, imm. 1-mi aalajangersagassatut siunnersuutigineqartoq malillugu,
akiitsullip akiliinerup nalunaarsorneqarnissaanik piumasaqaateqarnermigut,
qularnaveeqqusiussaqarluni taarsigassarsinermi allagartamik ajortumik
isumaqarani pissarsisumit, akiliineq pillugu akerliliinerup

atorunnaarsinneqarnissaanut taamaalilluni akiitsulik aalajangersagassatut siunnertuutigineqartukkut illersorneqarsinnaassaaq.

§ 3 g, imm. 1-mi *oqaaseqatigiit* 2.-tut siunnersuutigineqartoq malillugu, akiitsut allagartaat pillugit inatsimmi § 21, imm. 2-mi oqaaseqatigiit 1.-mi aalajangersakkap assinganut naapertuuttumik, akilersuutit ullumi aalajangersimasumi akilerneqartussat akiliiffissaq qaangerlugu akilerneqarneranni, akiitsulik taamaallaat immikkut ittumik allakkamik uppersaammik piumasaqaateqarsinnaassaaq. Akiitsullip § 3 b, imm. 2-mi oqaaseqatigiit 1.-ip malitsigisaanik, akiitsullip akilersuutit piffissami aalajangersimasumi akilerneqartussat akilerneqarsimanerat pillugu akerliliineq, aamma inummut ajortussamik isumaqarani qularnaveeqqusiussaqaarluni taarsigassarsinermi allagartamik pissarsisumut, atatitsiinnarnera, taaneqartumut tassungarpiaq tunngaviuvoq.

Akiitsoqarneq atorunnaarsimappat, qularnaveeqqusiussaqaarluni taarsigassarsinermi allagartap nalunaarsorneqarsimanerata nungutinneqarnissaa akiitsullip piumasaqaatigisinnaagaa, § 3 g, imm. 2-mi siunnersuutigineqarpoq. Akiitsoqarneq isumaqatigiissusiornikkut, nalimmassaarinnissaq pillugu nalunaaruteqarnikkut, eqqartuussutikkut imaluunniit taamaatitsinikkut allanngortinneqarsimappat, akiitsullip taamaattoqarnerata nalunaarsorneqarnissaa piumasaqaatigisinnaavaa.

Akiitsut allagartaat pillugit inatsimmi § 21, imm. 3-mi malittarisassap aamma akiitsut allagartaat pillugit inatsimmi § 21, imm. 4-mi malittarisassap ingerlateqqinneqarnissaat § 3 g, imm. 2-tut siunnersuutigineqartup siunertaraa, tamatumalu kingorna, taanna tassunga soqutiginnippat, akilersuutit akilerneqarsimasut pillugit, akiitsut allagartaanni akiliinerit pillugit allakkami uppersaammik, akiitsullip tamassuma allanneqarnissaa piumasaqaatigisinnaavaa, tamatuma kingorna akiitsup allagartaata atorunnaarsinneqarnera pillugu takussutissiami pioreersumi tamatuma allanneqarnissaa pillugu akiitsulik piumasaqaateqarsinnaavoq. Aalajangersakkat taakkua taaneqartut naapertorlugit, inatsisit atuuttut malillugit qularnaveeqqusiussaqaarluni taarsigassarsinermi allagartap, akiitsoqarnerup eqqartuussutikkut imaluunniit isumaqatigiissutit allanngortinneqarsimanera pillugu, takussutissiami pioreersumi nalunaarummik allaffigineqarnissaa akiitsullip aammattaaq piumasaqaatigisinnaavaa. Akiitsulik taamaaliornermigut akiitsut allagartaat pillugit inatsimmi § 15, imm. 3-mi malittarisassap

malitsigisaanik akerliliinernut taaneqartunut atorunnaarsitsinissamut imminut illersorsinnaassaaq.

§ 3 g, imm. 2-tut siunnersuutigineqartukkut akiitsullip taamaalilluni qularnaveeqqusiussaqarluni taarsigassarsinermi allagartamut pappiaqqatut tunngavilimmut taarsiullugu, § 3 b, imm. 1-imi aalajangersagassatut siunnersuutigineqartoq malillugu atorunnaarsitsinissat akornuserniarlugit, akiitsoqarnermi allannguutit taamaattut digitaliusumik qularnaveeqqusiussaqarluni taarsigassarsinermi allagartami nalunaarsorneqarnissaat piumasaqaatigisinnaassavaa. Akiitsup akiligassaqaarfigisamit imaluunniit akiitsulimmit atorunnaarsinneqarnera apeqqutaatinnaq, atorunnaarsitsinermi tamanna atuuppoq.

Nr. 4-mut aamma 5-imut

(§ 4, imm. 1-imut)

Nalunaarsuinissaq pillugu qinnuteqarneq eqqartuussisuuneqarfimmut tunniunneqassasoq, qularnaveeqqusiisarneq pillugu Kalaallit Nunaannut inatsimmi § 4, imm. 1-ip aalajangersarpaa. Nalunaarsuisarnerup inatsisitigut sunniutissariligai tigusaqarnerup ulluaniit naatsorsorneqassapput.

Suliat, inatsisit malillugit Nunatta Eqqartuussisuuneqarfiani suliarinneqqaarfittut suliarineqartussatut inissinneqartut, ulloq 1. januar 2010-p kingorna Nunatta Eqqartuussivianut suliarinneqqaarfittut saqqummiunneqassatut, eqqartuussisarnermik inatsimmi §§ 746-p aamma 749-p malitsigaat.

”Eqqartuussisuuneqarfik” ”Nunatsinni Eqqartuussivik”-mmut allanngortinneqassasoq, § 4, imm. 1-imi oqaaseqatigiit 1.-mi siunnersuutigineqarpoq.

Nunatsinni Eqqartuussiviup pilersinneqarnerata aamma Nunatta Eqqartuussisuuneqarfiani sulianik suliarinneqqaarfittut suliassaataasa Nunatta Eqqartuussivianut nuunneqarnerisa kingunerisaannik tamanna siunnersuutigineqarpoq.

Piviusunik allanngortitsinermik siunnersuut kinguneqanngilaq.

§ 4, imm. 1-imi oqaaseqatigiit 2.-ani ”tigusaqarnerup ulluanit” ”tigusinermi”-mut allanngortinneqassasoq aammattaaq siunnersuutigineqarpoq.

Nalunaarsuisarnerup siunissami inatsisitigut sunniutissai, piffissami nalunaarsuinissamik noqqaassuteqarnerup Nunatsinni Eqqartuussivimmit tiguneqarnerannit naatsorsorneqarnissaat, siunnersuutip kinguneraa.

Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqarnissaa pillugu siunnersuummut siunnersuut atassuteqarpoq. Digitaliusumik eqqartuussivikkoortumik nalunaarsuisarnerup ilaatigut nalunaarsuinissamik noqqaassutip digitaliusumik tunniunneqarnissaanik kinguneqarpoq, tassani tigusinermi piffissaq eqqorluartoq nalunaarsorneqassalluni.

Aammattaaq Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqalernissaa pillugu inatsisissatut siunnersuummi oqaaseqaatini nalinginnaasuni imm. 2.4 innersuussutigineqarpoq.

Nr. 6-imut aamma 7-imut

(§ 4, imm. 2-imut)

Nalunaarsuinermi periaatsit pillugit malittarisassanik erseqqinnerusunik ministeri aalajangersaassasoq, qularnaveeqqusiisarneq pillugu Kalaallit Nunaannut inatsimmi § 4, imm. 2-p aalajangersarpaa.

§ 4, imm. 2-mi ”ministerimit” ”inatsiseqarnermut ministerimit”-mut allanngortinneqassasoq siunnersuutigineqarpoq.

Inatsimmut siunnersuut inatsiseqarnermut ministerip suliassaqarfimmut akisussaasuunerata kingunerisaanik siunnersuutigineqarpoq.

Piviusunik allanngortitsinermik siunnersuut kinguneqanngilaq.

§ 4, imm. 2-mi oqaaseqatigiit 2.-anik nutaamik ilanngussisoqarnissaa aammattaaq siunnersuutigineqarpoq, tamatumalu kingorna matumani nalunaarsuisarnerup digitaliusumik takussutissiat tunngavigalugit pinissaa, taamaaliornissamut pisussaajunnaarsitaaneq pillugu, nalunaaruteqartartut

akuerisaasut pillugit aamma pisinnaatitsissutit pillugit inatsiseqarnermut ministeri malittarisassanik aalajangersaasinnaavoq. Tassunga atatillugu Nunatsinni Eqqartuussiviup inunnik paasissutissanik suliarinninnissaa Tinglysningsret-imullu ingerlatitseqqinnissaa, matumani inuit normui ilanngullugit, pillugit malittarisassanik erseqqinnerusunik aalajangersaasoqarsinnaavoq.

Nalunaarsuinermi periaaseq pillugu malittarisassani erseqqinnerusuni, inatsiseqarnermut ministerip aalajangersagaani, ilaatigut nalunaarsuisarnerup digitaliusumik takussutissiat tunngavigalugit pinissaa pillugu, taamaaliornissamut pisussaajunnaarsitaaneq pillugu, nalunaaruteqartartut akuerisaasut pillugit aamma pisinnaatitsissutit pillugit piumasaqaatinik eqqussisoqarsinnaanera, siunnersuutip erseqqissarpaa.

Qularnaveeqqusiussaarluni taarsigassarsinermut allagartat, matumani taakku pisariaqartinneqartumik naqissuserneqarsimanissaat, aamma taaneqartunut akitsuutit akilerneqarsimanissaat ilanngullugit, pillugit nalunaarsuinermut piumasaqaatit erseqqinnerusut tassunga atatillugu aalajangersarneqarsinnaassapput.

Nalunaarutiginnittup systemimik atuisinnaanermik periarfissaqannginnera pissutigalugu, digitaliusumik imminut kiffartuunnissamut systemip atorneqarnissaanut pisussaajunnaarsitaaneq pillugu, inatsiseqarnermut ministeri malittarisassanik aammattaaq aalajangersaasinnaassaaq.

Nalunaarutiginnittoq imminut kiffartuunnissamut systemip atorneqarnissaanut pisussaajunnaarsitaasimappat, Nunatsinni Eqqartuussiviup, pineqartumi nalunaarsuinissamik noqqaassummik tigusiuni, noqqaassutip systemimi nalunaarsorneqarnissaa isumagissavaa.

Nunatsinni Eqqartuussiviup inunnik paasissutissanik suliarinninnissaa aamma inunnik paasissutissanik, matumani inuit normui ilanngullugit, Tinglysningsret-imullu ingerlatitseqqissinnaanera pillugit, § 4, imm. 2 periarfissaliissutigalugu, inatsiseqarnermut ministeri malittarisassanik aalajangersaasinnaavoq.

Aammattaaq inatsisissatut siunnersuummi oqaaseqaatini nalinginnaasuni imm. 2.4 aamma 3 innersuussutigineqarpoq.

Aappariinnermi inatsisitigut kingunerisassat pillugit inatsimmi, inatsisikkut nr. 150, 31. marts 1993-imeersukkut Kalaallit Nunaannut atuutilersinneqartumi aappariit pigisanut tunngasutigut isumaqatigiissutaat atuutissaguni nalunaarsorneqarnissaa § 37-ip aalajangersarpaa, aamma nalunaarsuisarnerit pillugit peqqussutininik landsdommeri aalajangersaassasoq aalajangersarlugu.

§ 37-mi *oqaaseqatigiit aappaata* atorunnaarsinneqarnissaa siunnersuutigineqarpoq.

Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqarnissaa pillugu siunnersuummut siunnersuut atassuteqarpoq. Qularnaveeqqusiisarneq pillugu Kalaallit Nunaannut inatsimmi § 4, imm. 2, inatsisissatut siunnersuummi § 3, nr. 6-itut aamma 7-itut oqaasertaliorneqartut malitsigisaannik inatsiseqarnermut ministeri nalunaarsuisarneq pillugu malittarisassanik nutaanik atulersitsissasoq Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqarnissaa pillugu siunnersuutip ilaatigut kinguneraa. Malittarisassat nutaat, Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqalernissaa siunertaralugu inatsiseqarnermut ministerip aalajangersagassai, nalunaarsuisarneq pillugu allaffissornikkut peqqussutit atuuttut taarsissavaat, matumani Nunatta Eqqartuussisuuneqarfiani pigisat aalaakkaasut aamma pigisat nuunneqarsinnaasut pillugit pisinnaatitaaffiit allat, qularnaveeqqusiussaqarluni taarsigassarsinermi allagartaanngitsut, pillugit nalunaarsuisarneq pillugu Kalaallit Nunaannut peqqussutaa 20. juni 1968-imeersoq ilanngullugu.

Tamanna tunngavigalugu nunap eqqartuussisuunerata nalunaarsuisarneq tamanullu nalunaaruteqartarnerit pillugit peqqussutininik aalajangersaanissaa pillugu aalajangersakkap atorunnaarsinneqarnissaa siunnersuutigineqarpoq.

Aappariit pigisanut tunngasutigut isumaqatigiissutaasa digitaliusumik nalunaarsorneqartarnerat pillugu malittarisassat erseqqinnerusut qularnaveeqqusiisarneq pillugu Kalaallit Nunaannut inatsimmi § 4, imm. 2, inatsisissatut siunnersuummi § 3, nr. 6-ikkut aamma 7-ikkut oqaasertaliorneqartoq, periarfissaliissutigalugu aalajangersarneqarumaarput.

Nunatta Eqqartuussisuuneqarfiani pigisat aalaakkaasut aamma pigisat nuunneqarsinnaasut pillugit pisinnaatitaaffiit allat, qularnaveeqqusiussaqluni taarsigassarsinermi allagartaanngitsut, pillugit nalunaarsuisarneq pillugu Kalaallit Nunaannut peqqussutaa 20. juni 1968-imeersumi peqqussutit atuuttut taamanikkut qularnaveeqqusiisarneq pillugu Kalaallit Nunaannut inatsimmi § 4, imm. 2 periarfissaliissutigalugu nalunaarummi atulersinneqartumi periarfissaliissut atorlugu aalajangersarneqarmata matumani maluginiarneqassaaq.

Aappariinnermi inatsisitigut kingunerisassat pillugit inatsimmi § 37-imi piginnaatitsineq pillugu malittarisassap ulloq 1. juli 1993 atuutilersinneqarnerata kingorna Kalaallit Nunaanni aappariit pigisanut tunngasutigut isumaqatigiissutaasa nalunaarsorneqarnissaat pillugit allaffissornikkut peqqussutinik nutaanik aalajangersaasoqarsimanngilaq.

Aammattaaq Kalaallit Nunaanni eqqartuussivikkoortumik nalunaarsuisarnerup digitaliusumik ingerlanneqalernissaa pillugu inatsisissatut siunnersuummi oqaaseqaatini nalinginnaasuni imm. 2.4 innersuussutigineqarpoq.

§ 5-imut

Inatsisip ulloq 1. juli 2025 atuutilernissaa imm. 1-imi siunnersuutigineqarpoq, taamaattoq tak. imm. 2.

Naalakkersuisut isumaqatigiinniartigereerlugit, inatsimmi § 1, nr. 4-p, kiisalu §§ 3-p aamma 4-p qaqugukkut atuutilernissaa inatsiseqarnermut ministerip aalajangissagaa, imm. 2-mi siunnersuutigineqarpoq. **Naalakkersuisut isumaqatigiinniartigereerlugit, aalajangersakkat piffissani assigiinngitsuni atuutilissasut, ministerip aalajangersinnaavaa.**

Eqqartuussisarnermik inatsimmi § 9 a malillugu Nunatsinni Eqqartuussiviup qaqugukkut Tinglysningsret-imit nalunaarsuineramik suliaqarnermik (eqqartuussivikkoortumik nalunaarsuineramik) ikiorneqartarnissaa pillugu, aamma qularnaveeqqusiisarneq pillugu Kalaallit Nunaannut inatsimmi aamma aappariinnermi inatsisitigut kingunerisassat pillugit inatsimmi, allannguutit siunnersuutigineqartut, Kalaallit Nunaannut atuutilersinneqartussat atuutilersinneqarnissaat pillugit, **Naalakkersuisut isumaqatigiinniartigereerlugit** inatsiseqarnermut ministeri aalajangiissasoq, siunnersuutip kinguneraa.

Kalaallit Nunaanni digitaliusumik eqqartuussivikkoortumik nalunaarsuisarnerup qaqugukkut atuutilernissaa, **Naalakkersuisut isumaqatigiinniartigereerlugit** inatsiseqarnermut ministerip aalajangissagaa, tamatuma kingunerissavaa.

Digitaliusumik eqqartuussivikkoortumik nalunaarsuisarnerup Kalaallit Nunaanni tekniskiusumik periarfissaalernissaanut, qarasaasiakkut systemit, Kalaallit Nunaanni digitaliusumik eqqartuussivikkoortumik nalunaarsuinermi ikorfartuutaasussat ineriartortinneqaaqaartussaanerannut, piginnaatitsissut pillugu siunnersuut isiginiarneqassaaq. Aamma nalunaarsuinerit massakkut pigisat aalaakkaasut pillugit eqqartuussivikkut nalunaarsuinermi atuakkaniittut digitaliusumik nalunaarsuganngorlugit allanngortinneqarnissaat pisariaqartinneqassaaq.

Inatsisissatut siunnersuummi malittarisassatut siunnersuutigineqartut, Kalaallit Nunaanni digitaliusumik eqqartuussivikkoortumik nalunaarsuinerup ingerlanneqalernissaanut inatsisitigut tunngavissap pilersinneqarnissaanut siunertaqartut, inatsiseqarnermut ministerip Naalakkersuisullu akornanni tulluarsarneqareerunik aatsaat atuutilissasut, aalajangersakkap aammattaaq kinguneraa.

Digitaliusumik eqqartuussivikkoortumik nalunaarsuisarnerup eqqunneqarnissaanut atatillugu ikaarsaariarnermi malittarisassat eqqarsaatigalugit, inatsisissatut siunnersuummi § 6 aamma tassunga oqaaseqaatit innersuussutigineqarput.

Inatsimmik allanngorneri ilanngullugit nalunaarutiginninneq nr. 1187, 18. september 2023-imeersoq malillugu Kalaallit Nunaanni pinerluttulerineri inatsimmi § 163, imm. 3-p malitsigisaanik malittarisassat atulersinneqartut, taakku atorunnaarsinneqarnissaat imaluunniit inatsimmi matumani § 2, nr. 2 malillugu Kalaallit Nunaanni pinerluttulerineri inatsimmi § 163, imm. 4-p malitsigisaanik malittarisassanit atulersinneqartunit taarserneqarnissat tikillugu atuutissasut, *imm. 3-mi* siunnersuutigineqarpoq.

Uani Kalaallit Nunaanni pinerluttulerineri inatsisip malitsigisaanik toqqammavigisassanik toqqaasarneq pillugu nalunaarut nr. 366, 19. april 2016-imeersoq pineqarpoq.

Qularnaveeqqusiussaqaarluni taarsigassarsinermi allagartanut
nalunaarsorneqarsimasunut, Kalaallit Nunaanni digitaliusumik
eqqartuussivikkoortumik nalunaarsuisarneq sioqqullugu akiitsut allagartaat
pillugit inatsimmi malittarisassat malillugit isumaqatigiissutitut aamma
eqqartuussivikkoortitsinissamut illersorneqarnissamik angusisimasunut,
pisinnaatitaaffiit pillugit ikaarsaariarnermi malittarisassanik
aalajangersagaq imaqarpoq.

Akiitsut allagartaat pillugit inatsit, inatsimmik allanngorneri ilanngullugit
nalunaarutiginninneq nr. 1074, 15. september 2015-imeersoq malillugu
inatsisikkut nr. 104, 31. marts 1965-imeersukkut Kalaallit Nunaannut
atuutilersinneqarpoq.

Digitaliusumik eqqartuussivikkoortumik nalunaarsuisarneq atuutilerpat,
massakkut assaat atorlugit nalunaarsuinerit digitaliusumik nalunaarsuinerit
allanngortinneqassapput, kisianni qularnaveeqqusiussaqaarluni
taarsigassarsinermi allagartat pappiaqqanik tunngavillit, digitaliusumik
eqqartuussivikkoortumik nalunaarsuisarneq sioqqullugu
nalunaarsorneqarsimasut atuuttuunernik attatiinnassavaat – taamaattoq
pigisanik qularnaveeqqusissutit pineqartillugit –
qularnaveeqqusiussaqaarluni taarsigassarsinermik allagartaq
tunniunneqanngippat imaluunniit allanngortinneqanngippat, digitaliusumik
eqqartuussivikkoortumik nalunaarsuisarnerup atuutilernerata kingorna
taamaallaat ukiuni 5-ni atuuttuunernik attatiinnassavaat.

Qularnaveeqqusiussaqaarluni taarsigassarsinermi allagartami
nalunaarsorneqarsimasumi pisinnaatitaaffiit, inatsimmi § 1, nr. 4-p
atuutilersinneqarnissaa sioqqullugu akiitsut allagartaat pillugit inatsimmi
malittarisassat malillugit isumaqatigiissutitut
eqqartuussivikkoortinneqarnissamullu illersorneqarnissamik
angusisimasunut, illersorneqarneq taanna attatiinnassavaat, taamaattoq tak.
imm. 6.

Qularnaveeqqusiussaqaarluni taarsigassarsinermi allagartat, matumani
qularnaveeqqusiussaqaarluni taarsigassarsinermi allagartat atsiortup
qularnaveeqqusiiffigisamut akiitsorisinnaasaanik qularnaveeqqutaasut
ilanngullugit, digitaliusumik eqqartuussivikkoortumik nalunaarsuisarnerup
atuutilersinneqarnera sioqqullugu nalunaarsorneqarsimasut,
atuuttuuginnassasut tamatuma kinguneraa. Qularnaveeqqusiussaqaarluni

taarsigassarsinermi allagartanut taamaattunut pisinnaatitaaffiit, digitaliusumik eqqartuussivikkoortumik nalunaarsuisarnerup atuutilersinneqarnera sioqqullugu akiitsut allagartaat pillugit inatsimmi malittarisassat malillugit illersorneqarnissamik angusisimasut, taamatuttaaq illersorneqarnertik attatiinnassavaat. Taamaattoq imm. 6-imut siunnersuutigineqartoq pillugu ataani allaaserineqartut malillugit, pigisanik qularnaveeqqusiissutini pisinnaatitaaffiit pineqartillugit ilanngussinnginnissaq siunnersuutigineqarpoq. Imm. 3 pillugu ataani allaaserineqartut malillugit, aammattaaq qularnaveeqqusiussaqaarluni taarsigassarsinermi allagartap pappiaqqamik tunngaveqartup, taamaallaat tunniunneqartinnani imaluunniit allanngortinneqartinnani, atuuttuni attatiinnartussaassavaa.

Akiitsut allagartaat pillugit inatsit, inatsimmik allanngorneri ilanngullugit nalunaarutiginninneq nr. 1074, 15. september 2015-imeersoq malillugu inatsisikkut nr. 104, 31. marts 1965-imeersukkut Kalaallit Nunaannut atuutilersinneqarpoq.

Pisinnaatitaaffiit imm. 1-imi taaneqartut nalunaarsorneqarsinnaasut, *imm.* 2-mi siunnersuutigineqarpoq. Nalunaarsuineri qularnaveeqqusiussaqaarluni taarsigassarsineri allagartat imm. 1-imi taaneqartut digitaliusumik qularnaveeqqusiussaqaarluni taarsigassarsineri allagartatut allanngortinneqassapput.

Naak pisinnaatitaaffik digitaliusumik eqqartuussivikkoortumik nalunaarsuisarnerup atuutilersinneqarnissaa sioqqullugu akiitsut allagartaat pillugit inatsimmi malittarisassanit illersorneqarsimagaluartoq, pisinnaatitaaffiit imm. 1-imi taaneqartut pisinnaatitaaffinnik piginnittumit noqqaassuteqarnikkut nalunaarsorneqarsinnaasut, tamatuma kinguneraa. Taamaattoqassappat qularnaveeqqusiussaqaarluni taarsigassarsineri allagartaq pappiaqqamik tunngaveqartoq imm. 4-mi malittarisassatut siunnersuutigineqartut naapertorlugit digitaliusumik qularnaveeqqusiussaqaarluni taarsigassarsineri allagartanngortillugu allanngortinneqassaaq.

Inatsimmi § 1, nr. 4-p atuutilersinneqarnissaa sioqqullugu, qularnaveeqqusiussaqaarluni taarsigassarsineri allagartat nalunaarsorneqarsimasuni pisinnaatitaaffiit nutaat imaluunniit allannguinerit, qularnaveeqqusiussaqaarluni taarsigassarsineri allagartaq pillugu aamma eqqartuussivikkoortitsinissaq pillugit isumaqatigiissutitut

illersorneqarnissaq anguniarlugu, nalunaarsorneqassasut *imm.* 3-mi siunnersuutigineqarpoq. Qularnaveeqqusiussaqaarluni taarsigassarsinermi allagartap tunniunneqarnerani imaluunniit allatut nuunneqarnerani tamanna aamma atuuppoq. Isumaqatigiissut imaluunniit eqqartuussivikkoortitsineq, qularnaveeqqusiussaqaarluni taarsigassarsinermi allagartamut nalunaarsorneqarsimanngitsumut inangiisinnaasoq, immini nalunaarsorneqarsimassaaq aamma pissarsisoq isumaqatigiissut malillugu ajortussamik isumaqassanngilaq.

Qularnaveeqqusiussaqaarluni taarsigassarsinermi allagartami pappiaqqamik tunngaveqartumi pisinnaatitaaffiit nutaat imaluunniit allannguinerit, digitaliusumik eqqartuussivikkoortumik nalunaarsuisarnerup atuutilersinneqarnissaa sioqqullugu nalunaarsorneqarsimasut, qularnaveeqqusiussaqaarluni taarsigassarsinermi allagartaq pillugu isumaqatinut eqqartuussivikkoortitsinissamullu nalunaarsorneqarnermigut taamaallaat illersorneqarnermik angusisinnaasoq, tamatuma kinguneraa. Qularnaveeqqusiussaqaarluni taarsigassarsinermi allagartap tunniunneqarnerani imaluunniit allakkut nuunneqarnerani tamanna aamma atuuppoq, aamma tassunga atatillugu qularnaveeqqusiussaqaarluni taarsigassarsinermi allagartaq digitaliusumik qularnaveeqqusiussaqaarluni taarsigassarsinermi allagartanngortillugu allanngortinneqassaaq.

Qularnaveeqqusiussaqaarluni taarsigassarsinermi allagartaq pappiaqqamik tunngaveqartoq taamaattoq, digitaliusumik eqqartuussivikkoortumik nalunaarsuisarnerup atuutilersinneqarnera sioqqullugu nalunaarsorneqarsimasooq, qularnaveeqqusiussaqaarluni taarsigassarsinermi allagartami pisinnaatitaaffiit nutaat imaluunniit allannguinerit nalunaarsorneqarneranni digitaliusumik qularnaveeqqusiussaqaarluni taarsigassarsinermi allagartanngortillugu allanngortinneqassasooq, tamatuma kinguneraa.

Qularnaveeqqusiussaqaarluni taarsigassarsinermi allagartaq pappiaqqamik tunngavilik digitaliusumik qularnaveeqqusiussaqaarluni taarsigassarsinermi allagartanngorlugu allanngortinneqarpat, *imm.* 11-tut siunnersuutigineqartoq pillugu ataani allaaserineqartut malillugit, taanna inatsisitigut sunniutaarutissaaq.

Imm. 2 aamma 3 malillugit allanngortitsinissamik nalunaaruteqarnermi nalunaarutiginnittup originaliusumik qularnaveeqqusiussaqaarluni taarsigassarsinermi allagartaq Nunatsinni Eqqartuussivimmut

nassiutissagaa imm. 4-mi siunnersuutigineqarpoq.
Qularnaveeqqusiussaqarluni taarsigassarsinermi allagartaq
tammarsimappat, allanngortitsinissaq sioqqullugu, pappiaqqat aningaasanik
nalillit atorunnaarsitaasarnerni inatsimmi malittarisassat malillugit
atorunnaarsitsinissamik suliaq nalunaarutiginnittup suliassanngortissavaa.

Atorunnaarsitsisarneq pillugu inatsit inatsisikkut nr. 104, 31. marts 1965-
imeersukkut Kalaallit Nunaannut atuutilersinneqarpoq.

Qularnaveeqqusiussaqarluni taarsigassarsinermi allagartap, digitaliusumik
eqqartuussivikkoortumik nalunaarsuisarnerup atuutilersinneqarnissaa
sioqqullugu nalunaarsorneqarsimasup, allanngortinneqarnera, Nunatsinni
Eqqartuussiviup originaliusumik qularnaveeqqusiussaqarluni
taarsigassarsinermi allagartamik tigusippat, taamaallaat digitaliusumik
qularnaveeqqusiussaqarluni taarsigassarsinermi allagartanngortillugu
allanngortinneqarsinnaasoq, aallaaviatigut siunnersuutip kinguneraa.
Taamaattoq ataani imm. 5-itut siunnersuutigineqartoq pillugu ataani
allaaserineqartut malillugit, qularnaveeqqusiissutitalittut
taarsigassarsiarititat aamma qularnaveeqqusiissutitalinnik
taarsigassarsitsisarfiit obligationii il. il. pillugit inatsit malillugu
qularnaveeqqusiussaqarluni taarsigassarsinermi allagartat
tuniniarneqarsinnaanngitsut qularnaveeqqusiissutitalinnik
taarsigassarsititsisarfiit sullissiviinut atulersinneqartut tassunga
ilaatinneqanngillat. Pigisanik qularnaveeqqusiissutinut imm. 8-miit 10
ilanngullugu malittarisassatut siunnersuutigineqartut aammattaaq atuupput.

Pisuni originaliusumik qularnaveeqqusiussaqarluni taarsigassarsinermi
allagartaq tammarsimappat, allanngortitsinissaq sioqqullugu, pappiaqqat
aningaasanik nalillit atorunnaarsitaasarnernik inatsimmi, nr. 104, 31.
marts 1965-imeersukkut Kalaallit Nunaannut atuutilersinneqartumi
malittarisassat malillugit atorunnaarsitsinissamik suliaq
nalunaarutiginnittup suliassanngortissavaa.

Eqqartuussivikkoortumik nalunaarsuisarneq pillugu inatsisip inatsisillu allat
allanngortinneqarnerat pillugu inatsimmi nr. 539, 8. juni 2006-imeersumi
(Digitaliusumik eqqartuussivikkoortumik nalunaarsuisarneq pillugu) § 14,
imm. 2-p malitsigisaanik kunngip peqqussutaatigut atorunnaarsitsisarneq
pillugu inatsimmi, Kalaallit Nunaannut atuutilersinneqarsimasumi
allannguneq suliarineqassaaq, taamaalilluni qularnaveeqqusiussaqarluni
taarsigassarsinermi allagartaq nalunaarsorneqarsimasoq eqqartuussutikkut

toqusimasutut soriarsinnaanngitsullu nalunaarutigineqarpat, digitaliusumik qularnaveeqqusiussaqarluni taarsigassarsinermi allagartamik, qularnaveeqqusiussaqarluni taarsigassarsinermi allagartap atorunnaarsinneqarsimasup assigisaanik atulersitsisoqarnissaa nalunaarutiginnittup piumasaqaatigisinnaavaa. Tamatuma kingorna qularnaveeqqusiussaqarluni taarsigassarsinermi allagartaq allanngortinneqarsimasutut isigineqassaaq, aamma qularnaveeqqusiisarneq pillugu Kalaallit Nunaannut inatsimmi, inatsisissatut siunnersuummi § 3-mi oqaasertaliorneqartumi, tamanna pillugu malittarisassanut naapertuuttumik pisinnaatitaaffinnik il. il. pilersitsisoqarsinnaassaaq. Allanguinerup inatsisitigut sunniutai pillugit aammattaaq imm. 11-tut siunnersuutigineqartumut oqaaseqaatit innersuussutigineqarput.

Qularnaveeqqusiussaqarluni taarsigassarsinermi allagartat tuniniarneqarsinnaanngitsut, qularnaveeqqusiissutitalittut taarsigassarsiarititat aamma qularnaveeqqusiissutitalinnik taarsigassarsitsisarfii obligationii il. il. pillugit inatsit malillugu qularnaveeqqusiissutitalinnik taarsigassarsititsisarfii sullissiviinut atulersinneqartut, inatsisimmi § 1, nr. 4-p atuutilersinneqarnerani allanngortinneqarsimasutut isigineqassasut, *imm.* 5-imi siunnersuutigineqarpoq.

Qularnaveeqqusiussaqarluni taarsigassarsinermi allagartat tuniniarneqarsinnaanngitsut, qularnaveeqqusiissutitalittut taarsigassarsiarititat aamma qularnaveeqqusiissutitalinnik taarsigassarsitsisarfii obligationii il. il. pillugit inatsit malillugu qularnaveeqqusiissutitalinnik taarsigassarsititsisarfii sullissiviinut atulersinneqartut, digitaliusumik eqqartuussivikkoortumik nalunaarsuisarnerup atuutilersinneqarnerani qularnaveeqqusiussaqarluni taarsigassarsinermi allagartatut allanngortinneqarsimasut isigineqassasut, tamatuma kinguneraa. Allanngortitsineq taamaalilluni automatiskiusumik pissaaq, taamaammallu qularnaveeqqusiussaqarluni taarsigassarsinermi allagartap digitaliusumik qularnaveeqqusiussaqarluni allagartanngortinneqarnissaanut allanguinermut atatillugu qularnaveeqqusiussaqarluni taarsigassarsinermi allagartap originaliusup nassiunneqarnissaa pisariaqanngilaq. Allanngortitsinerup inatsisitigut sunniutai pillugit aammattaaq imm. 11-tut siunnersuutigineqartumut oqaaseqaatit innersuussutigineqarput.

Pigisanik qularnaveeqqusiissutini nalunaarsorneqarsimasuni pisinnaatitaaffiit, inatsimmi § 1, nr. 4-p atuutilinnginnerani akiitsut allagartaat pillugit inatsit malillugu isumaqatigiissutitut eqqartuussivikkoortitsinissamullu illersorneqarnissamik angusisimasunut, ullup taassuma qaangiunnerani kingusinnerpaamik ukiut 5-t qaangiunneranni illersorneqarneq taanna attatiinnarniarlugu qularnaveeqqusiisarneq pillugu Kalaallit Nunaannut inatsimmi malittarisassat malillugit nalunaarsorneqassasoq, imm. 6-imi siunnersuutigineqarpoq. Piffissaliussap eqqortinneqarnissaanut pisinnaatitaaffiup nalunaarsorneqarnissamut nalunaarutigineqarsimanera, aamma piffissaliussap naannginnerani imm. 8 malillugu uppersaait pisariaqartinneqartut nassiunneqarsimanissaat naammappoq. Pigisanik qularnaveeqqusiissummi, oqaaseqatigiinni siullerni taaneqartuni pisinnaatitaaffiit nalunaarsorneqarneranni, pigisanik qularnaveeqqusiissut digitaliusumik pigisanik qularnaveeqqusiissutinngortillugu allanngortinneqassaaq.

Pigisanik qularnaveeqqusiissutit pappiaqqanik tunngavillit digitaliusumik eqqartuussivikkoortumik nalunaarsuisarnerup atuutilernerani atuutiinnassasut, kisianni pisinnaatitaaffiit, akiitsut allagartaat pillugit inatsimmi aalajangersakkat malillugit isumaqatigiissutitut eqqartuussivikkoortitsinissanullu illersorneqarnissamik angusisimasut, piffissami ukiunik 5-nik sivilisuseqartumi piffissamit tassanga illersorneqarnernik attatiinnassagaat tamatuma kinguneraa. Piffissaliussap qaangiunnerani pigisanik qularnaveeqqusiisut, tassani qularnaveeqqusiissaq qularnaveeqqusiiffigisamut tunniunneqarluni, pigisanik qularnaveeqqusiissutit taamaalillutik sulit atuutiinnassapput, kisianni qularnaveeqqusiissaqarluni taarsigassarsinermi allagartaq pillugu isumaqatigiissutitut nutaanut imaluunniit akiligassaqaqfigisanit eqqartuussivikkoortitsiniartunut illersugaajunnaassapput. Tassunga qularnaveeqqusiisarneq pillugu Kalaallit Nunaannut inatsimmi § 1, imm. a-mi imm. 1-imi, inatsisissatut siunnersuummi § 3, nr. 2-tut oqaasertaliorneqartumi, malittarisassat malillugit nalunaarsuisoqarnissaa piumasaqaataavoq.

Pisinnaatitaaffinnik piginnittut pigisanik qularnaveeqqusiissutini tuniniarneqarsinnaasuni nalunaarsorneqarsimasunilu digitaliusumik eqqartuussivikkoortumik nalunaarsuisarnissap atuutilernissaa sioqqullugu, akiitsut allagartaat pillugit inatsimmi malittarisassat malitsigisaannik nalinginnaasumik arsaarinnissuteqarnikkut pisinnaatitaaffitsik

qularnaarsimassavaat, taamaalilluni pigisanik qularnaveeqqusiisoq siulleq, tassani qularnaveeqqusiussaq qularnaveeqqusiiffigisamut tunniunneqarluni, pigisanik qularnaveeqqusiissut timitalerlugu tigusimassavaa, massa pigisanik qularnaveeqqusiisut allat, tassani qularnaveeqqusiussaq qularnaveeqqusiisumut tunniunneqarluni, siulliulluni pigisanik qularnaveeqqusiisumut, tassani qularnaveeqqusiussaq qularnaveeqqusiiffigisamut tunniunneqarluni, unioqqutinneqartussaannngitsumik nalunaaruteqarnermikkut pisinnaatitaaffitsik qularnaassavaat. Aalajangersagassatut siunnersuutigineqartoq malillugu pigisanik qularnaveeqqusiissutit, tassani qularnaveeqqusiussaq qularnaveeqqusiiffigisamut tunniunneqarlutik, taamaattut tamanna pillugu qularnaveeqqusiisarneq pillugu Kalaallit Nunaannut inatsimmi tamanna pillugu aalajangersagassatut siunnersuutigineqartut malitsigisaannik ukiunut 5-nut piffissaliussap qaangiutinnginnerani, pigisanik qularnaveeqqusiisummi qularnaveeqqusiinermi pisinnaatitaaffik, tassani qularnaveeqqusiussaq qularnaveeqqusiisumit piginnarneqarluni, pigisanik qularnaveeqqusiissut pillugu isumaqatigiissutitut aamma pigisanik qularnaveeqqusiisummi killissarititaasut iluanni tamakkiisumik atorneqarsimannngitsumi atuisinnaanerit imaluunniit qularnaveeqqusiisumut eqqartuussivikkoortitsinissamut isumaqatigiissutitut illersorneqarneq attatiinnassagunikku nalunaarsorneqartussaassapput. Piffissaliussap naanerata kingorna pigisanik qularnaveeqqusiisummi qularnaveeqqusiinermi pisinnaatitaaffinnik piginnittut, tassani qularnaveeqqusiussaq qularnaveeqqusiisumit piginnarneqarluni, ajortussamik isumaqaratik pisinnaatitaaffimminnik nalunaarsuisitsisut, pigisanik qularnaveeqqusiisunut, tassani qularnaveeqqusiussaq qularnaveeqqusiiffigisamut tunniunneqarluni, pisinnaatitaaffiit nalunaarsorneqarsimannngitsut taamaalillutik atorunnaarsissinnaassavaat inangersinnaassallugilluunniit.

Pigisanik qularnaveeqqusiisummi killissarititaasut iluanni tamakkiisumik atorneqarsimannngitsumi atuisinnaanermik piginnittut imaluunniit arsaarinnittut, inatsisip atuutilersinneqarnissaa sioqqullugu, qularnaveeqqusiisarneq pillugu Kalaallit Nunaannut inatsimmi § 1, imm. 1 malillugu, kiisalu akiitsut allagartaat pillugit inatsimmi § 14-ip malitsigisaanik pisinnaatitaaffimminnik nalunaarsuisitsinermikkut, pigisanik qularnaveeqqusiisummut killissarititaasut iluanni illersorneqarnissamik angusisimasut, siullertut pigisanik qularnaveeqqusiisumut, tassani qularnaveeqqusiussaq

qularnaveeqqusiiffigisamut tunniunneqarluni, nalunaaruteqarnermikkut, inatsisip atuutilernerata kingorna pisinnaatitaaffiup taassuma illersorneqarnera attatiinnarniarlugu allamik iliuseqartussaassanngillat.

Pigisanik qularnaveeqqusiissummi killissarititaasut iluanni tamakkiisumik atorneqarsimanngitsumi atuisinnaanermik piginnittut nutaat, piffissaliussap naanerata kingorna tamanna pillugu inatsimmi aalajangersakkat malitsigisaannik pisinnaatitaaffimminnik qularnaarinnittut, pigisanik qularnaveeqqusiisut, tassani qularnaveeqqusiussaq qularnaveeqqusiiffigisamut tunniunneqarluni, ukiunut 5-nut piffissaliussap naannginnerani qularnaveeqqusiissummik piginnittup akiitsut akilersorneqarnerisa naammassineqarnissaat anguniarlugu qularnaveeqqusiussap tiguneqarnissaanut akiligassa qarfigisanit allanit salliutinneqarnissamik (pigisanik qularnaveeqqusiissummi qularnaveeqqusiinermi pisinnaatitaaffimminnik, tassani qularnaveeqqusiussaq qularnaveeqqusiisumit pigiinnarneqarluni, pisinnaatitaaffimminnik nalunaarsuisitsisimanngitsut), atorunnaarsissinnaavaat inangersinnaallugilluunniit. Pigisani aalaakkaasuni akiitsulimmit pigineqartuni akiligassa qarfigisamit arsaarinninnerit pillugit, pigisanik qularnaveeqqusiissummut, pigisami qularnaveeqqusiiffigineqarsimasumi akilerneqartussat tulleriiaarneqarneranni kingullersatut inissinneqartumi, killissarititaasut iluanni pisinnaatitaaffimminnik nalunaarsuisitsisunut, tamanna aamma atuutissaaq. Pigisani nuunneqarsinnaasuni akiitsulimmit pigineqartuni akiligassa qarfigisamit arsaarinninnerit, arsaarinninnerup suliarineqarnerata kingunitsianngua, pigisanik qularnaveeqqusiisut, tassani qularnaveeqqusiussaq qularnaveeqqusiiffigisamut tunniunneqarluni, ukiunut 5-nut piffissarititaasoq naatinnagu qularnaveeqqusiissummik piginnittup akiitsut akilersorneqarnerisa naammassineqarnissaat anguniarlugu qularnaveeqqusiussap tiguneqarnissaanut akiligassa qarfigisanit allanit salliutinneqarnissamik (pigisanik qularnaveeqqusiissummi qularnaveeqqusiinermi pisinnaatitaaffimminnik, tassani qularnaveeqqusiussaq qularnaveeqqusiisumit pigiinnarneqarluni, pisinnaatitaaffimminnik nalunaarsuisitsisimanngitsut), atorunnaarsissinnaavaat inangersinnaallugilluunniit, tassami pigisani nuunneqarsinnaasuni arsaarinninneq nalunaarsorneqartussaannngilaq.

Pigisanik qularnaveeqqusiissutinik tuniniarneqarsinnaanngitsunik nalunaarsorneqarsimasunillu pisinnaatitaaffinnik pillit, inatsisip atuutilersinneqarnissaa sioqqullugu, akiitsut allagartaat immikkut ittut

pillugit akiitsut allagartaat pillugit inatsimmi § 31, imm. 4 periarfissaliissutigalugu, tassani tigumminnittumuunngitsoq allanut akiilinermigut akiitsulik pisussaaffeerunnani, inatsisip atuutilersinneqarnissaa sioqqullugu pisinnaatitaaffitsik arsaarinnissuteqarnermikkut qularnaarsinnaagaat isumaqarfigineqarpoq.

Pigisanik qularnaveeqqusiissummi tuniniarneqarsinnaanngitsumi, inatsisip atuutilersinneqarnera sioqqullugu arsaarinnissuteqarnikkut qularnaarneqarsimasumi, pigisanik qularnaveeqqusiinermi pisinnaatitaaffiit, tassani qularnaveeqqusiussaq qularnaveeqqusiiffigisamut tunniunneqarsimalluni, pigisanut qularnaveeqqusiisumut tuniniarneqarsinnaasumut pisinnaatitaaffiit atuuttut naapertorlugit, pigisanik qularnaveeqqusiissut pillugu isumaqatigiissutitut ajortussamik isumanani isumaqatigiissutigineqartunut, aamma eqqartuussivikkoortinneqarnissamut illersorneqarneq taanna attatiinnassagunikku, taamatuttaaq piffissaliussap iluani nalunaarsorneqassapput.

Eqqartuussivikkoortumik nalunaarsuisarneq pillugu inatsisip inatsisillu allat allanngortinneqarnerat pillugu inatsimmi nr. 539, 8. juni 2006-imeersumi (Digitaliusumik eqqartuussivikkoortumik nalunaarsuisarneq pillugu) § 14, imm. 2 periarfissaliissutigalugu kunngip peqqussutaatigut digitaliusumik eqqartuussivikkoortumik nalunaarsuisarnerup eqqunneqarnerata ilaatut, akiitsut allagartaat pillugit inatsimmi § 31 – aamma taamaalilluni § 31, imm. 4 – digitaliusumik qularnaveeqqusiinermi allagartanut siunissami atorineqartussaannngimmat matumuuna maluginiarneqassaaq, tassami digitaliusumik eqqartuussivikkoortumik nalunaarsuisarnerup atuutilersinneqarnerata kingorna, qularnaveeqqusiussaqluni taarsigassarsinermi allagartanut nalunaarsorneqarsimasunut nuussinermi aamma pisinnaatitaaffinnik nutaanik pilersitsinermi, qularnaveeqqusiinermut uppernarsaaneq attuumassuteqartoq, pisuni tamani nalunaarsuinerusussaavoq.

Piffissaliussami taaneqartumi, pisinnaatitaaffiup nalunaarsorneqaqqullugu nalunaarutigineqarnissaa, aamma piffissaliussap naannginnerani imm. 8-mi aalajangersagassatut siunnersuutigineqartoq malillugu uppernarsaatit pisariaqartinneqartut nassiunneqarsimanissaat piumasaqaataammat, imm. 6-imi *oqaaseqatigiit* 2.-tut siunnersuutigineqartukkut, *oqaaseqatigiit* 1.-mi erseqqissarneqarpoq. Nalunaarsuinissamik nalunaarutiginninneq nalunaarsorneqassasoq, aamma uppernarsaatit digitaliusumik

eqqartuussivikkoortumik nalunaarsuisarnerup atuutilernerata kingorna kingusinnerpaamik ullormi ukiut tallimat qaangiunneranni, Nunatsinni Eqqartuussivimmut apuussimassasut, tamatuma kinguneraa.

Imm. 6-imi *oqaaseqatigiit* 3.-tut siunnersuutigineqartoq malillugu, qularnaveeqqusiussaqaarluni taarsigassarsinermi allagartanut nalinginnaasunut imm. 2-mi aalajangersarneqarsimasut assigalugit, pisinnaatitaaffinnik oqaaseqatigiinni siullerni taaneqartunik nalunaarsuinermi, pigisanik qularnaveeqqusiissutip digitaliusumik pigisanik qularnaveeqqutinngortinneqarnera suliarineqassaaq.

Pigisanik qularnaveeqqusiissummi nalunaarsorneqarsimasumi pisinnaatitaaffiit nutaat imaluunniit allannguinerit, inatsisip atuutilersinneqarnera sioqqullugu pilersinneqarsimasut, qularnaveeqqusiussaqaarluni taarsigassarsinermi allagartaq pillugu isumaqatigiissutitut aamma qularnaveeqqummut isumaqatigiissutit pillugit imaluunniit eqqartuussivikkoortinneqarnissamut illersorneqarnissaq anguniarlugu nalunaarsorneqassasut, *imm.* 7-imi siunnersuutigineqarpoq. Pigisanik qularnaveeqqusiissutip tunniunneqarnerani imaluunniit pisinnaatitaaffinnik allatut tunniussinermi tamanna aamma atuuppoq. Nalunaarsuinermi pigisanik qularnaveeqqusiissut digitaliusumik pigisanik qularnaveeqqutinngortillugu allanngortinneqassaaq. Qularnaveeqqusiisarneq pillugu Kalaallit Nunaannut inatsimmi § 1 a, inatsimmi matumani § 3, nr. 2-tut oqaasertaliorneqartoq, atorineqassaaq.

Pigisanik qularnaveeqqusiissummi pappiaqqamik tunngavilimmi allannguinerit aamma pisinnaatitaaffinnik pilersitsinerit – matumani tunniussineq imaluunniit allatut nuussineq ilanngullugit – tuniniarneqarnissamut illersorneqarnissaq anguniarlugu nalunaarsorneqassasut siunnersuutip kinguneraa. Pigisanik qularnaveeqqusiissut matumunnga atatillugu digitaliusumik pigisanik qularnaveeqqusiissutinngortillugu allanngortinneqartussaassaaq.

Digitaliusumik eqqartuussivikkoortumik nalunaarsuisarnerup atuutilersinneqarnerata kingorna pigisanik qularnaveeqqusiissummi pigisanik qularnaveeqqusiinermik, tassani qularnaveeqqusiussaq qularnaveeqqusiiffigisamut tunniunneqaarluni pinikkut, tassungalugu atatillugu pigisanik qularnaveeqqusiissummik tigussaasumik pigisaqalernikkut atuisinnaanikkulluunniit arsaarinnissuteqarnikkut, imaluunniit pigisanik qularnaveeqqusiissumut siullermut, tassani qularnaveeqqusiussaq

qularnaveeqqusiiffigisamut tunniunneqarluni,
 unioqqutinneqartussaannigitsumik nalunaaruteqarnikkut,
 tuniniarneqarnissamut illersorneqarnissamut angusisinnaaneq
 periarfissaajunnaassaaq. Pigisanik qularnaveeqqusiisummut
 pisinnaatitaaffiup nalunaarsorneqarsimanera taarsiullugu
 pingaartinneqassaaq. Qularnaveeqqusiisarneq pillugu Kalaallit Nunaannut
 inatsimmi § 1 a, inatsisissatut siunnersuummi § 3, nr. 2-tut
 oqaasertaliorneqartoq malillugu, pigisanik qularnaveeqqusiisummi
 pisinnaatitaaffiit digitaliusumik eqqartuussivikkoortumik
 nalunaarsuisarnerup atuutilersinneqarnerata kingorna, pigisanik
 qularnaveeqqusiisummi qularnaveeqqusiinermi pisinnaatitaaffittut, tassani
 qularnaveeqqusiussaq qularnaveeqqusiisumit piginnarneqarluni,
 pilersinneqartussaassaaq. Siullertut pigisanik qularnaveeqqusiisummi
 qularnaveeqqusiinermi pisinnaatitaaffinnik, tassani qularnaveeqqusiussaq
 qularnaveeqqusiisumit piginnarneqarluni, pilersitsinermi
 qularnaveeqqusiinermut uppersaaneq pisariaqartinneqartoq
 naammattorlu tassaavoq nalunaarsuineq. Pigisanik
 qularnaveeqqusiisummi imaluunniit tassunga killissarititaasut iluanni
 kingusinnerusukkut pisinnaatitaaffinnik pilersitsineq pineqarpat –
 pisinnaatitaaffiup nalunaarsorneqartussaanerata saniatigut –
 qularnaveeqqusiisarneq pillugu Kalaallit Nunaannut inatsimmi § 1 a, imm.
 3-tut siunnersuutigineqartoq malillugu, pigisanik qularnaveeqqusiisummut
 killissarititaasut iluanni akiitsunik taassuma annertusititsinissaa
 akornuserniarlugu – siullertut pigisanik qularnaveeqqusiisummi
 qularnaveeqqusiinermi pisinnaatitaaffilimmut – tassani
 qularnaveeqqusiussaq qularnaveeqqusiisumit piginnarneqarluni, aamma
 nalunaarutiginnittoqartussaassaaq. Ingammik pigisanik
 qularnaveeqqusiisummi, pigisanik qularnaveeqqusiisummi
 qularnaveeqqusiinermi pisinnaatitaaffinnik, tassani qularnaveeqqusiussaq
 qularnaveeqqusiisumit piginnarneqarluni, tunniussineq imaluunniit allakkut
 nuussineq pineqartillugit, taamaaliornerit qularnaveeqqusiussaqaarluni
 taarsigassarsinermi allagartaq pillugu isumaqatigiissutinut, ajortussamik
 isumanani isumaqatigiissutigineqartunut, aamma
 eqqartuussivikkoortinneqarnissamut illersorneqarnissaq anguniarlugu
 nalunaarsorneqassasut, § 1 a, imm. 4-p malitsigaa.

Inatsisip atuutilersinneqarnera sioqqullugu pigisanik
 qularnaveeqqusiisummi pappiaqqamik tunngavilimmi
 nalunaarsorneqarsimasumi pisinnaatitaaffinnik nutaanik pilersitsineq,
 tamanna pillugu malittarisassat § 1 a, imm. 1-imiittut naapertorlugit

pigisanik qularnaveeqqusiisummi qularnaveeqqusiinermi
 pisinnaatitaaffinnik pilersitsinikkut, tassani qularnaveeqqusiussaq
 qularnaveeqqusiisumit piginnarneqarluni, taamaallaat pisinnaasoq, aamma
 inatsisip atuutilersinneqarnera sioqqullugu pigisanik
 qularnaveeqqusiisummi pisinnaatitaaffik, tassani qularnaveeqqusiussaq
 qularnaveeqqusiiffigisamut tunniunneqarluni – soorlu pigisanik
 qularnaveeqqusiisummi qularnaveeqqusiinermi pisinnaatitaaffinnik
 tunniussineq il. il. taama pisartut, tassani qularnaveeqqusiussaq
 qularnaveeqqusiisumit piginnarneqarluni – qularnaveeqqusiussaqluni
 taarsigassarsinermi allagartamut ajortussamik isumanani
 isumaqatigiissutigineqartunut, aamma eqqartuussivikkoortinneqarnissamut
 isumaqatigiissutitut illersorneqarnissaq anguniarlugu –
 nalunaarsorneqassasut, imm. 7-imi *oqaaseqatigiit* 4.-tut
 siunnersuutigineqartup, qularnaveeqqusiisarneq pillugu Kalaallit
 Nunaannut inatsimmi § 1 a-mut innersuussisup erseqqissarpaa.

Imm. 6 aamma 7 malillugit allanngartitsinermi nalunaarutiginnittup
 originaliusumik pigisanik qularnaveeqqusiissut Nunatsinni
 Eqqartuussivimmut nassiutissagaa *imm. 8-mi* siunnersuutigineqarpoq.
 Pigisanik qularnaveeqqusiissut tammarsimappat, allanngartitsineq
 pisinnagu, pappiaqqat aningaasanik nalillit atorunnaarsitaasernerannik
 inatsimmi malittarisassat malillugit atorunnaarsitsinissamik suliassaq
 nalunaarutiginnittup suliassanngartissavaa, taamaattoq tak. imm. 10.
 Pigisanik qularnaveeqqusiisummi imaluunniit pigisanik
 qularnaveeqqusiissutip killissarititaata iluanni pisinnaatitaaffinnik allanik
 peqarnersoq nalunaarutiginnittup aammattaaq taassavaa, kiisalu
 taamaattoqarpat pisinnaatitaaffimmik piginnittup kinaassusaa aamma
 qularnaveeqqusiussaqlartut qularnaveeqqutaasa akilernerneqarnissaat pillugit
 pingaarnersuinerneq pisinnaatitaaffinnik piginnittut imminnut
 tulleriiaarinermi inissisimaffii taassallugit.

Allanngartitsinermi originaliusumik pigisanut qularnaveeqqusiissut
 pappiaqqamik tunngaveqartoq Nunatsinni Eqqartuussivimmut
 nalunaarutiginnittup nassiutissagaa, tamatuma kinguneraa. Pigisanik
 qularnaveeqqusiissut tammarsimappat, taaneqartunut uppersaatinik
 nassiussinissamut piffissaliussat pillugit imm. 6 malillugu, allanngartitsineq
 sioqqullugu, pappiaqqat aningaasanik nalillit atorunnaarsitaasernerannik
 inatsimmi malittarisassat malillugit atorunnaarsitsinissamik suliassaq
 nalunaarutiginnittup suliassanngartissavaa. Pigisanik

qularnaveeqqusiissutitut, imm. 10-mi ilaatitsinninnissamik aalajangersakkap ataanut pisunut, taamaattoq tamanna atuutinngilaq.

Pigisanik qularnaveeqqusiissut tammarsimappat, allanngortitsineq sioqqullugu, taamaalilluni pappiaqqat aningaasanik nalillit atorunnaarsitaasarnerannik inatsimmi malittarisassat malillugit atorunnaarsitsinissamik suliassaq nalunaarutiginnittup suliassanngortissavaa aamma taakkua pillugit uppersaatinik Nunatsinni Eqqartuussivimmut nassiussissalluni.

Akiitsut allagartaat pillugit inatsimmi, Kalaallit Nunaannut atuutilersinneqartumi, allannguutit kingunerisaannik allanngortitsisoqarnissaa eqqartuussivikkoortumik nalunaarsuisarneq pillugu inatsisip inatsisillu allat allanngortinneqarnerat pillugu inatsimmi nr. 539, 8. juni 2006-imeersumi (Digitaliusumik eqqartuussivikkoortumik nalunaarsuisarneq pillugu) § 14, imm. 2-p malitsigisaanik kunngip peqqussutaatigut pappiaqqat aningaasanik nalillit atorunnaarsitaasarnerannik inatsimmi allanngortitsineq suliarineqassaaq, taamaalilluni qularnaveeqqusiussaqarluni taarsigassarsinermi allagartaq nalunaarsorneqarsimasoq eqqartuussutikkut toqusimasutut soriarsinnaanngitsullu nalunaarutigineqarpat, digitaliusumik qularnaveeqqusiussaqarluni taarsigassarsinermi allagartamik, qularnaveeqqusiussaqarluni taarsigassarsinermi allagartap atorunnaarsinneqarsimasup assigisaanik atulersitsisoqarnissaa nalunaarutiginnittup piumasaqaatigisinnaavaa. Tamatuma kingorna qularnaveeqqusiussaqarluni taarsigassarsinermi allagartaq allanngortinneqarsimasutut isigineqassaaq, aamma qularnaveeqqusiisarneq pillugu Kalaallit Nunaannut inatsimmi, inatsisissatut siunnersuummi § 3-mi oqaasertaliorneqartumi, tamanna pillugu malittarisassanut naapertuuttumik pisinnaatitaaffinnik il. il. pilersitsisoqarsinnaassaaq. Allanngortitsinerup inatsisitigut kingunerisai pillugit imm. 11-tut siunnersuutigineqartumut oqaaseqaatit innersuussutigineqarput.

Piffissami pigisanik qularnaveeqqusiissutit allanngortinneqarneqarnerani, taamaattoqarpat pisinnaatitaaffinnik piginnittup kinaassusaa aamma pigisanik qularnaveeqqusiissuummi imaluunniit pigisanik qularnaveeqqusiussamut killissarititaasut iluannit qularnaveeqqusiussaqartut qularnaveeqqutaasa akilerneqarnissaat pillugit pingaarnersuinermi pisinnaatitaaffinnik piginnittut imminnut tulleriarinermi inissisimaffiisa nalunaarsorneqarnissaat, imm. 8-mi

oqaaseqatigiit 3.-tut siunnersuutigineqartoq malillugu nalunaarutiginnittup pisussaaffigaa. Nalunaarutiginnittoq ilisaqqunnartumik siullertut pigisanik qularnaveeqqusiussamik piginnittuussasoq, tassani qularnaveeqqusiussaq qularnaveeqqusiiffigisamut tunniunneqarluni, naatsorsuutigineqarpoq, akiitsut allagartaat pillugit inatsimmi §§ 14 aamma 22 aamma 31, imm. 4 malillugit, qularnaveeqqusiinermut uppersarsaanertut arsaarinninnissaq pillugu piumasaqaat tunngavigalugu, pigisanik qularnaveeqqusiisummik nammineq sinnerluni, taamaattoqarpallu pisinnaatitaaffillit allat sinnerlugit, tigummiartoq atuisinnaasorlu. Taamaalilluni siullertut pigisanik qularnaveeqqusiussamik piginnittoq, tassani qularnaveeqqusiussaq qularnaveeqqusiiffigisamut tunniunneqarluni, taamaattoqarpallu pisinnaatitaaffinnik piginnittut allat kinaassusaat pillugit paasissutissanik pisariaqartinneqartunik aamma taakkua pisinnaatitaaffinik piginnittut kinaassusaat aamma pigisanik qularnaveeqqusiisummi imaluunniit pigisanik qularnaveeqqusiussamut killissarititaasut iluannit qularnaveeqqusiussaqartut qularnaveeqqutaasa akilernerqarnissaat pillugit pingaarnersuinermi pisinnaatitaaffinnik piginnittut imminnut tullerriarinermi inissisimaffii pillugit paasissutissanik piginnittuussaaq. Taamaammat akiitsut allagartaat pillugit inatsimmi §§ 14-p aamma 22-p aamma § 31, imm. 4-p malitsigisaanik Nunatsinni Eqqartuussivimmut nalunaarutiginninnermut atatillugu, nalunaarutiginnittup pisinnaatitaaffiit (pingaannginnerusut) nalunaarsorneqarsimasut paasissutissiissutigissavai.

Nalunaarsuinermi tassani nalunaarutiginnittoq kukkuppatt, pisinnaatitaaffinnik piginnittut il. il., tamatuma kingunerisaanik ajunaaruteqartut, tamanna pillugu Kalaallit Nunaanni inatsiseqartitsinermi malittarisassat nalinginnaasut malitsigisaannik, nalunaarutiginnittut taarsiivigitinnissamik piumasaqaammik saqqummiussisinnaapput. Taamaallaat pisinnaatitaaffiit pingaannginnerusut nalunaarutiginnittumit ilisimaneqartut nalunaarsorneqarsimasullu pillugit kukkusumik nalunaarsuisitsineq nalunaarutiginnittumut akisussaaffigitinneqarsinnaassaaq. Pingaannginnerusumik pisinnaatitaaffimmik pigisalik taamaalilluni pisinnaatitaaffini pillugu nalunaarutiginnittumut nalunaaruteqarnissani ilaginnarsimappagu, nalunaarutiginnittoq, pisinnaatitaaffiup digitalinngorlugu pigisanik qularnaveeqqusiisutinngorlugu allanngortinneqartumi nalunaarsorneqarsimannginnera pissutigalugu ajunaaruteqarsimasinnaanera, nalunaarutiginnittumut akisussaaffigitinneqarsinnaanngilaq. Nalunaaruteqarneq sioqqullugu

qularnaveeqqusiussaqartut qularnaveeqqutaasa akilerneqarnissaat pillugit pingaarnersiuiinermi pisinnaatitaaffinnik piginnittut imminnut tulleriiaarinermi inissisimaffiini, nalunaarutiginnittup ilisimanngisaanik allannguisoqarsimappat, tamanna aamma atuuppoq.

Pingaannginnertut piginnaatitaasoq qularnaveeqqusiussaqartut qularnaveeqqutaasa akilerneqarnissaat pillugit pingaarnersiuiinermi pisinnaatitaaffinnik piginnittut imminnut tulleriiaarinermi inissisimaffii il. il. pillugit nalunaarutiginnittoq isumaqatiginngippagu, apeqqut inuit sakkutuujunngitsut pillugit eqqartuussivikkoortitsinikkut paasinarsarneqarsinnaassaaq.

Piffissaliussap inatsimmi aalajangerneqarsimasup iluani pigisanik qularnaveeqqusiussap pappiaqqamik tunngavillip allanngortinneqarnissaa pingaarnertut pigisanik qularnaveeqqusiisup, tassani qularnaveeqqusiussaq qularnaveeqqusiiffigisamut tunniunneqarluni, sumiginnarpagu, qularnaveeqqusiussaqarluni taarsigassarsinermi allagartamik piginnittoq, isumaqatigiissutitut nutaanut, pigisanik qularnaveeqqummi killissarititaasut iluanni tamakkiisumik atorneqarsimanngitsumi atuinissamut aamma eqqartuussivikkoortitsinissamut nammineq illersugaanini annaaginnarnagu, pissutsit assigiinngitsut malillugit, pisinnaatitaaffinnik pigisaqartunut allanut, allanngortitsinnginnerup kingunerisaanik annaasaqartussaasunut, taartisiaqartitsinissamut akisussaatinneqarsinnaassaaq.

Allanngortitsineq piffissami, tassani pigisanik qularnaveeqqusiissutip maannakkorpiaq qularnaveeqqusiussaqarluni taarsigassarsinissamut tunngaviunani, aammattaaq naammassineqarsinnaassaaq. Pisumi tassani pigisanik qularnaveeqqusiissut ilisaqquunnartumik piginnittumut utertinneqarsimassaaq, taannalu pigisanik qularnaveeqqusiissutip pappiaqqamik tunngavillip Nunatsinni Eqqartuussivimmut nassiunneratigut allanngortitsinermik suliaqarsinnaassaaq.

Imm. 6-imi aamma 7-imi pigisanik qularnaveeqqusiissummik tigumminnittutut taaneqartup aamma qularnaveeqqusiisumit imaluunniit pisinnaatitaaffinnik piginnittunit allanit qinnuteqarneq malillugu imm. 8 malillugu pigisanik qularnaveeqqusiissutip allanngortinneqarnissaata naammassineqarnissaanut peqataanissani pisussaaffigaa, *imm. 9-mi siunnersuutigineqarpoq.*

Pisinnaatitaaffimmik piginnittoq, originaliusumik pigisanik qularnaveeqqusiissummik tigummiartoq, qularnaveeqqusiisumit imaluunniit pisinnaatitaaffinnik piginnittunit allanit qinnuteqarneq malillugu imm. 8 malillugu pigisanik qularnaveeqqusiissutip allanngortinneqarnissaata naammassineqarnissanut peqataanissani pisussaaffigaa, tamatuma kinguneraa. Imm. 8-mi oqaaseqatigiit 1.-mi aalajangersagassatut siunnersuutigineqartumi, originaliusumik pigisanik qularnaveeqqusiissutip pappiaqqamik tunngaveqartup allanngortitsinissaq sioqqullugu Nunatta Eqqartuussivianut nassiunneqarnissaa pillugu piumasaqaateqartoqarneranut tamanna tunngaviuvoq. Tamatuma saniatigut nalunaarutiginnittup pigisanik qularnaveeqqusiissummi imaluunniit pigisanik qularnaveeqqusiissummut killissarititaasut iluanni pisinnaatitaaffinnik allanik peqarnersoq, kiisalu taamaattoqarpat pisinnaatitaaffinnik piginnittut aamma qularnaveeqqusiussaqartut qularnaveeqqutaasa akilerneqarnissaat pillugit pingaarnersiuiinermi pisinnaatitaaffinnik piginnittut imminnut tulleriiaarinermi inissisimaffiisa taaneqarnissaat pillugit imm. 8-mi oqaaseqatigiit 3.-ani siunnersuutigineqarpoq. Aalajangersagassatut siunnersuutigineqartoq ilaanngippat, pingaarnertut pigisanik qularnaveeqqusiisoq, tassani qularnaveeqqusiussaq qularnaveeqqusiiffigisamut tunniunneqarluni, pigisanik qularnaveeqqusiissummik tigummiartoq, taamaalilluni ukiunut 5-nut killissarititaasup iluani allanngortitsisoqarnissaa akornusersinnaavaa aamma taamaalilluni pigisamik qularnaveeqqusiunneqarsimasumik piginnittup pigisanik qularnaveeqqusiissummi pisinnaatitaaffinnik allanik sulii pilersitsinissaa akornusersinnaallugu.

Pingaarnertut qularnaveeqqusiisup, tassani qularnaveeqqusiussaq qularnaveeqqusiiffigisamut tunniunneqarluni, nammineerluni allanngortitsinermik suliaqarnissamik kissaateqanngitsup, tassunga peqataanissaa imm. 9-tut siunnersuutigineqartup peqqussutigaa, matumani pigisanik qularnaveeqqusiissutip aamma taamaattoqarpat pisinnaatitaaffinnik piginnittut sulii allat pillugit paasissutissat pisinnaatitaaffimmik piginnittumut pingaannginnerusumut tunniussinissaa ilanngullugu, taassumalu pigisanik qularnaveeqqusiissummi qularnaveeqqusiinermi pisinnaatitaaffimmi, tassani qularnaveeqqusiussaq qularnaveeqqusiisumit pigiinnarneqarluni, nalunaarsorneqarnissaa sioqqullugu, tamatuma kingorna pigisanik qularnaveeqqusiissutip pappiaqqamik tunngavillip allanngortitsinneqarnissaa pisariaqartinneqartoq suliarissavaa.

Pingaarnertut pigisanik qularnaveeqqusiisup, tassani qularnaveeqqusiussaq qularnaveeqqusiiffigisanut tunniunneqarluni, peqataanissani sumiginnarpagu, pissutsit assigiinngitsut malillugit pisinnaatitaaffinnik piginnittunut, peqataannginnerup kingunerisaanik ajunaaruteqarsinnaasunut, taarsigassarsititsinissamik akisussaaitaasinnaavoq.

Pigisanik qularnaveeqqusiissutit pigisani aalaakkaasuni qularnaveeqqusiussisut, tassani taarsigassarsiat atsiorneqarnerminni angissusiat annerpaamik 50.000 koruuniullutik, nalunaarutiginnittup, nalunaarutininik tiguisusussaq pillugu atsiorneq pillugu takussutissiap inatsisitigut atuuttuunerata uppersaataaneraniq nalunaarsuisitsisimasup, qinnuteqarneratigut, digitaliusumik pigisanik qularnaveeqqusiissutinngortillugit allanngortinneqarsinnaasut *imm. 10*-mi siunnersuutigineqarpoq.

Pigisanik qularnaveeqqusiissummi pigisani aalaakkaasuni qularnaveeqqutitalimmi, tassani taarsigassarsiat atsiorneqarnerminni angissusaat annerpaamik 50.000 koruuniullutik, allanngortitsinermi, nalunaarutiginnittoq taannaappat pigisat aalaakkaasut pillugit eqqartuussivikkut nalunaarsuinerminni atuakkami pigisanik qularnaveeqqusiissut pineqartoq pillugu nalunaarutininik tiguisussatut nalunaarsorneqarsimasoq, qularnaveeqqusiussaqarluni taarsigassarsinermi allagartap originaliusup nassiunneqarnissaa piumasaqaataanngitsoq tamatuma kinguneraa.

Pigisanik qularnaveeqqusiissutitut, piginnittut peqatigiiffiisa peqatigiiffimmi ilaasortamut akilersuutit il. il. akilerneqarnissaannik piumasaqaataanut qularnaveeqqutaasunut malittarisassaq pingaarnertut sammitinneqarpoq. Pigisanik qularnaveeqqusiissutit taamaattut amerlanertigut nalunaarsorneqarsimassapput aamma taamaammat piginnittut peqatigiiffiannut ukiorpassuit sioqqullugit pigisanik qularnaveeqqusiunneqarsimassallutik, tassani qularnaveeqqusiussaq qularnaveeqqusiiffigisamut tunniunneqarluni, taamaammallu qularnaveeqqusiussaqarluni taarsigassarsinermi allagartat originaliusut pissarsiarineqarsinnaanerit ajornakusoorsinnaalluni. Peqatigiiffimmi ilaasortanit ataasiakkaanit pigisanik qularnaveeqqusiussat pillugit nalunaarutit, tassani qularnaveeqqusiussaq qularnaveeqqusiiffigisamut tunniunneqarluni, pissarsiarineqarniarnerit ajornakusoorsinnaammat aamma tassunga ilaavoq.

Pigisanik qularnaveeqqusiissutit peqatigiiffiup qaqugukkulluunniit ilaasortaminut piumasaqaataanut qularnaveeqqutitut ataavartumik pigineqarnissaat isumaqarfigineqartariaqarmat, aamma tamatuma saniatigut ilisaqqunnartumik pisinnaatitaaffinnik piginnittunut pingaannginnerusunut qularnaveeqqutigineqarnavianngimmata, taamaalilluni piginnittut peqatigiiffiat pigisanik qularnaveeqqusiissummut kisiartaalluni pisinnaatitaaffinnik piginnittutut ilimagisariaqarpoq. Piginnittut peqatigiiffii, aalajangersagassatut siunnersuutigineqartoq malillugu taamaammat, pigisaq aalaakkaasoq pillugu nalunaarutininik tigusinissaq pillugu nalunaarsuisitsisimanera piumasaqaatigalugu, qinnuteqarnikkut pigisanik qularnaveeqqusiissutit, taakkua Nunatsinni Eqqartuussivimmut nassiunnagit, allanngortissinnaassavaat.

Qularnaveeqqusiussaqaarluni taarsigassarsinermi allagartaq, digitaliusumik qularnaveeqqusiussaqaarluni taarsigassarsinermi allagartanngortillugu allanngortitsinerup kingorna, qularnaveeqqusiussaqaarluni taarsigassarsinermi allagartaq pappiaqqamik tunngaveqartoq, inatsisitigut sunniuteqarunnaassasoq *imm. 11*-mi siunnersuutigineqarpoq.

Qularnaveeqqusiussaqaarluni taarsigassarsinermi allagartaq pappiaqqamik tunngaveqartoq, digitaliusumik qularnaveeqqusiussaqaarluni taarsigassarsinermi allagartanngorlugu allanngortitsinerup kingorna inatsisitigut sunniutini annaassagai, tamatuma kinguneraa. Pigisanik qularnaveeqqusiissutit originaliusut pappiaqqamik tunngaveqartut nassiunneqarnissaat imaluunniit atorunnaarsinneqarnissaat pillugu piumasaqaatikkut – qularnaveeqqusiussaqaarluni taarsigassarsisitsinermi allagartat *imm. 5*-imi aamma *10*-mi taaneqartut minillugit – allanngortitsinissamut piumasaqaatigalugit, allakkut atornerluisinnaaneq, saniatigut qularnaveeqqusiussaqaarluni taarsigassarsinermi allagartamik pappiaqqamik tunngavilimmik aamma digitaliusumik qularnaveeqqusiussaqaarluni taarsigassarsinermi allagartamik atuinertut ilusilimmik atornerluineq pilersinneqarsinnaassanngilaq. Qularnaveeqqusiussaqaarluni taarsigassarsinermi allagartanut *imm. 5*-imi aamma *10*-mi taaneqartunut, pissutsit aamma malittarisassat immikkut ittut, taakkununga malinneqartussaasut, malitsigisaannik allanngortitsinermut atatillugu Nunatsinni Eqqartuussivimmut taakkua nassiunneqarnissaat pisariaqassanngilaq.

Takussutissianut nalunaarsorneqarsimanngitsunut, qularnaveeqqusiussaqaarluni taarsigassarsinermi allagartamut atatillugu imaluunniit ilassutitut atulersinneqartunut, allannngortitsineq inatsisitigut sunniuteqanngilaq.

Qularnaveeqqusiussaqaarluni taarsigassarsinermi allagartat pappiaqqanik tunngavillit digitaliusumik qularnaveeqqusiussaqaarluni taarsigassarsinermi allagartannngortinneqarnerisa nalunaarutigineqarnerannut atasumik malittarisassanik erseqqinnerusunik inatsiseqarnermut ministeri aalajangersaasinnaanera *imm. 12*-imi siunnersuutigineqarpoq. Tassunga atatillugu Nunatsinni Eqqartuussiviup inunnik paasissutissanik suliarinnittarnera Tinglysningsret-imullu ingerlatitseqqittarnera, matumani inuit normuinik suliarinnittarnek ilanngullugu, pillugu aalajangersakkanik erseqqinnerusunik aalajangersaasoqarsinnaavoq.

“Suliarinninneq”-mi oqaatsip imarisaa atituumik paasineqassaaq aamma suliaq sunaluunniit imaluunniit suliat arlallit, soorlu inunnik paasissutissat imaluunniit inunnik paasissutissat ataatsimoortut pineqarnerat tassani ilaatinneqarput.

Digitaliusumik Eqqartuussivikkoortumik Nalunaarsuinnermut systemimi pisinnaatitaaffinnik eqqartuussivikkoortumik nalunaarsuinnermut atatillugu, inunnik paasissutissat assersuutigalugit atit, ullut inuuffiit, inuit normui aamma najukkat il.il. nalunaarsuiffinnut allanut avitseqatigiissutigineqarneri ilaatigut pineqassaaq. Tamatuma saniatigut inuup pisinnaatitaasup atuinerata uppersarsarneqarnissaa siunertaralugu paasissutissanik pissarsiniarneq, paasissutissanik ataatsimut ingerlatsineq imaluunniit paasissutissat assigiinngitsut ataatsimoortinneqarnerat, uani aamma pineqarsinnaapput.

§ 7-imut

Inatsimmi matumani § 1, nr. 4-p atuutilinnginnerani takussutissiat nalunaarsorneqarsimasut assilillugit sanaqqinneqarsimasut, suliaassap takussutissartaani digitaliusumik tikkineqarsinnaasunngortinneqarpata, taakkua nungutinneqarsinnaasut siunnersuutigineqarpoq.

Digitaliusumik eqqartuussivikkoortumik nalunaarsuisarnermut ikaarsaariarnermut atatillugu, suliaassap takussutissartaa piusoq, takussutissiat eqqartuussivikkoortumik nalunaarsorneqarsimasut massakkut

atuuttut assilillugit sanaqqinneqarnerinik imalik, skannerneqarumaarpoq. Suliassap takussutissartai pappiaraasut taamaalillutik digitaliusumik ilusilerlutik pissarsiarineqarsinnaanngussapput.

Nunatsinni Eqqartuussivimmi pappiaqqat annertooujussuit, suliassap takussutissartaani pappiaraasumi piusut, aamma digitaliusumik suliassap takussutissartaa pilersinneqarpat pisariaaruttussat, suujunnaarsinneqarnissaat siunertaralugu § 7 eqqunneqassasoq siunnersuutigineqarpoq.

Ilanngussaq 1

Inatsisissatut siunnersuutip inatsimmut atuuttumut sanilliunneqarnera

<i>Oqaasertaliussat atuuttut</i>	<i>Inatsisissatut siunnersuut</i>
	§ 1
	Inatsimmik allanngorneri ilanngullugit nalunaarutiginninneq 1186, 18. september 2023-meersoq malillugu Kalaallit Nunaanni eqqartuussisarnermik inatsimmi, inatsimmi nr. 1781, 28. december 2023-meersumi, inatsimmi nr. 1782, 28. december 2023-meersumi § 2-kkut, inatsimmi nr. 1794, 28. december 2023-meersumi § 4-kkut, 28. december 2023-meersukkut aamma inatsimmi nr. [...], § X-ikkut allanngortinneqartumi allannguinerit tulluuttut suliarineqassapput:
§ 7. Kalaallit Nunaata Eqqartuussisuuneqarfia ataatsimik nunap eqqartuussisuuneqassaaq, kunngimit toqqarneqarsimatutsumik, tak. § 13. <i>Imm. 2.</i> Suliassat, Kalaallit Nunaanni Eqqartuussiviup suliarinneqqaarfiusutut aalajangiiffigisimatutsai, Nunatta Eqqartuussisuuneqarfiani eqqartuussissutigineqarneranni eqqartuussisuunernik marlunnik allanik Danmarkimeersunik peqataasoqartassaaq, tak. § 14. Nunatta Eqqartuussisuuneqarfiani eqqartuussisuuneq, eqqartuussisunut siulittaasuusoq, aalajangiisinnaavoq eqqartuussutissap isumaqatigiinniutigineqarnerata avataatiguttaaq nunatta eqqartuussisuuneqarfia eqqartuussisuunernit marlunnit peqataaffigineqassasoq. <i>Imm. 3.</i> Kalaallit Nunaata Eqqartuussisuuneqarfiani sulisorineqassapput fuldmægtigit aalajangersimasumik amerlassusillit, tak. § 15. <i>Imm. 4.</i> Fuldmægtigi suliassanik, Kalaallit Nunaata Eqqartuussisuuneqarfia	1. § 7, imm. 1, imatut allanneqassaaq: »Nunatta Eqqartuussisuuneqarfia eqqartuussisuunernik 2-nik eqqartuussisuuneqarpoq, taakkunannga 1 nunap eqqartuussisuunerisa qullersaralugu. § 13 malillugu nunap eqqartuussisuuneri kunngimit nunap eqqartuussisuunerisut toqqarneqartarput.« 2. § 7 imm. 2 atorunnaarsinneqassaaq, taarsiullugulu nutaatut imm. 2-tut aamma 3-tut ilanngunneqassapput: »<i>Imm. 2.</i> Nunatta Eqqartuussisuuneqarfiani suliat aalajangiiffigineqarneranni eqqartuussisoq 1 peqataassaaq, taamaattoq imm. 3 takuuk. Nunap eqqartuussisuunerata qullersaasup nunap eqqartuussisuunerata aappaa isumaqatigiinniartfigereerlugu suliap eqqartuussisut akornanni qanoq agguarneqarnissaa aalajangiiffigissavaa.

suliassaanik, suliaasaqarsinnaavoq eqqartuussisup aalajangiineratut annertussusilimmik. § 11. Eqqartuussisut Siunnersuisoqatigiit § 10, imm. 1, nr. 1-imi aamma 2-mi taaneqartutut pisoqartil- lugu tallimatutnik ilaasortaqaartassapput, tassaasunik Kalaallit Nunaata Eqqartuussisuuneqarfiani nunap eqqartuussisuunera (siulittaasoq), Kalaallit Nunaanni Eqqartuussivimmi Eqqartuussisoq aqutsisusoq, najukkami eqqartuussisoq ataaseq aamma innuttaasut sinniisuutitaat marluk. Imm. 2. Eqqartuussisut Siunnersuisoqatigiit § 10, imm. 1, nr. 3-mi aamma 4-mi taaneqartutut pisoqartillugu pingasunik ilaasortaqaartassapput, tassaasunik Kalaallit Nunaata Eqqartuussisuuneqarfiani nunap eqqartuussisuunera (siulittaasoq), Kalaallit Nunaanni Eqqartuussivimmi Eqqartuussisoq aqutsisusoq aamma najukkami eqqartuussisoq ataaseq. Imm. 3-5. ---	Imm. 3. Suliani Nunatsinni Eqqartuussivimmit suliarinneqqaarfittut aalajangiiffigineqarsimasuni, pingaarnertut isumaqatigiinniarnertup nalaani eqqartuussisut 3 peqataassapput. Pingaarnertut isumaqatigiinniarnertup avataani aamma eqqartuussisunik 3-nik peqataasoqarnissaa, eqqartuussivimmi siulittaasup aalajangersinnaavaa. § 14 malillugu, eqqartuussisunik 3-nik peqataasoqarpat, eqqartuussisuuneqarfik eqqartuussisuunermi Danmarkimeersumit 1-imit sulisoqassaaq. Pissutsit immikkut ittut pisillugit, taamaattoq eqqartuussisuuneqarfik Danmarkimit nunap eqqartuussisuunerinik 2-nnik sulisitsisinnaavoq.« Matuma kingorna imm. 3 aamma 4 imm. 4 aamma 5-inngussapput. 3. § 7, imm. 4-mi, imm. 5-inngortussami, § 14, imm. 2-mi oqaaseqatigiit 2.-ani, § 22, imm. 3-mi oqaaseqatigiit 2.-ani sumiiffinni marlunni, § 23, imm. 3-mi, § 33, imm. 2-mi oqaaseqatigiit 1.-mi, aamma imm. 3-mi oqaaseqatigiit 1.-mi, § 35, imm. 3-mi, aamma § 38, imm. 1-imi oqaaseqatigiit 2.-ani, »nunap eqqartuussisuunera« imatut allanngortinneqassaaq: »nunap eqqartuussisuunerisa qullersaat«.
---	---

§ 14. ---

Imm. 2. Østre aamma Vestre Landsretip
præsidentii qinnuteqaateqarneq
naapertorlugu tamarmik immikkut
ivertitsissapput nunap
eqqartuussisuunerinik imm. 1-imi
taaneqartunik naleqquttumik
amerlassusilinnik. Eqqartuussisuunertut
ivertinneqarsimasut aamma Kalaallit
Nunaata Eqqartuussisuuneqarfiani
eqqartuussisuuneq
isumaqatiginninniarfigereerlugit landsretit
præsidentiisa suliasat akunnerminni
agguataarneqarnissaat
aalajangersaavigissavaat.

§ 22. ---

Imm. 2. ---

Imm. 3. *Imm. 3.* Ukiumik ataatsimik
killeqartitsineq akuersisoqartillugu ukioq
ataasiakkaarlugu tikillugu
sivisussusilerlugu
kinguartinneqarsinnaavoq. Kalaallit
Nunaanni Eqqartuussivimmi
eqqartuussisumut tunngatillugu Kalaallit
Nunaanni Eqqartuussivimmi
eqqartuussisumit aqutsisuusumit
akuersisoqassaaq, Kalaallit Nunaanni
Eqqartuussivimmi eqqartuussisumut
aqutsisuusumut tunngatillugu Kalaallit
Nunaanni Eqqartuussisuuneqarfimmi
nunap eqqartuussisuanit akuersisoqassaaq
aamma Kalaallit Nunaanni
Eqqartuussisuuneqarfimmi nunap
eqqartuussisuanut Eqqartuussiviit
Qullersaanni præsidentimit
akuersisoqassaaq.

Imm. 4-5. ---

§ 23. ---

Imm. 2. ---

Imm. 3. Ukiumik ataatsimik killeqartitsineq
akuersisoqartillugu ukioq ataasiakkaarlugu
tikillugu sivisussusilerlugu
kinguartinneqarsinnaavoq. Kalaallit

Nunaanni Eqqartuussivimmi
 eqqartuussisumut tunngatillugu Kalaallit
 Nunaanni Eqqartuussivimmi
 eqqartuussisumit aqutsisuusumit
 akuersisoqassaaq, Kalaallit Nunaanni
 Eqqartuussivimmi eqqartuussisumut
 aqutsisuusumut tunngatillugu Kalaallit
 Nunaanni Eqqartuussisuuneqarfimmi nunap
 eqqartuussisuanit akuersisoqassaaq aamma
 Kalaallit Nunaanni
 Eqqartuussisuuneqarfimmi nunap
 eqqartuussisuanut Eqqartuussiviit
 Qullersaanni præsidentimit
 akuersisoqassaaq.

Imm. 4. ---

§ 33. ---

Imm. 2. Nunatsinni Eqqartuussivimmi
 eqqartuussisut qullersaannut aamma
 Nunatta Eqqartuussisuuneqarfiani nunap
 eqqartuussisuuneranut saniatigooralugu
 inuussutissarsiut pillugu
 nalunaarutiginninneq Eqqartuussiviit
 Qullersaanni præsidentimut
 tunniunneqassaaq aamma Nunatsinni
 Eqqartuussivimmi eqqartuussisumut
 saniatigooralugu inuussutissarsiut pillugu
 nalunaarutiginninneq Nunatsinni
 Eqqartuussivimmi eqqartuussisut
 qullersaannut tunniunneqassalluni.
 Saniatigooralugu inuussutissarsiutit aamma
 pissusissanik saneqqutsisunut pillaatit
 pillugit oqartussaasuuneq pillugit, danskit
 eqqartuussisarnermik inatsisaat malillugu
 pisinnaatitaanerit, Eqqartuussiviit
 Qullersaanni præsidentip aamma
 Nunatsinni Eqqartuussivimmi
 eqqartuussisut qullersaata tamarmik
 immikkut suliarissavaat.

Imm. 3. Nunatsinni Eqqartuussivimmi
 eqqartuussisoq pillugu naammagittaalliuut

Nunatsinni Eqqartuussivimmi eqqartuussisut qullersaannut imaluunniit Den Særlige Klageret-imut tunniunneqassaaq, aamma Nunatsinni Eqqartuussivimmi eqqartuussisut qullersaat pillugu aamma Nunatta Eqqartuussisuuneqarfiani nunap eqqartuussisuunera pillugu naammagittaalliuut Eqqartuussiviit Qullersaata præsidientianut imaluunniit Den Særlige Klageret-imut tunniunneqartassaaq. Pissutsit naammagittaalliuuteqarnermut pissutissaqalersitsisut pillugit naammagittaalliuuteqartup ilisimatutsaqalersimatutnerata kingorna, kingusinnerpaamik sapaatait akunneri 4 qaangiutsinnagit naammagittaalliuut tunniunneqassaaq. § 35. --- <i>Imm. 2. ---</i> <i>Imm. 3.</i> Kalaallit Nunaanni Eqqartuussivimmi aamma Kalaallit Nunaata eqqartuussisuuneqarfiani eqqartuussisooqataasartut Inatsisartunit qinerneqartassapput Kalaallit Nunaanni Eqqartuussivimmi Eqqartuussisooq aqutsisusoq aamma nunap eqqartuussisuuneraniit inassuteqaatit naapertorlugit. <i>Imm. 4. ---</i> § 38. Najukkani eqqartuussivinni aamma Kalaallit Nunaanni Eqqartuussivimmi eqqartuussisooqataasussat amerlassusissaat Kalaallit Nunaanni Eqqartuussivimmi Eqqartuussisooq aqutsisusoq aalajangerneqartassaaq. Kalaallit Nunaata Eqqartuussisuuneqarfiani eqqartuussisooqataasussat amerlassusissaat nunap eqqartuussisuuneranit aalajangerneqartassaaq. Amerlassusiliisoqartassaaq imatutalillugu,	
---	--

eqqartuussisoo- qataasartup ataatsip ukiumut sisamariarluni sulisinneqartarnissaa ilimatutgineqartussanngorlugu. <i>Imm. 2. ---</i>	
	4. § 9-p kingorna § 10 sioqqullugu qulequtaq sioqqullugu ilanngunneqassaaq: »§ 9 a. Danskit eqqartuussisarnermik inatsisaanni § 18 malillugu, Eqqartuussivikkoortumik nalunaarsuineq pillugu eqqartuussiviup, Nunatsinni Eqqartuussivik nalunaarsuineramik suliaqarnerani (eqqartuussivikkoortumik nalunaarsuinerani) ikiussavaa. Isumaqaatigiinnginnerni aalajangiisoqartussaatinagu, Nunatsinni Eqqartuussivimmi eqqartuussisuunerit qullersaata Eqqartuussivikkoortumik nalunaarsuineq pillugu eqqartuussiviup sulisui nalunaarsuineramik sulianik suliarinnissinnanerannik piginnaatissinnaavai.«
	5. § 11, <i>imm. 1-imi aamma 2-mi</i> »Nunap eqqartuussisuunera« ima allanngortinneqassaaq: »nunap eqqartuussisuuneri«.
§ 13. Kalaallit Nunaanni Eqqartuussivimmi eqqartuussisoq aamma Kalaallit Nunaata Eqqartuussisuuneqarfiani nunap eqqartuussisuunera inatsisilerituutut soraarummeernermi angusaqarsimatutsuussapput. <i>Imm. 2-7. ---</i> § 24. Nunatsinni Eqqartuussivimmi eqqartuussisut attuumassuteqarpallaarnerat imaluunniit Nunatta Eqqartuussisuuneqarfiani nunap eqqartuussisuunerata attuumassuteqarpallaarnera pissutigalugu pisariaqalissappat, eqqartuussisumik immikkut ittumik piginnaatinneqarluni suliami ataatsimi suliarinnittussamik,	6. § 13, <i>imm. 1-imi, § 24-mi aamma § 33,</i> <i>imm. 1-imi,</i> »nunap eqqartuussisuunera« imatut allanngortinneqassapput: »nunap eqqartuussisuuneri«.

Eqqartuussiviit Qullersaanni præsidenti ivertitsissaaq. § 33. Saniatigooralugu inuussutissarsiteqarnermut, najoqqutassanik unioqqutitsinermik malersuinnermut, atorfimmit tunuartaagallarnermut soraarsitaanermullu tunngatillugu malittarisassat danskit eqqartuussisarnermik inatsisaanni §§ 47-50-imiittut Kalaallit Nunaanni Eqqartuussivimmi eqqartuussisunut aamma Kalaallit Nunaata Eqqartuussisuuneqarfiani nunap eqqartuussisuanut atuutissapput. <i>Imm. 2-3. ---</i>	
§ 14. Nunap eqqartuussisuuneri, § 7, imm. 2 malillugu Kalaallit Nunaata Eqqartuussisuuneqarfiani suleqataasussat, Danmarkimi nunap eqqartuussisuunerisut toqqarneqarsimatutsuussapput. <i>Imm. 2.</i> Østre aamma Vestre Landsretip præsidentii qinnuteqaateqarneq naapertorlugu tamarmik immikkut ivertitsissapput nunap eqqartuussisuunerinik imm. 1-imi taaneqartunik naleqquttumik amerlassusilinnik. Eqqartuussisuunertut ivertinneqarsimasut aamma Kalaallit Nunaata Eqqartuussisuuneqarfiani eqqartuussisuuneq isumaqatiginninniarfigereerlugit landsretip præsidentiisa suliaassat akunnerminni agguataarneqarnissaat aalajangersaavigissavaat.	7. § 14, imm. 1-imi, »imm. 2« imatut allanngortinneqassaaq: »imm. 3«. 8. § 14, imm. 2-mi oqaaseqatigiit 2.-ani, »akunnerminni« imatut allanngortinneqassaaq: »nunami eqqartuussisuunertut ivertitanut«.
§ 22. --- <i>Imm. 2. ---</i> <i>Imm. 3.</i> Ukiumik ataatsimik killeqartitsineq akuersisoqartillugu ukioq ataasiakkaarlugu tikillugu sivilissusilerlugu kinguartinneqarsinnaavoq. Kalaallit Nunaanni Eqqartuussivimmi eqqartuussisumut tunngatillugu Kalaallit Nunaanni Eqqartuussivimmi eqqartuussisumit aqutsisuusumit	9. § 22, imm. 3-mi oqaaseqatigiit 2.-ani, »Kalaallit Nunaanni Eqqartuussivimmi eqqartuussisumit aqutsisuusumit« imatut allanngortinneqassaaq: »Nunatsinni Eqqartuussivimmi eqqartuussisut qullersaannit aamma Nunatta Eqqartuussisuuneqarfiani nunap eqqartuussisuuneranit«.

akuersisoqassaaq, Kalaallit Nunaanni Eqqartuussivimmi eqqartuussisumut aqutsisuusumut tunngatillugu Kalaallit Nunaanni Eqqartuussisuuneqarfimmi nunap eqqartuussisuanit akuersisoqassaaq aamma Kalaallit Nunaanni Eqqartuussisuuneqarfimmi nunap eqqartuussisuanut Eqqartuussiviit Qullersaanni præsidentimit akuersisoqassaaq. <i>Imm. 4-5. ---</i>	
§ 24. Nunatsinni Eqqartuussivimmi eqqartuussisut attuumassuteqarpallaarnerat imaluunniit Nunatta Eqqartuussisuuneqarfiani nunap eqqartuussisuunerata attuumassuteqarpallaarnera pissutigalugu pisariaqalissappat, eqqartuussisumik immikkut ittumik piginnaatinneqarluni suliami ataatsimi suliarinnittussamik, Eqqartuussiviit Qullersaanni præsidenti ivertitsissaaq.	10. § 24-mi »attuumassuteqarpallaarneri«, peerneqassaaq aamma »attuumassuteqarpallaarnera« imatut allanngortinneqassaaq: »attuumassuteqarpallaarneri«.
	11. § 24-ip kingorna § 25 sioqqullugu qulequtaq sioqqullugu ilanngunneqassaaq: »§ 24 a. Eqqartuussisoq, ukiuni imaluunniit peqqiilliornini pissutigalugu soraarninngorsimasooq, Nunatsinni Eqqartuussivimmi eqqartuussisut qullersaannit najukkami eqqartuussivimmi imaluunniit Nunatsinni Eqqartuussivimmi eqqartuussisutut suleqqullugu aggersarneqarsinnaavoq, imaluunniit piffissami aalajangersiasumi Nunatta Eqqartuussisuuneqarfiani eqqartuussisutut suleqqullugu nunap eqqartuussisuunerisa qullersaannit aggersarneqarsinnaalluni. Taamaallaat pissutsit immikkut ittut atuutsillugit piffissaq aggersarneqarfusoq eqqartuussisup 74-inik ukioqalernera qaangerlugu sivitsorneqarsinnaavoq. <i>Imm. 2.</i> Eqqartuussivinni fuldmægtigit eqqarsaatigalugit, imm. 1 assinganik atuutissaaq.«
	12. § 32-ip kingorna ilanngunneqassaaq:

	»§ 32 a. Eqqartuussisunut, § 24 a malillugu aggersarneqartunut, malittarisassat §§ 26-mi aamma 28-miit 32 ilanngullugu allassimasut assinganik atuutissapput.«
§ 33. --- <i>Imm. 2.</i> Nunatsinni Eqqartuussivimmi eqqartuussisut qullersaannut aamma Nunatta Eqqartuussisuuneqarfiani nunap eqqartuussisuuneranut saniatigooralugu inuussutissarsiut pillugu nalunaarutiginninneq Eqqartuussiviit Qullersaanni præidentimut tunniunneqassaaq aamma Nunatsinni Eqqartuussivimmi eqqartuussisumut saniatigooralugu inuussutissarsiut pillugu nalunaarutiginninneq Nunatsinni Eqqartuussivimmi eqqartuussisut qullersaannut tunniunneqassalluni. Saniatigooralugu inuussutissarsiutit aamma pissusissanik saneqqutsisunut pillaatit pillugit oqartussaasuuneq pillugit, danskit eqqartuussisarnermik inatsisaat malillugu pisinnaatitaanerit, Eqqartuussiviit Qullersaanni præidentip aamma Nunatsinni Eqqartuussivimmi eqqartuussisut qullersaata tamarmik immikkut suliarissavaat. <i>Imm. 3.</i> Nunatsinni Eqqartuussivimmi eqqartuussisoq pillugu naammagittaalliut Nunatsinni Eqqartuussivimmi eqqartuussisut qullersaannut imaluunniit Den Særlige Klageret-imut tunniunneqassaaq, aamma Nunatsinni Eqqartuussivimmi eqqartuussisut qullersaat pillugu aamma Nunatta Eqqartuussisuuneqarfiani nunap eqqartuussisuunera pillugu naammagittaalliut Eqqartuussiviit Qullersaata præidentianut imaluunniit Den Særlige Klageret-imut tunniunneqartassaaq. Pissutsit naammagittaalliuteqarnermut pissutissaqalersitsisut pillugit	13. § 33, imm. 2-mi oqaaseqatigiit 1.-mi, »Eqqartuussiviit Qullersaata præidentimut« kingorna ilanngunneqassaaq: », Nunatta Eqqartuussisuuneqarfiani nunap eqqartuussisuuneranut Nunatta Eqqartuussisuuneqarfiani nunap eqqartuussisuunerisa qullersaannut«. 14. § 33, imm. 2-mi, oqaaseqatigiit 2.-ani, »Eqqartuussiviit Qullersaanni præidentip« kingorna ilanngunneqassaaq: », Nunatta Eqqartuussisuuneqarfiani eqqartuussisuunerit qullersaata«. 15. § 33, imm. 3-mi oqaaseqatigiit 1.-mi, »Nunatsinni Eqqartuussivimmi eqqartuussisut qullersaannut imaluunniit Den Særlige Klageret-imut,« kingorna ilanngunneqassaaq: »Nunatta Eqqartuussisuuneqarfiani nunap eqqartuussisuunera pillugu maalaarut Nunatta Eqqartuussisuuneqarfiani nunap eqqartuussisuunerisa qullersaannut imaluunniit Den Særlige Klageret-imut tunniunneqassaaq,«.

naammagittaalliuuteqartup ilisimatutsaqalersimatutnerata kingorna, kingusinnerpaamik sapaatait akunneri 4 qaangiutsinnagit naammagittaalliuut tunniunneqassaaq.	
§ 34. Nunatsinni Eqqartuussivimmi aamma Nunatta Eqqartuussisuuneqarfiani fuldmægtiginut aamma utaqqiisaagallartumik eqqartuussisutut nunap eqqartuussisuunerisullu ivertinneqartunut aamma Nunatsinni Eqqartuussivimmi aamma Nunatta Eqqartuussisuuneqarfiani eqqqartuussisutut toqqarneqanngitsunut, sumi sulinerup allanngortinneqarnerat, pissusissanik malinnilluarnermut tunngasunik malitseqartitsinerit, tunuartitaanerit soraarsitsinerillu eqqarsaatigalugit, danskrit eqqartuussisarnermik inatsisaanni §§ 55-imiit 55 ilanngullugu atuupput. <i>Imm. 2.</i> Nunatta Eqqartuussisuuneqarfiani nunap eqqartuussisuunerata imaluunniit Nunatsinni Eqqartuussivimmi eqqartuussisuni qullersap, pissusissanik saneqqutsisunut pillaatit pillugit oqartussaasuuneq, danskrit eqqartuussisarnermik inatsisaat malillugu eqqartuussivinni præidentit pisinnaatitaaffigisaat, suliarissavaat. <i>Imm. 3. ---</i> § 35. --- <i>Imm. 2-3. ---</i> <i>Imm. 4.</i> Nunap eqqartuussisuunerata aalajangersinnaavaa eqqartuussisooqataasartoq eqqartuussisoqarfiup qinerneqarfigisami avataani sulisinnaasoq.	16. § 34, <i>imm. 1-imi</i>, »aamma« imatut allanngortinneqassaaq: », «, aamma »eqqartuussisutut toqqarneqanngitsut, « kingorna ilanngunneqassaaq: »aamma § 24 a malillugu eqqartuussisunut fuldmægtiginullu tikisitanut«. 17. § 34, <i>imm. 2-mi</i>, § 35, <i>imm. 4-mi</i>, § 37, <i>imm. 2-mi oqaaseqatigiit 1.-mi</i>, aamma § 743, <i>imm. 1-imi</i>, »Nunap eqqartuussisuunera« imatut allanngortinneqassaaq: »Nunap eqqartuussisuunerisa qullersaat«.

§ 37. --- <i>Imm. 2.</i> Nunap eqqartuussisuunerata aalajangiiffigisassavaa inuk eqqartuussisooqataanissamut piumasagaatinik nammassinninnersoq aammalu eqqartuussisooqataannginnissamik noqqaassut akuerineqassanersoq. Aalajangiinerit maalaarutigineqarsinnaanngillat. § 743. Kalaallit Nunaanni Eqqartuussiveqarneq pillugu Isumalioqatigiissitat 17-inik ilaasortaqaassapput, tassaasunik Kalaallit Nunaanni eqqartuussisuuneq, Kalaallit Nunaanni Eqqartuussivimmi eqqartuussisoq aqutsisuusoq, najukkami eqqartuussisoq ataaseq, Kalaallit Nunaanni Politiit pisortaat, Kalaallit Nunaanni Pinerluuteqarsimatutsunik Isumaginnittoqarfimmi pisortaq, Kalaallit Nunaanni illersuisuuneq ataaseq, eqqartuussissuserisoq ataaseq, illersuisoq ataaseq, ilisimatuttusarfimmi ilinniartitsisoq ataaseq, Kalaallit Nunaanni Namminersorlutik Oqartussaniit sinniisuutitat marluk, kommunimiit sinniisuutitaq ataaseq kiisalu Inatsiseqarnermut Ministereqarfimmiit, Domstolsstyrelsimiit ataaseq, Pinerluuteqarsimatutsunik Isumaginnittoqarfimmut Pisortaqarfimmiit ataaseq, Naalagaaffiup eqqartuussissuserisuaniit ataaseq aamma Naalagaaffiup politiiviniit sinniisuutitaq ataaseq. Politiit pisortaat <i>Imm. 2-4. ---</i>	
	18. Kapitali 10-mi § 128 a-p kingorna ilanngunneqassaaq: »§ 128 b. Inuit sakkutuujunngitsut pillugit suliani piareersaataasumik inatsisitigut allaaserinninnerit, taakkunani piumasagaatit inatsisitigullu pissutsit pillugit aalajangiullugu

	oqaatigiumasat allanneri, tamanna pissutissaqartillugu, atsiornermik originaliusumik atsiorneqassasut, eqqartuussiviup aalajangersinnaavaa.«
§ 515. --- <i>Imm. 2. Imm. 1</i> malillugu suliareqqitassanngortitsinissamut akuerineqarnissamik qinnuteqaat eqqartuussutip nalunaarutigineqarneraniit kingusinnerpaamik sapaatit akunneri arfineq-pingasut qaangiutsinnagit nunap eqqartuussisuuneranut tunniunneqassaaq, taassumalu qinnuteqaat oqaaseqaateqarfigalugulu Suliareqqitassanngortitsinissamik Aalajangiisartunut ingerlatitseqqissavaa. Qinnuteqaat aamma Suliareqqitassanngortitsinissamik Aalajangiisartunut toqqaannartumik nassiunneqarsinnaavoq, taakkualu taamaassappat nunap eqqartuussisuunera suliaasaq pillugu oqaaseqaammik piniarfigissavaat. Aalajangiisartut qaqutigootumik akuersissutigisinnaavaat qinnuteqaat piffissaliussamiit taaneqartumiit kingusinnerusukkut tunniunneqarpat, kisianni eqqartuussutip oqaatigineqarneraniit kingusinnerpaamik ukioq ataaseq qaangiutsinnagu. § 526. --- <i>Imm. 2. Imm. 1</i> malillugu aalajangeqqitassanngortitsinissamut akuerineqarnissamik qinnuteqaat Kalaallit Nunaanni eqqartuussisuunermut tunniunneqartassaaq aalajangiisoqarneraniit kingusinnerpaamik sapaatit akunneri sisamat qaangiutsinnagit, taamaattoq tak. § 518, imm. 2. Nunap eqqartuussisuunera qinnuteqaat pillugu oqaaseqaateqassaaq taannalu Suliareqqitassanngortitsinissamik Aalajangiisartunut ingerlateqqillugu.	19. § 515, imm. 2-mi oqaaseqatigiit 1.-mi aamma <i>oqaaseqatigiit 2.-ani, § 526, imm. 2-mi oqaaseqatigiit 1.-mi</i> aamma <i>oqaaseqatigiit 3.-anni, § 564, imm. 2-mi oqaaseqatigiit 1.-mi</i> aamma <i>oqaaseqatigiit 3.-anni, § 577, imm. 2-mi oqaaseqatigiit 1.-mi</i> aamma <i>oqaaseqatigiit 3.-anni, aamma § 585, imm. 2-mi oqaaseqatigiit 1.-mi</i> aamma <i>oqaaseqatigiit 3.-anni,</i> »nunap eqqartuussisuunera« imatut allanngortinneqassaaq: »Nunatta Eqqartuussisuuneqarfia«.

Qinnuteqaat aamma Suliatteqqitassanngortitsinissamik Aalajangiisartunut toqqaannartumik nassiunneqarsinnaavoq, taamaassappat taanna suliatssami oqaaseqaammik nunap eqqartuussisuuneranut piniassaaq. Aalajangiisartut qaqutigoortumik akuersissuteqartarsinnaapput qinnuteqaat piffissaliussatut taaneqartumiit kingusinnerusukkut tunniunneqarpat, kingusinnerpaamilli aalajangiisoqareerneraniit qaammatit arfinillit qaangiutsinnagit. § 564. --- <i>Imm. 2.</i> Suliatteqqitassanngortitsinissamut akuerineqarnissamik qinnuteqaat eqqartuussutip nalunaarutigineqarneraniit sapaatit akunneri sisamat qaangiutsinnagit Kalaallit Nunaanni eqqartuussisuunermut tunniunneqartassaaq, taassuma qinnuteqaat oqaaseqaateqarfigissavaa Suliatteqqitassanngortitsinissamillu Aalajangiisartunut ingerlateqqillugu. Eqqartuussut nalunaarutigineqassappat eqqartuunneqartumut tunngatillugu piffissarititaasoq eqqartuussutip nalunaarutigineqarneraniit naatsorsorneqartassaaq. Qinnuteqaat aamma Suliatteqqitassanngortitsinissamik Aalajangiisartunut toqqaannartumik nassiunneqarsinnaavoq, taamaassappat taakkua suliatssaq pillugu eqqartuussisuunermut oqaaseqaammik hiniassapput. Aalajangiisartut qaqutigoortumik akuersisinnaapput qinnuteqaat piffissaliussatut taaneqartumiit kingusinnerusukkut, kingusinnerpaamilli eqqartuussutip nalunaarutigineqarneraniit	
---	--

ukioq ataaseq qaangiutsinnagu,
nassiunneqassasoq.

Imm. 3. ---

§ 577. ---

Imm. 2. Imm. 1 malillugu
aalajangeqqitassanngortitsinissamut
akuerineqarnissamik qinnuteqaat nunap
eqqartuussisuuneranut
aalajangiisoqareerneraniit
kingusinnerpaamik sapaatit akunneri
sisamat qaangiutsinnagit nassiunneqassaaq,
taanna qinnuteqaat pillugu
oqaaseqaateqarlunilu qinnuteqaat
Suliareqqitassanngortitsinissamik
Aalajangiisartunut ingerlateqqissavaa.
Qinnuteqaateqartoq najuutsinnagu
aalajangiisoqarsimatutppat, pineqartorlu
aalajangiinissamut piffissarititaasoq pillugu
sioqqutsisumik nalunaarfigineqarani,
piffissarititaasoq naatsorsorneqassaaq ulloq,
aalajangiinerup pineqartumut
annguffigisimatutsaatut
ilimatutgineqarsinnaasoq, aallarnerfigalugu.
Qinnuteqaat aamma
Suliareqqitassanngortitsinissamik
Aalajangiisartunut toqqaannartumik
nassiunneqarsinnaavoq, taamaassappat
taakkua nunap eqqartuussisuunera
suliassami oqaaseqaammik
piniarfigissavaat. Aalajangiisartut
qaqutigoortumik
akuersissuteqartarsinnaapput qinnuteqaat
piffissaliussatut taaneqartumiit
kingusinnerusukkut, kisiannili
aalajangeereermermiit ukioq ataaseq
qaangiutsinnagu, nassiunneqarsimatutppat.

§ 585. ---

<i>Imm. 2.</i> Nangititsinissamik noqqaassuteqartoqartassaaq allakkatigut qinnuteqaatikkut, nunap eqqartuussisuuneranut tunniunneqartussakkut. Eqqartuussisuuneq noqqaassut pillugu oqaaseqaateqassaaq qinnuteqaallu Immikkut Ittumik Eqqartuussivimmut Maalaaruteqarfigineqarsinnaasumut ingerlateqqillugu. Qinnuteqaat aamma toqqaannartumik nassiunneqarsinnaavoq, taamaassappat Maalaaruteqartarfik eqqartuussisuunermut suliaasaq pillugu oqaaseqaammik piniassaaq. <i>Imm. 3-4. ---</i>	
§ 526. --- <i>Imm. 2.</i> <i>Imm. 1</i> malillugu aalajangeqqitassanngortitsinissamut akuerineqarnissamik qinnuteqaat Kalaallit Nunaanni eqqartuussisuunermut tunniunneqartassaaq aalajangiisoqarneraniit kingusinnerpaamik sapaatit akunneri sisamat qaangiutsinnagit, taamaattoq tak. § 518, <i>imm. 2.</i> Nunap eqqartuussisuunera qinnuteqaat pillugu oqaaseqaateqassaaq taannalu Suliareqqitassanngortitsinissamik Aalajangiisartunut ingerlateqqillugu. Qinnuteqaat aamma Suliareqqitassanngortitsinissamik Aalajangiisartunut toqqaannartumik nassiunneqarsinnaavoq, taamaassappat taanna suliaassami oqaaseqaammik nunap eqqartuussisuuneranut piniassaaq. Aalajangiisartut qaqutigoortumik akuersissuteqartarsinnaapput qinnuteqaat piffissaliussatut taaneqartumiit kingusinnerusukkut tunniunneqarpat, kingusinnerpaamilli	20. § 526, <i>imm. 2-mi oqaaseqatigiit 2.-ani</i>, aamma § 585, <i>imm. 2-mi oqaaseqatigiit 2.-ani</i>, »Nunap eqqartuussisuunera« imatut allanngortinneqassaaq: »Nunatta Eqqartuussisuuneqarfia«.

aalajangiisoqareerneraniit qaammatit arfinillit qaangiutsinnagit. § 585. --- <i>Imm.</i> 2. Nangititsinissamik noqqaassuteqartoqartassaaq allakkatigut qinnuteqaatikkut, nunap eqqartuussisuuneranut tunniunneqartussakkut. Eqqartuussisuuneq noqqaassut pillugu oqaaseqaateqassaaq qinnuteqaallu Immikkut Ittumik Eqqartuussivimmut Maalaaruteqarfineqarsinnaasumut ingerlateqqillugu. Qinnuteqaat aamma toqqaannartumik nassiunneqarsinnaavoq, taamaassappat Maalaaruteqartarfik eqqartuussisuunermut suliassaq pillugu oqaaseqaammik piniassaaq. <i>Imm.</i> 3-4. ---	
§ 598. --- <i>Imm.</i> 2-5. --- <i>Imm.</i> 6. <i>Imm.</i> 1, nr. 5-8-imi taaneqartunik pisoqartillugu kikkulluunniit, allakkiamut atsiormikkut akiitsulittut, akiliussisussamaataasutut imaluunniit qularnaveeqqusiisutut imminnut pisussanngortissimatutsut, naammassinninniaavigineqarsinnaapput.	21. § 598, imm. 6-imi, oqaaseqatigiit 2.- atut aamma 3.-attut ilanngunneqassapput: »Pisuni, imm. 1, nr. 5-imi taaneqartuni, inummi akiligassaqartumi, akiliussisussamaataasumi imaluunniit qularnaveeqqusiussaqaarluni taarsigassarsisumit digitaliusumik qularnaveeqqusiussaqaarluni taarsigassarsinermi allagartaliinikkut, nalunaarsorneqarsimasukkut imaluunniit nalunaarsornikuusimasukkut, pisussaaffilerneqarsimasumi naammassinnineq aammattaaq suliarineqarsinnaavoq. Pisuni, imm. 1, nr. 6-imi aamma 7-imi taaneqartuni, atsiorneq digitaliusumik ilanngunneqarsimasinnaavoq.«
§ 642. --- <i>Imm.</i> 2. ---	22. § 642-mi imm. 3-tut ilanngunneqassaaq: »<i>Imm.</i> 3. Digitaliusumik qularnaveeqqusiussaqaarluni taarsigassarsinermi allagartaq imm. 2-p malitsigisaanik pigisat aalaakkaasut pillugit eqqartuussivikkut nalunaarsuunermut atuakkami

	quppernerminit nungutinneqarsimappat, inuk, pigisat aalaakkaasut pillugit eqqartuussivikkut nalunaarsuinnermut atuakkami paasissutissat malillugit qularnaveeqqusiussaqlarluni taarsigassarsinnermi allagartaq malillugu inuttut pissarsiassaqlarpit pissarsiassat pillugit akiligassalimmit piumasaqaateqarsinnaatitaasup, Nunatsinni Eqqartuussiviup digitaliusumik qularnaveeqqusiussaqlarluni taarsigassarsinnermi allagartaq pappiarannqorlugu takussutissianngortissagaa, piumasaqaatigissinnaavaa. Pappiarannqorlugu takussutissiaq akiitsut allagartaattut originaliusutut isigneqassaaq.«
	§ 2
	Inatsimmik allannqorneri ilanngullugit nalunaarutiginninneq nr. 1187, 18. september 2023-meersoq, inatsisimmi nr. 1782, 28. december 2023-meersumi § 1-imi aamma inatsimmi nr. [...]imi allannqortinneqartumi Kalaallit Nunaanni pinnerluttulerinnermi inatsimmi allannqinnerit tulliuuttut suliarineqassapput:
§ 163. --- <i>Imm. 2. ---</i> <i>Imm. 3.</i> inatsiseqarnermut ministerip aalajangersassavai maleruagassat erseqqinnerusut toqqam-mavigisassaliisarnermut taakkualu aningaasarsiaannut tunngasut, kiisalu taakkua suliaasaat pisinnaa- titaanerallu erseqqinnerusut.	1. § 163-imi imm. 2-p kingorna immikkoortut nutaatut ilanngunneqassaaq: <i>»Imm. 3.</i> Kalaallit Nunaanni toqqammavigisassat ilinniartinneqarnerannut, siunnersorneqarnerannut atorfinitsitsinneqarnerannullu attuumassuteqartunik suliaqartussamik toqqammavigisassanut ataqatigiissaarisumik inatsiseqarnermut ministeri toqqaasinnaavoq.« Tamatuma kingorna imm. 3 imm. 4-nngussaaq.
	§ 3
	Qularnaveeqqusiisarneq pillugu Kalaallit Nunaannut inatsimmi 10. maj 1967-imeersumi, inatsisikkut nr. 34-, 31. januar 1979-imeersukut aamma inatsisikkut nr. 849, 21. december 1988-imeersukut

	allanngortinneqartumi allannguinerit tulliuttut suliarineqassapput:
§ 1. --- Imm. 2. --- Imm. 3. Ajortussamik isumanani imatut paasineqassaaq piginnilersup pissasaqartitaaneq nalunaarsorsimatutnngitsoq ilisimatutnngikkaa imaluunniit mianersuaalliorujussuarnikkut tamatuminnga ilisimatutnnginnerminut nammineq pisuunngitsoq. Qularnaveeqqutit tungaasigut ajortussamik isumannginneq atuuttussaalluni piffissami qularnaveeqqutisiassaqsinnaatitaanerup nalunaarsugaassatut nalunaarutigineqarfiani.	1. § 1, imm. 3-mi oqaaseqatiigiit 1.-mi, »imatut paasineqassaaq« sioqqullugu ilanngunneqassaaq: »Inatsimmi matumani«.
	2. § 1-ip kingorna ilanngunneqassaaq: »§ 1 a. Pigisanik qularnaveeqqusiissutit qularnaveeqqusiussanik qularnaveeqqusiisumit pigiinnarneqartunik imallit, qularnaveeqqusiussaqaarluni taarsigassarsinermut allagartamut isumaqatigiissutitut isumaqatigiissutigineqartunut, aamma qularnaveeqqutigineqartoq pillugu isumaqatigiissutitut imaluunniit qularnaveeqqutigineqartup eqqartuussisutigoortinneqarnissaanut illersorneqarnissaq anguniarlugu nalunaarsorneqassapput. Imm. 2. Imm. 1 malillugu qularnaveeqqusiussaq qularnaveeqqusiisumit pigiinnarneqartoq aamma imm. 1 malillugu pigisami aalaakkaasumi qularnaveeqqusiisup akiligassaqaqfigisanit allanit salliutinneqarnissamik pisinnaatitaaffiata, pigisanik qularnaveeqqusiisummi pisinnaatitaaffimmik nalunaarsorneqarsimanngitsumik imaluunniit pigisanik qularnaveeqqusiisummut killissarititaasut iluanni inangiisinnaasariaqartussaq, nalunaarsorneqarsimassaaq, aamma isumaqatigiissut malillugu pissarsisoq ajortussamik isumaqassanngilaq.

	Pigisani nuunneqarsinnaasuni qularnaveeqqusiussanut qularnaveeqqusiisumit pigiinnarneqartunut, isumaqatigiissusiornikkut pilersinneqartunut, tamanna aamma atuuppoq. <i>Imm. 3.</i> Inuk inuup allap pigisaani qularnaveeqqutaateqartoq, tassani pigisanik qularnaveeqqusiisummi qularnaveeqqusiussaq qularnaveeqqusiisumit pigiinnarneqartoq nalunaarsorneqarsimalluni, pigisanik qularnaveeqqusiisummi qularnaveeqquteqarluni aamma qularnaveeqqutinut pisinnaatitaaffiit kingusinnerusukkut nalunaarsorneqartut sioqqullugit, akiligassaqaqfigisanit allanit salliutinneqarluni, imaluunniit pigisanik qularnaveeqqusiisummut killissarititaasut aamma eqqartuussisutigoortitsisinnaanerup iluani, akiligassaqaqfigisat salliutinneqanngitsut pisinnaatitaaffii pillugit inummut inuup allap pigisaanik qularnaveeqqutaateqartumut nalunaarutip apuunnissaata tungaanut, akiligassat pillugit pissutsit ajortussamik isumanani annertusisinnaavai. <i>Imm.4.</i> Pisinnaatitaaffinnik imm. 1-imi taaneqartumik imaluunniit § 1, imm. 1 malillugu qularnaveeqqusiisup akiligassaqaqfigisanit allanit salliutinneqarnissamik pisinnaatitaaffiisa tunniunneqarnerat imaluunniit allatut nuunneqarnerat, isumaqatigiissutinut, qularnaveeqqusiisup akiligassaqaqfigisanit allanit salliutinneqarnissamik pisinnaatitaaffii pillugit ajortussamik isumanani isumaqatigiissutigineqartunut, aamma eqqartuussisutigoortinneqannginnissamut illersorneqarnissaat anguniarlugu nalunaarsorneqassapput.
	3. § 3-p kingorna ilanngunneqassaaq: »§ 3 a. Qularnaveeqqusiussaqarluni taarsigassarsinermi allagartaq atsiortup qularnaveeqqusiiffigisamut akiitsorisinnaasaanik

	qularnaveeqqutaasoq pigisani aalaakkaasuni qularnaveeqqusiisoq, minillugu, qularnaveeqqusiussaqaarluni taarsigassarsinermut allagartami »tuniniarneqarsinnaanngitsoq«-p nangaassutilluunniit assigisai pillugit oqaatsit ilanngunneqarsimanngippata, qularnaveeqqusiussaqaarluni taarsigassarsinermut allagaqartaq nalunaarsorneqarsimasoq, tuniniarneqarsinnaavoq. <i>Imm. 2.</i> Qularnaveeqqusiussaqaarluni taarsigassarsinut allagartaq, pigisani nuunneqarsinnaasuni qularnaveeqqusiisoq, qularnaveeqqusiussaqaarluni taarsigassarsianut allagartami tamanna erseqqissumik allaqqanngippat, tuniniarneqarsinnaanngilaq. § 3 b. Qularnaveeqqusiussaqaarluni taarsigassarsiniarnermut allagartaq tuniniarneqarsinnaasoq nalunaarsorneqarsimasorlu, pigisanut aalaakkaasunut tamanut inatsisinut tunngatillugu eqqartuussivikkut nalunaarsukkani piginnaassuseqartitaasumit pigisassanngorlugu tunniunneqarp qularnaveeqqusiunneqarpalluunniit, aamma pissarsisoq ajortussamik isumaqarani tunniussineq nalunaarsortissimappagu, akiitsulimmit akerliliissutit, akiitsut allagartaat pillugit inatsimmi § 15, imm. 1-imi ilaatinneqartut arlaannaannilluunniit atuutitsivigineqarsinnaanngilaq. <i>Imm. 2.</i> Akiitsut allagartaat pillugit inatsimmi § 16 malillugu, akiitsullip akerliliissutini nammineerluni ajortussamik isumaqarani pissarsisumut pigiinnassavai. Akiitsut allagartaat pillugit inatsimmi § 17 malillugu tamanna akiitsullip akerliliissutaannut aamma atuuppoq. § 3 c. Qularnaveeqqusiussaqaarluni taarsigassarsiniarnermut allagartaq tuniniarneqarsinnaasoq
--	--

	nalunaarsorneqarsimasorlu, pigisanut aalaakkaasunut tamanut inatsisinut tunngatillugu eqqartuussivikkut nalunaarsukkani piginnaassuseqartitaasumit pigisassanngorlugu tunniunneqarp qularnaveeqqusiunneqarpalluunniit aamma pissarsisoq ajortussamik isumanani pisinnaatitaaffimminik nalunaarsuisitsisimappat, pigisanut aalaakkaasunut tamanut inatsisinut tunngatillugu eqqartuussivikkut nalunaarsukkat malillugit piginnaassuseqartitaasup nammineersinnaassuseqannginnera imaluunniit qularnaveeqqusiussaqarluni taarsigassarsiniarnermut allagartamik atuisinnaannginnera, pissarsisup pisinnaatitaaffiitut akornutaanngilaq. § 3 d. Akiligassalik pisassanik, nalimmassaarinermit atorneqarsinnaasunik peqartoq, aamma akiligassalik nalimmassaarisinnaanermut akornuserneqarp, akiligassalik tunniussinermit annaasaqassasoq, pissarsisup nalunngippagu, inummut, qularnaveeqqusiussaqarluni taarsigassarsiniarnermut allagartamik tuniniarneqarsinnaasumik piginninnermik imaluunniit qularnaveeqqusiinnermik tunniussineq pillugu nalunaarsuisitsisimasumut, tunniussisup pisassanik nalimmassaaneq akiligassallip taamaallaat piumasaqaatigisinnaavaa. <i>Imm. 2.</i> Qularnaveeqqusiussaqarluni taarsigassarsinermit allagartamit pisassat pillugit inatsisitigut pissutsinit taakkuninnga aallavilinnik, pisassanik nalimmassaarisinnaaneq, pissutsinit taakkununnga akerliliisoqarsinnaanera pillugu malittarisassanit malitseqartitsinerit allat malitseqartitsissutaanngippata, taamaattoq taamaakkaluartoq tunniussinermit atatiinnarneqassaaq.
--	--

	taamaallaat akiligassaminik akiliinissaminut pisussaataaavoq. § 3 g. Qularnaveeqqusiussaqlarluni taarsigassarsinermi allagartaq tuniniarneqarsinnaasoq nalunaarsorneqarsimasoq malillugu akiligassallip ulloq akiliiffissaq sioqqullugu akilersuutit akilerpagit, matumani immikkut ittumik akilersuutit ilanngullugit, matumuuna qularnaveeqqusiussaqlarluni taarsigassarsinermi allagartap nalunaarsorneqarsimanerata tamanna naapertorlugu allanngortinneqarnissaa piumasaqaatigisinnaavaa. Akiligassalik piffissaq akiliiffissaq, qularnaveeqqusiussaqlarluni taarsigassarsinermi allagartaq malillugu akiliiffiususaaq, qaangerlugu akilersuutininik akiliippat, akiligassallip immikkut ittumik akilikkat uppersaataannik taamaallaat piumasaqarsinnaavoq. <i>Imm. 2.</i> Akiligassaqraneq atorunnaarsinneqarsimappat, qularnaveeqqusiussaqlarluni taarsigassarsinermi allagartap nalunaarsorneqarsimanerata nungutinneqarnissaa, akiligassallip piumasarisinnaavaa. Akiligassaqraneq isumaqatigiissuteqarnikkut, nalimmassaarinissaa pillugu nalunaaruteqarnikkut, eqqartuussutikkut imaluunniit taamaatitsinikkut allanngortinneqarsimappat, akiligassallip tamatuma nalunaarsorneqarnissaa piumasarisinnaavaa.«
§ 4. Nalunaarsoqqusilluni qinnut landtsretimut tunniunneqassaaq. Nalunaarsuisarnerup inatsisitigut sunniutissariligai tigusaqrarnerup ulluanit naatsorsorneqassapput. <i>Imm. 2.</i> Nalunaarsuinermit periaasiusussat pillugit maleruagassiat erseqqinnerusut ministerimit aalajangersarneqartussaapput.	4. § 4, imm. 1-imi oqaaseqatigiit 1.-mi, »landsretimut« imatut allanngortinneqassaaq: »Nunatsinni Eqqartuussivimmut«. 5. § 4, imm. 1-imi oqaaseqatigiit 2.-ani, »tigusaqrarnerup ulluanit« imatut allanngortinneqassaaq: »tigusaqrarnermit«.

	6. § 4, imm. 2-mi, »ministerimit« imatut allanngortinneqassaaq: »inatsiseqarnermut ministerimit«. 7. § 4, imm. 2-mi, oqaaseqatigiit 2.-tut ilanngunneqassaaq: »Matuma ataani nalunaarsuisarnerup digitaliusumik takussutissiat tunngavialugit pisinnaanera, taaneqartut pillugit pisussaajunnaarsinneqarneq, nalunaarutiginnittartut akuerisaasut pillugit aamma pisinnaatitsissutit pillugit, inatsiseqarnermut ministeri malittarisassanik aalajangersaasinnaavoq. Tassunga atatillugu Nunatsinni Eqqartuussiviup inunnik paasissutissanik suliarinnittarnera aamma Tinglysningsret-imut ingerlatitseqqittarnera, matumani inuit-normuinik suliarinninneq ilanngullugu, pillugit malittarisassanik erseqqinnerusunik Inatsiseqarnermut ministeri aalajangersaasinnaavoq.«
	§ 4
	Aappariinnermi inatsisitigut kingunerisassat pillugit inatsimmi, inatsisikkut nr. 150, 31. marts 1993-imeersukkut Kalaallit Nunaannut atuutilersinneqartumi, inatsisikkut nr. 103, 3. februar 2016-imeersukkut allanngortinneqartumi aamma inatsimmi nr. 414, 25. april 2023-meersumi § 6-ikkut allanngortinneqartumi, allannguinerit tulliuttut suliarineqassapput:
§ 37. Aappariit pigisanut tunngasutigut isumaqatigiissutaat atortuutinneqassaguni nalunaarsorneqassaaq. Nalunaarsuisarnerit tamanullu nalunaarutiginnittarneq pillugit peqqussutininik landsdommeri aalajangersaassaaq.	1. § 37-mi oqaaseqatigiit 2.-at atorunnaarsinneqassaaq.